





Ex Bibliotheca
majori Coll. Rom.
Societ. Jesu

13-22. c. 23.

20

26











DIVERSORVM

IVRIS ARGVMENTORVM,

LIBRI TRES.

AVCTORE DOCTORE GONCALLO

Mendez de Vasconcellos & Cabedo.

Olim Collega in Collegio S. Pauli Academiæ

Conimbricensis, & in eadem Cathedræ

Sexti libri Decretalium, & Decre-

ti publico professore.

Nunc vero Referendario vtriusque signaturæ S. D. N.

Senatore Regiæ supplicationis Missipponensi, & Ca-

pituliensi doctorali in insigni Ecclesia Eborensi.




Biblioth.

Coll. Rom.

Secr.

Loc. Des.



R O M A E,

²¹

Apud Dominicum Basam. M. D. CXVI.

SVPERIORVM PERMISSV.

*Ego Doctor Franciscus Lamata legi praesentem li-
brum diversorum argumentorum Iuris, ex commis-
sione Reuerendissimi Magistri Sacri Palatii, in quo ni-
hil reperi Fidei, & bonis moribus contrarium. quare
censeo posse imprimi. Roma die 4. Maij. 1596.*

Franc. Lamata Doctor Theologus.

*Ego Magister Frater Ludonicus de Beja Perstrel-
lus Illustrissimi Cardinalis Paleoti Theologus ex com-
missione Reuerendissimi Magistri Sacri Palatii vidi,
& perlegi hunc librum, nihilq. in eo reperi quod Fi-
dei aut bonis moribus repugnet, famamve Principum
aut eorum auctoritatem laedat: Sed omnia docte, &
magno cum ingenio, & eruditione disputata, & defi-
nita dignaeq. esse, ut Typis mandentur. In quorum fi-
dem subscripsi. Roma die 12. Februarij 1596.*

Idem Magister Frater Ludonicus.

BEAT.^{MO} ET SANCT.^{MO}

P A T R I D. N.

CLEMENTI VIII.

PONT. OPT. MAX.

GONCALLEVS MENDEZ

de Vasconcellos perpetuam
fælicitatem exoptat.



*VM à Rege nostro
Catholico potentis-
simoque PHILIP-
PO missus essem Ro-
mam, ut rem Lu-*

*sitanicam agerem coram S. V. &
vehementer desiderarem aliquot
mea in lucem edere, constitui li-
bros tres diuersorum Iuris Argu-
mentorum typis statim mandare,*

mox (Deo iuuante) editurus non-
nullos de sententijs sanctæ Inqui-
sitionis, quorum materiam in Aca-
demia Conimbricensi iamdiu di-
scipulis meis explicaueram. Ete-
nim, si verum fateri licet, aliquot
me fere inuitum impulerunt, vt
Museum meum relinquerem, quo
iucunde Eboræ fruebar, ingenio-
que ad scribendum propentissimo:
præceptum scilicet, Catholici Re-
gis me nihil tale cogitantem, ad
hanc rem eligentis, a quo non po-
tuisset quispiam iure excusari,
præsertim ego ipse, qui illius Ma-
iestatem summe colo ac obseruo ob
multa virtutum præconia, præci-
pue ob religionis obseruantiam,
& summam Romanæ Ecclesiæ
obe-

obedientiam , ac studium incre-
dibile conseruanda Iustitiæ (sine
quibus diu status Reipublicæ sal-
uus esse non potest). Alterum
erat quod sentirem maximam
mihi offerri occasionem typis ex-
cudendi lucubrationes meas Ro-
mæ , ubi ad eam rem omnia ne-
cessaria reperiuntur . Tandem
omnino impulit fama , quæ apud
nos increbruerat , te , scilicet , stu-
diosorum esse Mecenatem opti-
mum . Igitur mihi Romam ad-
uentanti , deliberantique cuinam
primos hos tres libros cōsecrarem ,
occurrit statim Sanctitas Vestræ :
solent enim plerique sua illis dica-
re , qui vel in ipsos beneficia con-
tulerunt , vel ita de litteris beneme-

riti sunt, ut quidpiam litterarum
illis merito dicandum sit. Sane
si illud aspiciamus; Sanctitas Ve-
stra me omni genere benevolentiae
excepit; & officijs ac beneficijs de-
coravit; si hoc, quis non videt, ne-
mini me potuisse mea (quaecunque
sint) dicare, nisi tibi uni, qui in-
ter Iurisperitos peritissimus, &
inter bonarum litterarum doctos,
doctissimus Ecclesiae Catholicae me-
rito praesides. Nec temeritatis no-
tam incurrere verebar, quod in
Curia parum versatus Pontifici
Maximo tam exigua dicare
vellem: Cum enim statim beni-
gnitatem tuam agnoscerem; intel-
lexi plane beneuolo animo acceptu-
rum, quicquid tibi studiosus ali-

siue

quid

quid dicaret : Incitabat etiam
Nepotum Illustrissimorum & Reue-
rendissimorum Cardinalium Petri
Aldobrandini & S. Georgij (ve-
luti syderum) benignitas, quæ ita
animos omnium, qui in Curia ver-
santur, allicit, et pene metuentes ac
timidos erigit, magnaq. spæ refouet,
ut nemo possit dubitare, quin bene-
uoli animi apud summum Pontifi-
cem, & ipsos magnam gratiam
sint consecuturi. Sic profecto mi-
randum non est, si sub tanto Ponti-
fice & benemeritis Nepotibus res
ecclesiasticæ tam bene sint consti-
tutæ, ut etiam maleuolis omnis
tollatur occasio detrahendi, et ma-
gis ac magis res Christianorum
feliciter succedant: nam & Hæ-

retici debellantur ; Turce occi-
duntur capta Strigonia, multis ci-
uitatibus destructis , & propu-
gnaculis euersis : Mauri in In-
dia a paucis nostris Lusitanis ad
internecionem delentur . Faxit
Deus optimus & Maximus , ut
te incolumi , & Nepotibus sal-
uis diu feliciter fruamur . Ita
enim fiet , ut nostra tempora cum
illis antiquioribus , in quibus Eccle-
sia florebat , facile comparentur .
Roma , Kal. Octobris . Anno sa-
lutis . M. D. XCVI.

* Licen-

M Andato Serenissimi Principis Alberti, Archiducis Austriae, S.R.E. Cardinalis, & Inquisitoris generalis huius regni sedula, qua potui euolui diligentia librum hunc, auctore clarissimo doctore Gonçallo Mendez de Vasconcellos, & nihil in eis est (mea sententia) quod, vel bonos mores, vel Christianam pietatem offendat, Omnia enim sunt orthodoxa, & singulari eruditione, & rerum varietate scripta, ac proinde digna iudicio, quæ in publicam vtilitatem excudantur.

Fr. Bartholomæus Ferreira.

elle, & selhe dar licenca pera correr. Em Lisboa aos xxvj. de Janeiro de 1593.

O Bispo de Elvas.

Diogo de Sousa.

Imprimase, O Bispo Conde.

O suplicante pode imprimir este livro que foy visto na mesa, vista a licenca do sancto Officio, pera o que se lhe passara prouisam na forma ordenada, em Lisboa a 6. de Abril de 93.

Damiano de Aguiar.

Pireira.

Este livro foy visto na mesa, & taxado a duzentos rs. em papel & não se podera vender, no tempo que durar o privilegio, por maior prezo. Em Lisboa a xij. de Maio de 93.

Diogo Lameira.

Pireira.

PRIVI-

PRIVILEGIO.



V el Rei fazo saber aos que este aluara virem que auendo respeito ao que na petizão a traz escripta diz o Doctór Gonzallo Mendez de Vascôcellos Conego na See da cidade de Euora, & por lhe fazer merce ei por bem & me praz que por tempo de dez annos. Imprimidor nem liureiro algum nem outra pessoa de qualq̃uer qualidade que seja não possa vender ne imprimir en todos meus Reinos & senhórios de Portugal, nem trazer de fora delles o liuro intitulado *Diuersorum iuris argumētorum*, que elle compo, saluo a quelles Imprimidores, liureiros, & pessoas que pera isso tiuerem seu poder & licenza, & qualquer Imprimidor, liureiro, ou pessoa que durando o dito tempo imprimir, ou vêder o dito liuro nos ditos meus Reinos & senhórios, ou trouxer de fora delles sem licenza do dito Gonzallo Mendez perdera pera elle todos os volumes que assi Imprimir, vender, ou de fora trouxer, & alem dislo encorrera em pena de cincoenta cruzados ametade per a minha camara, & a outra ametade pera quem o acusar. E mando a todas as justizas a que este aluara for mostrado, & o conhecimento pertencer, o cumprão & facão inteiramente cumprir & guardar como se

mo se nelle conthem, o qual me praz que val-
ha como carta feita em meu nome, por mi af-
finada, sem embargo da Ordenação do se-
gundo livro titulo xx. que o contrario dispõe
Ambrosio de Aguillar o fez, em Lisboa,
a onze de Abril de 1593. & eu Francisco Nu-
nez de Pavia o fiz escreuer.

o Eo dito liuro foy visto na mesa do despa-
cho dos meus desembargadores do pazo, &
esta taxado a duzentos rs cada volume en pa-
pel, durando o tempo do priuilegio neste al-
uara declarado se não podera vender o di-
to liuro per maior preço dos ditos duzentos
rs em papel, & este aluará será impresso no
principio do dito liuro, & sem elle ahi ser tres
ladado não podera correr.

Rey.


ILLVSTRISSIMO PRÆSVLI
D. Georgio de Attayde PHILIPPI
Regis Catholici rerum Regni Lusitaniæ Consiliario, & Capellano maiori, Tribunalique mensæ conscientiae, & ordinum militarium præsididignissimo.

Doctor Gonçallus Mendez de Vasconcellos & Cabedo perpetuam felicitatem exoptat.




Transactis. viginti circiter annis, Præsul Illustrissime, quos in euoluendis iuris vtriusq. authoribus consumpsimus, depositis quotidianæ prælectionis curis, in qua ferè per decennium in insigni Conimbricensi Academia elaborauimus: nacti aliquantulum liberius otium, (& si non parum occupati quotidiano huius almæ Eborensis Ecclesiæ obsequio, ac sanctæ Inquisitionis munere:) constituimus aliqua opera diligentius elimare, vt typis mandari possent. Hanc igitur aggredienti curam occurrit in primis tractatus quidam a me horis subcisiuis concinnatus, qui de diuersis iuris argumentis inscribitur, quem primum in lucem edere decreui, mox reliquos editurus

rus si per tempus licuerit. Huius nostri la-
boris primitias tibi offero, Præsul Illustrissi-
me, quod te nostrorum studiorum fautorem, &
Mæcenatem iamdiu senserim, atque re ipsa
sim expertus, licet enim intelligam, quam
exiguum ac tenue hoc opus sit, vt tibi dedi-
cari debeat, viro in tã excelsa dignitatis gra-
du constituto, nō tamen me laet, quam gra-
tus tibi esse soleat (pro tuo incredibilem erga
litteras amore) illorum animus, qui tibi qua-
lescunque vigiliarum suarum, & lucubratio-
num primitias, libenti ac beneuolo animo
offerunt, Vale, Præsul Illustrissime, Ebo-
ræ vij. Idus Decembris M. D. XCI.



EPIGRAMMA AD
AUCTOREM
GONCALLVM MENDEZ
DE VASCONCELLOS.

Hic tibi praeipue, lector, sit cura libellus,
Quem Vasconcelli maxima musa dedit.
Parnasi flores affert, arcanaque iuris
Pandit in accessas pandit & ille vias.
Si te iusta tenet dominorum Curia forsan
Accipe cauidici dogmata mille fori:
Si magis oblectant Gymnasia, disce profundos
Totius iuris, difficilesque locos.
Illum doctrinae studium, virtutis amorque
Abiecta iamdudum ambitione tenent:
Scilicet hoc magno Conimbrica gaudet alumno,
Nato Cetobrix, Eborae ciue suo.



EPICURAE AD
TACITO CORDE MENS BENE
Conscia conseruat patientiam.



Absit decus per dedecus acquirere.

DIVERSORVM
IVRIS
ARGVMENTORVM
LIBER PRIMVS.




SVMMARIVM EX CAPITE PRIMO

- 1 Referuntur argumenta probantia Vicarium Epi-
scopi præferendum esse in sessionibus capitulo.
- 2 Contraria opinio approbatur.
- 3 Referuntur argumenta probantia capitulum
præferendum esse Vicario.
- 4 Redditur responsio ad argumenta contraria.
- 5 Licet Vicarius faciat vnum tribunal cum Epi-
scopo, non propterea illi debetur tantus honor,
quantus Episcopo debetur, cum inter eos di-
uersa ratio reperiatur.
- 6 Maior honor debetur personæ, quàm ei qui eam
personam repræsentat.
- 7 Appellatione generis veniunt omnes species
qualificatæ ex verbi significatione, aliquando
tamen ex intentione proferentis non veniunt.
- 8 Henricus de Synodo 3. par. à nu. 10. (qui vide-

- batur contraria asserere) reducitur ad concordia.*
 9 Canonici Ecclesiarum collegiatarum item Ecclesiarum suffraganearum, item Canonici Ecclesie cathedralis, alterius prouinciæ, si in Synodo adsint, non debent præferri Vicario Episcopi.

CAPVT PRIMVM.



ALIQVANDO dubium fuit in hac insigni Ecclesia metropolitana Eborensi, dum synodus celebranda foret, an Vicarius præcedere deberet capitulum, an vero è contrario capitulum Vicarium. Consultus in hoc dubio, dicebam probari posse Vicarium præferendum esse tribus fundamentis: primo, quia Vicarius exercet iurisdictionem Episcopi, & facit cum eo vnum tribunal cap. 2. de consuetudine in 6. vnde debet iuxta illum sedere, nam cum illius vices gerat, & quasi in eius locum sit substitutus, eius sapit conditionem, iuxta vulgare axioma, quòd subrogatus sapit naturam eius, in cuius locum subrogatur, l. si eum. 10. §. cui iniuriarum. ff. Si quis cautionibus. §. fuerat. instit. de actionibus cum vulg. Cum igitur Vicarius sit in locum Episcopi substitutus, ac subrogatus, eius conditionem sapit, & ita illis, quibus Episcopus præfertur, Vicarius præferendus est. Secundo facit, quòd
 repræ-

repræsentans aliquem afficiendus est eodem honore quo erat afficiendus ille, quem ipse repræsentat, cap. præcipimus. 93. distinctione. Adiuncto dicto celebri Roman. in singul. 340. id clare asserentis. Hinc est, quòd licet Episcoporum maxima sit dignitas, maximus honor, tamen quando in negotijs fidei concurrunt cum Inquisitoribus, præferuntur inquisitores, cū summum Pontificē in ea causa specialiter repræsentent, quorum sunt delegati, Eymericus in directorio 3. par. quæst. 50. num. 3. vltra antiquiores, Carrer. in pract. crim. tit. de hæret. num. 7. Locatus, in iudiciali Inquisitorum. verb. Inquisitor. num. 7. Franciscus Pegna, vir satis doctus, & diligens, lib. 3. adnotationum in directorium, quæst. 5. num. 4. Campegius ad Zanchinum, cap. 8. vers. Episcopus. & hæc est verior, & communis opinio (licet alij contradicant) vt ostendemus, lib. 1. sententiarum Inquisitionis, cap. 4. Tertio facit id, quod consuluit Abb. in consil. 21. 1. par. & dicta per Felinum, & alios quos refert Cassaneus in Catalogo gloriæ mundi, 4. par. consideratione 50. Vicarium scilicet præferendum esse omnibus clericis suæ diœcesis, ergo & canonicis Ecclesiæ cathedralis: quia appellatione generis, idest clericorum, veniunt species quantumcumque qualificatæ, & ita canonici Ecclesiæ cathedralis, cap. primum, & ibi nota-

4 DIVERSORVM IVRIS ARGVM.

tur, de præbend. cap. si sententia. 16. de sententia excomm. lib. 6. l. Si duo. 52. ad fin. ff. de administratione tutorum, l. Si chorus 77. ff. de leg. 3. optimus textus in specie in c. cum tibi. 18. de verbor. significatione, & ita hanc opinionem tenuit Reuerendissimus Episcopus Franciscus Sarmiento lib. 7. selectarum, cap. 17. & in eam videtur inclinare Henricus de synodo 3. par. a num. 10. vbi ait primo loco sedere Episcopum. 2. Abbates. 3. Vicarium, & in nono loco collocat canonicos Ecclesiæ cathedralis: ergo aperte sentire videtur, vicarium præferendum esse capitulo Ecclesiæ cathedralis.

2 His tamen non obstantibus contrarium dicendum est, immo capitulum debere sedere iuxta suum Episcopum, & præferendum esse Vicario Episcopi.

3 Primo, quia Episcopus facit vnum corpus cum suo capitulo, cuius corporis Episcopus caput est, Canonici autem membra, cap. nouit. 4. de his quæ fiunt a prælat. sine consensu capituli, gl. memorabilis in cap. irrefragabili. verb. per capitulum de off. ord. vnde quemadmodum in corpore humano non potest caput esse diuisum ab alijs membris, nec membra a suo capite, ita nec in illo corpore mystico. Valet enim argumentum de corpore naturali ad corpus mysticum, iuxta S. Paul. Prima ad Corint. cap. 12, B. Thomas com-

muni-

muniter receptus, 3. par. quæst. 8. art. 1. intendit Summus Pontifex in cap. cum non liceat de præscript. Secundo pro hac opinione vrget, quia quemadmodum absurdum est dicere Vicarium præcedere Episcopum, ita etiam absonum, & inciuile est affirmare, Vicarium præcedere capitulum. ratio huius rei est, quia in illis rebus, in quibus fit repræsentatio totius Ecclesiæ Episcopalis, non solum Episcopus facit eam repræsentationem, sed Episcopus, & capitulum simul, Episcopus quidem vt caput, capitulum vero vt membra, cap. scire, 7. quæst. 1. gl. in cap. requisisti. verbo exprimat de testam. notat Cassaneus in catalogo gloriæ mundi, 4. part. confid. 32. vers. 4. pro hac parte facit. Et hinc est quòd relictum Episcopo censebatur relictum capitulo, & e conuerso, cap. requisisti, de test. quia, & si Episcop. non significet capitulum, tamen quando bona non erant diuisa, & Episcopo aliquis quidpiam relinquebat, in dubio censebatur illi relictum, tamquam capiti Ecclesiæ; cum igitur membra debeant participare, censebatur etiam capitulo relictum, dicto cap. requisisti, de testam. quod sic intellige, idque intendit Innoc. in cap. dilecti, num. 1. de maior. & obed. vbi Pan. nu. 3. & alij, ob id asserentes dignitatem Episcopalem esse communem Episcopo, & capitulo. Quibus consequens est, recte consuluisse

se Felin. quem citat Cassaneus vbi supra, dum dixit capitulum Ecclesiæ cathedralis præferendum esse capitulo Ecclesiæ collegiatæ in propria Ecclesia collegiata, faciens hanc consequentiam: Episcopus præferendus est capitulo Ecclesiæ collegiatæ in propria Ecclesia collegiata: ergo, & capitulum Ecclesiæ cathedralis, & ita absque dubio similiter inferret Felinus: Episcopus præcedit Vicarium, ergo & capitulum Ecclesiæ cathedralis debet præcedere Vicarium. Propter quas rationes cuilibet videbitur iure factum fuisse in synodis celebratis in hac insigni Ecclesia, Eborensi, metropolitana, semper capitulum non solum Vicarium, sed & Episcopos suffraganeos præcessisse, ac Abbates, cum enim Archiepiscopus eos præcederet, & capitulum eos iure optimo debet præcedere, licet ob reuerentiam dignitatis Episcopalis factum sit, vt ex vna parte Archiepiscopus cum suo capitulo sedeat, & ex alia Episcopi suffraganei, & Abbates locum obtineant, & ita iure attento faciendum fore tradit Henricus vbi supra. Ratio est huius veræ conclusionis, quia scilicet capitulum huius Ecclesiæ Eborensis metropolitana facit vnum corpus cum Archiepiscopo, quod iure attento non potest diuidi; cum igitur absque vlllo dubio Archiepiscopus præcedat Episcopos suffraganeos, & Abbates, necesse est, quòd capitulum eos etiam præce.

præcedat, vt intendit Henricus vbi supra. Etenim si capitulum (vt diximus) præcessit Episcopos suffraganeos, & Abbates, idque iure attento fieri plane docuimus, Henricus vero vbi supra ait, dictos Episcopos suffraganeos, & Abbates debere præcedere Vicarium, ergo capitulum debet præcedere Vicarium iuxta illud axioma, quod si vinco vincentem te, a fortiori vincam te. leg. in accessionibus, ff. de diuersis, & temporalibus præscriptionibus, adiuncta doctrina, Bart. in leg. Claudius, num. 2. ff. qui potiores in pignore habeantur.

Tertio facit, quod Episcopus cum capitulo solet comparari cum summo Pontifice, & Cardinalibus, sic sane quemadmodum Papa concurrit cum omnibus ordinarijs, ita etiam Episcopus cum omnibus Abbatibus, & parochis suæ diocesis, Cassaneus in catalogo gloriæ mundi, quarta parte, consideratione septima. & quemadmodum Papa vocat Cardinales fratres, ita Episcopus vocare debet canonicos fratres capitul. Primum de offic. leg. in 6. adiunctis notatis per Alfonsum Guerro virum variæ lectionis, in thesauro Christianæ religionis cap. 3. num. 5. asserentem eodem modo debere Episcopos vocare suos Canonicos, ac tractare, intendit Concilium Tridentinum sessione 13. de reformatione, cap. 1. quam æquiparationem fere in termi-

nis facit Cassaneus vbi supra vers. tertio Canonici. Clarum autem est, & perspicuum, nec in concilijs generalibus, nec in alijs congregationibus factis a summo Pontifice præcedere aliquem Illustrissimos, & Reuerendissimos Cardinales, nec idem Vicarius Papæ, de quo loquitur text. in cap. sua nobis, de officio Vicarij, licet in vrbe Romana summi Pontificis vices gerendo eius iurisdictionem exerceat, ideoque cū summus Pontifex cum Cardinalibus id obseruet, Episcopi cum Canonicis suis, similiter obseruare debent: consuetudines enim deriuandæ sunt de capite ad membra, cap. cum non licet, de præscriptionibus intendit Antonius a Gamma iuris sciētia, & senatus Palatini dignitate insignis, decisione prima, num. 7.

Quarto facit pro hac sententia, consilium Panor. quod extat in suis consilijs 21. 1. par. in quo per multas rationes ostendit, Vicarium debere præcedere Archidiaconū, idem faciunt Henricus, & Cassaneus vbi supra, quod minime necessarium fuisset, si Vicarius præcederet capitulum: etenim si id verum esset, necessario fatendum erat sine vlllo dubio Vicarium præcedere Archidiaconum, ne sequeretur inconueniens, quòd pars, nempe Archidiaconus, dignior esset toto, idest capitulo, quod constat ex Canonicis, & dignitatibus, quarum aliqua regulariter Archidiacono-

diaconum præcedunt, vt Decanus, & Cantor. ergo clarissime constat prædictos doctores absque dubio sensisse, Vicarium non præcedere capitulum; alias enim relictis omnibus rationibus, & fundamentis, solum illud vnum afferrent, quòd Vicarius præcedebat capitulum, ergo multo magis Archidiaconum. Cum igitur eo argumēto non vsi fuerint, satis probabiliter existimare possumus illos non putasse, Vicarium debere præcedere capitulum.

Quinto facit, quòd ille, qui maiorem dignitatem habet, præcedere debet, dignitas enim vt plurimum consistit in prærogatiua prius sedendi, incedendi, loquendi, & subscribendi, cap. Episcopus, 16. distinctione, leg. 1. & 2. ff. de albo inscribend. gloss. in cap. bene quidem, verb. Mediolanensis, 96. distinctione, Abb. in dicto consilio 21. num. 1. 1. parte. Cassaneus vbi supra, num. 1. Lara in leg. si quis a liberis, in princip. num. 21. ff. de liberis agnoscendis: at capitulum Ecclesiæ cathedralis magnam habet dignitatem, & præminentiam, vt patet. constat enim ex multis dignitatibus, & Canonicis, quorum maximus est honor, & prærogatiua, Staphileus de litteris gratiæ, titulo de gratijs expectatiuis, num. 61. inuant, cap. quamuis, 6. quamquam, de præbend. in 6. & ita hanc opinionem, quòd scilicet capitulum præferatur

Vica-

Vicario, amplectuntur doctores communi-
ter. Dominic. in dict. cap. quamvis, §. quam-
quam, num. 3. de præben. in 6. asserens Ca-
nonicos in processibus præferendos esse
Abbatibus, adiuncta opinione Henrici, de
synodo, 3. par. a num. 10. affirmantis, Abba-
tes debere præcedere Vicarium. qui Henri-
cus in dicto loco, num. 16. clarissimis verbis
asserit capitulum præferendum esse Vicario,
nullum doctorem in contrarium allegans.
Cassaneus in catalogo gloriæ mundi, 4.
parte, consideratione 32. vers. sed intellige.
Menochius vir apprimè doctus, lib. 1. consi-
lio 51.

- 4 Nec obstant fundamenta aduersæ opinio-
nis, non primum de Vicario faciente vnum,
& idem tribunal cum Episcopo. Nam diuersa
sunt esse Episcopum, & exercere eius iurisdic-
tionem, Episcopis enim primi honores de-
bentur, quia habent supremam dignitatem,
& officium prope diuinum, quod non inspi-
cimus in Vicarijs illis, qui iurisdictionem
eius exercent. Nec Panormitan. in dicto
consil. 21. num. 1. prima parte, id dicere vo-
luit, sed ponderat Vicarium facere vnum tri-
bunal cum Episcopo, & eius iurisdictionem
exercere, vt propter illam qualitatem, quæ
non levis est, præcedat Archidiaconum, non
vero ad hoc vt propterea debeat sedere pri-
mus post Episcopum, quia etiam legatus de
latere

latere exercet iurisdictionem summi Pontificis in prouincia sibi commissa, non tamen ob id si in eadem prouincia summus Pontifex cum Cardinalibus consistorium faceret, Legatus de Latere præferretur omnibus Cardinalibus, idemque assero de Vicario Papæ, qui Romæ exercet iurisdictionem summi Pontificis, nec tamen ob id præfertur Cardinalibus, admissa comparatione de summo Pontifice, cum Cardinalibus ad Episcopum cum suis
5 Canoniciis. Si enim consideremus Vicarium præferendum esse, quia idem consistorium faciat cum Episcopo, & ita tãquam ipsum Episcopum honorandum esse, asserendum foret Vicarium Archiepiscopi debere præcedere Episcopos suffraganeos, & Abbates in Concilio prouinciali, quod negant doctores supra allati, & consuetudo apud nos non admittit. Nec aliquem moueat quod Vicarius subrogatur in locum Episcopi, & ita eius conditionem debet sapere, nam illud axioma intelligendum est quando inter subrogatum, & illum, in cuius locum subrogatur, non est diuersa ratio, nec in eisdem datur diuersa qualitas, leg. 1. §. si quis autem, ff. successorio edicto, leg. 1. §. hæc actio, ff. si quis testamento liber esse iussus fuerit: & est elegans doctrina, Bald. in leg. certum, num. 22. Cod. vnde legitimi. Refert plures in eandem sententiam Menochius de arbitrarijs iudicum causis.
quæst.

quæst. 54. num. 36. lib. 1. Item procedit dictum axioma, quando id, quod disponitur in subrogato potest adaptari ei, in cuius locum subrogatur, Bartol. in leg. liberorum, num. 15. ff. de verborum signification. Peralta in leg. Lucius, in prima, num. 17. ff. de leg. 2. & Luce meridiana clarius est, qualitatem, propter quam Episcopi primū locum, & primos honores obtinent, non posse adaptari eius Vicario, & ita non debet tamquam Episcopus honorari, vt in terminis hanc rationem assignans tradit Andreas Alciat. vir. eminentis scientiæ, in Rub. de offic. ord. num. 28.

- 6 Non obstat secundum argumentum deductum ex capite præcipimus, 93. distinctione, quia licet Roman. vbi supra dicat per illum text. vicegerentem alicuius honorandum esse quemadmodum ille, cuius vicem gerit, honoratur, & repræsentantem aliquem tamquam repræsentatum: tamen id falsum est regulariter. Nam text. solum probat honorandum esse tamquam personam repræsentantem aliquam personam grauem, & qualificatam, vt melius cum iudicio aduertit, Dec. in Rub. de offic. deleg. num. 2. Staphileus de litteris gratiæ titul. de modo, & forma impetrandi, §. transeo, numer. 12. Cassaneus in catalogo gloriæ mundi, quarta parte, consideratione 46.

Illud tamen certum est delegante Episcopo ali-

po alicui actum celebrandi synodum, propter absentiam, vel iustam causam, delegatum ad illum actum, siue sit Vicarius, siue alius, omnibus præferendum esse, & in loco Episcopi delegantis debere sedere, quia in eo actu specialiter eum repræsentat, & ita debet fere honorari, tamquam persona repræsentata, idest Episcopus, in quo casu intelligendus est text. in dicto capitulo præcipimus, & opinio Roman. ubi supra. Sic procedit opinio communis doctorum assentientium, Inquisitorem in negotijs fidei præferendum esse Episcopo, vt supradiximus, Vicarius autem exercens iurisdictionem Episcopi, nec tam exacte eum repræsentat, nec est ab eo delegatus, sed solum ordinariam Episcopi iurisdictionem, exercet, vt communiter tradunt doctores in Rubric. de offic. delegat. & de offic. ord. alias, si ea repræsentatio tam exacta foret omnibus præferretur Vicarius, quod tamen doctores supra allegati non admittunt.

- 7 Non obstat tert. & vltimum fundamentum, nam licet appellatione generis veniant omnes species qualificatæ ex verbi significatione, tamen aliquando non comprehenduntur, ex defectu intentionis, cap. quamvis, 4. 9. quamquàm de præben. in 6. cap. Inquisitores, de hæretic. eod. lib. & hinc est, quòd quando doctores dicunt, Vicarium præferendum esse
omni-

omnibus clericis, non comprehendunt canonicos per viam capituli congregatos, tum quia canonici sunt clerici qualificati, & ita non comprehenduntur appellatione clericorum regulariter, argumento text. in dict. 6. quamquam, dict. cap. Inquisitores: tum etiam (quod verius videtur) quia doctores eo modo loquentes, non loquuntur de clericis prout sunt in capitulo, vel collegio congregati, sed tantum de clericis tamquam personis particularibus, & seipsos tantum repræsentantibus: quo pacto etiam intelligenda sunt iura, cap. ult. 18. distinctione, vbi summus Pontifex ait Episcopum vocare debere omnes clericos diœcesis, ad publicanda coram illis statuta concilij prouincialis, nec loquitur text. de capitulo. Præsupponit enim prælatum debere esse iuxta suum capitulum, & capitulum prælatum suum debere sequi, non enim in illis actibus publicis pertinentibus ad Ecclesiam, potest interuenire Episcopus sine suo capitulo, iuxta cap. cum non liceat, de præscriptionibus: iuuat doctrina communis, quæ habet dispositionem simpliciter loquentem de personis, non comprehendere collegium seu capitulum, nisi expresse de eo mentio fiat, Roman. cons. 436. quem refert, & sequitur Gomes, in regul. de annali possessione, quæst. 12. vers. addo, tradit Bald. in l. omnes populi, num. 23. vers. sed numquid, ff. de iustitia, & iur.

& iur. sequitur Ioannes Arnon. Epitom. 17. iuuat gloss. in cap. fin. verb. debet de sup-
plend. neglig. Prælat. in 6. Quantum vero ad
doctores attinet, qui contrariam sequuti fue-
re opinionem, non inficior Reuerendissimum
Episcopum Franciscum Sarmientum, suo Vi-
cario fauisse, nego tamen Henricum de syno-
do vbi supra contraria dixisse, vt aliqui exi-
stimaunt, dum dicit post Episcopum debere
sedere canonicos per viam collegij congrega-
tos, & postea subdit, Vicarium debere præ-
cedere canonicos. Tunc sic arguunt, in synodo
non possunt esse canonici, nisi per viam capi-
tuli sint congregati, sed Henricus existimat
vicarios debere præcedere canonicos, ergo,
& capitulum. Sed non est verisimile doctorem
grauem in quattuor lineis, sibi contraria,
& aduersantia protulisse, illud verissimum est
Henricum pro comperto habuisse de iure
communi Episcopum posse facere synodum
sine capitulo, remota consuetudine, qua con-
trarium videtur esse inductum (cuius conclu-
sionis veritatem nunc minime examinamus)
& ideo per transennam dixit capitulum debe-
re sedere post Episcopum, quando synodo
adesset, vnde recensendo ordinem sedendi col-
locat canonicos post Vicarium, intellige
quando canonici non sunt congregati per
viam capituli, sed tamquam personæ priua-
tæ, quod fieri posse dixerat Henricus vbi su-
pra

pra secundo intellige dicta Henrici de canonicis Ecclesiarum suffraganeorum, qui ad synodum debent accedere iuxta cap. fin. de his quæ fiunt a prælatis sine consensu capituli. Item potes intelligere de canonicis alterius prouinciæ, & Ecclesiæ collegiatæ, nam hi omnes cum in synodo non adsint congregati, per viam capituli, post Vicarium sedere debent, non vero agit Henricus de canonicis sedentibus per viam capituli congregatis, quia in principio dixit illos debere sedere iuxta suum Prælatum.

SVMMARIVM EX CAP. SEQ.

- 1 Consultus fuit auctor an vacante sede Apostolica beneficia in mensibus reservatis vacantia ab ordinarijs possint conferri.
- 2 Regule cancellariæ sunt quedam mandata summorum Pontificum.
- 3 Mandatum morte mandantis extinguitur si res est integra.
- 4 Beneficia semel affecta, semper affecta censentur.
- 5 Mandatum morte mandantis non extinguitur si res non est integra.
- 6 Referuntur doctores, qui tenent beneficia semel affecta, semper censi affecta, licet reservatio cessauerit.



CONSULTVS fui in hac nobilissima Eborensi ciuitate, an beneficia vacantia in mensibus reſeruatis ſummo Pontifici, vacante ſede Apoſtolica, poſſent conferri per ordinarios? Primo vide-

- 1 batur, quòd ordinarij, ea poſſint conferre, nam regulæ cancellariæ, in quibus hæc menſium reſeruatio reperiſtur, ſunt quædam ſummorum Pontificum mandata, vt patet, & ita eius morte finiuntur, iuxta cap. ſi gratioſæ. de reſcript. in 6. l. mandatum, re integra, domini morte finitur, Cod. mandati, notat Rebuffus de reſeruacion. num. 25. Gomeſius in regul. cancel. in præm. verſ. ſed dubium; Quintilian. Mandosius in regul. cancell. regul. prima de reſeruacionibus. num. 6. Contrarium tamen reſpondi, ordinarios ſcilicet non poſſe conferre beneficia ſic vacantia, ex ea potiſſimum ratione, quia etſi reſeruatio prædicta per mortem ſummi Pontificis extincta ſit, tamen illa beneficia affecta ſunt, beneficia autem ſemel affecta per reſeruacionem ſummi Pontificis licet reſeruatio extingatur, ſemper manent affecta, vt interpretatus eſt Papa Paulus, id ipſum teſtante Gomeſio vbi ſupra verſ. & propter illud, de quo eſt Extrauagans ad Romani. de præben. in-


ter communes, vbi summus Pontifex Paulus, de consilio Illustrissimorum Cardinalium, cōstituit nullum posse disponere de beneficijs semel reseruatis a summo Pontifice, licet reseruatio per illius mortem extincta fuerit, ibi, Omnia, & singula beneficia Ecclesiastica, & sæcularia, & cuiusuis ordinis regularia, etiam si præpositatus, canonicatus, præposituræ, & præbendæ, dignitates, personatus, administrationes, vel officia fuerint: etiam si ad illa consueuerint, qui illis præficiuntur, per electionem assumi, eisque cura immineat animarum, vt præmittitur, reseruata, & per Romanos Pōtiffices successores nostros canonice intrantes in posterum reseruanda, ac etiam quouis modo vacantia, & in antea vacatura, per huiusmodi reseruationem, & decretum remansisse, & remanere semper affecta, nulloque de illis, cum primum vacare contigerint, præter eundem Romanum Pontificem, ea vice quouis modo disponere potuisse, siue posse, harum serie decernimus, & pariter declaramus. Hactenus summus Pontifex Paulus. Idem tenet Rota, de præben. decis. 31. in antiq. alias est. 554. & alibi sæpe, sentit Petr. Rebuff. & Quintilian. Mandosius vbi supra. Nec obstat difficultas supra proposita, quod scilicet regulæ cancellarię sint mandata summorum Pontificum, quæ eorum morte finiuntur iuxta cap. si gratiosæ, de rescriptis in 6. dicta

dicta l. mandatum. 15. Cod. mandat. Respondemus enim ea iura intelligenda esse, quando mandatum est re integra, vt text. inquit in d. l. mandatum. At in nostra specie iam non est res integra, cum affecta sint beneficia, & propterea declarauit summus Pontifex, cessante reservatione beneficia illa non posse conferri, nisi per summum Pontificem: præsertim, quòd licet concederemus rem esse integram, tamen fateri oportet in eo casu limitari regulam, cap. si gratiosæ. de rescript. in 6. dicta l. mandatum, ob id quod summus Pontifex ob causam constituit beneficia reservata semel per summos Pontifices, non posse ab alijs conferri, quàm per eosdem quantumcumque reservationes extinctæ fuerint, vt tenuerunt Rebuff. Gomesius, & Mandosius vbi sup. tex. optimus, secundum quem prædicta declaranda sunt in cap. si Apostolica. 35. & ibi notatur de præben. in 6. Vltimo addendum est, gl. summarij d. extrauagantis ad regimen de præben. inter communes id ipsum tenuisse, dum generaliter d. extrauagantem sumat, cuius sententia colligitur, ex rationibus positis a summo Pontifice in d. extrauag. nec conuenit verba simpliciter loquentia contra fauorem Sedis Apostolicæ, & curialium interpretari, ex qua interpretatione multæ lites oriri possent.

SVMMARIVM EX CAP. SEQ.

- 1 Proponitur facti species.
- 2 Refertur opinio Rebuffi existimantis renuntiantem simpliciter posse percipere fructus, quousq. Resignatarius non fuerit adeptus possessionem beneficii resignati.
- 3 Referuntur quattuor argumenta pro opinione Rebuffi.
- 4 Reprobatur opinio Rebuffi.
- 5 Differentia debet fieri in hac materia inter fructus extantes, & fructus consumptos.
- 6 In fructibus consumptis Rebuffus loqui intelligendus est, nam in illis potest esse dubium, in extantibus minime.
- 7 Prædicta opinio Rebuffi, nec in fructibus consumptis tenenda est.
- 8 Ad acquisitionem fructuum requiritur civilis possessio, & naturalis, vel saltem civilis.
- 9 Resignans beneficium in manibus superioris acceptantis resignationem, nec habet titulum, nec possessionem civilem.
- 10 Insistens beneficio post resignationem acceptatam a superiore non possidet beneficium legitime.
- 11 Titulus est de substantia beneficii, licet non sit de substantia fundi, ideo fundus potest possideri sine titulo, non sic beneficium.

- 12 Confirmatur opinio contra Rebuffum, iurium;
& doctorum auctoritate.
- 13 Redditur responsio ad argumenta contrariæ opi-
nionis Rebuffi.
- 14 Post renuntiationē admissam non datur in benefi-
ciario veteri resignāte possessio legitima beneficij.
- 15 Proponitur Rota intellectus.
- 16 Traditur verus intellectus ipsius Rotæ.
- 17 Traditur intellectus, leg. 2. Cod. si quis ignorans
rem minoris.
- 18 In beneficio resignato retinet resignans possessio-
nem coloratam, quæ sufficit ad restitutionem,
obtinendam, nec est illi necessaria noua colla-
tio, si resignatarius non ingrediatur possessionem
beneficij.
- 19 Defenditur Rebuffus.
- 20 Resignans post admissam renuntiationem potest
restitui, si spoliatur, & potest capere fructus,
sed postea tenetur eos resignatario, vel ei, cui
de iure competunt, restituere.
- 21 Idem dicendum est in renuntiatione in fauorem
certæ personæ nulla re addita, quod dicitur in
renuntiatione simplici.
- 22 Summus Pontifex potest reiicere quamcumque
conditionem in renuntiatione adiectam.
- 23 De stylo hodierno summus Pontifex non admit-
tit conditionem aliquam, ut patet in litteris be-
neficialibus ex eius narratione, cui standum est.
- 24 Traditur intellectus Clement. vnica. de renun-
tiatione.




- 25 *Declaratur species ultima casus propositi, quando scilicet Canonicus resignans in fauorem certe personae illud addit, Nec aliter, nec alio modo, & constat summum Pontificem eam conditionem acceptasse.*
- 26 *Proponuntur quinque argumenta, quibus probatur, etiam admissa conditione, Non aliter, nec alio modo, beneficiarium interim in seruientem suo beneficio non facere fructus suos.*
- 27 *Opinio contraria approbatur, quod scilicet admissa renuntiatione cum conditione, non aliter nec alio modo, beneficiarius inseruiens beneficio faciat fructus suos.*
- 28 *Actus gestus sub conditione suspensiuus ante aduentum conditionis, non dicitur gestus, quo ad principalem obligationem.*
- 29 *Referuntur Auctores, qui praedictam opinionem tenent.*
- 30 *Redditur responsio ad argumenta contrariae opinionis.*
- 31 *Per clausulam, Non aliter, conseruatur ius resignantis, si resignatarius non ingrediatur possessionem beneficii.*
- 32 *Modus, & conditio resolutiua, non suspendunt actum.*
- 33 *Carpitur Carolus Molinaeus.*
- 34 *Vt cognoscatur modus, conditio resolutiua, & suspensiuus attendi debet si oratio concipiatur per particulam, Si, vel per particulam, Vt, dummodo mens disponentis aliud non suadeat.*

Resi-

- 35 *Resignans cum conditione, non aliter, nec alio modo, & incumbens possessioni beneficij, non intendit dimittere beneficium, nec illud resignare quousque resignatarius possessionem illius ingreditur.*
- 36 *Conditio suspensiva admittitur in beneficialibus, si aliqua iusta causa detur.*
- 37 *Quando resignatio cum clausula, nec aliter, nec alio modo, admittitur, etiam litteris expeditis in forma gratiosa, non acquirit resignatarius beneficium, nisi postquam possessionem illius ingreditur.*
- 38 *Conditio casualis retrotrahitur quoad alios effectus, non quoad fructus.*
- 39 *Conditio casualis suspensiva non retrotrahitur cū præiudicio tertij, & illius, qui actum non gerit principaliter.*
- 40 *Proponitur brevis conclusio, ex qua dependet resolutio totius capitis.*

CAPVT TERTIVM.

I  VBIVM fuit haud parui momenti in hac insigni Ecclesia Eborensi, an Canonicus, qui Romæ apud summum Pontificem Canonicatum renuntiaverat, deberet percipere fructus a tempore, quo summus Pontifex resignationem acceptavit, vsque ad illud, in quo resignatarius

possessionem beneficij resignati accepisset? quę dubitatio passim euenire solet in Episcopis, Ecclesijs curatis, plerumque tamen in Ecclesijs cathedralibus. In hoc dubio ad faciliorem intelligentiam præmittendum est: diuersimode posse hanc facti speciem accidere. Nam potest Canonicus simpliciter Canonicatum renunciare Romæ, vel quia vult absolute dimittere beneficiũ, vel quia illi aliud incompatible confertur, vel ob aliam quamcumque causam. Rursus potest contingere eadem facti species, quando canonicus resignat in fauorem certę personę nulla alia re addita, verbi gratia, renuntio beneficium meum in fauorem N. Rursus potest contingere eadem species facti, si Canonicus resignans in fauorem N. illud addat, Non aliter, nec alio modo, ita vt resignans renuntiet beneficium in fauorem N. cum illa clausula, Non aliter, nec alio modo. His sic præmissis de vnaquaque specie separatim agendo omnia dubia soluemus.

2. Quod attinet ad primam speciem propositam: Petrus Rebuffus vir selecti iudicij, in concordatis. verb. volumus. vers. vltimo, videtur in eam ire sententiam, vt existimet renuntiantem simpliciter beneficium posse percipere fructus, quousque Resignatarius possessionem beneficij consequatur. Hęc sunt verba illius: Vltimo tenere debemus mente, quod

quòd si resignās receperit fructus post resignationem, etiam alterius nomine, cum nullo iure recipiat, tenetur eos restituere, vt scribitur in prouinciali omnium Ecclesiarū, fol. 33. vers. consultus, &c. secus si tantum constituerit procuratores ad resignandum: quia tunc antequam eidem notificetur resignatio, facit fructus suos, etiam in conscientia, quia potest præsumere, quòd superior noluit resignationem admittere, vel procurator non resignauit, vel pars noluit, arg. l. sed & socius. §. si tibi absenti. ff. pro socio. Probus in addit. ad Monac. in d. c. 2. nu. 30. idem Rebuffus in concordatis, tit. de nominatione, quæst. 14. nu. 92. idem Rebuffus in praxi beneficii, tit. de publicand. resignation. nu. 7. existimat resignantem insistentem suo beneficio, & illi inseruientem, facere fructus suos quousque resignatarius litteras præsentauerit, & possessionem beneficii resignati acquisierit.

- 3 Pro hac sententia Rebuffi quattuor urgent argumenta. Primum est, quòd bonæ fidei possessor faciat fructus suos, l. bonæ fidei emptor 48. ff. de acquir. rer. dominio, sed iste renuntians, de quo agimus, est bonæ fidei possessor, vt Rebuffus præsupponit, ergo facit fructus suos. Secundo pro eadem sententia facit, quòd renuntians suo beneficio, si in possessione eius mansit, licet titulum perdat, non tamen

men amittit possessionem: Rota in notis de renuntiatione, decisione prima, incipit, Licet Reus, prout declarat Nauarr. in cap. accepta, oppositione 7. num. 21. de restitutione spoliatorum. Cum igitur renuntians de quo agimus maneat in possessione sui beneficii, eam non amittit, & per consequens fructus eiusdem beneficii percipiet. præcipuus enim possessionis effectus est fructuum collectio, l. si stipulatus sis. 4. in princ. & in vers. sed tamen, ff. de usur. adiuncta doctrina, Bal. in l. penul. nu. 2. Cod. de conditionibus insertis, Felin. in cap. cum Ioannes, num. 31. de fide instru. Aretin. in l. 1. col. 2. ff. de acquirenda possessione. Tertio vrget, quod bonæ fidei possessor, cum titulo irrito propter aliquem defectum causatum ex errore facti, facit fructus suos, cum ille titulus habeat effectum tituli validi, vt colligitur ex l. 1. Cod. si quis ignorans rem minoris; tradit doctissimus Arius Pinel. in l. 2. Cod. de rescind. venditione, 2. par. cap. 4. num. 56. atqui Canonicus resignans est bonæ fidei possessor, licet titulum nullum habeat, ergo debet facere fructus suos. Quarto facit, quod resignans beneficium, & manens in possessione illius si propter aliquam causam resignatarius non consequitur beneficium, vel quia non fuit inuentus habilis, vel quia noluit uti litteris, vel ob aliam quamcumque causam, resignās,

in-

inquam, absque noua collatione beneficium suum retinet, vt notat Paul. Parisius, 4. part. consil. 93. num. 9. Petrus Rebuff. in praxi beneficiali, tit. de publicand. resignation. num. 31. cum igitur resignans retineat beneficium sine noua collatione, non vacauit, si enim vacasset opus esset noua collatione: si ergo non vacauit semper resignans habuit titulum, & possessionem donec resignatarius beneficii possessionem adeptus fuisset, & per consequens fecit fructus suos, cum beneficium suum, cum titulo possedisset. His tamen non obstantibus opinio illa Rebuffi, si eum sensum habuit, vera non est, & antequam de eius veritate dicamus, illud aduertendum est in hac specie, quam tractamus posse esse dubium, vel de fructibus extantibus, vel de fructibus consumptis a Canonico resignante. Verbi gratia, admissa fuit resignatio Romæ Kalendis Ianuarijs, canonicus id ignorans interfuit horis canonicis, & percipiebat pecuniam, & alios redditus, qui consueuerunt elargiri singulis mensibus canonicis, quam pecuniam, & redditus cōsumpsit: dubium esse potest, an faciat suos, fructus illos consumptos post renuntiationem admissam? Rursus dubium esse potest de pecunia, & alijs redditibus, & emolumentis quę licet Canonicus in illo tempore lucratur, tamen non dari solent Canonicis nisi post festum S. Ioannis Baptistę, habitis rationibus

bus cum procuratore deputato ad exigendas pecunias a publicanis, vulgo Prioste. Fingitur enim admissam esse renuntiationem Romæ Kalendis Ianuarijs, Canonicus interfuit horis canonicis in singulis mensibus, & ob id lucratur plures distributiones, & emolumenta, quæ danda sunt post festum S. Ioannis Baptistæ, ante illud festum Resignatarius ingreditur possessionem canonicatus resignati, dubium esse potest de hac pecunia, & redditibus extantibus, quos adhuc Canonicus resignans non consumpserat. Quantum attinet ad primos illos fructus, quos scilicet Canonicus resignans consumpsit, dubium esse potest, de quo mox disputabimus, de illis enim intelligi possunt Rebus. & alij, si qui sunt, existimantes beneficiarium, vel Canonicum resignantem beneficium, & insistentem possessioni illius, ei que inseruientem bona fide, facere fructus suos; at vero in fructibus non consumptis per beneficiarium, seu Canonicum, sed extantibus, nulli dubium esse debet talem beneficiarium, seu Canonicum post admissam renuntiationem illos restituere debere, vel si eos non recepit, minime illi reddendos esse, etiam si illum beneficiarium, aut Canonicum bonæ fidei possessorem esse concedamus. Cum enim nemo ambigat post renuntiationem Romæ admissam beneficiarium resignantem, titulum perdere, succedit regula iuris notissima, quod a bonæ fidei

fidei possessore non habente titulum debent
 repeti fructus extantes, & non consumpti,
 l. fructus, ff. usur. l. qui scit, §. in alieno, ff.
 eodem, gl. in l. ex diuerso, verb. non habende-
 dam, ff. de rei vend. in quo omnes conuenire
 asserit Reuerendiss. Præsul Couar. lib. 10. re-
 solut. c. 3. n. 6. vers. 3. concl. Abb. n. 6. & commu-
 niter doct. in c. grauis de restit. spoliat. Tradit
 Bar. & scribentes in l. ex diuerso in pr. ff. de rei
 vend. post alios eleganter Ioan. Garcia Galle-
 cus, de expens. & melior. c. 23. nu. 39. Cū igitur
 in proposito loquamur de fructibus extanti-
 bus, & non consumptis a beneficiario, quan-
 tumcumque concederemus illum esse bonæ
 fidei possessorem, tamen negandum est fru-
 ctus illos facere suos: immo si eos habet, de-
 bet restituere, si vero non habet, quia apud
 aliquem sunt, non sunt illi reddendi. Dolo
 enim facit, qui petit, quod restituere oportet
 eundem reg. dolo. de regulis iur. in 6. qui
 casus est extra omnem dubitationem, licet
 multi ad hæc non aduertant. Porro de fru-
 ctibus consumptis a beneficiario, dubium est;
 in qua specie Petrus Rebuffus in prædictis lo-
 cis semper loqui videtur, præsupponit enim
 fructus apud beneficiarium fuisse, & ita pro-
 babilius est consumptos esse a communiter
 accidentibus: cuius tamen viri opinio, nec
 in his fructibus consumptis a beneficiario de-
 fendi potest, immo dicendum est quemcum-
 que

que beneficiarium resignantem beneficium, & in possessione illius remanentem, eique inferuientem debere restituere omnes fructus, etiam quos consumpsit, a tempore admissæ renuntiationis per summum Pontificem; quæ opinio duabus rationibus se ad inuicem coadiuuantibus comprobatur.

- 8 Primo, quia vt fructus alicuius rei percipi possint legitime, vt scilicet percipiens non teneatur eos restituere, necesse est, vt quis eam rem possideat naturaliter, & ciuilitur, vel saltem ciuilitur, non facta differentia notabili inter vtramque possessionem, sed qualiquali, vt cum iudicio aduertit alijs omis-
sis, Aluarus Velascus, vir & eruditione clarus, & senatoria dignitate conspicuus, de iur. emph. l. par. quæst. 18. num. 1. l. serui, & ibi notat gl. 1. & Bart. ff. de pericul. & comodo rei vend. Cyn. in l. certum, nu. 6. Cod. de rei vendic. notanter Bart. in leg. 3. §. ex contrario, num. 5. ff. de acquir. possess. Bald. in l. 2. in princ. Cod. Si quis ignorans rem minoris; Alex. in cons. 34. 4. par. & in d. §. ex contrario, Paulus de Castro in l. Iulianus, §. ex vendito, ff. de action. empt. at resignans beneficium in manu superioris acceptantis renuntiationem, postquam superior eam acceptauit, nec habet titulum, nec possessionem naturalem, aut ciuilem, sed solum facti insistentiam, Innoc. cõmuniter receptus in cap. quod

quod in dubijs, & in cap. Super hoc de renuntiatione, quem in id. citat Rota in nouis de renuntiat. decisione prima, quæ verbis claris asserit, renuntiantem perdere possessionem iuris, & solum per insistentiam in beneficio habere possessionem de facto, vbi late Antonius Maria, num. 1. Gomes. in regulam de infirmis resignantibus, quæst. 32. vers. nec obstat, idem Gomes. loquens in renuntiatione per permutationem, de triennal. possessione, quæst. 24. vers. & quòd talis renuntians. idem asserit Rebuffus in praxi beneficiali, tit. de infirmis resignantibus, nu. 16. vbi inquit, Notandum est præterea, quòd licet per resignationem, quis sit priuatus, & possessione, & proprietate, id est titulo, cap. inter, iuncta, gl. de præb. cap. vnic. de rerum permutatione in 6. hoc intelligitur de possessione iuris quam perdit resignans teste Innoc. in cap. quod in dubijs, de renunt. quippe si priusquàm desijt ipso facto incumbere possessioni spoliaretur, haud dubie veniret restituendus teste, Innoc. in cap. super hoc, de renuntiatione, Rota decisione 158. incipit, Licet Reus, in nouis, & hoc dicitur in regula de publicandis resignationibus, quam inferius elucidabo post tractatum permutationum, idem Rebuff. in praxi, titul. de simon. in resignatione, nu. 43. inquit in hæc verba, Non me mouet, quòd per resignationem quis sit priuatus, & possessione,

sione, & iure, idest, tit. cap. inter, iuncta, gl. de præb. cap. vnic. vbi doct. de rerum permutatione in 6. quia hoc intelligitur de possessione iuris, quam perdit resignans, teste Innoc. in cap. quod in dubijs, de renuntiatione. Secus in possessione naturali, cui potest incumbere donec sciuerit præfatam resignationem admissam, immo si ista possessione, quam post resignationem habet, spoliaretur, veniret restituendus, vt docet idem Innoc. in cap. super hoc, de renunt. Rota decisione 158. Licet Reus, in nouis, & sic interim, & præsentare licebit, & conferre. Hactenus Rebuff. cuius verba ad longum transcripsi, vt ex illis clarissime conspiceremus, Rebuffum pro comperto habuisse, renuntiantem non habere possessionem iuris, nec titulum, sed solam possessionem naturalem, quam Rota ab eo citata, de facto appellat, ergo talis renuntians debet restituere omnes fructus perceptos: si enim secundum communem sententiam Accurt. Bart. & aliorum, quos proxime citauimus, ad hoc vt quis faciat fructus suos requiritur naturalis, & ciuilis possessio, vel saltem ciuilis: & communis opinio approbata per ipsum, & Rebuffum, asserit renuntiantem non habere possessionem iuris, sed quandam naturalem insistentiam, bene sequitur renuntiantem non posse facere fructus suos, & debere eos restituere.

Secun-

10 Secunda ratio prædictam adiuvans est, quia ad percipiendos fructus alicuius rei duo copulative requiruntur, primum, ut possideat rem de qua agitur, Secundum, ut habeat bonam fidem, & ita ut sit bonæ fidei possessor: at ille, qui insistit beneficio resignato in manibus superioris post admissam resignationem, non possidet beneficium, cum non habeat titulum, quem per renuntiationem perdidit, ut omnes fatentur, ergo renuntians beneficium non potest percipere fructus. Licet enim sine titulo quis possideat fundum, verbi gratia, quia titulus non est de substantia fundi, tamen beneficium non potest possideri sine titulo saltem colorato, quia titulus est de substantia beneficii, regula enim est certissima, apud Philosophos, & nostros, quod illa sunt de substantia rei, quæ in eius definitione collocantur l. 1. ff. de dolo: constat autem titulum poni in definitione beneficii: est enim beneficium ius spirituale dependenter, per canonicam institutionem, ad percipiendos redditus, perpetuum saltem, quo ad accipientem, ut colligitur ex S. Tho. 22. quæst. 100. art. 4. Anchar. in regulam primam a num. 3. de reg. iur. in 6. Rebuff. de pacificis possessor. a num. 287. Ioannes Nicolaus in Enchirid. beneficiorum, cap. 1. num. 7. Ioan. Coras. de sacerdot. 1. part. cap. 2. Gomes. in Rub. de rescript. lib. 6. num. 8. Duaren. lib. 2.

de sacris ministris, cap. 4. Nec mireris, lector humanissime, si in hac re contra meum institutum plures citauerim auctores, id enim consulto feci, vt intelligeres communi doctorum nostrorum calculo comprobatum esse in definitione beneficij addenda esse illa verba, *per canonicam institutionem*, sine quibus beneficium esse non potest, cap. vnicum, de eo qui mittitur in possessionē causa rei seruand. in 6. iuuat optimus, tex. in l. 2. §. quædam, ibi. Sed & illa interdicta, quæ de locis sacris, & Religiosis proponuntur veluti proprietatis causam continent, ff. de interdict. Si igitur de substantia beneficij est titulus, id est Canonica institutio, nullo modo potest beneficium possideri, si non dantur in detinente illud ius spirituale, partes substantiales beneficij, qualis est titulus, id est canonica institutio. Et ita

- 11
12
hanc opinionem contra Rebuffum verio- rem esse existimo ex principijs iuris id concluden- tibus, quæ manifeste colligitur ex cap. vni- derer. permutatione, in 6. clem. vnica de renuntiatione, vbi probatur beneficia per- mutata ea conditione, vt ad Sempronium deueniant, vere vacare, & conferri posse, nisi summus Pontifex contrarium æquitatē suadente constituisset. Ex quibus iuribus do- ctiores nostri communiter deducunt, benefi- cia permutata, vel resignata cum conditio- ne, vt ad aliquem deueniant, fere quoad om- nes

nes effectus vacare, præter illum de quo in d. cap. vn. de rer. permutat. in 6. & in Clem. vnic. de renuntiatione. Si igitur vacant, nemo illorum beneficiorum habet proprietatem, nec possessionem, argumento, l. 2. in §. 1. leg. 3. ff. act. empt. facit pro eadem sententia, gl. in cap. inter, verbo, assignari, de præben. quæ ait renuntiatione facta per Sempronium tali modo, vt conferatur beneficium Titio, Sempronium perdere possessionem beneficij, licet prædictum beneficiũ non conferretur Titio. gl. illa est communiter recepta, vt per doctores in dict. cap. vni. de rer. permutatione in 6. & in dict. Clemen. vnica, de renuntiatione, teste Gomeſio in regulis Cancellariæ, tit. de triennali possessore, quæſtione 24. in principio, Rebuff. vbi supra. Si ergo renuntians non habet possessionem, secundum communem sententiam, non potest dici bonæ fidei possessor. Colligitur hæc etiam opinio ex dictis per Guillelm. de Monte Lauduno in cap. Deliberatione, de offic. delegat. in 6. prope fin. Vbi in fortioribus terminis ait, per renuntiationem perdi penitus possessionem beneficij, ex cap. 1. 17. quæſtione 2. l. Si quis vi. 17. §. vlt. ff. de acquirend. possessione; tradit Innocen. in cap. quod in dubijs, de renuntiatione, & propter has forsitan rationes in terminis voluit Ioannes Prob. ad Monachum in cap. 2. de renuntiatione lib. 6. a.

num. 30. renuntiantem non posse percipere fructus, nisi vsque ad tempus resignationis, & non vltra, sunt verba illius, & statim subiicit hæc verba: Et sic ex quo nec ius, nec possessionem habeo, non mireris si non faciam fructus meos, ideo ad restitutionem me teneri dico, Rota in nouis, 158. vbi citat, quòd qui renuntiat liti, causæ, & beneficio, nisi de facto possessionem dimittat, tenetur ad fructus perceptos. Hactenus Ioannes Prob. qui claris verbis hanc sententiam tenet. In eandem sententiam inclinât Reuerendissimus Præful Couarruu. lib. 1. variar. cap. 5. num. 6. eandem sententiam videntur tacite tenere doctores illi, qui nituntur defendere prædictam Rotæ decisionem, incipit, Licet Reus, in titulo de renuntiatione, decisione prima in nouis, dum dicit renuntiantem posse insistere possessioni realiter, & de facto, intelligentes sane contra principia iuris esse, renuntiantem habere possessionem beneficij resignati, hi sunt Gomesius in regula de triennial. possess. questione 24. vers. sed circa præmissa, insignis Nauar. in dict. cap. accepta. de restitutione spoliat. oppositione 7. num. 7. Anton. Maria, in additionibus ad dictam Rotam num. 10. qui eam solum defendit ex vi clausulæ, Nec aliter, nec alio modo, sentiens plane si clausula illa non fuisset apposita, renuntiantem nullam habere possessionem in beneficio
resi-

resignato. Cum igitur nos tractemus in hoc articulo solum de renuntiatione simplici, vel in fauorem certæ personæ, nulla alia conditione apposita, ex mente prædicti doctoris absque dubio asserendum est talem renuntiationem possessionem veram non habere, & ita debere omnes fructus perceptos restituere. Pro hac parte etiam consuluit Hieronymus Paulus in practica cancellariæ fol. paruo 86. vers. consultus a quodam amico, & ita hanc opinionem tenuit olim præceptor meus D. Gemmes de Moraes cathedræ primarię iuris Pontificij in Academia Conimbricensi professor celeberrimus. Qui cum esset iudex declarauit in causa grauissima post admissam renuntiationem a summo Pontifice, resignantem non posse percipere fructus, admittens tamen aliquid emolumenti illi esse largiendū, qui bona fide Ecclesiæ inseruiuit.

- 13 Non obstant argumenta contrariæ partis, non primum ex l. bonæ fidei emptor. ff. de acquir. rer. dominio, quòd scilicet bonæ fidei possessor faciat fructus suos. Respondemus enim in nostra specie renuntiantem post renuntiationem admissam non esse possessorem beneficij. nam in his spiritualibus ita possessio dependet ex titulo, vt qui titulum non habet saltem coloratum, possessionem minime teneat, ex resolutis supra num. 10. dict. cap. vn. de eo, qui mittitur in possessionem

causa rei seruand. in 6. dict. leg. 2. §. quædam. ff. de interdict. cum igitur omnes fateantur per resignationem admissam resignantē amittere titulum, necesse est fateantur etiam, & possessionem legitimam perdere.

- 15 Non obstat secunda difficultas ex decisione Rotæ, mihi est decisio prima de renuntiatione in nouis incipit, Licet reus, alijs est decisio 158. dum inquit renuntiantem si de facto insistit beneficio, & ab eo spoliatur, posse intentare interdictum vnde vi, & obtinere restitutionem: nam insignis Nauar. & Antonius Maria, vbi proxime dicunt illam decisionem Rotæ procedere attento stylo, ex quo in litteris apponi consuevit clausula illa, Nec aliter, nec alio modo, quæ responsio, & solutio nobis sufficiebat. nos enim in hoc articulo, quem tractamus, solum loquimur de resignatione, sine illa conditione, & sic Rota intellecta secundum doctores præcitatos, nobiscum non pugnat, quæ secundum illos procedit tantum quando clausula, Non aliter,
- 16 nec alio modo, apponitur. Sed, si verū amamus, Rota non habuit illum sensum: & ille mihi aptior videtur, quòd scilicet, ille, qui renuntiavit beneficio, semper habeat insistentiam quandam coloratā donec resignatarius ingrediatur possessionem beneficij, ita vt si beneficio spoliatur debeat restitui, quia cum maneant reliquæ veteris tituli, quæ & titulum,

lum, & possessionem quoquo modo efficiunt coloratam, & ex tacita mente superiorum, & partium colligamus, non esse eorum intentionem, vt per resignationem penitus resignans statim desistat a beneficio, immo videntur tacite velle, vt illi de facto insistant quouſque resignatarius acceptet possessionem beneficij resignati, merito ex ea mente, & voluntate tacita superiorum, & partium cum reliquijs veteris tituli datur insistentia quædam colorata, a qua si deiicitur resignans restitui debet, quod in odium spoliantium receptum est, vt tradit Gomes. in regul. cancellariæ, tit. de triennal. possessore, quæst. 24. vers. nec obstat. Anton. Maria vbi supra, quid quid aliud dicat insignis Nauar. vbi supra, a cuius opinione recedimus in hac re, quia in beneficialibus numquam datur legitima possessio sine titulo saltem colorato, vt supra duabus rationibus probauimus, num. 9. & 10. Non vero eadem insistentia colorata operabitur, vt fructus faciat suos, ita vt non teneatur eos restituere, nam ad id magis qualificata possessio requiritur, naturalis scilicet, & ciuilis, aut saltem ciuilis, vt supra probauimus. Ad restitutionem vero obtinendam non requiritur tam qualificata possessio cap. in literis, de restitutione spoliator. l. 1. §. qui a me. ff. de vi, & vi armata. Et hinc est, quod sentiens prædicta Rota illam possessionem ef-

se sufficientem ad obtinendam restitutionem, sentit etiam non esse sufficientem ad omnimodam acquisitionem fructuum, immo ait prædictum renuntiantē, quem mox dixerat debere restitui si deijceretur, eos debere restituere, prout cum iudicio ad hoc illam Rotam citat Ioannes Probus vbi supra num. 31. vers. & sic : quòd maxime notandum est in hac materia.

- 17 Non obstat tertia difficultas, ex l. 2. Cod. si quis ignorans rem minoris, quæ probat bonæ fidei possessorem cum titulo irritum propter defectum causatum ex errore facti, facere fructus suos. Respondemus enim duplici modo; primo hunc de quo agimus non esse possessorem, cum non habeat titulū, qui requiritur ad habendam possessionem in spiritualibus, vt supra probauimus, num. 14. Secundo, respondemus in specie; d. leg. 2. adesse titulum aliquem realiter, irritum tamen ex aliquo errore facti, tunc enim pro valido habetur, vt intendit Imperator in d. l. 2. Arius Pin. in l. 2. Cod. de rescindenda venditione, cap. 4. num. 56. At vero in nostra specie non adest titulus aliquis, quippe qui amissus fuit per resignationem acceptatam, quo casu non procedit, dict. l. 2. vt ex ea colligitur, Ibi, si non bona fide emptorem fuisse, qui emit, & ita clare supponit tex. adfuisse titulum emptionis, intendit Pinel. vbi supra. at nos in specie

specie, de quo agimus tractamus quando titulus non est a parte rei, quia per resignationem admissam a summo Pontifice perditus est, & ita nullum potest producere effectum, iuxta illud axioma, quod non entis nullæ sunt qualitates, l. eius, qui in prouincia 41. ff. si certum petatur.

- 18 Non obstat quarta difficultas, quod scilicet resignans beneficium, & manens in possessione illius si propter aliquem casum resignatarius non consequitur possessionem beneficij absque noua collatione beneficium retinet, ergo antequam resignatarius possessionem beneficij non fuit consequutus non vacauit beneficium. Respondemus verum esse, non indigere resignantem eo casu noua collatione, si in beneficio remansit, & resignatarius non fuit ingressus possessionem beneficij, sed non inde sequitur beneficium non vacasse, vere enim vacauit, quo ad titulum, & possessionem legitimam, vt supra diximus, habet tamen beneficiarius remanens quandam insistentiam coloratam ex reliquijs veteris tituli, & ex tacita mente superiorum, & partium resignantium, conditione tacita, quousque resignatarius beneficij possessionem ingredia-
tur, a qua insistentia ipse resignans non intendit recedere, si resignatarius non ingredia-
tur possessionem beneficij: propter quæ, virtute
tituli pristini, & continuationis in insistentia
bene-

beneficij, non censetur titulum perdidisse quo ad illud ne scilicet indigeat noua collatione, si resignatarius non fuerit ingressus possessionem beneficij vt colliges ex Rebuff. in praxi, tit. de publicand. resignation. nu. 31. Paris. 4. par. consil. 93. a num. 9. vbi enim . . . 14. clare sentit titulum per resignationem extinguui, sed postea virtute ipsius, & continuationis in beneficio remansisse quo ad illud. Nec aliquem moueat illud, quod diximus de conditione resignantium, cum enim illa tacita sit, & subintellecta non facit resignationem conditionalem, leg. actus legitimi. 78. post principium. ff. de regulis iuris.

19. Et quamuis aliqui existiment Rebuffum in contrariam inclinasse sententiam, quòd scilicet beneficiarius post resignationem acceptatam faciat fructus suos, mihi tamen non est probabile virum tam probatæ eruditionis, rem iuris principijs consonam, vel saltem dubiam sine solido fundamento tamquam falsam reijcere. Reor sane aliud sensisse .nam in concordatis, verbo, Volumus vers. vltimo, intelligendus est de fructibus perceptis vsque ad renuntiationem, nam illud apud omnes constat, doctorem allegantem textum vel alium doctorem intelligendum esse secundum id, quod allegat. Plane Rebuff. vbi supra allegat Ioannem Probum, in cap. 2. de renunt. in 6. num 31. ad confirmationem suæ conclusionis:

fionis: at Ioannes Probus clarissimis verbis
asserit, renuntiantem solū facere fructus suos
vsque ad renuntiationem, vt intuenti pate-
bit, ergo id solum intelligendum est voluisse
Rebuffum. Nec obstat si replices id nullum
habuisse dubium, nemo enim nescit ante resi-
gnationem renuntiantem beneficium facere
fructus suos. Respondemus namque eam fuisse
dubitationem, an si aliquis in partibus di-
cat, Renuntio, cedo, statim amittat titulum,
& possessionem beneficij, vt colliges ex Ioan-
ne Probo, dicto nu. 30. in principio, qui om-
nino est videndus. Vnde Rebuff. eandem qua-
stionem prosequens ait, Secus si tantum con-
stituerit procuratores ad resignandum, quia
tunc antequam eidem notificetur resignatio
facit fructus suos in conscientia, intellige vs-
que ad tempus renuntiationis admittæ, quia
id asserit Prob. quem ipse Rebuff. in hoc casu
allegat. In alijs vero locis Rebuffus intelligen-
dus est loqui, attento stylo illius temporis, in
quo omnes renuntiationes fiebant cum clau-
sula, Non aliter, nec alio modo, & a summo
Pontifice eodem modo acceptabantur, vt
alias secure præsupponit idem Rebuff. in pra-
xi beneficiali: tit. de resignatione conditio-
nali. num. 17. & de publicandis resignation.
num. 33. Nec est mirandum me hoc modo de-
fendere virum grauissimum, & doctissimum
Petrum Rebuffum, quia sic insignis Nauar.

in

in d. cap. accepta, oppositione 7. num. 7. ait aliquando defendisse Rotam de renuntiatione, decisione prima in nouis, incipit, Licet reus, dum dicit renuntiantem beneficio, si spoliatur, debere restitui, & eodem modo dictam Rotam defendit Antonius Maria, vbi supra, num. 10. vt igitur existimemus Rebuffum noluisse renuntiantem suo beneficio facere fructus suos post admissam renuntiationem, contra principia iuris, sane eum intelligimus, vt velit id procedere propter clausulam, Non aliter, nec alio modo, quæ illo tempore, & apponi, & acceptari solebat a
 20 summis Pontificibus. Vel intelligendus est Rebuffus velle, talem renuntiantem facere quidem fructus suos, sed postea eos debere restituere vero domino: vt alias in alio casu dixit, gloss. verb. non habendam, ibi, quia percipientis sunt. in leg. ex diuerso. ff. de rei vendic. communiter recepta a Bart. & alijs, teste Couarrunua lib. 1. resolut. cap. 3. nu. 6. vers. his sane, Paul. Castrens. in leg. si fundum. num. 3. prope fin. Cod. de rei vendicat. Ioannes Garcia Gallecus de expensis, cap. 13. nu. 29. Sic similiter renuntians beneficio, licet post renuntiationem admissam possit recipere fructus, cum id ad qualemqualem possessorem pertineat, leg. mala fide, Cod. de conditione ex lege, intendit Innocentius in cap. dilecti, verb. appellauerunt, de maior. & obe-

& obedient. & contra id perturbantem possit resignans intentare interdictum vnde vi, cum prohibeat eum effectum maximum possessionis, vt superius diximus, & ita succedit regula legis. Vim facit. ij. ff. de vi & vi armat. Merito asserit Rebuffus vbi supra talem renuntiantem debere recipere fructus, sed non negat postea restituendos esse fructus vero domino, illos scilicet, quos resignans percepit post resignationem admissam, quæ omnia, etiam aduerso flumine, admittenda sunt, ne dicamus Rebuffum asserere renuntiantem beneficio debere facere fructus suos, contra principia iuris, & Rotam quam ipsemet in hanc sententiam citauit, in praxi beneficial. tit. de publicand. resignat. num. 7.

- 21 In secunda specie proposita quando scilicet Canonicus resignat in fauorem certę personę, nulla alia re addita, verbi gratia, renuntiat Canonicus beneficium in fauorem Sempronij, nihil amplius addit. Vel quia summus Pontifex reiecit conditionem appositam, modumue, quod facere potest, cum sit dominus beneficiorum cap. proposuit, 4. de præben. Petrus Rebuff. in praxi beneficial. tit. de resignatione conditionali a num. 29. quod nunc de stylo hodierno videtur fieri, nam summus Pontifex in litteris beneficialibus narrat renuntiationem fuisse liberam, & puram, narrationi autem summi Pontificis credenda.

credendum est Clem. vni. de probat. qui stylus forsitan originem habuit ex decisione tex. in cap. ex parte, in primo de offic. deleg. ibi, omnino, adiuncta, gl. eodem verbo, vbi Abb. num. 4. idem Abb. in cap. inter. num. 4. de præb. In hac, inquam, specie resignans perdit titulum beneficij, & possessionem, vt expressit, gloss. communiter recepta in cap. inter, verbo assignari, de præben. cum enim hæc renuntiatio non habeat conditionem, modumue, sed tantum intentionem renuntiatis declaret, censetur simplex, & pura, & in ea id ipsum dicendum est, quòd in renuntiatione pura, & simplici diximus in prima specie.

- 24 Quod apertissime probat, cap. vnicum, de rerum permutatione in 6. Clem. vnic. de renuntiatione, adiuncta communi sententia, doctorum, qui omnes vtrobique censent dicta iura esse noui iuris inductoria, & beneficia eo modo permutata de rigore iuris omnino vacasse, & potuisse libere conferri per summum Pontificem, qui motus æquitate noue per illa iura sanciuir, beneficia illo modo permutata non posse alijs personis conferri, quàm permutantibus, nec censerì vacasse, quo ad hunc effectum: ergo ex eisdem iuribus bene colligitur quo ad alios effectus vacasse. Nam si permutantes eo modo remanerent in possessione vera beneficij, non possent beneficia permutata alijs conferri etiam absque

absque æquitate, & noua constitutione dictorum iurium, cum non vacarent, iuxta, l. secundam, §. i. ff. action. empt. At summus Pontifex in dicto cap. vn. & in dict. Clem. vni. vbi concors est doctorum nostrorum sententia, censet ad illud opus fuisse noua constitutione; ergo ante illa iura beneficia permutata, quoad omnes effectus vere vacabant, & ita non poterant insistentes prædictis beneficijs facere fructus suos, immo eos debebant restituere, cum beneficia illa vere non possiderent.

25 Ultima species, quam supra proposuimus, est, quando canonicus resignans in fauorem certæ personæ illud addit, Nec aliter, nec alio modo; verbi gratia, renuntio beneficium meum in fauorem Sempronij, nec aliter, nec alio modo, constatque summum Pontificem renuntiationem cum illa clausula emissam acceptasse: tunc etiam dubium esse potest an resignans si incumbat possessioni sui beneficij & illi bona fide inseruiat, fructus beneficij faciat suos, ita vt eos restituere non teneatur. Et in hac specie videtur prædictum beneficiarium non facere fructus suos, immo si eos recepit debere restituere.

26 Primo, quia illa clausula, Non aliter, nec alio modo, &c. nihil magis videtur operari, quam conseruationem iuris resignantis, ita vt si beneficium non conferatur illi personæ, in cuius fauorem renuntiatio fuit facta, ius
-229-
penes

penes resignantē remaneat, vt aduertit Quin-
tilianus Mandos. in. praxi, tit. de signatura,
gratiæ, cap. de resignationibus, vers. item.
clausula, & non videtur operari quin benefi-
cium statim vacet, si personæ confertur, in-
cuius fauorem beneficiarius renuntiavit. Si
igitur clausula prædicta, Nec aliter, nec alio
modo, non operatur, quòd resignans reti-
neat titulum beneficij post renuntiationem a
summo Pontifice admissam, de eà dicendum
est id, quòd in renuntiatione simplici, & pu-
ra paulo ante diximus.

Secundo facit pro eadem sententia, quòd
clausula illa, Nec aliter, nec alio modo, in-
ducit modum, vel quandam conditionem re-
solutiuam, quæ actum sub ea gestum minime
suspendit, cap. verum, de condition. apposi-
tis, l. 2. ff. de in diem additione, intendit in
terminis, Ias. in leg. fin. num. 142. Cod. iur.
emphyt. dum facit differentiam inter illam
formam, Vendo tibi emphyteusim, saluo iu-
re domini directi, & non aliter, nec alio mo-
do, & inter illam. Vendo tibi emphyteusim si
domino directo placuerit, agnoscens plane
non esse vtramque conditionem suspensiuam,
& est de mente omnium, quos superius citau-
mus: at actus gestus sub conditione non su-
spensiuæ, sed resolutiuæ statim sortitur suum
effectum, dict. cap. verum, dict. l. 2. ergo cum
prædicta renuntiatio fiat sub conditione non
suspensiuæ

suspensiuā, sed resolutiuā, statim tenuit, & ita beneficiarius amisit titulum, & per consequens possessionem legitimā, & necessariā ad acquisitionem fructuum. Vnde eos tenebimur restituere, si percepit, iuxta ea, quæ supra in renuntiatione simplici, & pura resoluiimus.

Tertio facit, nam si ista conditio, Nec aliter, nec alio modo, fuisset suspensiuā, & ita admitteretur a summo Pontifice, & beneficium resignatū conferretur, collatio dependeret, & esset in suspenso contra, c. 2. de elect. in 6. constat enim collationē fortiri naturam resignationis, ita quod si resignatio est cōditionalis, collatio in ea fundata sit etiā in conditionalis argum. regulæ. §. fuerat, instit. de action.

Quarto vrget pro hac parte, quod saltem in litteris emanantibus in forma gratiosa beneficiarius resignans statim debet perdere beneficium, vbi primum a summo Pontifice facta est collatio resignatario: etenim summus Pontifex statim confert beneficium, verbi gratia, Sempronio, & ita licet absenti, & ignorantī acquiritur, gloss. in cap. Si tibi absenti, de præben. in 6. verb. habuerit, cum in hoc casu procurator in curia ratam habeat collationem, & eam acceptet nomine resignatarij, cum igitur non possint duo esse quasi domini vnius beneficij argumento, l. Si ut certo, §. Si duobus vehiculum, ff. de commod.

D si resi-

si resignatarius per concessionem in forma gratiosa illico acquirens titulum habet quasi dominiū beneficij, necesse est fateri resignantem illud amisisse.

Quinto facit pro eadem parte, quòd aut hæc conditio, Non aliter, nec alio modo, est suspensiva, aut est resolutiua: si resolutiua est, statim tenuit actus, & ita beneficium illico vacauit: vt supradiximus, in 2. argumento: si est suspensiva cum casualis sit, adueniente conditione, retrotrahitur ad tempus actus gesti, l. qui balneum, nona, vers. amplius, l. potior, 11. ff. Qui potiores in pignore habeantur, quidquid contrarium indistincte, immo conditionem suspensiuam non retrotrahi incaute asserat Carolus Molin. in regulas cancellariæ regula 34. tit. de publicand. resignation. num. 143. cum igitur ad tempus actus gesti retrotrahatur censetur vacare tempore, quo beneficium collatum est a summo Pontifice, & ita ab eo tempore, nec titulum, nec possessionem habuit, & per consequens fructus, quos percepit tenetur restituere iuxta supradicta.

- 27 His tamen non obstantibus in renuntiatione facta cum conditione, Non aliter, nec alio modo, quam constat summum Pontificem acceptasse, contrarium asserendum est, vt scilicet resignans non perdat titulum beneficij, nec possessionem quousque resignatarius possessio-

sessionem beneficij resignati ingrediatur, &
 ita sit interim quasi dominus beneficij, & pos-
 sessor, faciatque fructus suos, & eos non te-
 neatur restituere. Quod sic manifeste proba-
 28 tur, actus gestus sub conditione suspensua,
 non dicitur gestus, quoad principale, nisi post
 aduentum conditionis, l. cedere, diem. 213.
 ff. de verbor. significatione, sed hæc resigna-
 tio, de qua loquimur fuit facta cum conditio-
 ne, Non aliter, nec alio modo, summo Pon-
 tifice acceptante, vt supponimus, quam su-
 pensuam esse probabimus in responsione se-
 cundi argumenti, ergo ante aduentum illius
 29 tio, & ita hanc opinionem in his terminis,
 tenet Rebuffus in praxi beneficij, tit. de pu-
 blicand. resignationibus a num. 33. & clarius
 de resignatione conditionali, num. 17. Nam
 in titulo de publicandis resignationibus sic
 ait: Tertius casus quando quis resignat in fa-
 uorem alicuius, & non aliter, ipso non acce-
 ptante resignans manet in possessione donec
 ipse acceptauerit, nec alias renunciatio vale-
 ret, dict. cap. si beneficia, & in Clem. vn. de
 renunciatione. Rursus in titulo de resigna-
 tione conditionali, num. 17. inquit in hæc
 verba.

Quarto requiritur, quòd is prouisus per
 resignationem acceptet beneficium, alioquin
 resignans semper in suo beneficio remanebit,

ratione illius clausulæ, Nec aliter, nec alias, & cet. quia non intelligitur dimissum, quod nondum ablatum est, leg. nec vtilem, ff. ex quibus causis maior. Idem sensit Anton. Maria in addit. ad Rot. de renuntiatione dec. 1. num. 10. Vbi ait in hæc verba: Considera, rationem in qua posset fundari iste stylus, nam cum resignationes, vt plurimum fiant in fauorem certæ personæ cum clausula, & non alias, nec alio modo, resignatio non sortitur effectum donec acquiratur beneficium resignatario, & sic interim titulus remanet penes resignantem, iuxta notata in cap. cum pridem, de factis; & facit dicta decif. 2. de renuntiatione in antiquis, ibi, si modus, &c.

30 Nec obstant difficultates suprapositæ, non prima ex dictis Quintiliani Mandosij vbi supra. Respondemus enim Mandosium pro nostra esse sententia. asserit enim per clausulam, Non aliter, nec alio modo, conseruari ius resignantis, si Papa nollet beneficium nominato a resignante conferre, idemque est si nominatus quoquo modo beneficium non consequatur, nam id ipsum concludit in ratione,

31 quam assignat, dum ait: Clausula enim illa operatur vt nihil in contrarium, factum esse videri posset: cum igitur partes in prædictis resignationibus intendant non alias dimittere beneficium nisi resignatarius illud acquirat & possessionem ingrediatur, vt in secun-

da difficultate inferius resoluemus, merito ex mente eiusdem Mandosij nolunt partes aliquid videri factum, quousque resignatarius beneficium plene consequatur.

- 32 Non obstat secunda difficultas, quod scilicet clausula, Non aliter, nec alio modo, inducat modum, vel conditionem resolutiuam, quæ actum minime suspendit, dict. cap. verum de condit. apposit. l. 2. ff. de in diem additione, & ita apposita in renuntiatione non efficit, quin statim valeat. Quæ difficultas tam
- 33 grandis est, vt eam præsentens Molinæus vbi supra, nu. 142. & perspicuens notabilem differentiam, quæ in hac materia reperitur inter conditiones suspensiuas, & resolutiuas, dicat parum esse curandum, an conditio sit suspensiuæ, an resolutiuæ, cum, inquit ille, idem fere resultet effectus, subtilitas illa magis curiosa est, quàm utilis. Quæ responsio nobis inferuiebat, sed miserrimi ingenij est, oculis clausis, ad praxim confugere, neglectis principijs iuris, in quibus ipsa praxis sæpe sæpius fulcitur. Nec mirum videri debet hominem curiosius indagantem ea, quæ ad illius scientiam non pertinebant, in propria
- 34 misere cæcutire. Quæ propter, vt huic difficultati plene satisfaciamus, post longum examen, præmittendum est, nullo modo melius cognosci posse conditionem suspensiuam, modum, vel conditionem resolutiuam, quàm si

actus celebretur cum illâ particula, Si, vel cum illa, Vt, aut similibus. Quia si actus celebretur cum particula, Si, aut simili, conditio suspensiva præsumenda est, si vero cum particula, Vt, modus, aut conditio resolutiva intelligenda est, vt notat gloss. in dict. cap. verum, verb. conditione, de condit. apposit. gloss. in Rub. Cod. de falsa causa. Præpositus in dict. cap. verum, in principio, Syluester, verb. conditio, num. 2. & 3. Soto in 2. 4. distinctione 29. quæst. 2. art. 1. Antonius Gamma, decisione 158. num. 1. Hoc tamen intelligendum est in dubio, nam si de mente partium, & materia subiecta, vel aliunde constet noluisse partes, vt actus esset perfectus, & absolutus, ita vt teneret absque conditionis implémento, tunc illa conditio licet in tenore verborum resolutiva, aut modus apparet, suspensiva absque dubio erit iuxta regulam, l. in conditionibus, ff. de condit. & demonstrat. Intendit Iure consultus in l. quæsitum: vbi gl. verb. liber sit, & ibi notat Imol. in principio, l. in factum, & ibi notat Paul. de Castro, nu. 2. ff. de condit. & demonstrat. Tradit Bartol. in leg. quibus diebus. §. vltim. num. 6. ff. illo titulo. Rursus si constet partes noluisse facere actum perfectum, & absolutum, ita quod actus statim teneat, & conditionem postea adimpleri, non obstante particula, Si, aut alio quocunque verborum tenore,

re, censebitur modus, tradit eleganter Soci-
nus in leg. quibus diebus. §. vltimo. ff. de
condit. & demonstrat.

- 35 Cum igitur in specie, de qua agimus con-
stet de voluntate partium, & materia subie-
cta, renuntiantes cum clausula, Non aliter,
nec alio modo, nolle renuntiationem valere
illico, nec vllum effectum talem resignatio-
nem sortiri, nisi beneficium cum effectu ve-
niat ad resignatarium, & tunc temporis solum
quando illius possessionem ingressus fuerit,
merito ea conditio, Non aliter, nec alio mo-
do, licet in tenore verborum resolutiua, aut
modus appareat, tamen ex mente coniectu-
rata partiū, & materia subiecta, suspensua iu-
dicabitur. Quòd autem id colligatur ex men-
te partium, & materia subiecta patet. Nam
qui possidet beneficium, & resignat illud in
fauorem alicuius apponendo prædictam clau-
sulam, & insistendo possessioni beneficij, si
non reiiciatur a summo Pontifice, non vult
renuntiare absolute, sed tunc demum vult ce-
dere beneficio, & illud omnino dimittere, si
resignatarius, in cuius fauorē clausula, Non
aliter, fuit apposita, possessionem beneficij
acquirat, nec antea quàm ipsiusmet posses-
sionem ingrediatur. Cum ergo ex mente par-
tium, & materia subiecta id colligatur, & cō-
ditionis verba ad id adaptari possint, absque
dubio dicendum est, quòd etiam si renuntian-

tes non apponant particulam, Si, tamen clare voluisse, vt prius modus, vel conditio adimpleretur, idest, vt resignatarius possessionem beneficij adipisceretur, quam renuntiatio perfecta censeretur, vt colligitur ex Rebuffo vbi supra.

- 36 Non obstat tertia difficultas, nam respondemus, & renuntiationem, & collationem super ea fundatam suspendi propter illam conditionem, Non aliter, nec alio modo, quæ suspensiuæ est, vt modo probauimus. Nec obstat, cap. secundum, de electione in 6. quia, regula illius text. limitatur, vt non procedat in conditionibus etiam suspensiuis, quæ propter aliquam rationem iustam approbantur a iure, vel a summo Pontifice. Adde in ea, maiori cum ratione approbari, quia cessat ratio dict. cap. 2. neque enim in nostro casu datur timor prælongæ vacationis, vel litigij, propter quas causas conditiones suspensiuæ reprobantur in beneficijs, cum interim beneficiarius resignans incumbat beneficio, & ipsum non intendat dimittere, nisi postquam resignatarius possessionem beneficij resignati ingrediatur, Rebuff. vbi supra.

- 37 Non obstat quarta difficultas. Respondemus enim, quod in specie, quam proposuimus, quando scilicet resignatarius resignauit, cum illa clausula, Non aliter, nec alio modo, nec acquireret resignatarius dominium

bene-

beneficij quantumcumque litteræ expeditæ fuerint in forma gratiosa, sed tunc demum quando realiter ingressus fuerit possessionem beneficij resignati; cum enim, vt diximus, resignatio illam haberet conditionem suspensiuam, collatio super ea facta eandem conditionem censetur habere, vt intendit Rebuffus in praxi, tit. de resignatione conditionalinum. 42.

- 38 Non obstat quinta difficultas, quod aut hæc conditio, Non aliter, nec alio modo, est suspensiuæ, aut est resolutiuæ, si resolutiuæ est, statim tenuit, si est suspensiuæ cum casualis sit, adueniente conditione retrotrahitur ad tempus actus gesti. Respondemus enim conditionem suspensiuam esse, & casualem, non tamen retrotrahi quoad fructus perceptos, cum bonæ fidei possessor interim cum titulo, quem tunc habebat, suos faciat, iuxta, l. bonæ fidei empt. 48. ff. de acquir. rer. domi. cum enim medio tempore fructus suos fecisset, superueniens fictio nō debet operari illius præiudicium, arg. cap. si prote. 13. cap. quamuis 8. de rescriptis, in 6. l. ex facto. ff. de vulgar. l. 2. & fin. ff. de natalib. restituend. intendit Bonifac. de Vitalin. in Clem. vn. in principio, num. 7. de concessione præben. ^{nc} contrarium probat dicta, l. potior, cum ^{ijs} quia secundum communem procedur ^{in cō-} ditione contractui adiecta, & in iur ^{re,} &

ri, & in præiudicium eius, qui actum gerit principaliter; non alterius tertij, quæ omnia fere in nostra specie reperiuntur, Bartol. in l. bonorum, num. 1. vbi notat Paul. de Castro, num. 2. ff. rem ratam haberi, Andreas Tiraquel. de retract. tit. 1. §. 1. gl. 10. a num. 71. Reueren. præsul Couar. lib. 3. resolution. cap. 2. num. 1. Nec etiam procedit quando reperitur extremum inhabile vel respectu rei, vel personæ, vt in nostra specie contingit, l. quoties vbi Bart. num. 4. ff. de nouation.

- 40 Ex supradictis illud resolutiue opinor, quòd cum ius commune, Concil. Tridentin. Constitutiones Archiepiscopatus Eborensis, & statuta huius insignis Ecclesiæ prohibeant fructus donari, nisi beneficiarijs & interessentibus, non posse capitulum in conscientia prædictos fructus donare nisi resignans probet resignationem fuisse factam cum clausula, Nec aliter, nec alio modo, & prædictam resignationem fuisse acceptatam a summo Pontifice cum prædicta clausula, si tamen capitulum resignanti aliquid donauerit ob laborem in Ecclesia impensum bona fide, recte faciet iuxta ea, quæ inferius tractabimus, cap. 9. Immo, & tenebitur bona fide inseruienti satisfacere iuxta regul. cap. cum secundum Apot. de præben.

SUMMARIVM EX CAP. SEQ.

- 1 Filiatio probatur per coniecturas.
- 2 Verba in dispositione hominis intelligenda sunt vere, & proprie, non fictē, præsertim quando in vim conditionis proferuntur.
- 3 Reijcitur intellectus Alexandri de Imola, & Alciati.
- 4 Secundum gl. & Costam non fuit testamentum, nullum hic, quia conditio erat impossibilis, sed quia erat difficilis.
- 5 Reijcitur intellectus, gl. & Costæ.
- 6 Non potest suus heres institui sub conditione, quæ non sit potestatiua.
- 7 Conditio, Si meum filium esse probauerit, non est potestatiua.

CAPVT QVARTVM.

- 1 **L**VCIVS Titius ita testamentū
 „ fecit. Aurelius Claudius natus
 „ ex illa muliere, si filium meum
 „ se esse iudici probauerit, he-
 „ res mihi esto. Paulus respon-
 „ dit nihil, de quo quæreretur non sub ea con-
 „ ditione institutum videri, quæ in potestate
 „ eius esset: & ideo testamentum nullius esse
 „ momenti. Hactenus Iureconsultus in l. Lucius

82. ff. de condit. & demonstrat. Obstat tamen huic celebri responso Iureconsulti, quòd filiatio probatur per coniecturas, cap. per tuas de probat. l. filium definimus. ff. de his qui sunt sui, vel alieni iuris, l. si vicinis, Cod. de nupt. Cui difficultati tacite videtur satisfecisse Alex. de Imol. in l. Licet Imperator. nu. 4. ff. de leg. i. tradit Andr. Alciat. de præsumption. 3. p. nu. 4. Qui asserunt verba in dispositione hominis intelligenda esse proprie, & vere, non fictè, præsertim quando ea in vim conditionis protulit. l. si ita quis § 3. l. cum Pater. §. hereditatem. ff. legat. 2. l. vltima, Cod. de his qui veniam ætatis impetrauerunt, tradit Lusitanus Iacobus a Saa de primogenitura, num. 17. cum igitur in hoc text. adsit dispositio hominis, id est testatoris, & naturaliter, vere, & proprie verba intelligenda sint, cum per viam conditionis ea protulerit, ibi, si filium meum se esse iudici probauerit, heres mihi esto, de probatione vera, & propria, ac concludenti, non de illa impropria, quæ per coniecturas fit, text. est intelligendus. Plane probatio vera, & propria filiationis impossibilis est, ideo text. ait institutionem factam sub illa conditione nullius esse momenti iuxta l. obtinuit. ff. condit. & demonstrat. præsertim, quòd ex institutione ipsius testatoris apparebat, noluisse vt filiatio probaretur per coniecturas, sed per veram, & pro-

& propriam probationem. Etenim in hoc text. filius erat in quasi possessione filiationis, propter quam habebat præsumptionem legis pro se, quòd esset filius & ita per coniecturas probationem habebat, quòd esset filius, nec requirebatur alia, iuxta, dict. cap. per tuas, d. l. filium definimus, vt post alios, quos citat, tenet Andr. Alciat. vbi supra. Vnde cum testator hic instituerit eū si probaret se filiū, satis ostendit se non esse contentum de illa probatione, immo veram, & propriam exigere, & quòd ille text. loquatur quando filius erat in quasi possessione filiationis probatur ex ipsomet, tex. in fin. qui præsupponit absque aliqua probatione testamentum esse nullius momenti, certe nisi fuisset in quasi possessione requirebatur probatio, quia id erat fundamentum suæ intentionis argumento, l. 2. leg. verius 21. ff. de probation. Item confirmatur hæc sententia ex eo, quia si iste filius non esset in quasi possessione filiationis non esset in potestate, argumento, l. filium definimus. ff. de his, qui sunt sui vel alieni iuris, principium Instit. de patria potestate, vnde licet præteritus fuisset, testamentum non erat nullum, l. inter cetera. 30. ff. de liber. & posthum. Andr. Alciat. vbi supra versic. nam præteritus. Sed hic intellectus tamquam diuinatorius reiicitur a Dec. in Rub. de probation. num. 14. vers. & tenendam istam partem,
& in

- & in l. 1. nu. 7. Cod. de testamen. Militis. & plane conuincitur, nam si testator sensisset de probatione vera, & propria, cum id esset impossibile, Iureconsultus dixisset testamentum nullum esse propter conditionem impossibilem, immo dicere debuerat testamentum validum esse reiecta conditione impossibili iuxta dictam legem obtinuit, atqui Iureconsultus nec dixit testamentum esse nullum ex eo, quia conditio fuisset impossibilis, nec testamentum esse validum, reiecta conditione; ergo testator non intellexit de probatione filiationis vera, & propria. Quapropter gloss. vltima in hac leg. cum qua transit insignis, & subtilissimus Emmanuel a Costa Lusitanus, lib. 1. selectarum cap. 1. num. 2. existimat non esse illam conditionem impossibilem, cum re vera possit adimpleri si filius probasset filiationem per coniecturas, sed quia id nimis difficile est, non valuit testamentum quasi filius fuisset institutus sub conditione difficili, licet
- 4 potestatiua. Sed nec hic intellectus placet, si enim id Iureconsultus sentiret, id sine dubio nos doceret, quod scilicet ideo testamentum in proposita specie non valeret, quia filius fuisset institutus sub conditione difficili, non autem dixisset testamentum esse nullum, quia filius institutus fuisset sub conditione, quæ in eius potestate non esset, alias inscitia argui posset Iureconsultus, quod scilicet diuersam
- 5 ratio-

- rationem ab illa, quæ vera est, reddidisset: quod multum notandum est ad aliquos intellectus nostrorum doctorum reiiciendos, qui in aliquibus iuribus eos assignant, reddentes diuersas rationes ab illis, quibus Iureconsulti in ipsismet responsis vtuntur. Qua propter, his relictis, dicendū est principium esse apud omnes receptum, filium non posse institui sub conditione, quæ in eius potestate non est leg. suus. 4. ff. de hered. instituend. plane hæc conditio, Si filium meum esse iudici probauerit, non est in potestate instituti, primo, quia forsitan filius institutus non habebat testes, vel aliam probationem ad demonstrandum se esse filium, & ita non erat in eius potestate probare iudici filiationem.
7. Secundo, quia licet filius institutus probationem legitimam, & concludentem faceret, tamen iudex, vel propter malitiam, vel propter ignorantiam potuit pronuntiare nō probare iudici se esse filium, licet a parte rei probasset, ideoque, vt reor, Iureconsultus dixit non sub ea conditione institutum videri, quæ in potestate eius esset, quia scilicet sensit Iureconsultus filium institutum potuisse probare filiationem a parte rei, sed quia ea probatio debebat a Iudice admitti, qui potuit non admittere, dixit non videri eam conditionem esse in potestate filij, cum & si possit fieri probatio a filio tamen magis dependebat ex iudicis

ratione illius clausulæ, Nec aliter, nec alias, & cet. quia non intelligitur dimissum, quòd nondum ablatum est, leg. nec utilem, ff. ex quibus causis maior. Idem sensit Anton. Maria in addit. ad Rot. de renuntiatione dec. 1. num. 10. Vbi ait in hæc verba: Considera, rationem in qua posset fundari iste stylus, nam cum resignationes, vt plurimum fiant in fauorem certæ personæ cum clausula, & non alias, nec alio modo, resignatio non sortitur effectum donec acquiratur beneficium resignatario, & sic interim titulus remanet penes resignantem, iuxta notata in cap. cum pridem, de factis; & facit dicta decif. 2. de renuntiatione in antiquis, ibi, si modus, &c.

- 30 Nec obstant difficultates suprapositæ, non prima ex dictis Quintiliani Mandosij vbi supra. Respondemus enim Mandosium pro nostra esse sententia. asserit enim per clausulam, Non aliter, nec alio modo, conseruari ius resignantis, si Papa nollet beneficium nominato a resignante conferre, idemque est si nominatus quoquo modo beneficium non consequatur, nam id ipsum concludit in ratione,
- 31 quam assignat, dum ait: Clausula enim illa operatur vt nihil in contrarium, factum esse videri posset: cum igitur partes in prædictis resignationibus intendant non alias dimittere beneficium nisi resignatarius illud acquirat & possessionem ingrediatur, vt in secun-

da difficultate inferius resoluemus, merito ex mente eiusdem Mandosij nolunt partes aliquid videri factum, quousque resignatarius beneficium plene consequatur.

- 32 Non obstat secunda difficultas, quòd scilicet clausula, Non aliter, nec alio modo, inducat modum, vel conditionem resolutiuam, quæ actum minime suspendit, dict. cap. verum de condit. apposit. l. 2. ff. de in diem additione, & ita apposita in renuntiatione non efficit, quin statim valeat. Quæ difficultas tam grandis est, vt eam præsentiens Molinæus vbi supra, nu. 142. & perspicuus notabilem differentiam, quæ in hac materia reperitur inter conditiones suspensiuas, & resolutiuas, dicat parum esse curandum, an conditio sit suspensiuæ, an resolutiuæ, cum, inquit ille, idem fere resultet effectus, subtilitas illa magis curiosa est, quàm utilis. Quæ responsio nobis inferuiebat, sed miserrimi ingenij est, oculis clausis, ad praxim confugere, neglectis principijs iuris, in quibus ipsa praxis sæpe sæpius fulcitur. Nec mirum videri debet hominem curiosius indagantem ea, quæ ad illius scientiam non pertinebant, in propria
- 34 misere cæcutire. Quæ propter, vt huic difficultati plene satisfaciamus, post longum examen, præmittendum est, nullo modo melius cognosci posse conditionem suspensiuam, modum, vel conditionem resolutiuam, quàm si

actus celebretur cum illa particula, Si, vel cum illa, Vt, aut similibus. Quia si actus celebretur cum particula, Si, aut simili, conditio suspensiva præsumentur, si vero cum particula, Vt, modus, aut conditio resolutiva intelligenda est, vt notat gloss. in dict. cap. verum, verb. conditione, de condit. apposit. gloss. in Rub. Cod. de falsa causa. Præpositus in dict. cap. verum, in principio, Syluester, verb. conditio, num. 2. & 3. Soto in 2. 4. distinctione 29. quæst. 2. art. 1. Antonius Gamma, decisione 158. num. 1. Hoc tamen intelligendum est in dubio, nam si de mente partium, & materia subiecta, vel aliunde constet noluisse partes, vt actus esset perfectus, & absolutus, ita vt teneret absque conditionis implemento, tunc illa conditio licet in tenore verborum resolutiva, aut modus apparet, suspensiva absque dubio erit iuxta regulam, l. in conditionibus, ff. de condit. & demonstrat. Intendit Iure consultus in l. quæsitum: vbi gl. verb. liber sit, & ibi notat Imol. in principio, l. in factum, & ibi notat Paul. de Castro, nu. 2. ff. de condit. & demonstrat. Tradit Bartol. in leg. quibus diebus. §. vltim. num. 6. ff. illo titulo. Rursus si constet partes noluisse facere actum perfectum, & absolutum, ita quod actus statim teneat, & conditionem postea adimpleri, non obstante particula, Si, aut alio quocunque verborum tenore,

re, censebitur modus, tradit eleganter Soci-
nus in leg. quibus diebus. §. ultimo. ff. de
condit. & demonstrat.

- 35 Cum igitur in specie, de qua agimus con-
stet de voluntate partium, & materia subie-
cta, renuntiantes cum clausula, Non aliter,
nec alio modo, nolle renuntiationem valere
illico, nec vllum effectum talem resignatio-
nem sortiri, nisi beneficium cum effectu ve-
niat ad resignatarium, & tunc temporis solum
quando illius possessionem ingressus fuerit,
merito ea conditio, Non aliter, nec alio mo-
do, licet in tenore verborum resolutiua, aut
modus appareat, tamen ex mente coniectu-
rata partiū, & materia subiecta, suspensiva iu-
dicabitur. Quòd autem id colligatur ex men-
te partium, & materia subiecta patet. Nam
qui possidet beneficium, & resignat illud in
favorem alicuius apponendo prædictam clau-
sulam, & insistendo possessioni beneficij, si
non reiiciatur a summo Pontifice, non vult
renuntiare absolute, sed tunc demum vult ce-
dere beneficio, & illud omnino dimittere, si
resignatarius, in cuius favorem clausula, Non
aliter, fuit apposita, possessionem beneficij
acquirat, nec antea quàm ipsiusmet posses-
sionem ingrediatur. Cum ergo ex mente par-
tium, & materia subiecta id colligatur, & cō-
ditionis verba ad id adaptari possint, absque
dubio dicendum est, quòd etiam si renuntian-

tes non apponant particulam, Si, tamen, clare voluisse, vt prius modus, vel conditio adimpleretur, idest, vt resignatarius possessionem beneficij adipisceretur, quam renuntiatio perfecta censeretur, vt colligitur ex Rebuffo vbi supra.

36 Non obstat tertia difficultas, nam respondemus, & renuntiationem, & collationem super ea fundatam suspendi propter illam conditionem, Non aliter, nec alio modo, quæ suspensiuæ est, vt modo probauimus. Nec obstat, cap. secundum, de electione in 6. quia, regula illius text. limitatur, vt non procedat in conditionibus etiam suspensiuis, quæ propter aliquam rationem iustam approbantur a iure, vel a summo Pontifice. Adde in ea, maiori cum ratione approbari, quia cessat ratio dict. cap. 2. neque enim in nostro casu datur timor prælongæ vacationis, vel litigij, propter quas causas conditiones suspensiuæ reprobantur in beneficijs, cum interim beneficiarius resignans incumbat beneficio, & ipsum non intendat dimittere, nisi postquam resignatarius possessionem beneficij resignati ingrediatur, Rebuff. vbi supra.

37 Non obstat quarta difficultas. Respondemus enim, quod in specie, quam proposuimus, quando scilicet resignatarius resignauit, cum illa clausula, Non aliter, nec alio modo, nec acquireret resignatarius dominium bene-

beneficij quantumcumque litteræ expeditæ fuerint in forma gratiosa, sed tunc demum quando realiter ingressus fuerit possessionem beneficij resignati; cum enim, vt diximus, resignatio illam haberet conditionem suspensiuam, collatio super ea facta eandem conditionem censetur habere, vt intendit Rebusfus in praxi, tit. de resignatione conditionalinum. 42.

- 38 Non obstat quinta difficultas, quòd aut hæc conditio, Non aliter, nec alio modo, est suspensiuæ, aut est resolutiuæ, si resolutiuæ est, statim tenuit, si est suspensiuæ cum casualis sit, adueniente conditione retrotrahitur ad tempus actus gesti. Respondemus enim conditionem suspensiuam esse, & casualem, non tamen retrotrahi quoad fructus perceptos, cum bonæ fidei possessor interim cum titulo, quem tunc habebat, suos faciat, iuxta, l. bonæ fidei empt. 48. ff. de acquir. rer. domi. cum enim medio tempore fructus suos fecisset, superueniens fictio nõ debet operari illius præiudicium, arg. cap. si prote. 13. cap. quamuis 8. de rescriptis, in 6. l. ex facto. ff. de vulgar. l. 2. & fin. ff. de natalib. restituend. intendit Bonifac. de Vitalin. in Clem. vn. in principio, num. 7. de concessione præben. Nec contrarium probat dicta, l. potior, cum alijs, quia secundum communem procedunt in conditione contractui adiecta, & in iure debilio-


ri, & in præiudicium eius, qui actum gerit principaliter; non alterius tertij, quæ omnia fere in nostra specie reperiuntur, Bartol. in l. bonorum, num. 1. vbi notat Paul. de Castro, num. 2. ff. rem ratam haberi, Andreas Tiraquel. de retract. tit. 1. §. 1. gl. 10. a num. 71. Reueren. præsul Couar. lib. 3. resolution. cap. 2. num. 1. Nec etiam procedit quando reperitur extremum inhabile vel respectu rei, vel personæ, vt in nostra specie contingit, l. quoties vbi Bart. num. 4. ff. de nouation.

- 40 Ex supradictis illud resolutiue opinor, quòd cum ius commune, Concil. Tridentin. Constitutiones Archiepiscopatus Eborensis, & statuta huius insignis Ecclesiæ prohibeant fructus donari, nisi beneficiarijs & interessentibus, non posse capitulum in conscientia prædictos fructus donare nisi resignans probet resignationem fuisse factam cum clausula, Nec aliter, nec alio modo, & prædictam resignationem fuisse acceptatam a summo Pontifice cum prædicta clausula, si tamen capitulum resignanti aliquid donauerit ob laborem in Ecclesia impensum bona fide, recte faciet iuxta ea, quæ inferius tractabimus, cap. 9. Immo, & tenebitur bona fide inseruienti satisfacere iuxta regul. cap. cum secundum Apost. de præben.

SVMMARIVM EX CAP. SEQ.

- 1 Filiatio probatur per coniecturas.
- 2 Verba in dispositione hominis intelligenda sunt vere, & proprie, non fictē, præsertim quando in vim conditionis proferuntur.
- 3 Reijcitur intellectus Alexandri de Imola, & Alciati.
- 4 Secundum gl. & Costam non fuit testamentum, nullum hic, quia conditio erat impossibilis, sed quia erat difficilis.
- 5 Reijcitur intellectus, gl. & Costæ.
- 6 Non potest suus heres institui sub conditione, quæ non sit potestatiua.
- 7 Conditio, Si meum filium esse probauerit, non est potestatiua.

CAPVT QVARTVM.

- 1  VCIUS Titius ita testamentū fecit. Aurelius Claudius natus ex illa muliere, si filium meum se esse iudici probauerit, heres mihi esto. Paulus respondit nihil, de quo quæreretur non sub ea conditione institutum videri, quæ in potestate eius esset: & ideo testamentum nullius esse momenti. Haftenus Iureconsultus in l. Lucius

82. ff. de condit. & demonstrat. Obstat tamen huic celebri responso Iureconsulti, quòd filiatio probatur per coniecturas, cap. per tuas de probat. l. filium definimus. ff. de his qui sunt sui, vel alieni iuris, l. si vicinis, Cod. de nupt. Cui difficultati tacite videtur satisfacisse Alex. de Imol. in l. Licet Imperator. nu. 4. ff. de leg. 1. tradit Andr. Alciat. de præsumption. 3. p. nu. 4. Qui asserunt verba in dispositione hominis intelligenda esse proprie, & vere, non fictè, præsertim quando ea in vim conditionis protulit. l. si ita quis 53. l. cum Pater. §. hereditatem. ff. legat. 2. l. vltima, Cod. de his qui veniam ætatis impetrauerunt, tradit Lusitanus Iacobus a Saa de primogenitura, num. 17. cum igitur in hoc text. adsit dispositio hominis, id est testatoris, & naturaliter, vere, & proprie verba intelligenda, sint, cum per viam conditionis ea protulerit, ibi, si filium meum se esse iudici probauerit, heres mihi esto, de probatione vera, & propria, ac concludenti, non de illa impropria, quæ per coniecturas fit, text. est intelligendus. Plane probatio vera, & propria filiationis impossibilis est, ideo text. ait institutionem factam sub illa conditione nullius esse momenti iuxta l. obtinuit. ff. condit. & demonstrat. præsertim, quòd ex institutione ipsius testatoris apparebat, noluisse vt filiatio probaretur per coniecturas, sed per veram,

& pro-

& propriam probationem. Etenim in hoc text. filius erat in quasi possessione filiationis, propter quam habebat præsumptionem legis pro se, quòd esset filius & ita per coniecturas probationem habebat, quòd esset filius, nec requirebatur alia, iuxta, dict. cap. per tuas, d. l. filium definimus, vt post alios, quos citat, tenet Andr. Alciat. vbi supra. Vnde cum testator hic instituerit eū si probaret se filiū, satis ostendit se non esse contentum de illa probatione, immo veram, & propriam exigere, & quòd ille text. loquatur quando filius erat in quasi possessione filiationis probatur ex ipsomet, tex. in fin. qui præsupponit absque aliqua probatione testamentum esse nullius momenti, certe nisi fuisset in quasi possessione requirebatur probatio, quia id erat fundamentum suæ intentionis argumento, l. 2. leg. verius 21. ff. de probation. Item confirmatur hæc sententia ex eo, quia si iste filius non esset in quasi possessione filiationis non esset in potestate, argumento, l. filium definimus. ff. de his, qui sunt sui vel alieni iuris, principium Instit. de patria potestate, vnde licet præteritus fuisset, testamentum non erat nullum, l. inter cetera. 30. ff. de liber. & posthum. Andr. Alciat. vbi supra versic. nam præteritus. Sed hic intellectus tamquam diuinatorius reiicitur a Dec. in Rub. de probation. num. 14. vers. & tenendam istam partem, & in

- & in l. 1. nu. 7. Cod. de testamen. Militis. & plane conuincitur, nam si testator sensisset de probatione vera, & propria, cum id esset impossibile, Iureconsultus dixisset testamētum nullum esse propter conditionem impossibilem, immo dicere debuerat testamentum validum esse reiecta conditione impossibili iuxta dictam legem obtinuit, atqui Iureconsultus nec dixit testamentum esse nullum ex eo, quia conditio fuisset impossibilis, nec testamentum esse validum, reiecta conditione; ergo testator non intellexit de probatione filiationis vera, & propria. Quapropter gloss.
- 4 vltima in hac leg. cum qua transit insignis, & subtilissimus Emmanuel a Costa Lusitanus, lib. 1. selectarum cap. 1. num. 2. existimat nō esse illam conditionem impossibilem, cum re vera possit adimpleri si filius probasset filiationem per coniecturas, sed quia id nimis difficile est, non valuit testamentum quasi filius fuisset institutus sub conditione difficili, licet
- 5 potestatiua. Sed nec hic intellectus placet, si enim id Iureconsultus sentiret, id sine dubio nos doceret, quòd scilicet ideo testamentum in proposita specie nō valeret, quia filius fuisset institutus sub conditione difficili, non autem dixisset testamentum esse nullum, quia filius institutus fuisset sub conditione, quæ in eius potestate non esset, alias incertitæ argui posset Iureconsultus, quòd scilicet diuersam
- ratio-

rationem ab illa, quæ vera est, reddidisset: quod multum notandum est ad aliquos intellectus nostrorum doctorum reiiciendos, qui in aliquibus iuribus eos assignant, reddentes diuersas rationes ab illis, quibus Iureconsulti in ipsismet responsis vtuntur. Qua propter, his relictis, dicendū est principium esse apud omnes receptum, filium non posse institui sub conditione, quæ in eius potestate non est leg. suus. 4. ff. de hered. instituend. plane hæc conditio, Si filium meum esse iudici probauerit, non est in potestate instituti, primo, quia forsitan filius institutus non habebat testes, vel aliam probationem ad demonstrandum se esse filium, & ita non erat in eius potestate probare iudici filiationem.

- 7 Secundo, quia licet filius institutus probationem legitimam, & concludentem faceret, tamen iudex, vel propter malitiam, vel propter ignorantiam potuit pronuntiare nō probare iudici se esse filium, licet a parte rei probasset, ideoque, vt reor, Iureconsultus dixit non sub ea conditione institutum videri, quæ in potestate eius esset, quia scilicet sensit Iureconsultus filium institutum potuisse probare filiationem a parte rei, sed quia ea probatio debebat a Iudice admitti, qui potuit non admittere, dixit non videri eam conditionem esse in potestate filij, cum & si possit fieri probatio a filio tamen magis dependebat ex iudi-

cis pronuntiatione, & ita simpliciter non erat in potestate filij instituti, ideoque bene concludit Iureconsultus, filium, de quo quæreretur non sub ea conditione institutum videri, quæ in potestate eius esset, & ideo testamentum nullius esse momenti, tradit cum iudicio Decius in rubrica de probationibus, num. 14. vers. & tenendo istam partem, ubi inquit, sed ideo non valet institutio, quia erat institutus filius in potestate sub illa conditione, quæ non est potestatiua cum pendeat talis conditio ex testibus, & alijs probationibus, & filius familias non potest sub conditione institui, nisi potestatiua sit, l. suus quoque in princ. ff. de hered. instit. l. si pater, Cod. de instit. & substit. Hactenus Dec. cui ego addo non solum conditionem pendere ex testibus, & alijs probationibus, sed ex Iudicis pronuntiatione.

SVMMARIVM EX CAP. SEQ.

- 1 Proponitur facti species.
- 2 De legatus a superiore ordinarij maior est ordinario.
- 3 Articulus receptionis testium censetur commissus cum iurisdictione, quando Iudex delegans non approbavit personas testium.
- 4 Iudices inferiores prætendentes delegatum superioris non habere iurisdictionem, coram eo
id

debent allegare.

- 5 *Si partes negant qualitatem rescripti, vel commissionis, in qua fundatur iurisdictione delegati, debent id allegare coram delegato.*
- 6 *Proponuntur duo dubia decidenda, in quibus consistit resolutio eorum, quæ in capite scribuntur.*
- 7 *Discutitur quæstio notabilis, an acta per delegatum valida sint, si postea appareat rescriptum, vel commissionem non contulisse iurisdictionem, ex defectu qualitatis rescripti.*
- 8 *Tractatur late an delegatus ad recipiendos testes haberet iurisdictionem ad iubendum, ut indices inferiores Ecclesiastici, reum ab illis incarceratum a vinculis liberarent.*
- 9 *Discutitur elegans quæstio, an delegatus possit facere ea omnia quæ ad faciliorem causæ expeditionem conducunt, an vero solum ea, sine quibus causa præcise expediri non potest.*
- 10 *Indices Ecclesiastici inciviler processerunt adversus delegatum imponentes ei pœnas.*
- 11 *Non poterant rite indices inferiores Ecclesiastici pendente causa in superiori iudicio, reum in carcere detinere pro crimine leuiori commissio, iubente superiore eum a carcere liberari.*
- 12 *Redditur responsio ad dubia quædam, quæ aliqui mouebant.*
- 13 *Auditor legati potest delegare causam cum iurisdictione sine ordinarius, sine delegatus censetur.*

66 DIVERSORVM IVRIS ARGVM.

seatur. 13. & 14. 15. & 16.

- 17 Legatus de Latere est superior in omnibus causis Ecclesiasticis in provincia sibi commissas.
- 18 Approbatur opinio Decij contra Abbatem, asserentis delegatum posse punire sibi resistentes, etiam si non sint subditi primi delegantis.
- 19 Male, & temerarie fecerunt excommunicati a delegato, qui post declarationem publice sacra fecerunt, ius publice reddiderunt, & publice communicarunt.
- 20 Scandalum semper vitandum est.
- 21 Non possunt iudices Ecclesiastici beneficiarium in carcere detinere pro crimine simplici concubinatus, nisi aliqua interueniat circumstantia, quæ id suadeat.

CAPVT QVINTVM.

1



AUDITOR legati de Latere commisit N. articulum receptionis testium super causa, quæ per appellationem deuoluta erat ad ipsum: causa autem erat cuiusdam clerici, qui accusabatur a promotore fiscali curiæ Ecclesiasticæ de adulterio, & incestu commisso cum femina vxorata, & eius commatre. Deuoluta causa ad Auditorem, qui Vlysipone commoratur, vt solet fieri, inhihentur per ipsum iudices Ecclesiastici inferiores, qui in hac nobilissima ciuita-

uitate Eborensi ius reddunt, ne in ea causa ulterius procederent. quòd si reus, qui appellauerat ad sedem Apostolicam, & eius legatum intra trium mensium spatium sententiam absolutoriam non afferret, extunc non censerentur inhibiti, immo in eadem causa contra reum procederent ad executionem sententiæ per eos latæ, vt illi obtemperaret. Cum igitur Auditor de causa cognoscens processum videret, & iam iam laturus esset sententiam, dubitauit de fide, & qualitate vnus testis, & antequam per sententiam negotium definiret, commisit N. articulum receptionis testium, qui Eboræ commorabatur, iussitq. vt testes reciperentur circa qualitatem testis cuiusdam, & probationem exceptionum dicti testis, vulgo, das contra ditas. Accepit igitur N. delegationem, & cœpit testes recipere. Iudices inferiores Ecclesiastici iubent reum in carcerem conijcere asserentes in ea causa iam inhibitionem ab Auditore factam cessare, cum elapsi fuissent tres menses, quibus elapsis ex præcepto ipsiusmet Auditoris cessabat. Reus, qui in carcerem coniectus fuit per supplicationem petijt a delegato N. cui receptio testium commissa fuit, vt eum e carcere liberare iussisset, allegans iudices ecclesiasticos inferiores ciuitatis Eborensis inhibitos esse in eadē causa ab Auditore, quæ apud ipsummet & delegatum N. tractabatur. Insu-

per allegabat reus pro eodem crimine, vel diuerso non posse iudicari a diuersis iudicibus, præsertim quòd, ipso in vinculis manente, non poterat absolui articulus receptionis testium, quippe qui impediretur, cuius articuli causa ipse N. iurisdic. habebat. Delegatus N. iubet ostēdi tenorē supplicationis a reo propositæ, iudicibus Ecclesiasticis imperatq. vt ei intra tres horas respondeant, qui intra illud spatiū nihil amplius responderunt, quàm vt promotor Ecclesiasticus responderet, nullum præfigentes terminum. Decernit N. Iudices Ecclesiasticos inferiores, debere liberare e carcere reum, vt articulus receptionis testium absolueretur, eosque monet censuris, & pœnis pecuniarijs, vt id faciant intra terminum viginti quattuor horarum, qui Iudices Ecclesiastici non obtemperantes præcepto N. ipsum monuerunt, ne iurisdictionē ordinariā impediret, desisteretq. a molestia, & grauamine illato iudicibus Ecclesiasticis intra trium horarum spatium sub censuris, & alijs pœnis pecuniarijs. N. delegatus ab Auditore ad articulum receptionis testium iubet excommunicatos non parentes declarare. Iudices inferiores Ecclesiastici iubent N. declarare: fuit tamen declaratio prima N. ab auditore delegati, vt ex actis, & fide notariorum constabat, posterior iudicum Ecclesiastic. N. post declarationem nullū actum

publi-

publicum egit, iudices Ecclesiastici sacris interfuerunt publice, & ea sacerdotes fecerunt, ius publice reddiderunt, publice communicarunt; quærebatur, quid iuris esset.

2 Respondi secundum ea quæ proponeretur, sequentia primo præmittere oportet N. vtpote delegatum ab Auditore legati ad recipiendos testes, maiorem esse in hac causa iudicibus Ecclesiasticis ordinariæ iurisdictionis: nã legatus de Latere, & eius Auditor, superior est, & per consequens omnis ille, qui in aliquo negotio eius vices gerit, argumento, cap. cum inferior de maior, & obed. cap. sane de offic. deleg. optimus tex. in l. 1. §. qui mandatã. ff. de offi. eius, quod autẽ N. fuisset delegatus habens iurisdictionẽ in articulo receptionis testium, probatur, quia commissio Auditoris continebat hæc verba, *Pronuntiei que antes de final despacho se passe precatorio pera vossa merce tomar enformacamo por testemunhas dignas de se da qualidade do dito foam,* & inferius subdit hæc verba: *Por bem do que foi passada apresente, pella qual requeiro a V. M. de parte da See Apostolica, & da minha muito peço por merce que con hum notairo sem sospeita, &c.* Ex quibus verbis manifeste colligitur Auditorem non approbasse personas testium, immo eorum approbationem commississe N. quo casu articulus receptionis testiũ cum iurisdictione censetur commissus, vt in terminis concludit Abb. in cap.

super quæstionum, in princip. num. 9. ad finem numeri, de offic. deleg. dum in ea quæstione, an delegatus inferioris possit cõmittere articulum iurisdictionis asserens non posse, infert ad articulum receptionis testium, vt scilicet tunc possit delegatus inferioris illum cõmittere, quando ipsemet delegatus approbavit personas testiũ, quia tunc nulla datur iurisdictionis, sed nudum ministeriũ: secus si non approbavit, quia tunc est articulus iurisdictionis. & cum iurisdictionis. demandatus: facit cap. præterea, de offic. deleg. l. 2. ff. de iurisd. omnium iudicum l. fin. ff. de offic. eius. Certum est enim non posse commodè expediri articulum receptionis testium, & examinationis a iudice, qui tam longè commoratur ab Ulyssipone, vbi Auditor commoratur sine iurisdictione iuxta dictum, cap. præterea, de offic. deleg. cum alijs. Pro quâ sententia est text. expressus, quem allegare posset Abb. vbi supra, in cap. cum causam 62. de appellat. ibi, vel quòd deleg. testes receptos a subdelegatis subdelegatorum suorum approbaverit, cū non nisi delegatus a Principe causam alij valeat delegare. Probat igitur manifestè text. articulũ receptionis testiũ iurisdictionalẽ esse: alias non concluderet subdelegatum id non potuisse facere, quia non nisi delegatus a Principe causam alij valeat delegare, adiuncta doct. Abb. vbi supra, nu. 5. optimus text. in Clem. 1. & ibi

gl. ver.

gl. verbo, Iudices de offic. deleg. Nec obstant dicta per Abbat. in dict. cap. super quæstionum, in princ. nu. 5. vbi ait examinationem testium esse articulum sine iurisdictione: procedunt enim quando iudex delegans approbauerat personas testium, vel expresse noluit iurisdictionem cōcedere, vel non potuit, ita vt articulum merum sine iurisdictione committeret, vt colligitur ex verbis, Abb. in dict. cap. super quæstionum, num. 5. ibi, sed in deputato ad articulum merum sine iurisdictione. Ex quibus manifeste colligitur delegatum ad recipiendos testes, quos Auditor non approbavit, habuisse iurisdictionem in illo actu: cum igitur reus in carcerem cōiectus, per supplicationem suam petijisset, vt N. delegatus iuberet eum liberare e carcere ad articulum receptionis testium perficiendum, aliasque causas allegasset, vt supra diximus: rite pronuntiatum fuit ostendendam esse supplicationem rei iudicibus Ecclesiasticis, qui illum ad carcerem ducere imperarūt, qui ostensa rei supplicatione, responderunt ostendendam fore supplicationem, & processum promotori Ecclesiastico, quasi N. delegatus esset inferior, ipsique iudices superiores inter delegatum, & promotorem: idque non iure factum esse crediderim.

4 Nam si iudices Ecclesiastici existimabant vel N. nullam habere ex commissione iurisdictionem,

tionem, vel propter aliquam rationem iustam non posse illud imperare, id in termino præfixo debuerant allegare coram N. qui, vel iure, vel iniuria, se delegatum esse prætendebat ex commissione Auditoris. Nam in
 5 iure nostro regula est notissima, quòd negantibus partibus delegatum habere iurisdictionem, ex eo quia rescriptum est nullum, vel quia deficit aliqua rescripti qualitas tribuens iurisdictionem, ipse cui rescriptum, vel commissio tradita fuit, debet esse Iudex an competat iurdictio, cap. super litteris, de rescriptis ad fin. notat gl. communiter recepta in cap. 1. verb. Conseruatores, de offic. deleg. in 6. vt tradit Felin. in d. cap. super litteris, num. 18. idque in simili specie in praxi obseruari tradit Simanch. de catholic. instit. cap. 30. num. 20. notabiliter Dominicus & Perusinus, dict. cap. 1. num. 6. id optime deducentes ex l. si quis ex aliena, ff. de iudic. Siquis ex aliena iurisdictione, inquit Iureconsultus, ad prætorem vocetur debet venire, vt & Põponius, & Vindius responderunt. Prætoris enim est æstimare an sua sit iurdictio, vocati autem non contemnere auctoritatem prætoris, nam, & legati, ceterique qui reuocandi domum ius habent in ea sunt causa, vt in ius vocati veniant, priuilegia sua allegaturi. Hactenus Iureconf. Quod quidem maximam habet rationem, si enim negante parte iurisdic.

dict. iudicis ex rescripti defectu, ipsemet iudex non posset procedere, & cognoscere an haberet iurisdictionem ex rescripto vel commissione, esset illusoriū rescriptum, & commissio, semper enim pars exciperet, dicens, vel est nullum rescriptū, vel falsum, vel quid simile concludēs delegatum non habere iurisdictionem, vt scilicet iurisdicatio iudicis enervaretur, si igitur in hac specie iudices Ecclesiastici assererent delegatum N. non habere iurisdictionem, id debuerant coram ipso allegare, qui audito reo incarcerato, & iudicibus Ecclesiasticis, sententiam proferret, a qua pars grauata ad delegantem, scilicet Auditorem legati appellare potuisset. Ex quibus sic propositis exoritur dubium an procedente delegato N. contra iudices Ecclesiasticos censuris, & pœnis pecuniarijs, valeret processus etiam si postea appareret ex commissione nullam iurisdictionem N. fuisse tributam. Nam in hoc casu duplex dubium posset ventilari, primum an iudices Ecclesiastici deberent respondere coram N. vt ipse pronuntiaret se esse iudicem, vel non, possetque ad id iudices ipsos cogere. Alterum est an realiter N. esset iudex, & ex vi illius commissionis haberet iurisdictionem. Quantum ad primum attinet, sciendum est inter doctores non plene constare, an acta gesta per delegatum sint valida, si postea appareret ipsum nul-

nullam habuisse iurisdictionem. In quo articulo Ioan. Andr. & Anton. quos refert, & sequitur Abb. in cap. super litteris, num. 11. de rescript. existimant illa acta minime valere, ex eo quia fabricator falsi rescripti non potuit dare iurisdictionem, nec summus Pontifex id intendit ex rescripto nullo, quia non entis nullæ sunt qualitates, l. eius qui in provincia. 41. ff. si certum pet. Contrariam tamen sententiam non inani fundamento tueretur, Bar. in l. præscriptione, Cod. si contra ius vel utilitat. pub. dicens, quòd delegatus, de quo hic, erat in quasi possessione iurisdictionis, ideoque acta ab illo gesta valere debent, propter rationem, & utilitatem, de qua in l. Barbarius Philippus, ff. de offi. præsid. nam in eo tex. servus utpote incapax non habebat iurisdictionem, & tamen acta ab illo sustinentur ne lites sopitæ excitentur, contra cap. finem litibus, de dolo, & contum. l. properandum Cod. de iudic. Inter has duas dissentientes opiniones quantū attinet ad casum propositum, nempe in delegato ad vnam causam, vel ad duas (si enim daremus delegatum ad vniuersitatem causarum ex rescripto falso, idem quod in ordinario dicerem ex maxima utilitate, de qua in d. l. Barbarius Philippus) ego hanc concordiam assignarem, vt acta valerent a iudice delegato, licet postea appareret, si non constat notorie carere iurisdictione.

iurisdictione iuxta notat. per Bart. quem probat Ias. in l. præscriptione, nu. 24. Cod. contra ius vel vtilitatem publicam, nullam habuisse iurisdictionem, illa scilicet, quæ gesta fuerunt per delegatum vsque ad illud tempus, in quo pronuntiavit se esse iudicem, vel non esse. In quo casu approbarem opinionem, Bart. in dict. l. præscriptione, gesta vero in negotio principali minime valerent, quo casu reciperem opinionem, Ioann. Andr. Anton. & Abb. ubi supra. Ratio est, quia licet rescriptum sit falsum, vel nullum, tamen iudex debet de ea falsitate, aut nullitate cognoscere, & pronuntiare d. cap. super litteris, d. l. si quis ex aliena, si ergo iudex est, potest procedere imperando, & mulctando, l. fin. ff. de offic. eius, ad hoc scilicet, vt sibi de causa liqueat, id est an sit iudex, idque pronuntiet iuxta l. de qua re. ff. de iudic. adiuncta, d. l. fin. valent ergo gesta per illum, cum licet rescriptum sit falsum, aut nullum, quo ad illud vere sit iudex iuxta, d. cap. super litteris, d. l. si quis ex aliena, in quo eius iurisdictione non dependet ex falsitate, aut nullitate rescripti: secus dicendum est de actis gestis in principali negotio, quia an illa sint valida ex futuro euentu pendeat, an scilicet pronuntiatum sit rescriptum esse nullum & falsum, an validum, & verum. Nec obstat fundamentum, Abb. in dict. cap. super litteris, nu. 11. quod
scilicet

scilicet fabricator. falsi rescripti non potuisset dare iurisdictionem hanc, quam habet delegatus ad cognoscendum, an rescriptum sit falsum, an nullum; non prouenire ex ipsomet rescripto, sed ex lege iubente, vt iudex in ea specie cognoscat an sua sit iurisdictione, ne illusorium maneat rescriptum, si parte opponente de nullitate, vel falsitate, ligatae manerent manus iudicis ad procedendum, notat Abb. in c. fin. num. 14. de rescr. Clem. 1. eodem tit. de rescriptis: intendit Pont. in d. cap. super litteris, ibi, a delegato non est aliquatenus procedendum, nisi forsan eatenus, vt partibus ad suam presentiam conuocatis de precum qualitate cognoscat, dict. l. si quis ex aliena, idque in effectu intendit Innoc. in cap. 2. de dilat. vers. sed si postquam, vbi in vers. sed obijcies, sentit id non solum procedere in ordinario, sed etiam in delegato vbi Abb. num. 16. Decius in l. si per errorem, num. 6. ff. de Iurisd. omnium iudicum, consentit, Abb. in d. cap. super litteris ad fin. Quare necessario fateri oportet, quod sententia lata excommunicationis & pecuniaria in iudices Ecclesiasticos inferiores lata tamquam in contumaces, & non respondentes coram N. qui se delegatum esse dicebat ex commissione Auditoris ostensa, valuisse licet postea Auditor decerneret, N. non habuisse iurisdictionem. Veniamus tamen ad primū dubiū, quod erat, an N. delegatus

gatus ex vi cōmissionis, & rescripti Auditoris haberet iurisdictionē aduersus impediētes receptionē testium delegatam, & ad compellendos testes, aliaque omnia, quæ ad similes actus necessaria sunt. Et postquam ostendimus ex rescripto, & commissione Auditoris apparere illum actum receptionis testium fuisse commissum cū iurisdictione restat nunc ostēdere iudices Ecclesiasticos inferiores per capturam rei impediuisse receptionem testium eamq. reddidisse difficiliorem, ob quam causam N. aduersus eos procedere poterat. Nam prædictis iudicibus ostensa fuit supplicatio rei quinta die Decembris, & nona die eiusdem mensis rei debebat præsentare Vlyssipone coram Auditore testimonia data circa fidem testis cuiusdam, super quo receptio testiū fuit demandata, intra quē terminum iurisdictionis N. expirabat, nec vltra poterat testes recipere, ideoque summarie, & celeriter processerat, ne frustra periret iudicialis instantia, cap. consuluit de offic. deleg. præsertim, quòd non esset facile, immo impossibile videbatur in tam breui tempore N. delegatum, absque ministris, & sine apparitoribus testes recipere, ideoque poterat cogere iudices Ecclesiasticos inferiores, vt reum e carcere liberarent, vt facilius negotium commissū perficeretur, licet enim cōtrouersum sit an delegatus possit facere ea omnia, quæ ad facilio-

ciliorem causæ expeditionem pertinent ; tamen id sine dubio in hac specie potuisse facere N. nemo ambiget, qui terminū iurisdictionis delegatæ, tēporis breuitatem, & negotij qualitatem perpenderit, ita enim fiet, vt non solum arbitretur difficile fuisse testes recipi, sed id impossibile, moraliter loquendo, pro comperto habeat. Sed oportebit in hac re paululum immorari, vt ostendamus sine dubio N. id potuisse facere, siue receptio testiū non potuisset fieri in illis temporis angustijs, siue ad eam facilius peragendam id esset necessarium. Porro in illa quæstione, an delegatus possit facere omnia, quæ ad faciliorem causæ expeditionem conducunt, an vero solum ea sine quibus causa expediri non potest, aliqua est apud nostrates controuersia, nam gl. in cap. solet, Verb. per superiorem, de sententia excommunic. in 6. cum alijs existimauit delegatum solum posse facere ea, sine quibus negotium expediri non poterat, idem sensit Syluester verbo delegatus, num. 6. moti ex cap. præterea, vbi notant aliqui, de off. deleg. cap. prim. cap. prudentiam, illo titul. Secundo facit quòd potestas delegata est stricti iuris & ideo non debet ampliari, sed restringi, cap. Licet in corrigendis. 12. de off. ord. cap. P. & G. ad fin. de offic. deleg. multi tamen quos citat, & sequitur Decius in dicto cap. præterea, num. 7. vers. 2. conclusio. pu-

tant

rant delegatum posse omnia facere, quæ ad meliorem, & faciliorem expeditionem causæ conducunt. Mouent hos patres multa in nostro iure exempla, quæ delegati possunt facere, sine quibus actus expediri poterat, facilius tamen cum illis expediri solet. Poterat enim delegatus exercere iurisdictionem, & causam sibi delegatam definire, coercionem autem non habere, sed si ea opus esset ad ordinarium recurrere, & tamen, commissæ causæ, censetur delegata coertio, l. 2. ff. de iurisd. omn. iud. l. fin. ff. de officio eius. Poterat sane delegatus suam causam finire, sententia lata, & postquam per illam functus esset officio suo amplius de ea se non intromittere, & tamen quia id non erat facile ad causam plene peragendam, si non posset exequi suam sententiam, habet annum ad exequendum, cap. quærenti. 26. de offic. deleg. poterat delegatus procedere in causâ sibi delegata cognoscendo de grauamine solum illato, quod ei fuit commissum, sed quia non erat facile, nec commodum ad causam, si constando de nullitate, de ea non posset cognoscere, cum illusoria mansisset eius sententia lata super grauamine, cap. causam quæ, de iudic. notat gloss. communiter recepta in cap. 1. verb. absentia, de electione in 6. quam bene examinauit Imol. in l. inter quos. §. alieno. nu. 9. ff. de damn. infect. censetur ei concessa

cessa potestas, vt de nullitate cognoscat, licet illi expresse non cōmitteretur .l. quædam mulier, ff. famil. herciscundæ, notat Lusitanus Franciscus Caldas Regius senator in Curia Portugalensi meritissimus in l. si curatorem, verb. implorandum. nu. 22. Cod. de in integr. restitutione; poterat delegatus procedere in causa, quòd si testis apud ipsum deliquisset, id ad ordinarium remitteret, & tamen delegatus potest testem delinquentem, castigare. l. nullum, Cod. de testib. Abb. in d. cap. præterea, num. 4. vbi Dec. eleganter, num. 5. vers. concludendo vero, poterat delegatus procedere in causa absque eo, quòd absolueret ad cautelam gl. in dict. cap. solet, & tamen quia absolvere ad cautelam pertinet ad faciliorem causæ expeditionem, delegatus absolutionem ad cautelam impartitur, vt melius aduertit Abb. in cap. ad præsentiam, num. 3. de appellat. & in praxi obseruari tradit Reuerendissimus præsul Couar. in cap. Alma mater 1. par. 9. 12. num. 6. de sententia excommun. in 6. Illud notabiliter addens posse delegatum, etiam si ad id non habeat licentiam a delegante, qui eam potuit dare, absolvere testes excommunicatos ad effectum testificandi, maxime vbi res non ita bene per alios testes probari posset, ex regula, dict. c. præterea, d. l. 2. & secundum ea, quæ paulo ante diximus. Propter hæc exempla magis recepta

cepta sententia est, quam approbat Dec. in dict. cap. præterea, num. 7. vers. 2. conclusio, posse delegatum omnia illa facere quæ ad faciliorem causæ expeditionem pertinent. Inter has duas dissentientes opiniones medium quoddam amplecterer, ita vt nec auare solum delegato darem ea tantum, sine quibus præcise actus expediri non potest, nec prodigè omnia quæ ad faciliore causæ expeditionem pertinere possunt, sed ea tribuerem sine quibus actus commode expediri non potest. Non enim censetur aliquid fieri, si commode non fit, argumento l. Medicus 26. ibi, Vt acquiescere eos meridiano tempore, & valetudinis, & honestatis suæ rationem habere sineret. ff. de operis liber. l. prima, in principio. ff. postul. ibi. Hunc titulum prætor præposuit habendæ rationis causa, suæque dignitatis tuendæ, & decoris sui causa, &c. ita vt nec delegatus solum possit illa sine quibus actus omnino non potest celebrari, & ita intelligo doctrinam Dec. & aliorum, nec possit omnia quæ ad faciliorem causæ expeditionem conducere possunt: ita intelligo gl. in dict. cap. solet, verb. per superiorem, & sequaces. Plane ex præcedentibus, & iam dictis apparet non potuisse N. delegatum recipere testes, & testimonia repræsentari Vlyssipone coram Auditore in spatio quattuor dierum, cum nō haberet ministros, neque apparitores ad ne-

gotij expeditionem, & quotidie esset occupatus vesperi in officio sanctæ Inquisitionis, & aliquando matutino tempore in congregationibus capitularibus, vulgo Cabildo, ideoque rite potuit iubere iudices Ecclesiasticos inferiores, vt reum e carcere liberarent, cum non possent recipi testes in termino dato ab Auditore, vel saltem commodè fieri non posset, post quem terminũ eius iurisdictionis expirabat, cap. de causis. 4. in princ. cap. consuluit, de offi. deleg. præsertim, quòd reus personaliter, & nõ per procuratorẽ oportebat interesse, vt videret iurare testes; erat enim causa criminalis grauissima, pro qua ipsemet reus erat incarceratus, & ita non poterat respondere per procuratorem. Julius Clarus in pract. crimin. quæst. 32. num. 16. Restat nunc videre an iudices inferiores Ecclesiastici recte contra N. delegatum ab Auditore ad recipiendos testes procederent, eum monendo & excommunicando, & insuper alias pœnas infligendo, & non posse, certissimum est. primo, quia delegatus, siue ex commissione haberet iurisdictionem, siue non haberet, maior erat Ordinario in quantum cognoscebat, an haberet iurisdictionem, cap. sane 2. cap. significasti, de offi. delegati, adiuncto cap. super litteris, ad fin. de rescript. & his, quæ supra diximus, & ita aduersus eum nulliter procedebant, cap. cum inferior. de maior. & obed.

obcd. l. ille, a quo. §. tempestiuum. ff. ad senat. consult. Trebellean. quòd si iniuste proce-
debat non poterant resistere, sed apud eum
instare, vt in negotio supersederet donec ad
superiorem rescriberetur, cap. significasti,
cap. si quando, de offic. delegat.

Secundo, quia N. delegatus, erat consul-
tor sanctæ Inquisitionis, & in eius ministerio
actualiter inseruiebat, vnde nec excommu-
nicatione, nec vllis pœnis poterat mulctari
ab alijs iudicibus Ecclesiasticis ordinarię iu-
risdict. sed solum ab Inquisitore generali, siue
Cõsilio generalis Inquisitionis, aut ab Inquisi-
toribus. Ratio est, quia nullus iudex siue ordi-
narius siue delegatus potest aliquas sentētias
proferre cõtra officiales summi Põtificis, ex-
trauag. cum Matthæus de hæretic. Inquisito-
res autem, & alij ministri sanctæ Inquisiti-
onis sunt officiales summi Pontificis, & sedis
Apostolicę. tractant enim de causis fidei, quæ
magis pertinent ad summum Pontificem,
quàm aliæ omnes, a quibus scilicet dependet
status Pontificalis, nec ad partium priuata-
rum vtilitatem principaliter sunt iudices da-
ti, sed ad extirpandas hæreses, & ita Inquisi-
tores esse officiales summi Pontificis, & tam-
quam tales non posse iudicari ab alijs iudici-
bus ordinarijs, vel delegatis Ecclesiasticis,
colligitur ex notatis per Lapum de Castilio-
neo, in consilio celeberrimo, quod extat post

confilia Oldradi, cui subscripserunt quamplures doctores magni nominis, & in specie id ipsum tenet Roias de priuil. Inquisitor. 417. Franciscus Peña in director. lib. 3. quæst. 30. Commentar. 79. nec possunt Inquisitores, Cōsultores, & alij ministri vlla iudicis excommunicatione ligari ex priuilegio Urbani quarti, quod refert Peña vbi proximè quæstione 21. Comentar. 70. idque in Inquisitoribus dubium non est, immò & in alijs ministris perpetuis coadiuantibus Inquisitores, dicendū est, non solum propter rationes quas adducit Peña vbi proximè, sed etiam ex eo, quia priuilegia concessa alicui personæ, vel officiali censentur concessa (nisi aliud repugnet) eius ministris perpetuis, cap. per exemptionem 9. (ibi, Perpetuoque oblatis) de priuileg. in 6. & ita per illum tex. id tenet Ias. in .l. scrinarios num. 2. Cod. de testamento militis, cum igitur consultores in hac Eborensi ciuitate sint perpetui, merito iisdem priuilegijs fruuntur, Peña vbi supra, idque non inarguta ratione comprobatur; cum enim ea priuilegia concedantur Inquisitoribus ad negotium Fidei cōmodius exequendum, ne scilicet metu aliquorum iudicum à negotio sanctæ Inquisitionis auertantur, vel ob malitiam ipsorum iudicū retardentur eorum processus: & ipsi Inquisitores non possint procedere absque suis ministris, merito eadem priuilegia illis concessa

mini-

ministros perpetuos comprehendunt, iuuante reg. tex. in cap. Licet, 11. vers. cum conceditur, de priuileg. in 6. vt post Bald. & alios, quos citat, bene aduertit Dec. in dict. l. scriuarios, num. 11. Intendit Ioannes de Platea in l. 3. num. 2. Cod. de fund. patrimon. lib. 11. vbi inquit priuilegia concessa Ecclesijs, vel clericis respectu rerum comprehendere vassallos, de qua re latius agemus de sententijs inquisit. lib. 1. cap. 4. nunc differendum est an
II iudices inferiores Ecclesiastici possent reum in carcerem conijcere, & videbatur, eos id posse facere, quia inhibitio Auditoris eam habebat conditionem si intra tres menses sententiam absolutoriam obtineret, alias si intra illum terminum eam sententiã reus non ostenderet, videbatur Auditoris inhibitionem cessare: sed verius est in hac specie, de qua agimus id non obtinere. Nam caute quidem Auditores in suis inhibitionibus illud terminum solent præfigere, ne appellantes ad inueterata crimina redeant, dum interim, pendente appellatione, iudices a quibus, nihil aduersus reum in illa causa possunt statuere iuxta cap. primum, & per totum, vt lite pendente, totus titulus, Nil nouari appellatione pendente: fitque sæpe sapius, vt ipsi appellantes ob eam causam data opera negligant appellationem prosequi, & in infinitum causam protrahant, vt interim impudice in sceleribus se-

curi permaneant. Id tamen sane intelligendum est quando constat appellan-
 tem non prosequi causam appellationis, vel eam, data opera, dilatare, at in hac causa constabat reum super eadem causa ab Vlysi-
 pone Eboram se contulisse, vnde pendente causa, & reo eam prosequente, impossibile erat afferre
 sententiam absolutoriam, ideoque inhibitio non cessabat: adeo vt soleant aliqui docti Iud.
 Eccles. Licet constet appellantes suam non prosequi appellationem, terminum præfigere,
 vel ad ostendendam sententiam absolutoriam, vel ad docendum an in causa procedatur,
 quòd iuris regulis maxime consonat, nec statim elapso termino inhibitoriæ contra
 illos procedunt ob reuerentiam sedis Apostolicæ. Sæpe enim existimant Auditores causam
 finiri posse intra certum spatium, quod tamen propter aliquam causam fieri nō potuit,
 vt in hac apparuit, in qua fere in illo termino finiri debuerat, ni Auditor dubitans de fide
 vnius testis articulum receptionis testium committeret. Adde intra illum terminum
 trium mensium præfixum ab Auditore non esse computandas ferias, quæ in hoc medio
 tempore interuenerunt, in quibus causa quieuit, & ita reo nihil est imputandum argumen-
 to, tex. in cap. quia diuersitatem, de concessione præben. l. 1. §. dies autem istos, quibus
 appellandum est ad aliquid vtilis esse, oratio
 sancti

sancti Marci voluit, ff. quando appellandum
est, præsertim, quòd ubi constat reum in cau-
sa procedere, superioremque de ea cogno-
scere datur inhibitiio iuris notissima; illa est,
non posse iudicem inferiorem de causa cogno-
scere, de qua apud iudicem superiorem tra-
ctatur; cap. vt nostrum, de appellation. cap.
Licet, de offic. leg. Nec excusabit iudices in-
feriores Ecclesiasticos si dixerint pro eodem
crimine, vel diuersis reum in carcerem con-
ductum esse: nam si est idem crimen, vel de-
pendens, non potest ob eam causam a iudi-
cibus Ecclesiasticis inferioribus in carcerem
conijci: tum quia iam illa causa in superiori
iudicio pendet, iuxta dict. cap. vt nostrum,
dict. cap. Licet, tum, quia de eodem crimine
non potest tractari apud diuersos iudices, ca-
pit. final. de rescriptis, ibi super vno nego-
cio, &c. l. vnica. §. fin. Cod. de assertionem tol-
lenda; item nec si crimen fuerit diuersum po-
terit de eo tractari apud diuersos iudices
quãdo sub vno iudice possunt tractari cõmo-
dius dict. cap. fin. ibi vel etiam malitiose su-
per pluribus personalibus actionibus, quæ
sub vno iudice possent tractari cõmodius per
varias litteras coram diuersis iudicibus tra-
hunt, &c. dict. cap. dispendia, ibi vt si quis
contra alium plures personales mouere vo-
luerit quæstiones, non ad diuersos iudices,
sed ad eosdem super omnibus huiusmodi quæ-

ftionibus litteras ftudeat impetrare, gl. in d.
 cap. fin. verbo. Ad diuerfa loca, immo fi ex
 petitione partis, vel aliunde Iudici fuperio-
 ri conftiterit, cóntra reum in diuerfo iudicio
 crimen intentari, cognoscẽs de crimine apud
 ipfum commodius poffe tractari, vetabit iu-
 dicem inferiorem, maxime parte poftulante,
 procedere, vel fi ad id habeat iurisdictionem,
 ad fe acta omnia referet; vulgo auocara os
 autos, ad quæ reducenda funt, quæ tradunt
 doctores in dict. cap. fin. vbi eleganter, Abb.
 num. 13. & in dict. cap. dispendia, de refcript.
 in 6. Bar. in l. 2. ff. custod. reor & in leg. con-
 tra pupillum, §. qui ad maius, vbi Alexan. de
 Imol. ff. de re iud. iuuat. l. per minorem, 54.
 ff. de iudicijs. Quæ omnia non folum in de-
 legatis procedunt, fed etiam in ordinarijs,
 leg. prima, ibi, Sed non poteft, qui apud al-
 terum nomina ediderit, apud alterum manu-
 mittere, feparatæ enim funt manumiffiones,
 ff. de offic. Conful per quem text. id tenet Io.
 Monach. in dict. eap. dispendia, prout refert
 Dominic. ibi, nu. 11. intendit Abb. vbi pro-
 xime cum igitur crimen de quo reus accusa-
 batur, & pro quo in carcerem coniectus fuit,
 vel erat idem, vel fi diuerfum fuit, leuius erat,
 quàm illud de quo apud Auditorem tracta-
 batur, nec poffet commode refpondere co-
 ram diuerfis iudicibus tam longe commoran-
 tibus, præfertim quòd ipfi iudices Ecclefia-
 ftici

ici inferiores, pendente appellatione, suspecti erant, cap. ad hæc 6. capit. proposuit 4. de appellat. insignis Nauar. in cap. cum contingat 10. causa nullit. vers. at replicari potest, de rescriptis; Robert. Marant. de ordin. iudic. 6. part. vers. & quamquam appellatio. num. 61. parte postulante, & N. de legato iubente deberent iudices reum e carcere liberare, quòd si noluerint, poterat delegatus ad recipiendos testes, contra eos procedere ne sibi articulum receptionis testium emanatum impedirent. Nec supradictis obstabunt, dict. cap. proposuit d. c. ad hæc. & ibi Abb. num. 2. asserens ex illis iuribus probari posse aliquem compelli ad respondendum eodem tempore coram diuersis iudiciis in diuersis causis. Nam respondemus id tempore illorum iurium potuisse fieri, si pars non opposuisset exceptionem, vel quia id tunc temporis non erat prohibitum, vel postea, editum fuit per Gregor. i x. in dict. cap. fin. de rescriptis, & vberius per Innocent. i i i j. in dict. cap. dispendia, de rescript. in 6. vel quòd de illis criminibus, aut causis commode apud diuersos iudices posset tractari, quo casu id potest fieri Abb. in dict. cap. fin. num. 3. secundum quem debes intelligere verba, in dict. cap. ad hæc. Nec dicas hunc intellectum esse diuinatorium, nam apud nostros doctores doctrina est notabilis, quam non obliuiscas-

uiscaris ad bonam iurium intelligentiã, quòd quando textus non decidit principaliter vnã rem, semper præmittendi sunt termini habiles in illa re, de qua text. principaliter non loquitur, argumento notabilis, text. in l. qui testamento. 20. ibi, Hi enim testes possunt adhiberi, si aliud eos nihil impediat, ff. de testam. In hac causa aliquot dubia mouebant,

12 nunc iud. Eccl. nunc curiosi aliqui, quæ referam: & confutabo, non vt existimem id esse necessarium: cui libet enim, etsi non docto responsio nota erit, sed vt huic materiæ plenissime satisfaciamus primum dicebant N. delegatum esse excommunicatum ex Bulla Cœnæ Domini, in qua reperitur excommunicatio aduersus impediētes iurisdictionem Ecclesiasticam; sed id incinile est, qui enim iurisdictione Ecclesiastica sedis Apostolicę procedit non impedit iurisdictionem Ecclesiasticam argumento, l. cœlicolarum, Cod. de Iudæis. Immo excommunicatio illa videtur astringere dictos Iudices Ecclesiasticos, & eos qui illis fauorem dederunt, dum ligat omnes, qui impediunt mandata sedis Apostolicę, vel Nuntiorum eius, vt est expressum in nona clausula Bullæ Cœnæ, & notauit Nauar. in Manual. latino cap. 27. 3. to. fol. 329. Idq. multo magis oportebat fieri, nam iurdictio ordinaria plures ministros habet, & potentes iudices, qui eam possint defendere, non sic

iuris

iurisdictione delegata, quæ inermis est & parum
valida, ideoque necesse fuit vt summus Ponti-
fex eam quoad fieri possit, illa excommuni-
catione tueretur. Secundum dubium erat,
Auditorem non potuisse delegare cum sit de-
legatus ab inferiore, iuxt. cap. cum causam,
c. 2. de appellation. l. fin. ff. de offic. eius, Cui
dubio respondemus distinguendo. Nam si Au-
ditorem legati æquiparemus Auditoribus
Romanæ Curia, ordinariam habet iurisdic-
tionem in procedendo, & ita in nostro casu
poterat subdelegare, cum ille actus subdele-
gandi fuisset gestus ante definitiuam senten-
tiam, & sit de processu, cap. si a subdelegato
c. 4. de offic. delegat. in 6. notat Dominicus
in capitulo dispendia, numero septimo, de
rescriptis in 6. gl. prima, in Clementin. Au-
ditor, de rescriptis intendit Abbas in capi-
tulo ad præsentiam, numero tertio, de ap-
pell. Gomes. in cap. 1. num. 79. de rescriptis,
in 6. Vantius de nullitatibus, tit. ex defectu
iurisdictionis delegatæ, num. 7. si vero Au-
ditor est delegatus, absque dubio poterit arti-
culum causæ cum iurisdictione delegare, vt
erat ille de quo N. cognoscebat, post Archi-
diaconum notat Dominicus, & Perusin. in c.
2. de offic. deleg. lib. 6. vbi illud addunt, dele-
gatum delegati ad Vniuersitatem causarum
vnam & plures causas posse delegare, quia
equiparatur legato Proconsulis cap. 2. de
offic.

- offic. legati lib. 6. qui id potest facere, gloss. in l. legatus ad med. ff. de off. procons. & legat. Domin. & Perus. in d. c. 2. Cū igitur auditor legati habeat Vniuersitatē causarū, merito vnā, & plures causas poterit delegare. Ad-
do probabilius mihi videri Auditorem habere iurisdictionem ordinariam legati, de qua in dict. cap. 2. de off. legat. in 6. aduertit Alciat. vbi supra, & nequaquam esse delegatum, quemadmodum dicimus secundum veriorē
- 16 & communiorē sententiam, Vicarium non esse delegatum Episcopi, sed habere iurisdictionem ordinariam Episcopi, vt notant nostri Canonistæ, in rubrica de offic. ord. & de offic. deleg. Legistæ in rubr. ff. de offic. eius, vltra alios gloss. 1. in cap. Romana de appell. in 6. Andreas Alciatus, in rubricam de offic. ordin. num. 23. Couarr. lib. 3. resolu. cap. 20. numero 4.
- 17 Tertium dubium est, delegatum inferioris, idest Auditoris legati non posse punire resistentes, qui non subsunt potestati primi delegantis, hoc est Auditoris, vt notat Abb. in cap. significasti, num. 5. de offic. deleg. ad id respondeo Serenissimum principem Albertum huius regni Lusitaniæ legatum de Latere habere iurisdictionem Ecclesiasticam super omnes, cum totius prouinciæ legatus sit, cap. 1. de offic. legat. cap. 2. eodem tit. lib. 6. & per consequens Auditorem, qui eius iurisdictionem

isdictionem exercet, & licet Abb. vbi proxime
existimet delegatum non posse punire sibi re-
sistentes, nisi sint subiecti primo deleganti, ta-
men id non videtur verum: quilibet enim de-
legatus potest punire sibi resistentes, cuius-
cumque iurisdictionis illi sint. eam enim iu-
isdictionem habent a lege, non a primo dele-
gante, cum causa delegata alicui, censeantur
ei omnia concessa sine quibus eius iurisdic-
tio explicari non potest, & ita coertio in-
resistentes, & impediētes iurisdictionē, iux-
regul. cap. præterea, de offic. eius, dum
robant commissa causa cēseri omnia com-
missa sine quibus illa explicari non potest, &
mandata iurisdictione coertionem cēseri
mandatā, vt tradit Lusitanus Gaspar Vaz,
in Patauina Academia floruit tempore
regis Emmanuelis in l. imperiū, mihi, fol. 18.
vers. vlt. pro complemento materiæ, ff. de iu-
r. dict. omn. iud. Plane non potest vllō modo,
vel saltem commode explicari causa, nec iu-
r. dictio delegati si non posset punire quoscū-
que resistentes, illusoria enim esset eius iu-
r. dict. l. fin. ff. de off. eius, a lege cēsetur ad
data potestas, vt supra diximus, & ita con-
tra Abb. melius aduertit Decius in dict. cap.
significasti, num. 3. versic. sed aduertendum
est.

Ex quibus omnibus infertur perperam fe-
cisse excommunicatos ab N. delegato, qui
post

post declarationem publice sacra fecerunt, ius publice partibus reddiderunt, & publice communicarunt, cum rite aduersus eos processerit, & appellationes friuolæ fuissent a delegato N. iudicatæ. Licet enim magis præsumatur pro appellatione, quàm pro sententia ad hoc, vt si quis fuerit excommunicatus, pendente appellatione, de qua bona fide confidit, possit se gerere pro non excommunicato cap. dilectis, de appellatione, Innocentius in cap. bonæ memoriæ, de appellation. Nauar. in dict. cap. cum contingat, remed. 3. vers. secunda decisio. id tamen duobus modis, meo iudicio, limitandum est; primo vt non procedat quando notoria est iniustitia sententiæ, a qua fuit appellatum, vel id est dubium, Cardin. in clemen. 1. num. 13. de sententia, excommunicat. Abbas in cap. pastoralis, nu. 12. de appellatione, intendit Nauar. vbi proxime ad fin.

Secundo vt non procedat quando iudex, a quo, pronuntiauit appellationem esse friuolam, quia tunc cum magis præsumatur pro Iudice, cap. in præsentia, de renuntiatione pars, iam non potest confidere secure de appellatione, & ita abstinere debet, cum igitur N. delegatus pronuntiauerit appellationem esse friuolam, tenebantur iudices Ecclesiastici inferiores abstinere. Insuper in alia re iudices prædicti errasse videntur, dum scilicet
statim

atim post declarationem publice communi-
 arunt, licet enim excommunicatio fuisset
 nulla, cum tamen nullitas non fuisset notoria,
 oportebat illos publice denuntiare eius nul-
 litatem, vt post Paludan. & alios tenet insi-
 gnis Nauarr. in dict. cap. cum contingat,
 remed. 3. vers. quinto facit, cum igitur id non
 fecerint grauiterrate errarunt, & scandalum pu-
 sillis præbuerunt, quod maxime vitandum est
 cap. nihil, de præscript. cap. 1. de noui ope-
 ris enuntiatione, præsertim hoc tempore,
 quo circumsepti hæresum monstris in magno
 periculo omnes catholici versamur. Non
 abs re alicui videbitur, siquidem hac vsque
 de sacerdote reo incarcerato egimus, breui-
 ter admonere in fine huius capituli, non esse
 iuri, aut rationi consonum id, quod aliqui iu-
 dices Ecclesiastici faciunt dum sacerdotes,
 aliosue clericos pro leuissimis culpis in car-
 cerem conijciunt. Nam Concilium Triden-
 tinum, de reformatione, sessione 25. cap. 14.
 constituit clericum conuictum de crimine
 incontinentiæ, primo tertiam partem reddi-
 tum beneficii amittere; secundo a benefi-
 cio esse suspendendum.

Tertio tandem eo priuandum esse: at in fi-
 ne subdit: Clericos vero, qui non habent be-
 neficia carceris pœna, & alijs pœnis punien-
 dos, quæ in iure canonico sunt præscriptæ,
 plane significans clericos habentes beneficia
 pro

pro crimine incontinentiæ non esse in carcerem coniiciendos ante sententiam, vt patet per argumentum a contrario sensu, quod in nostro iure validum est, l. 1. ff. de offic. eius: id etiam declarando dictum Concilium Tridentinum, disponit constitutio huius Ebo-
rensis Archiepiscopatus, tit. 16. a principio. quod rationi maxime conuenit, licet enim, quando de similibus criminibus clerici accusantur, notorium sit eos aliquam infamiam incurrere publice, cum in iudicio accusatio instituatur, argumento, cap. final. & ibi not. de cohabitatione clericorum, & mulierum: tamen multo magis ea crimina publica fiunt, si clerici in carcerem conijciantur cum magno populi scandalo & summo clericalis dignitatis dedecore subtrahuntur Ecclesijs diuina officia, ipsis miseris clericis alimonia, quam ex beneficij redditibus, & sacris celebratis sæpe sæpius sibi cõparant; quinimmo, & iuri communi consonant ea, quæ Conciliũ Tridentinum, & constitutio Archiepiscopatus disponunt: tradit Bernardus Diaz, in pract. cap. 6. num. 7. & ibi Salzedo. etenim, cum carcer iure Canonico, & ciuili regulariter non sit inuentus ad pœnam, sed ad custodiam, l. aut damnum. 8. in ordine. §. solet, l. mandatis, 35. ff. de pœnis, adiuncto, cap. 1. de nou. oper. nuntiatione, periniquũ est clericum in carcerem conijcere pro crimine,

mine, quo probato nullam pœnam corporalem, sed solum fructuū beneficij amissionem sustinere debet, ideoque summus Pontifex in cap. clericos, de sententia excommunic. in 6. constituit, clericos non esse in carcerem conijciendos nisi excessus enormitas, vel alia causa rationabilis eos suaserit detinendos, intendit Concilium Tridentinum de reformat. sessione 25. cap. 6. ibi, In criminibus tamen ex incontinentia prouenientibus, de qua in decreto de concubinarijs, & in atrocioribus delictis depositionem, aut degradationem requirerentibus, vbi de fuga timetur, ne iudicium eludatur, & ideo opus sit personali detentione possit initio solus Episcopus, &c. nec obstat, cap. tuæ. 6. de pœnis, cap. quamuis, 3. eodem tit. lib. 6. Concil. Trident. vbi supra, cap. 14. ibi carceris pœna, in quibus iuribus carcer in pœnam imponitur. Respondemus enim id aliquando fieri post sententiã latam, in qua reus condemnatur in crimine grauissimo, quod grauem pœnam merebatur; intendit Segura in director. Iudicum Ecclesiasticorum 2. par. cap. 13. nu. 4. nam cum Ecclesia plena mansuetudine, quam prælati, & eius ministri imitari debent, non imponat pœnam mortis, cap. 1. 51. distinctione, cap. sententiam sanguinis, ne clerici, vel Monachi Innocen. recept. in cap. qualiter, & quando in 2. de accusat. nec ad metallum, vel trire-


mes soleat frequenter condemnare; ne crimina penitus maneant impunita, pœnam carceris in aliquibus criminibus grauissimis induxit, vel vbi alia pœna commode non potest imponi, de qua re non agimus, solum enim de captura rei differimus antequam de delicto plene constet. In qua specie regula est certissima, non debere aliquem in carcerem conjici pro delicto pro quo nō venit imponenda pœna corporalis, si fideiussores dederit, vel facultates idoneas in loco possederit, iuxt. l. 1. ff. custod. reor. vbi notat Bart. & doctores communiter, & in praxi obseruari colliges ex Boss. in practica criminali, tit de carceralo fideiussoribus committendo, Iulio Claro in practica criminali, quæst. 46. num. 7. intendit Abbas in cap. legebatur, num. 1. de maior. & obediens. vbi ait, quod iniuria fit ei cuius verbo credi debet, si ab eo exigitur scriptura sicut in simili dicitur, quod iniuria fit ei, qui ducitur ad carceres, si non admittitur præstans idoneos fideiussores, & ibi citat multos. Felinus num. 2. Segura in directorio Iudicū Ecclesiasticorum, distinctione 2. parte cap. 13. num. 11. & 13. Amplia, vel si facultates in loco habeat iuxta dicta leg. ff. custod. reorum, intendit Dominicus in dicto capit. si clericos, num. 6. & 9. Quæ omnia adeo vera sunt, vt etiam si clericus non habeat beneficium, pro crimine incontinentiæ, quod

quod pœnam corporalem non mereatur, non possit detrudi in carcerem ante sententiam, si præster idoneos fideiussores, vel in loco habeat facultates iuxt. supradicta. Tridentinum enim vbi supra in cap. 14. tantum agit de carcere imponendo post sententiam.

SUMMARIVM EX CAP. SEQ.

- 1 Non est recedendum facile a littera vulgari textus.
- 2 Typographi reprehendendi sunt grauissime si ex sententia vnius, vel alterius, litteram vulgarem mutant, & quid agere debeant.
- 3 Littera vulgaris huius text. recipienda est, non vero illa, Quam aliqui noue afferunt.
- 4 Quid significet, vna, in hoc textu declaratur.
- 5 Si vna abscissa sit, & seruus conualuit, nec amplius renascitur non est locus redhibitioni, secus si non conualuit, vel vna renascitur.

CAPVT SEXTVM.

- I  DEM ait, Si vna in gutturo
 „ alicuius præcisa sit, tollere ma-
 „ gis, quàm præstare redhibitio-
 „ nem, quia morbus minuitur.
 „ Ego puto si morbus desinit, nō
 „ esse redhibitioni locum, si autem vitium per-

- seueret, redhibitionem locum habere. Hæc sunt verba Iureconsulti Vlpian. in l, quæritur 14. §. Idem si vua, ff. de ædilitio edicto: quæ sic leguntur in vulgaribus codicibus, vt legit Budæus in Pandect. in hac lege in §. Si quis habeat. Anton. Augustin. præsul Reuerendissimus, & bonarum litterarum summe studiosus lib. 1. emendationum, cap. vltim. in alia re emendans, text. quod non probo: neque enim a vulgari, & recepta littera facile recedendum est, nisi cum vel sententia non quadrat, vel alius error apparet: aliter facile erit vnicuique ad libitum litteram inuertere, idque ego soleo dicere ex multis inuersionibus litterarum, quibus certe scio litteram
- 2 communem præstare. Illudque magis ægrefero typographos propter dictum vnus, vel alterius litteram vulgarem librorum emendare: id enim acriter reprehendendum erat. Imprimant secundum litteram vetustiore: & in margine adijciant cuiuscūq. animaduersionem, vel censuram, vt plane sciamus, quid communis, & antiqua littera habuerit, & quid recentiores in melius reformauerint, liberumque sit cuilibet vel defendere litteram vulgarem, vel recipere nouam emendationem
- 3 recentiorum, quod hic admonere libuit. video enim clarissime in hac lege id, in quo Typographi peccant. etenim cum in hoc textu secundum litteram vulgarem, & communem,
- lega-

legatur, idem ait si vua, & sic legant Budeus & Augustin. supra citati, iam in multis codicibus legitur, idem ait, si vena, propter dictum vnus illud existimantis, cras aliter Typographi litteram mutabunt propter alterius opinionem, cum sine dubio hic legendum sit secundum vulgarem editionem, idem ait, si vua. Nam quis dicet præcisa vena inguttur alicuius, in quo quælibet incisio nimis periculosa est secundum Medicos, non laborare morbo, illumque hominem morbosum appellari non posse. Nemo sane, nisi ille, qui ignorans, quid sit vua, facilem habeat animum, ad mutandas litteras receptas. Defendo igitur litteram communem & vulgare dum habet, idem ait si vua, est autem vua morbus, pellicula quædam in fine palati dependens, circa fauces, vt in homine hiante conspicitur, sic dicta, quia vt vua dependet, & humiditate variatur, & est vocis moderatrix, & aliquando ad similitudinem vuæ intumescit, de quo morbo late agit Galenus 11. de vsu partium, cap. 11. littera d. Auicenna 93. tract. vnico, cap. 1. Philosoph. lib. 3. cap. 3. facit mentionem huius morbi, Plinius multis in locis illi remedia adiiciens: apud nos, *gorgenceos*, appellari audiui in quadam Lusitanix parte. Remedium magnum est prædicto morbo, si credimus ipsis medicis, dum intumescunt, vuas abscindere, sed est quàm periculosum,

ideoque maximas docent cautelas ad earum abscissionem, & ob id Iureconsultus Pædus aiebat, si abscissæ sunt redhibitioni non esse locum, quia adhibito principali remedio morbus diminutus esse videbatur, sed melius Vipianus, optimus magister, qui propter periculum abscissionis, & renascentis mali distinguit, aut morbus, scilicet vicia, definit per abscissionem, & tunc non est locus redhibitioni; aut post abscissionem adhuc manet periculum, vel ipsa vicia renascitur, & tunc cum adhuc morbus non desierit, redhibitioni locus est.

SVMMARIVM EX CAP. SEQ.

- 1 Proponitur quæstio examinanda, & referuntur duo argumenta pro parte affirmatiua.
- 2 Referuntur Auctores asserentes partem affirmatiuam quæstionis.
- 3 Contraria sententia assertur, & duo argumenta eam suadentia.
- 4 Citantur Auctores, qui tenent hanc contrariam sententiam.
- 5 Declarantur breuiter diuersæ doctorem opiniones in hac materia.
- 6 Romanis fuit fere Religio decedendi cum testamento, ideoque plures institutiones substitutiones faciebant; tradunturque definitiones substi-

substitutionum, & diuisiones.

- 7 Non potest Paganus verbis directis, aut ciuilibus substituere, & declaratur significatio verborum, ciuilia, & directa, obliqua, & precaria.
- 8 Semper attendi debet, & obseruari testantium voluntas, quæ optime colligitur ex verborum tenore.
- 9 Proponitur conclusio respondens quæstioni propositæ asserens substitutionem factam, quæ non potuit iure directo valere minime trahi ad fideicommissum, nisi ex voluntate testatoris, aut aliunde contrarium colligatur.
- 10 Traditur intellectus, l. Scauola. ff. ad Trebell. & cap. Raynutius, de testam.
- 11 Traditur intellectus, l. Credendum, §. si vero maritus, ff. qui petant tutores.
- 12 Expenditur doctrina Pauli Castrensis, consilio 43. volum. 2.
- 13 Proponuntur difficultates aduersus intellectum approbatum.
- 14 Redditur responsio ad difficultates propositas.
- 15 Proponitur intellectus communis ad l. precibus C. de impuber. & alijs substitutionibus.
- 16 Confirmatur intellectus communis duobus fundamentis.
- 17 Reijcitur intellectus communis.
- 18 Traditur verus intellectus ad legem, precibus, de impub. & alijs substituitur.

I CAEVOLA respondi: Si pater
filium suum impuberem ex as-
se scripserit heredem, eique
codicillis substituerit, deinde
filius impubes decesserit, licet
substitutio inutilis sit, quia codicillis heredi-
tas neque dari, neque adimi potest: tamen,
benigna interpretatione placet, ut frater,
qui ab intestato pupillo successit, substitutis
fideicommissio obligetur. Quod si inuicem fue-
rint substituti, & in fideicommissio substitu-
tionem valere, vnoque eorum mortuo, qui
supersunt, totum accipiunt. Haecenus Scæ-
uola Iureconsultus, ex quo text. post Bart. ibi,
doctores communiter deducunt, substitutionem
directam factam in codicillis trahi ad fi-
deicommissariam: idque extendunt multi ad
omnem substitutionem, quæ non potuit vale-
re iure directo, plures tamen id non admit-
tunt: alij, ut apud nos sæpe sæpius fieri solet,
si Comico credimus, dubitant. In gratiam
igitur doctorum dissentientium, quæstionem
hanc discutiemus, Vtrum substitutio com-
pendiosa facta a pagano, quæ non potuit vale-
re iure directæ pupillaris intra pubertatem,
postea ad fideicommissariam trahatur? Nam
ex illius resolutione intellectus dictæ, l. Scæ-
uola, apparebit, & articuli propositi mate-
riam

riam declarabimus. Et pro parte affirmatiua, quòd scilicet substitutio compendiosa a pagano facta, quæ non potuit valere iure directæ pupillaris intra pubertatem, ad fideicommissariam trahatur; argumentor sic: Substitutio, quæ non potuit valere iure directo, quia sine solemnitate facta fuit, verbi gratia, in codicillis, vel propter conditionem illius, cui substituitur, vt quia est pubes emancipatus, vel extraneus trahitur ad fideicommissariam, sed in hac specie compendiosa facta, a pagano nō potuit valere intra pubertatem iure directæ pupillaris, ergo ad fideicommissariam trahenda est. Maiorem huius argumentationis probat summus Pontifex, si recte ponderetur, in cap. si Pater, de testamen. in 6. Iurēconsultus in hac lege, Scauola, subtilis Papinianus in l. Centurio, ff. de Vulgar. Cuius rei illa videtur arguta ratio, quia cum semper actus nostri eam interpretationē habere debeant, vt quoad fieri possit omnino valeant, necessarium est mentem eos celebrantium interpretari secundum actus, & rerum dispositarum naturam, vulgaris regul. l. plenum. §. equitij, ff. de vsu, & habitat. leg. cum vnus. §. fin. ff. de aliment. & cibar. legat. Atque ita maiorem hanc tamquam in iure satis notam constituit Accurt. cui tam libenter iure optimo credunt interpretes, in leg. verbis ciuilibus, verb. volunt. ff. de vulgar. & pu-

& pupill. gl. in l. cum quis decedens. §. Sciam, per text. ibi, ff. de legat. 3. verb. accipere: ex nostris iuris Pontificij professoribus, post Ioann. Andr. Anton. & Abb. docet Imol. in cap. Raynutius a num. 179. de testamen. Berous, consil. 45. num. 8. Francus, & Domin. in cap. si Pater, a num. 73. de testam. in 6. ex legum prudentibus eorum Coryphæus, Bañt. in leg. si filius familias, §. vt quis heredem, num. 1. ff. de leg. 1. Bar. in l. posthumus. §. si Paganus, num. 2. ff. de iniusto rupto, notanter, Alexand. nu. 10. & Cumanus in dict. §. vt quis heredem, Fulgosius in l. precibus, num. 9. de impub. & alijs: Alciat. in dict. leg. verbis ciuilibus, Costa in dict. cap. si pater. 3. par. verb. interdum. num. 3. Vigilius in §. fin. Instit. de pupillari. Zazius de substit. 2. num. 17. Franciscus Grätian. de vulgar. & fideicommissar. substit. num. 7. Burfatus, consil. 71. num. 11. Iacobus Boniour in legum ænigmat. cap. 19. Ne mirere, quæso, humanissime lector, si præter solitum morem plures doctorum allegationes congeramus, libet enim ostendere modum, & stylum, quem plerique obseruant in Academicis, hanc enim quæstionem dum Iuuenis essem, & ad gradum licentiaturæ aspirassem, ventilaui in alma Conimbricensi Acad. gaudet enim illa ætas hac doctorum farragine, hoc iurium apparatu, a quo in scribendo, & in lecturis maxime fugien-

giendum esse puto. Minor autem, vt ad propositū redeamus, quòd scilicet hæc substitutio non potuit valere iure directæ pupillaris ex fictione constare debet, fingimus enim hanc compendiosam non posse sortiri effectū pupillaris directæ, quod sæpe sæpius potest accidere. Verbi gratia, si adoleuerit impubes, vel si arrogatus fuerit, vel alijs modis quibus pupillaris substitutio euanescit, vt alias docet Augustus in §. qua ratione Instit. de pupil. colligitur ex l. 2. §. plane l. sed si plures. §. si ex affe. ff. vulgar. docet gl. in §. masculo, verb. substitutio Instit. de pupillar. gl. in l. quod fidei commissum verb. euanescit, ff. de legat. 1. vltra antiquiores resoluit Imol. in dict. cap. Raynutius, num. 86. Politus de substitutio. cap. de pupillari, a num. 41. Costa in cap. si pater, verb. interdum, a num. 42. Couarruias in dicto capitulo, Raynutius. §. 9. num. 6. Alciat. in l. 1. num. 158. ff. de vulgari, Conan. commentariorum iur. ciuil. lib. 10. capit. 8. num. 9. Celsus Hugo, consilio 68. num. 4. & consilio 71. nu. 1. Bursatus consilio 51. num. 23. Gomes. tom. 1. cap. 7. num. 3. consequentia recte infert.

Secundo pro eadem parte sic arguo: In omnibus mortalium actibus, & præcipue iam iam decedentium supremis elogijs illud observari consuevit a nostris legum prudentibus, vt quoad fieri possit volūtas agentium conser-

conseruaretur, sed cum aliquis testamentum condit, id maxime exoptat vt ab eo relicta, quoquo modo adimpleantur, ergo substitutio compendiosa a pagano facta, quæ non potuit valere iure directo ad fideicommissariam trahenda est. Maiorem probat text. in l. in conditionibus. ff. de condition. & demonstr. text. in l. in testamentis, ff. de reg. iur. text. in l. cum quaestio. C. de legat. tex. in leg. cum virum, Cod. de fideicommiss. text. optim. in leg. non aliter ff. de leg. 3. Cuius rei illa probatio sufficiat, Iurisconsultos scilicet tam anxie verborum significationes exquisiuisse, solius voluntatis habendæ gratia, & ob id Quintilianus aiebat, Iureconsultos ex verbis viuere. Doctorum testimonijs parcimus, qui infiniti prope citari possent. Vix enim vnus aut alter est ex tot millibus, qui id axioma sæpius non vsurpet. Minorem vero probat text. in leg. ex facto 17. ff. ad senat. consult. Trebellian. in principio, ibi, verum videri per hoc rogasse vt hereditatem suam ei restituat, l. similes. ibi, Nec credendus est quisquam genus testandi eligere ad impugnanda sua iudicia, ff. de militar. testam. l. qui filium, ff. ad sent. consult. Trebellian. l. illud, §. tractari, ff. in re codicillorum, l. filius familias, §. Vt quis heredem, ff. de legat. 1. l. imperator. §. penult. ff. de leg. 2. l. quidam testamentum, ff. de vulgar. & pupillari. l. vxorem. §. Seium, ff. leg. 3.

leg. 3. l. Si mater, Cod. de inoffic. testam. §. sed & si quis, vers. testamentum, Instit. quibus modis testamenta infirm. idque probatur manifeste ex reg. tex. in l. multum interest. ff. de verborum obligatione, per quæ iura id tamquam certissimum constituit, gloss. verb. voluntatem, in l. heredes mei, §. cum ita. ff. ad Senatus consultum Trebellian. gl. in l. cum proponebatur. verb. quæreretur. ff. de leg. 2. docent vltra antiquiores, Paulus Imola, & Cuman. in dict. §. vt quis heredem, Boerius, decisione 44. num. 16. Costa in dicto cap. si Pater 3. parte verb. interdum, num. 102. Iacobus Boniour, in legum ænigmat. cap. 19. notat Iason in l. 1. §. si quis ita, ff. de verbor. num. 26. refert multos Andr. Tiraquell. de primogen. quæstione 53. num. 29. idem Tiraquell. in l. si vniquam, verb. libertis, numer. 421. Gomes. 1, tom. cap. 7. nu. 4. consequentia recte infert. Et ita hanc sententiam his, & alijs argumentis, quæ mihi non adeo arri-

2 dent, tenuit Innocentius, qui an primus, an secundus huius opinionis auctor fuerit, parum ad nos pertinet, in dicto capitulo, Raynutius, num. 3. & 5. Ioan. Andr. num. 19. in dicto cap. si pater, vbi Dominicus, & Perusinus, num. 73. communem appellat Anton. in dict. cap. Raynutius, num. 4. & tamquam æquiores amplectitur Abb. num. 21. vbi cōmunem Canonistarum dicit Imol. num. 143

Ex legum prudentibus in eam inclinant Bar. in dicta l. centurio, a num. 14. Bald. in l. ex tribus, Cod. de inoffic. testamen. Salicetus in l. precibus, Cod. de impub. & alijs substitution. vbi Dec. defendit, num. 17. allegarunt antiquiores legum prudentes Alexand. & Philippus Corn. in dicta leg. Centurio, num. 64. Corraf. in dicta l. precibus, num. 87. Politus de substitutione, cap. de compendiosa, num. 25. Zazius eodem tractat. num. 17. latissime defendit Gallianula in dicta l. centurio, colum. 47. vbi Lanfranc. Orian. a nu. 24. Gomef. 1. tom. cap. 3. a num. 4. Aeguinarius Baro lib. 5. Manual. tit. 6. in principio, Bursat. consilio 8. num. 29. latissime, Sfortia odo in tract. de compend. part. 5. art. 3. conclus. 9. fol. 158. Contraria tamen sententia, immo, quòd substitutio compendiosa ad fidei commissariam nō trahatur haud lenibus fulcitur argumētis. pro qua primo sic arguitur: Actus nequaquam possunt operari sine voluntate eos celebrantium, atqui si substitutio compendiosa ad fideicommissariam traheretur, iam actus sine voluntate agentium operaretur, ergo compendiosa substitutio quæ non potuit valere, ad fideicommissariam minime trahitur. Maiorem probat text. in cap. cum voluntate de sentent. excommunic. l. 1. ff. de pact. l. 2. §. si conuenerit, ff. de positi, l. non omnis. ff. si certum pet. l. obligationum substitutione

stantia. ff. action. & obligat. docet Seneca,
 lib. de morib. in principio, actio autem om-
 nis, inquit, voluntaria est, tam honesta,
 quam turpis; ultra Aristot. & Philosoph. S.
 Thom. 1. 2. quæst. 2. art. 1. Sot. lib. 1. de iust.
 & iure, quæst. 1. art. 9. ex nostris ultra anti-
 quiores Gomes. 1. tom. cap. 7. num. 3. Tira-
 quell. in tractat. Lignagier. §. 36. gloss. 2. nu.
 23. Zazius in leg. si stipulatus fuerim illud,
 aut illud, num. 26. ff. de verbor. Franciscus
 Conan. vir apprime doctus cōmentariorum,
 iur. ciuil. cap. 6. num. 7. Bursat. consilio 72.
 num. 19. Minor vero ex eo patet, quia solum
 præsumitur, fecisse vnicam substitutionem,
 directam scilicet, quæ principalior est, nec
 ad aliam substitutionem volūtatem suam ac-
 commodasse, vt etiam respondet iur. consil. in
 l. 1. §. si quis ita ff. de verb. tex. in l. an inuti-
 lis 2. responso. ff. acceptil. l. hoc autē. ff. de he-
 redit. vel de actione vendit, l. non codicillum,
 Cod. de testament. l. 1. Cod. de iurisdictione
 omnium iudicum, tex. optimus in l. cum hic
 status. §. si quis sponsam, ff. de donat. inter vir.
 & vxor. est elegans doctrina, Bal. in l. in testa-
 mento, in 2. num. 4. Cod. de testamen. milit.
 idem Bald. in l. precibus. num. 35. Cod. de
 impub. & alijs substitutio. Corn. in l. non co-
 dicillum, notab. 3. Cod. de testamen. Ioann.
 Crot. in dicta leg. 1. §. si quis ita, 1. lectur. 2
 num. 7. Ripa. num. 15. Zazius, num. 25. re-
 soluit

solut Gomef. in §. in personam, num. 21. Institut. de action. Alciat. de præsumpt. regul. 3. præsumpt. 36. ad fin. consequentia recte infert.

Secundo, & pro eadem parte sic argumētor: Si substitutio compendiosa, quæ iure directo non potuit valere ad fideicommissariam traheretur, traherentur etiam libertates directe datæ, sed hæ non trahuntur, ergo nulla substitutio compendiosa, quæ iure directo non potuit valere ad fideicommissariam trahenda est. Maior huius argumentationis suadetur, quia libertates in iure maxime sunt fauorabiles, text. in l. libertas omnibus rebus fauorabilior est. ff. de regulis iuris, l. Papinianus. §. quarta autem. ff. de inoff. testam. l. Antoninus, ff. de fideicommissar. libertatibus, l. Imperatores, l. ult. ff. de manumissis testamentis, idque ex eo confirmatur. Constat enim piam causam, cui libertas æquiparatur, innumera habere priuilegia, innumeros fauores, vt per Tiraquell. de priuilegijs piæ causæ, Couarruuias in cap. cum tibi, nu. 6. de testamento Menchac. controuersiar. Illustr. cap. 103. num. 13. Anton. August. lib. controuersiar. de testamen. quæst. 17. Capra reg. 102. num. 3. Cricou. Com. opinion. centur. 4. conclusione 73. & conclusione 89. centur. 5. Roland. a Valle, consil. 33. num. 18. vol. 3. Bursat. consilio 47. a num. 6. & ad praxim
utilissi-

utilissime deducens Anton. a Gamma, decis.
 175. num. 3. Minorem vero probat Iurecon-
 sultus in l. Stichus seruus 39. ff. de manumif.
 testamen. textus in l. 2. §. 1. ff. de iur. codicil-
 lor. l. libertates. ff. de fideicommiss. libertat.
 text. in §. libertas, Instit. de singul. rebus per
 fideicommissum relictis asserit magis rece-
 ptum esse contra alios, Alexan. in leg. 1. §. si
 quis ita, num. 6. ff. de verbor. Fulgos. in leg.
 2. §. 1. ff. de iur. codicillor. Alciat. in dict. §. si
 quis ita, num. 31. Idem Alciat. lib. 1. Para-
 dox. cap. 5. rursus idem Alciat. in dicta leg.
 verbis ciuilibus, num. 181. vbi communem
 appellat, Costa in cap. si pater, 3. parte, verb.
 personis, num. 13. consequentia recte insert.
 Atque ita, his argumentis hanc sententiam
 tenuit, gl. mag. in fin. in §. qua ratione, Inst.
 de pupillari gl. vltima in l. centurio, & in dict.
 l. verbis ciuilibus, gl. vnica in l. in pupillari.
 ff. de vulg. gloss. in hac l. Scauola, verb. obli-
 gatur. ff. ad senatusconsultum Trebel. gl. in
 d. l. precibus verb. fideicommissis gl. in dicto
 capitulo Raynutius, verb. substitutionis, glo.
 verb. absque deductione, in dicto cap. si pa-
 ter. Ex nostris tenuit Augustinus Berous in
 dicto capitulo Raynutius, numero 526. Imo-
 la. num. 179. Guillelmus verb. si absque libe-
 ris moreretur in 2. cap. de compendiosa, nu.
 3. Ioann. Faber. in §. qua ratione, num. 21.
 Instit. de pupil. Cyn. num. 20. Fulgos. num. 7.

H magis

magis communem dicit Alexand. num. 64. Ias. num. 29. Galliaula ex num. 262. Rip. nu. 69. in dicta leg. Centurio, ex nouioribus Alciat. in l. verbis ciuilibus nu. 10. ff. de vul. Viglius in dict. §. qua ratione, num. 17. Couar. in dict. cap. Raynutius, §. 9. num. 15. Greg. Lopez in leg. 12. tit. 5. partit. 6. gl. verb. *heredat*: defendit Costa, in dict. cap. si pater verb. interdum, numer. 72. Roland. consilio 68. vol. 1. Rolandin. intra tractat. de substit. in materia compendiosæ num. 23. sequitur Soares in addition. ad Gomesium tom. 1. cap. 7. in fin. dicit magis communem referens fere omnes repetentes in dict. leg. precibus, Sfortia odo ubi supra. Ex his fortasse intelliget aliquis non esse in nostro iure quæstionem aliquam, quæ tot, tantosque iuris nostri prudentes in bella trahat. digladiantes sæpe sæpius, hi nunc victoriam reportare contendunt, insultant illi protinus, illosque, qui aduersas partes defendunt, obiurgant, insurgunt e contrario alij, & aperto campo diuagantur, noua stratagemata struētes clamant se victores. hinc est vt hucusque belligerantibus semper victoria anceps modo his, modo illis fauens, nondum clare arriserit. Vtriusque parti Centurio adest, est enim lex, Centurio, tanti mali non levis auctor, tunc enim maior est concertatio quando substitutio facta fuit verbis directis, nam si communibus concepta

fuit

fuit, tunc alij semper fideicommissariam substitutionem, alij vero intra pubertatem directam, postea vero fideicommissariã asserunt, nemine, quem viderim, dempto, vt constat ex Anton. Gomef. tom. 1. cap. 7. num. 6. Co-uarruu. qui plures refert in dicto cap. Raynuttius, §. 9. num. 17. Costa in dicto cap. si pater verb. e contra, num. 8. Sfortia odo vbi supra, Bursat. cons. 71. num. 10. Ego tamen defendam substitutionem compendiosam, vel directam, quæ non potuit valere iure directo ad fideicommissariam minime trahi, nisi ex voluntate disponentis, vel aliunde contrarium apparuerit. Quod licet aliquis præfenserit, tamen nullus vsque ad hæc tēpora amplexus est, hoc si peregero non Centurionis quidem officium mihi assumam, sed tantum gregarij sorte contentus ero. Pro resolutione primo præmittendum est antiquitus apud veteres illos Romanos, quibus testatos decedere pene fuit religio, eam consuetudinem inualuisse, vt testamentis, primis heredibus nuncupatis secundos adderent, vt si primi hereditatem aliquo casu non adijssent, eam vltimi nanciscerentur, testatur Appian. Alexandrinus, lib. 2. de bello ciuili Romanorum. Vnde apud bonos auctores, omitto Iureconsultos, primi & secundi heredis plerumque mentio fit, Suetonius Tranquillus in vita Augusti, cap. de
 » testamento eiusdem, Heredes, inquit, insti-

„ tuit primos Tiberiũ ex parte dimidia, & sex-
 „ tante; Liuium ex parte tertia, quos & ferre
 „ nomen suum iussit. Secundos Drusum Tibe-
 „ rij filium ex triente. M. Tullius pro A. Cluen-
 „ tio, memoria, inquit, teneo Milesiam quan-
 „ dam mulierem cum essem in Asia, quòd ab he-
 „ redibus secundis accepta pecunia partum si-
 „ bi ipsa medicamentis abegisset, &c. refertur
 „ in l. Cicero, ff. de pœnis: idem M. Tullius,
 „ lib. 1. de inuentione, Qui patris pupilli he-
 „ redes in prima cera, secundos in ima appel-
 „ labant Sueton. in Iulio C. Octauium ex do-
 „ drante, & L. Pinarium, & Q. Pedium ex qua-
 „ drante: reliquos in ima cera; meminit Ho-
 „ rat. lib. 2. satyra 4. dum ait.

„ *Et tabulas a te remouere memento.*

„ *Sic tamen vt limis rapias, quid prima secundo*

„ *Cera velut versu, solus; multisne coheres.*

„ *Veloci percurrere oculo, &c.*

Porro huiusmodi, vt ita dixerim, secundorum
 heredum institutio, substitutio vocabatur.
 Est enim substituere in locum alterius subro-
 gare, l. si grege, ff. leg. 1. l. in fraudem. §. con-
 ductor, ff. de iure fisc. hæc autẽ substitutio, re-
 lictis omnium huc vsque scribentium defini-
 tionibus, ne in re leuissima videamur imme-
 rito satagere, in hunc modum describitur,
 substitutio est institutio cuiuscumque here-
 dis in locum primi, vel alterius præcedentis.
 Quæ descriptio consonat cum alia Accurtia-

na, licet in aliquibus diffonet, quæ refertur in rubrica. ff. de vulgar. communiter receptus secundum Ias. in l. 1. num. 32. ff. de vulgar. Cagnol. in l. precibus, num. 3. Cod. de impuber. & alijs subtit Augustin. Berous in dicto cap. Raynutius, num. 277. Peralta in rubrica, num. 16. ff. de hered. instit. & consulendo probauit Philippus Corneus, consilio 106. num. penult. lib. 2. Dec. consilio 37. num. 3. Curt. Iun. consilio 780. num. 7. Paris. consilio 76. num. 13. lib. 2. Andr. Alciat. in rubrica, ff. de vulgari, & pupill. num. 1. intendit Zazius de subtit. col. 1. Viglius in princip. Instit. de vulg. num. 3. Et postremo confirmatur auctoritate Iureconsulti Caij lib. posteriorum cap. de substitution. Diuiditur autem in vulgarem, pupillarem, militarem, & exemplarem. Compendiosa namque & reciproca sub qua breuiloqua continetur, magis modi substituendi quam substitutio principalis dici possunt; fideicommissum autem, nec substitutio proprie, nec modus substituendi dici potest, vt colligitur ex l. recusare, §. Titius, ff. ad senatusconsultum Trebelleian. l. Gallus. §. quidam recte, ff. de liberis, & posthum. l. milites enim, ff. de militar. testamento, quod communiter receptum esse contra Alexand. notat Alciat. in dict. rubrica, num. 17. vulgaris igitur est illa substitutio, quæ omnibus, & ab omnibus, & in quemlibet casum fieri

potest, inde dicta, quòd vulgo fieri soleat, & ut ait Theophilus in princip. Instit. de pupillari, quoniam apta, idoneaque est ut cuius fiat tum extraneo, tum filio. Pupillaris autem substitutio est, quæ fit liberis impuberibus in potestate substituentis constitutis, nec in aliam recasuris. Militaris est, quæ concessa fuit militibus, colligitur ex leg. milites, & ex leg. miles, ff. de militar. testamento exemplaris autem est, quæ fit liberis minime testari valentibus, furoris, vel alicuius similis morbi causa, colligitur ex leg. ex facto, ff. de vulgar. Aliarum substitutionum, vel modorum substituendi descriptionem consulto omittimus, de quibus latissime doctores quotquot de hac materia scripserunt. Illud tamen nequaquam prætermittendum est, illas substitutiones vno, eodemque tempore non extitisse. Nam post florentis iam Reipublicæ Romanæ imperium ascitis legibus 12. tabularū vulgaris substitutio esse cœpit. erat enim antea viris Romanis magis studio imperium late, ac late propagare, quàm de bonis suis tam curiose disponere, idque originem habuit ex amplissima testandi facultate lege 12. tabularū concessa illis verbis: Utique quisque rei suæ legasset, ita ius esto, refert Iureconsultus Modestinus in leg. verbis, ff. de verborum significatione, quæ verba eleganter explicat Auctor ad Herennium lib. 1. nouissime

Balduinus ad leges tabularū. Postea ex interpretatione iuris prudentum, quos vt inquit Titus Liuius decad. 1. lib. 3. simul peritos legum peregrinarum ad condenda noua iura vsui fore credebant, moribus vtentium comprobata, pupillaris in vsu esse cœpit. text. in leg. 2. in princip. ff. de vulgar. adiuncta leg. 2. §. his legibus, ff. de origine iuris. Deinde militibus concessum fuit, vt directe substituerent, eaque militaris substitutio nuncupatur, leg. Centurio, ff. de vulgar. Postea solebant Augusti Imperatores petentibus concedere, vt possent substituere liberis cuiuscumque ætatis propter furorem, vel alium morbum, testari non valentibus, dicta leg. ex facto. Tandem id generaliter omnibus concessum est ab Imperatore Iustiniano, leg. humanitatis, Cod. de impuber. & alijs substit. §. qua ratione Instir. de pupillari.

- 7 Secundo præmittendum est iure ciuili **Qui-**ritum, quo vtimur, constitutum esse non posse paganū verbis ciuilibus, idest directis substituere: verbigratia, efficere, vt cum aliquis testamento suo heredem faceret, & postquam ipse heres adijisset hereditatem, secundus alter ab illo directe hereditatem adipisceretur. Huius rei illa videtur ratio non inefficax, quia qui semel est heres, amplius non potest ipso iure desinere heres esse, l. & si sine §. sed quod Papinianus. ff. de minor. l. ei, leg.

hereditas ex die 34. ff. de heredibus instit. l. quod contra, §. vni duo, ff. de regul. iur. adiuncta, gloss. ibi. Docet hoc præludium vicemagistri, subtilis Papinianus in l. verbis civilibus, ff. de vulgar. Verbis civilibus, inquit, substitutionem post decimum quartum ætatis annum frustra fieri conuenit. Civilia autem, verba appellant, quæ, & directa nuncupantur, idque directe substituere appellauit idem Papinianus in dicta l. Centurio. Horum verborum diuisione illa est, quod alia sint civilia, & directa, alia precaria, & obliqua, alia vero communia, vt quamplurimi tradidere secuti Bartol. in dicta l. Centurio, num. 18. defendit Costa in dict. cap. si Pater 3. parte, verb. interdum, num. 79. Couar. in dicto cap. Raynutius, §. 7. a num. 4. refert nouiores in eandem sententiam, Bursatus, consil. 71. nu. 10. Licet eam diuisionem non recipi asserat, las. in dicta leg. precibus, num. 9. vers. sexto, & tamquam commentitiam reiiciat Alexander in dicta leg. verbis civilibus, num. 2. Aemil. Ferret. num. 5. Rursus idem Alex. in dicta l. Centurio, nu. 65. præsensit Vigilus vir acerrimi iudicij, in princip. Instit. de pupillari, num. 18. Ex quorum mente altera tantum sunt verba directa seu civilia, altera obliqua, seu precaria, exornat Goueanus Lusitanus noster, olim in principatu Pedemontano litteris, & fama insignis in dicta leg. verbis civilibus

libus, Franciscus, Conan. commentarior. iuris ciuilis lib. 10. cap. 8. num. 9. Forcatulus dialogo 25. Cuiac. lib. 11. obseruationum, cap. 25. Quæ quidem opinio a prima nõ adeo dissentit. Licet enim principaliter verba, aut sint directa, aut obliqua, tamen negari non potest quædam verba, de se directam, & ciuilem institutionem significare, quædam obliquam, & precariam, quædã rursus ad vtramque posse accommodari, quæ communia recte dici possunt. Horum verborum notationes, & etymologias conati sunt explicare viri grauissimi, & doctissimi, inter quos est Andr. Alciat. qui multum sibi hac in re iure tribuit, lib. 10. parerg. capitulo primo. Rursum idem Alciat. in dicta 1. Centurio num. 65. Costa in dicto capitulo si Pater 1. parte verb. moreretur, nu. 7. Conan. & Cuiac. vbi supra Barnabas Brisson. de verb. significatione, verb. directũ, sed profecto minus belle; possentque, si tempus, & locus concederent, facillime refutari. Quapropter, his omnibus reiectis, dicendum est verba directa, & obliqua sibi aduersari quemadmodũ, & illa ciuilia, & precaria. Directa enim vel illa dicuntur, quæ significant aliquid fieri, factum, vel faciendum esse, ex persona proferentis ipsa verba: obliqua vero quæ non ex persona proferentis, sed ab alio. In hunc sensum his verbis vtitur Iustinus, lib. 38. dum ait. Quam orationẽ dignam

„ gnam duxi , cuius exemplum breuitati huius
 „ operis infererem, quam obliquam Pompeius
 „ Trogus exposuit, quoniam in Liuius, & Sal-
 „ lustius reprehendit, quòd conciones directas
 „ pro sua oratione operi suo inferendo histo-
 „ riæ modum excefferint. Sic in nostra materia
 quando testator verbis utitur, quibus signifi-
 cat velle ut hereditas ex se ad alium transfe-
 ratur, directæ verba vocantur, quando vero
 illis utitur quibus significat velle, ut ab alio,
 & ex manu alterius hereditatem capiat, tunc
 obliqua dicuntur ut colligitur ex l. coheredi,
 §. cum filio, ff. de vulgari. Appellantur autem
 ciuilia verba, quia institutiones illis verbis
 factæ de rigore Iure ciuili firmæ, & validæ
 erant, secundum verba legis, 12. tabul. Vti
 quisque rei suæ legasset, ita ius esto, institu-
 tiones vero factæ verbis precarijs validæ non
 erant, sed infirmæ. Testatores enim pudori
 heredum confidentes illos precabantur ut he-
 reditatem alicui restitueret. Docet Impera-
 tor in princip. Instit. de fideicommissi. hered.
 Idque ea ratione a principio fieri consuevit,
 ut quoquo modo hereditatem ciuis Romani,
 adipiscerentur ij, qui capere non poterant
 ex testamento sine sua culpa, verbigratia pe-
 regrini, ut explicat Theophilus in dict. prin-
 cipio Instit. de fideicommissarijs heredit.
 Peregrini autem erant ij, qui ciues Romani non
 erant, ut contra Accurt. & alios linguæ lati-
 næ mi-

æ minus peritos aduertit Alciatus, lib. 1.
 parerg. cap. 15. Conan. lib. 10. commentar.
 iuris ciuilis, ca. 10. Viglius in §. hi quos num-
 quam, Instit. de her. instit. num. 3. At non ci-
 ues Roman. hereditatem ciuis Rom. non po-
 tuisse capere pro comperto habuere Iurecon-
 sulti veteres, licet apud nostros recentiores
 id asserere nefas sit. Verum enimvero illud
 mihi probabile est, in hac re hodie consuetu-
 dine inueterata extante, nullum apud Roma-
 nos, nec apud nos discrimen esse faciendum,
 iuxt. cap. fin. de consuet. l. de quibus, ff. de
 legibus: olim vero verius esse nullum pere-
 grinum, id est non ciuem Romanum, potuis-
 se capere directo hereditatem a ciue Roma-
 no, vt innuit Marcus Tullius a nemine, quem
 viderim, in hanc rem citatus, in oratione
 „ pro Cæcinna. Deinde, inquit, quod Sylla tu-
 „ lit de ciuitate, vt non sustulerit horum nexa,
 „ & hereditates. Iubet enim eodem iure esse,
 „ quo fuerint Ariminenses, quos quis ignorat
 „ duodecim coloniarum fuisse, & a populo Ro-
 „ mano hereditates capere potuisse. Rursus cla-
 „ rius in oratione pro Archia poeta: His tem-
 „ poribus quem tu criminaris, ne ipsius quidē
 „ iudicio in ciuium Romanorum iure esse ver-
 „ satum, & testamentum fecit nostris legibus,
 „ & hereditates ciuium Romanorum adiit. Hęc
 „ adiunxi, vt ostenderem vnde ciuilis, & pre-
 caria institutionis origo fuerit, de qua re ali-
 bi

- 8 bi luculentius differemus. Ultimo præmittendum est semper legum prudentibus maximæ curæ fuisse, agentium, & præcipue iam iam morientium voluntatem conseruandi, idquæ passim testantur Iureconsulti in l. eum, qui Kalendis, ff. de verborum obligation. Imperator in Auth. de nuptijs, §. disponat, collat. 4. voluntas tamen huiusmodi verbis salté improprijs regulariter exprimēda est, l. quidam cum filium, ff. de heredibus instit. l. iubemus, Cod. de testamento, Galliaula, in l. Centurio, nu. 269. ff. de vulgar. Soar. allegat. 2. nu. 14. refert plures Andr. Tiraq. in l. si vnquam verb. libertis, num. 18. Cod. de reuocand. donat. Anton. Gamma decis. 27. nu. 3. hinc fit vt cum optimus index, optimaque signa sint verba, mentis, voluntatisque nostræ, quam vt ait M.
- ” Tullius si homines sine verbis exciperent, verbis non vterentur, Iureconsulti de eorū significatione late disputent, illa primum contemplantur, l. si quis stipulatus 112. l. si ita stipulatus 126. §. Chrysogonus, ibi plerumq. in stipulationibus verba, ex quibus obligatio oritur inspicienda sunt, ff. de verbor. ideoq. etsi eorū propria significatio maxime attendenda sit, si tamen mens ex validioribus coniecturis aliunde perspiciatur, propria significatione reiecta, ea solum tenenda est, cap. intelligentia de verb. signif. c. ex his 22. quaest. 2. pulchre Iureconsultus in l. non aliter, ff. delegat. 3. Cic.
- multis

multis in locis, rem opinor, inquit, spectari oportere non verba, ob idq. vsus, & consuetudo loquendi præfertur proprietati verborum l. librorum, §. quod tamen Cassius, ff. deleg. 3. Labeo, §. nec mirum, ff. de suppel. legat. docuerat antea Horat.

Multa renascentur, quæ iam cecidere, cadentq.

Quæ nunc sunt in honore vocabula, si volet vsus

Quæ penes arbitriū est, & vis, & norma loquendi.

Curiose A. Gellius noctium Atticarum lib. 12. c. 13. vltra Abb. in c. 2. de verb. signific. & antiquiores, Andr. Alciat. in rubr. ff. de verb. significat. nu. 1. idem Alciat. in tract. de verb. significatione, lib. 2. nu. 27. plures citat Couar. lib. 1. resol. c. 5. numero 1. Hinc est, quod licet aliquis verba proferat, quæ aliquo modo ad duos actus exprimendos accommodari possint; cum tamen intellectus noster non possit eos simul, dummodo non sint alteri ad alteros subordinati, intelligere, vt cum Aristotele sentit S. Tho. 1. part. quæst. 57. art. 1. idem S. Thom. 22. quæst. 83. art. 13. ad 3. latius explicat Sot. lib. 1. de iust. & iur quæst. 5. art. 5. conclus. 7. in dubio debemus præsumere actum principalem, l. 1. §. si quis ita, ff. de verb. c. per tuas, de arbitr. S. Thom. 22. quæst. 69. art. 3. faciunt notata per Tiraquell. in tractat. lignagier. §. 30. gloss. 1. num. 9. Bursat. consilio 88. numero 23. Cum maior sit præsumptio quæ colligitur ex qualitate actus, quam sit illa quæ

quæ colligitur ex eo, quòd actus interpretandus sit eo modo vt valeat, text. in l. 1. §. eum qui, ff. de constit. pecunia, text. in leg. fideicommissum, in principio, vers. quoties, ff. de legat. 3. aduertit cum iudicio Andr. Alciat. responso. 25. num. 2. Idem Alciatus de præsumptione, regul. 3. præsumptione 34. nu. 6.

- 9 His ita præmissis ad quæstionem supra propositam, qua quærebat vtrum substitutio compendiosa, quæ iure directo valere non potuit intra pubertatem, postea ad fideicommissariam trahatur, vnica conclusione respondetur. Substitutio compendiosa quibuscumque verbis facta, quæ iure directo non potuit valere, ad fideicommissariam nūquam trahitur, nisi de voluntate disponentis, vel aliunde contrarium apparuerit. Probatur conclusio. Quando verba possunt significare duos actus, semper præsumere debemus partes voluisse celebrare principaliorē, cum duos non præsumantur facere, sed in hac specie verba possunt significare substitutionem directam, nempe pupillarem, insuper & substitutionem fideicommissariam: substitutio autem directa principalior est, ergo directa pupillaris solum fieri censebitur, cum principalior sit. Maior huius argumentationis probata est in 3. præludio, minor constat ex text. in cap. si pater, vers. cum in substitutionibus, de testamento, lib. 6. consequentia bene colligit.

ligit. Diximus in conclusione, nisi de voluntate disponentis, vel aliunde contrarium apparuerit, quia cum illa, vt superius diximus, principaliter attendenda sit, ad fideicommissariam recte substitutio trahetur, dummodo de voluntate disponentis constiterit. Ex quibus primo inferitur intellectus ad dictam legem, Scæuola, ideo enim Iureconsultus ait, substitutionem de qua ibi, ad fideicommissariam trahendam esse, quia scilicet numquam potuit valere iure directo, cum, vt text. inquit, in codicillis fuerit facta: ex eo enim constabat testatorē voluisse fideicommissariam substitutionem facere; non enim est credendum illum voluisse facere actum nullum, argumento l. si miles, 3. in ord. ff. de militar. testam. cum vulgar. atque ita hunc intellectum reddiderunt communiter doctores hic, & in diuersis locis, vt ex inferius citatis apparebit.

Secundo inferitur intellectus, ad cap. Raynutius de testament. dum probat facta substitutione filiæ Adiectæ, vt scilicet Alterocha & soboles, quam gestabat in vtero eidem impuberi succederent, si absque liberis moreretur, mortua ipsa Adiecta post pubertatē bona illa debere pertinere, ad Alterocham substitutam, non ad heredes ipsius Adiectæ, vt scilicet ideo in dicto capitulo Raynutius, substitutio illa ad fideicommissariam traheretur, quia

quia verbis communibus testator vsus est: verbi gratia, impuberi succederent. quod quidem verbum commune esse colligitur ex text. in l. non solum, ff. de restitutione in integ. leg. non tantum, in principio, ff. de fideicommissaria hereditate cum alijs adductis per Bart. in dicta leg. Centurio, columna vltima, cui doctores, nemine dempto, astipulantur, vt constat ex Iason. ibi ad fin. Refert plures in id ipsum Couarruias in dicto capitulo Raynutius, §. 9. a num. 5. vers. Item verbum, Costa, in dicto capitulo, si pater, prima parte, verb. moreretur, num. 12. plane substitutionem verbis cōmunibus factam intra pubertatem valere iure directæ pupillaris, postea vero ad fideicommissariam trahi magis concors doctorum sententia est, vt constat ex adductis per Gomef. tom. 1. cap. 7. num. 6. Couar. qui plures refert. §. 9. num. 17. in dicto capitulo, Raynutius, Costa in dicto capitulo si pater, 3. parte, verbo, Et e contra, num. 8. Sfortia, odo, vbi supra, Bursatus, consilio 71. numero 10. Atque ita hunc intellectum ad dictum cap. Raynutius, in illis verbis tenuerunt communiter doctores in dicto cap. Raynutius vbi Abbas num. 18. Imol. 143. Ex legum prudentibus Bart. in leg. Centurio, num. 16. & ibi Ias. & Galliaula, numero 84. Alciatus in dicta lege, verbis ciuilibus, numero 18. plures hunc intellectum reddentes refert Couarruias in dicto

dicto cap. Raynutius, §. 9. num. 19. Commune hunc esse intellectum asserit Costa in dicto capitulo, si pater, 3. par. verb. interdum, num. 79. Sed profecto hic communis intellectus non mihi arridet. In primis, quia, ut supra resolvimus, substitutio verbis communibus facta, quæ iure directæ pupillaris non potuit valere, postea regulariter ad fideicommissariam non trahitur.

Secundo, quia licet hoc verbum, Succedat ei, possit dici commune, tamen si adiungatur impuberi, iam non commune, sed directum debet censerī, nam in fideicommissō solum quis succedit illi, qui fideicommissum reliquit, ut colligitur ex l. coheredi, §. cum filio, ff. de vulgar. l. pater Seuerinam, §. conditionum, ff. de condition. & demonstration. docet Bartol. receptus, in l. si arrogator, nu. 27. ff. de adoption. vers. reuertendo, Bal. in l. vltima, columna fin. versic. item dico, Cod. de sacrosanctis Ecclesijs, Francus in dicto capitulo, si pater, num. 61. versic. 10. Philip. Corneus in consilio 47. num. 7. & 13. lib. 1. Alciatus in dicta lege, verbis ciuilibus, num. 14. & multis relatis hanc esse communem opinionem (Licet contrarium asserat, Couarruias ubi supra) contendit Costa in dicto capitulo, si pater, prima parte, verb. moreretur, num. 12. idem Costa in tractat. de successione Regni Portul. pagina 131. Nec fa-

tisfacit distinctio inter verba directa simpliciter, & alia verba directa ciuilia, cui subscribit Costa vbi supra, num. 13. propter ea, quæ diximus in 2. præmisso; aliter hanc rem intelligendam esse, licet sibi communis intellectus non displicuerit, asserit Costa, d. verb. interdum, nu. 79. vers. mihi etiam: ideo scilicet in dicto capitulo Raynutius substitutionem illam ad fideicommissariam trahi, quia, scilicet Raynutius, de quo ibi, testatus fuerit inter liberos: plane testamentum inter liberos clausulam habet codicillarem, vt si non possit valere, vt agitur, valeat meliori modo, quo fieri possit, iuxt. l. hac consultissima §. ex imperfecto Cod. de testam. gl. recepta, in dicta leg. coheredi, §. cum filio, verb. non valuit, ff. de vulgari, plures allegat Costa, vbi supra Capra in tract. de substitutione cõpendiosa, prima specie, nu. 70. Bursat. consilio 71. num. 9. Sed profecto, nec hic intellectus applaudit, primo, quia doctores nostri falso adducunt, dict. §. ex imperfecto, ad probandum testamentum inter liberos cõditum habere clausulam codicillarem. solum enim text. ait voluntatem patris licet ex imperfecto testamento condito inter liberos deprehensam semper esse validam, quod maxime differt a clausula codicillari. hæc enim importat voluntatem disponentis in alio casu diuerso ab illo, qui a disponente fiebat, at in dict.

§. ex imperfecto, in ipso casu, in quo pater testator disposuit, conseruatur voluntas, licet solennitas aliqua deficiat. Insuper clausula, codicillaris importat, vt si non valet actus eo modo, quo disponens eum gerit, valeat eo modo quo valere potest. Plane in dicto capitulo, Raynutius, actus valebat eo modo, quo testator eum gerebat, si Adiecta intra pubertatem moreretur, & ita valebat directa pupillaris, quam disponens fecisse præsumitur, iuxta notata in secundo præmisso. Quapropter his reiectis intellectibus, verus, ni fallor, pendet ex his quæ superius proposuimus. Diximus supra, substitutionem compendiosam quibuscumque verbis factam, quæ iure directo non potuit valere intra pubertatem ad fideicommissariam non trahi, nisi contrarium de mente testatoris constet, sed in specie, dicto capitulo, Raynutius, constabat de voluntate disponentis, ergo nihil mirum si ad fideicommissariam trahatur. maior huius argumentationis probata est in conclusione: minor colligitur ex dicto capitulo, Raynutius ibi, Si absque liberis moreretur. quæ verba secundum solitum loquendi modum ad adultam ætatem referenda sunt, idest post pubertatem: consequentia recte in forma concludit. Confirmatur hic intellectus ex text. difficili in l. credendum, §. si vero maritus, quæ est vltima, ff. qui petant tutor. vbi si maritus reliquit fi-

- deicommissum a filio, si ipse filius sine liberis decedat, licet ipsa mater filio non petat tutores, tamen semper ipsi matri fideicommissum debetur. in primis nemo negabit in specie, dict. leg. credendum, pupillari substitutioni locum fore, vt colligitur ex l. Centurio, in principio, ff. de vulgar. gloss. recep. verb. omnimodo in l. precibus Cod. de impuberum & alijs substitution. idque negare, vt eius verbis utar, est contra Deum, & mundum, secundum Albericum in rubricam, ff. de vulgari, num. 93. idque receptissimum, licet aliquantulum subobscurè tradit Costa vbi sup. verb. verbis, num. 5. quòd autem etiam post pubertatem fideicommissarię substitutioni locus sit propter conditionem insertam, si sine
- 11 liberis, &c. agnouit gl. in dict. §. si vero maritus verb. ex alieno, vers. Tu dic, communiter receptā secundū multos, quos allegat Paulus de Castro, in dicta lege, precibus, num. 14. Guilielm. in dicto capitulo, Raynutius, verb. si absque liberis, num. 50. in fin. Ioann. Crot. in repetition. dicta lege, precibus, numero 13. Ripa, num. 89. Alciat. num. 16. in dicta leg. Centurio.
- 12 Secundo comprobatur intellectus ex doctrina Pauli Castrensis, consilio 43. volum. 2. vbi ait: Quòd si substitutio his verbis concepta fuerit, Si filius meus in ætate pupillari decesserit sine liberis, substituo Sempronium, adhuc

adhuc huiusmodi substitutionem post decimū quartum annum ad fideicommissariam trahi debere, quam sententiam post multos sequitur Conarruias in dict. capitulo, Raynutius, §. 9. num. 1. ad fin. quam opinionem licet non probauerint Corneus consilio 11. volum. 2. Cumanus consilio 125. Costa ubi supra, verb. verbis, num. 4. & 14. tamen si substitutio fiat in hunc modum, Si filius meus decesserit sine liberis, substituo Sempronium: tunc hæc substitutio absque dubio intra pubertatem directæ pupillaris erit, post pubertatem vero fideicommissaria, gloss. in l. precibus ad fin. verb. fideicommissi, Cod. de impub. & alijs substitution. Guillielm. in dicto capitulo, Raynutius, tit. de compendiosa, num. 51. Ferrariens. in pract. tit. de forma libell. substitutionis compend. num. 18. Galliaula in dicta leg. Centurio, num. 57. ante illos Innocentius in dicto capitulo Raynutius, in principio, Bald. in l. ex tribus, nu. 4. vers. idem credendum, Cod. de inoffic. test. ultra alios Rip. in dicta leg. Centurio, num. 74. vers. ex quo inferitur. Sapia in dicta leg. precibus, numero 87. vers. constitutis, Boerius decisione vltima, columna penultima, & vltima. In contrarium adsunt grauissimæ difficultates, & in primis vrget tex. in l. verb. ciuil. ff. de vulgar. ubi Iureconf. ait, post decimum quartum annum paganum verbis ciuil. frustra substitue-

re: cum igitur proponamus in hoc tex. testamentum pagani, & verbum, Succedat ei, quod directum, & ciuile est, secundum ea quæ superius diximus, nullo modo dicendum est substitutionem aliquam valere, vt alias notauit Aretinus in dicta leg. verbis ciuilib. nu. 7. vers. & pro declaratione, Alexander num. 64. in dicta leg. Centurio, vbi Galliaula, nu. 168. Curt. Iun. in dicta leg. precibus, num. 10. tradit Costa vbi supra, num. 14. ergo, & in nostra specie substitutio facta verbis ciuilib. post decimum quartum annum nullo modo valere debuerat.

Secundo contra prædictum intellectum facit text. in leg. si frater, Cod. de fideicommissis vbi substitutio compendiosa, quæ verbis ciuilibus fuit facta, cū illa conditione, Si sine liberis, vt ex textu patet post decimum quartum annum iure fideicommissi non valet, nisi aliqua fideicommissi verba in ipsa substitutione reperiantur, quæ fideicommissum importent, quem text. in hanc sententiā, antiquioribus relatis, induxit Ioan. Andr. in dicto capitulo, si pater, num. 21. Costa vbi supra, num. 15. ergo in nostra specie substitutio facta verbis ciuilibus, etiam cum conditione, Si sine liberis, post decimum quartum annum ad fideicommissariam trahenda non est. Non tamen recedendum est a prædicto intellectu: nec obstant difficultates superius adductæ,

nam

nam ad text. in dicta leg. verbis ciuilibus, respondemus Iurecōsultum ibi docere post decimum quartum annum non posse fieri, vt paganus directe hereditatem heredis ab eo facti, alij relinquat, quod quidem intelligendū est, si apparuerit disponentem id facere voluisse, nam si ex aliqua coniectura colligamus velle testatorem, vt hereditas ad aliquem iure fideicommissi deueniat, tunc verba mere ciuilia, & directa flectemus, & vt ita loquar, obliquabimus: id enim, dummodo de voluntate disponentis constet, recte fieri potest, vt insinuat tex. in l. quærebatur, 20. ff. de militari testamento, text. in l. pater filium, 36. §. fin. ff. de leg. 3. vltra antiquiores, docet Costa, vbi supra verb. in re certa, num. 10. Viglius in §. heres, ad fin. instit. de heredibus instit. Non obstat secunda difficultas deducta ex lege, si frater, Cod. de fideicommissis. respondemus enim in eo tex. non fuisse compendiosam substitutionem sed pupillarem, vt text. ait; illa autem verba, Si sine liberis, &c. non esse intelligenda quasi fuerint ipsius testatoris sed tantū ipsius Imperatoris, resoluunt Curt. Iun. num. 65. Sapia num. 67. in dicta leg. precibus, Mar. Anton. in repetitione, leg. hac consultissima, §. ex imperfecto, Cod. de testamento, num. 225. subscribit Costa, vbi supra verb. interdum, num. 82. licet aliter intellexerit in verbo, verbis, num. 14.

- 15 Tertiò infertur ex prædictis intellectus ad text. in l. precibus, Cod. de impuber, & alijs substit. vbi quædam mulier oblati Diocletiano, & Maximiano precibus proposuit maritum quendam suum, militem, testamento facto filium communem instituisse, & alium secundum heredem scripsisse: deinde filius decessit; secundi heredes hereditatem ad se pertinere contendebant, e contra mulier vxor testatoris bona tamquam ad se pertinentia retinebat, & consuluit Imperatores de hac controuersia. Qui benigne responderunt id clarius distinguendum fore, vtrum secundus heres fuisset datus in casu, quo hereditas non fuisset adita a primo herede, an vero casu quo post hereditatem quaesitam mortuus esset, & rursus hoc vltimo casu distinguendum vtrum pater heredi filium substituisset si intra decimum quartum annum ætatis suæ, vel postea decessisset, nam si heres secundus in primo dumtaxat casu datus fuisset, verbi gratia, Si filius meus heres non erit, Titius heres esto; & deinde filius patri heres extitisset, constabat filij quândocumque defuncti hereditatem ab intestato ad matrem pertinere, si verò, inquiunt Imperatores, substitutio in secundum casum, vel expressa, vel compendiosa non vsque ad certam ætatem facta reperiretur, tunc siquidem filius ante pubertatē decederet, eos haberet heredes, quos ei Pa-
ter

ter constituisset, si vero idem filius post pubertatem mortuus fuisset, tunc muliere filij sui successione in ab intestato obtinente, bona quæ patris, cum moreretur, fuerunt, velut ex causa fideicommissi petere posse substitutum, & ita decreuere illam compendiosam substitutionem ad fideicommissariam trahi, vt scilicet text. intelligatur, procedere singulari fauore militis ne eius voluntas, qui filio etiam post pubertatem substituerat, omnino
 16 deficeret. Pro quo intellectu primo adducitur apud nos bene notum principium, vt scilicet in milite satis sit habere, & scire eius voluntatem, quòd certo aliquo modo voluisset bona sua ad aliquem pertinere, & si modus, quem assumpsit minus aptus videatur, alius
 „ magis aptus inducatur, argumento, leg. 3.
 „ ibi, sed cur non in milite diuersum putetur, ff. de militar. testamento. Idque suadet illud axioma, quod vulgo dici consuevit, militis
 „ voluntatem liberaliorem præsumi, quàm pa-
 „ gani, text. in l. eius militis, §. militia ibi, quoniam voluntas quoque militis testamentum est, text. & ibi gl. verb. vendicare in l. Lucius, 41. §. 1. & ibi notarunt omnes, ff. de militar. testamento.

Secundo, & pro eodẽ intellectu facit, quod Imperator Antoninus Pius, quo militum suorum per omnia semper rata esset voluntas, cū institutus, & substitutus in continenti priusquam

quam hereditatem adirent, decessissent, re-
 scripsit, eos quibus ab his, & libertas, & he-
 reditas per fideicommissum data esset, per
 indeliberos, & heredes esse ac si vtrumque
 directe accepissent. In pagano autem liber-
 tatem solum confirmavit, idque tantum eius-
 dem libertatis favore, text. in l. nec enim,
 14. §. fin. cum l. sequenti, ff. de militari testa-
 mento, secundum quod videntur maxime
 quadrare illa verba, dicta lege, precibus, ibi,
 ex iusta causa fideicommissi, quasi significet
 causam iustam esse, quæ militis voluntatem
 tueatur, Quem intellectum vltra antiquiores,
 quos refert, præstat Couar. in dicto capitulo,
 Raynutius, §. 9. ad fin. Costa, qui his funda-
 mentis hunc intellectum approbat, vbi supra
 17 verb. interdum, num. 84. Ceterum hic intel-
 lectus, dict. leg. precibus, nequaquam reci-
 piendus est, in primis enim aduerto, vt supra
 tetigimus, & si militum voluntates iura pro-
 clament esse ad vnguem conseruandas, attamen
 quando ignoratur an eâ sit voluntas mi-
 litis, tunc nullum habere priuilegium, sed mi-
 litis & pagani eandem esse rationem, tex. ele-
 gans ad hoc in l. Lucius Titius, ibi, legitimis
 probationibus ostendatur, ff. de militari te-
 stamento, tex. in leg. si duobus 38. ibi nisi hæc
 voluntas defuncti probata fuerit, ff. eodem.
 Plane in hac specie quando agimus an com-
 pendiosa ad fideicommissariam trahatur, in
 hoc

hoc hæsitamus, an voluntas disponentis fuerit, vt si substitutio intra pupillarem ætatem subsistere nequeat, postea per fideicommissum ad substitutum hereditas pertineat, quod si constet de voluntate tam in pagano, quàm in milite dicendum est substitutionem directã in dubio ad fideicommissariam trahi, nulla habita differentia, vt supra tetigimus, quantumcumque secure contrarium senserit. Cõsta vbi proxime, cuius sententia tunc vera, est quando constiterit paganum velle directe substituere solum, nam paganus id non potest facere, miles vero potest iuxta notata in tertio præmissio.


Secundo, contra eundem intellectum considero, quòd Imperatores nullam mentionem fecerunt priuilegij militaris, immo ille text. collocatus est sub tit. Cod. de impub. & alijs substitutionib. in quo non de substitutionibus contra regulas iuris ciuilis tractatur, sed de his, quæ secundum illas procedunt, præsertim, quòd in dubio semper interpretari debeamus dispositiones potius iure communi procedere, quam speciali militum priuilegio, vt probat text. in leg. in testamento 6. in 1. Cod. de testament. & tamquam receptum tradit Couarruuias in dicto capitulo, Raynntius, §. 9. num. 13. ad fin. Insuper probabile est, quòd si Imperatores, in dict. lege, precibus, intelligerent in specie quam proposu-

posuerunt militis priuilegium obtinere, id declararent, cum potissima ratio esset suæ decisionis, & fuisset res scitu digna, argumento leg. item, §. ait prætor vers. ea enim, ff. de iniur. Quapropter verus intellectus ex nostris principijs deducitur. Diximus supra compendiosam substitutionem factam quibuscumq. verbis, quæ iure directæ pupillaris non potuit valere, ad obliquam non trahi, nisi contrarium de voluntate disponentis constet, sed in specie dicta, legis precibus, constabat, ergo optime Cæsares Augusti responderunt ex iusta causa fideicommissi hæc bona ad substitutos debere pertinere. Consequentia in forma est. Maior probata est in conclusione: minor patet ex text. in dict. l. precibus, quia, in illo secundo casu, cui Cæsares respondent, inquiunt, ante decimum quartum annum, vel postea decesserit, substituit, plane iam clarissime constabat militem voluisse, vt hereditas ad substitutos quoquo modo post decimum quartum annum pertineret, quod cum absque vlllo priuilegio militari posset fieri, nempe per fideicommissum, vt supra probauimus, merito Cæsares responderunt, ex iusta causa fideicommissi, illa bona ad substitutos pertinere, id est legitima, iuxta notata in rubricam de testament. super verb. sententia iusta, in definitione testamenti posita de qua in l. 1. ff. de testament.

SUMMARIVM EX CAP. SEQ.

- 1 Relicto legato a testatore ad maritandas virgines Eborenses potest legatum conferri virgini territorij Eborensis vulgo no termo.
- 2 Patria non solum appellatur ille locus, in quo aliquis nascitur, sed & eius territorium.
- 3 Adducitur lex, qui in vico, ff. ad Municipalem.
- 4 Priuilegia concessa ciuibus censentur, nisi aliud repugnet, concessa ciuitatensibus secundum Bart. quem multi reprobant.
- 5 Quando est materia multum fauorabilis opinio predicta Bartoli verior est.

CAPVT OCTAVVM.

- 1  VM aliquis in suo testamento reliquisset legatum ad maritandas virgines Eborenses, quærebatur an executor testamentarius posset dotem conferre virgini non natæ in ciuitate Eborensi, sed in territorio ipsius ciuitatis, vulgo no Termo. Respondi posse executorem testamentarium dotē cōferre virginibus territorij Eborensis. Primo, quia cum ex mente testatoris appareret, quòd voluerit dotare virgines patriæ vulgo
- 2

vulgo de sua terra, vt in specie propofita apparebat, non folum videtur velle vt Patria fit ciuitas, quæ folo murorum ambitu continetur, fed eam quam homines communiter Patriam vocant iuxta leg. cum pater, §. hereditatem, ff. de leg. 2. at homines non folum appellant Patriam locum in quo nafcuntur, fed illum in cuius territorio nafcuntur, ergo appellatione Patrię intelligēdus eft totus territorij ambitus.

3 Secundo facit pro eadem fententia, l. qui ex vico ortus eft, eam Patriam intelligitur habere, cui Reipub. vicus ille refpondet, ff. ad Municipal. & ibi Accurt.

4 Tertio, quòd omnes immunitates, honores, & priuilegia, fecundum opinionem Bartoli in confilio 96. & in l. 2. ff. de verborum fignificatione, quæ conceduntur ciuibus cenfentur concessa ciuitatensibus, quia fcilicet exconiecturata mente difponentis appellatione ciuium veniunt ciuitatenses, igitur idē dicendum eft in noſtra ſpecie, cum in teſtamenti voluntas maxime ſpectetur iuxta leg. in conditionibus, ff. de condit. & demonſtrat. Auſt. de nuptijs, §. difponat, collatione 4. Et

5 licet prædicta Bartoli opinio vbi ſupra non approbetur communiter, cum aduerſus eam aliqua iura ponderentur, vt videre eſt per Ludouicum Teixeiram Luſitanum, qui apud nos olim in magnis magiſtratibus conſtitutus

tus

tus floruit, in leg. 2. columna quarta, ff. de reb. dub. tamen eadem opinio Bartoli absq. dubio recipienda est, quando natura priuilegij, vel aliquid aliud non repugnat, vt ciuitatenses cōprehendantur, & materia priuilegij est nimis fauorabilis tunc enim his cōcurrentibus, quidquid ciuibus tribuitur, censeatur attributum ciuitatensibus. Cum igitur hæc, de qua agimus, sit multum fauorabilis vt pote, quæ beneficium, & eleemosynam continet iuxta capitulū dilecti, de donatione, merito testator qui de Eborensibus loquitur, intelligendus est sensisse etiam de his, qui in territorio, hoc est, *no Termo*, oriuntur, vt alias intendit Abb. in capitulo Rodulfus, nu. 6. de rescript. Alexander de Imola in l. 1. nu. 13. ff. de soluto matrimonio, & facit pro hac parte Ord. lib. 2. tit. 21. in principio.

SUMMARIVM EX CAP. SEQ.

- 1 *In aliquibus Ecclesijs Cathedralibus Lusitaniæ debent consentire omnes Canonici, vt donatio fiat.*
- 2 *In alijs Ecclesijs cathedralibus sufficit maior pars Canonorum, & ita fit in hac insigni Ecclesia Metropolitana Eboresi.*
- 3 *Declaratur statutum eiusdem Ecclesiæ Eboresis.*

- 4 Iuri magis consonat maiorem partem capituli sufficere in donationibus .
- 5 Donatio remuneratoria indistincte potest fieri a capitulo .
- 6 Donationem remuneratoriam non esse veram donationem multi existimarunt, quorum fundamenta referuntur .
- 7 Contraria sententia cum fundamentis traditur.
- 8 Assignatur notabilis concordia inter utramque opinionem .
- 9 Nemo ad antidora obligatur, nisi in eodem, vel simili genere accepti .
- 10 Si beneficium pecunia aestimabile refertur in pecunia, vel re simili, non est donatio, secus si beneficium non aestimabile pecunia refertur in pecunia, vel re simili .
- 11 Capitulum remunerans beneficium pecunia aestimabile in pecunia, vel re simili nondonat vere, & ita absque dubio id poterit facere .
- 12 Capitulum remunerans beneficium non pecunia aestimabile, in pecunia, vel simili re, donat, & ita non poterit id facere casu, quo donare non potest .
- 13 Capitulum non potest donare distributiones .
- 14 Si absque fraude, & ulla machinatione capitulum cum causa donet aliquid de communibus redditibus, valida erit donatio .
- 15 Capitulum ratione Eleemosynæ poterit Canonico absenti donare distributiones .
- 16 Refertur statutum quoddam notabile huius Ecclesiæ

clesiæ Eborensis.

- 17 *Licet regula sit quòd non interessens diuinis, non lucratur distributiones, tamen illa regula habet aliquas exceptiones inter quas illa vna est, quòd incarceratus sine sua culpa eas lucratur.*
- 18 *Consuetudine in Ecclesia Eborensi introductum est, ne repetantur distributiones quotidianæ semel concessæ beneficiarijs, qui incarcerati fuerunt, licet postea appareat eos habere culpam.*
- 19 *Duo dubia proponuntur examinanda.*
- 20 *Ad percipiendas distributiones quotidianas requiritur euidentis vtilitas Ecclesiæ, nec sufficiet qualisqualis.*
- 21 *Potest Legatus per statutum conditum modificare ius commune, non tamen omnino illud tollere poterit.*

CAPVT NONVM.

1



IN ea re solent aliquando controuersia excitari apud Canonicos, an capitulum possit donare fructus Canonico, vel alij beneficiato? In quo articulo primo aduertendum est, in iure nostro non

fatis esse expeditum an maior pars, an vero omnes Canonici, & singuli debeant consentire, quando tractatur de donanda re ali-

K

cui.

- cui. Sunt enim qui existiment in prædicta specie, singulorum vota dirigenda esse, & eaque præcise requirant, alioquin si vnus solus fabam nigram (modus loquendi in capitulis vsitatissimus) iniiciat, nihil donatum censetur, idque deducunt ex regula, quod omnes, de reg. iur. in 6. l. in concedendo 8. ff. de aqua pluvia arcend. l. Sabinus 28. ff. de cõmuni diuidendo. Etenim quando aliquid singulis competit vt singulis, debent ipsi singuli in ea re consentire, ne sine suo facto sua res sibi subtrahatur, leg. id quod nostrum, ff. de regul. iur. & ob hanc rationem in quibusdam Ecclesijs cathedralibus huius regni Lusitaniaci obtentum est, quòd in qualibet donatione facta in capitulo, *vulgo em fazer graça*, omnium Canoniconum consensus requiratur, alias si vnus solum deficiat, gratia non fit, &
- 2 donatio nulla est. Contrarium tamen in alijs Ecclesijs cathedralibus obseruatur, vt in hac insigni, & præclara Ecclesia metropolitana Eborensi, in qua id ex maiori parte Canoniconum dependet. si enim maior pars censet donandum esse aliquid, id fit: idque deduci videtur ex regula text. in capitulo primo de his quæ sunt a maiori parte capituli, cap. fin. eodem titulo, dicta leg. quod maior, ff. ad municipal. vbi Iureconsultus censet in communitatibus id censerì ab omnibus factum,
- 3 quod a maiori parte fit. Suadetur id ipsum

ratione non inefficaci deducta a quodam statuto huius Ecclesiæ Eborensis, quod habet non posse Canonicos donare distributiones, nisi postquam assignatæ fuerint singulis præbendis: sensit enim conditor illius statuti, ante illam assignationem nō posse prædictas distributiones dici singulorū, nec priuatorum, sed omnium in communi: cum igitur ante diuisionem factam, & illam assignationem, distributiones non censeantur singulorum, sed omnium in communi ex mente statuta condentis, ad donandas distributiones ante assignationem, vel diuisionem non requiruntur vota singulorum, sed maioris partis. De his enim quæ in communi possidēt Canonici, possunt ipsi disponere per viam communitatis: cum igitur in communitate illud dicatur ab omnibus fieri, quod a maiori parte fit, merito in illis maior pars sufficiet, non sic postquam redditus sunt assignati præbendis, quia tunc non in communi, nec per viam communitatis, sed iure proprio possidentur, ideoque ut de illis iam tunc disponatur singulorum, requiritur consensus iuxta dict. leg. in concedendo, ff. de aqua pluuiæ arcend. dict. leg. Sabinus, ff. communi diuidendo. Propter hæc existimarem magis iuri cōsonam esse praxim illarum Ecclesiarum, secundum quam in his donationibus maior pars Canonici sufficit iuxta, cap. fin. de his, quæ fiunt a maiori

parte capituli, cum similibus, quæ maximam habent rationem, vel quia in ea re agitur de re pertinenti ad singulos iure communitalis, vel quia ea donatio non proprio nomine sed administratorio totius Ecclesiæ fit, vel quia id inductum sit ad faciliorem negotiorum expeditionem; alias enim fere nunquam donationes in capitulis fierent cū difficile sit multos in vnum consentire, leg. 1. in fin. ff. de acquir. poss. l. si plures, 3. §. quamvis, vers. apparet. ff. de administratione, & pericul. tutor. maxime ad donandum iuxta regulam, l. cum de indebito, ff. de probat. l. filius familias, ff. de donationibus. His suppositis quæritur an donatio possit fieri a canonicis in capitulo? Ante resolutionem huius dubij sciendum est, an donatio, remuneratoria sit vera donatio, cum enim dubitemus an Canonici possint donare inquirendum est, an remunerare sit donare, vt ex eo colligamus an etiam possint remunerare, est enim remuneratio species quædam donationis, vt inferius apparebit.

- 6 Etenim donationem remuneratoriam non esse veram donationem videtur probare tex. in l. hoc iure vtimur, §. Labeo, l. Attilius, ibi dicit posse defendi non meram donationem esse, l. si pater, §. fin. ff. de donation. l. idemque, §. fin. & ibi gl. verbo, mandati actione, l. si vero non remunerandi, in principio, & ibi gloss. verb. non acturū, ff. mandat. optim.

text. in l. sed et si §. consuluit, ibi, Et velut genus quoddam hoc esse permutationis, ff. de petitione hereditatis notauit, gloss. in dict. l. Attilius verb. non meram, Bart. in procem. ff. nu. 4. doctores communiter in rubricam de donat. inter vir. & vxor. citat multos in eam sententiam Andr. Tiraquell. in l. si vnquam, verb. donatione largitus a num. 11. Cod. de reuocand. donation. Anton. a Gamma decisione 165. & decisione 213. Contrariam tamen sententiam videtur probare tex. in l. affectionis gratia, ff. de donatio. ibi, Erga benemerentes amicos: ergo clare docet Iureconsultus donationem fieri in eos, qui in nos beneficia conferentes sunt benemerentes amici; nemo enim dicet tot leges de donationibus, tot modos donandi ad ignotos solum referendos esse, & ita donationem remuneratoriam veram esse donationem tenuit glo. in dict. l. sed et si, §. consuluit, verb. obligauerint, ff. de petitione hered. gl. vnica in l. donari, ff. de regulis iuris, vbi Decius, & Cagnolus, adnotarunt Roger. in l. 1. num. 2. & in l. Modestinus, num. 38. ff. de donationibus, refert alios, & sequitur doctissimus Pinel. in l. 1. Cod. de bon. matern. 3. parte, num. 60. inter has doctorum opiniones ea concordia tenenda est, vt prima opinio procedat quando merita, quæ remunerantur eius sunt qualitatis, & generis, vt arbitrio boni viri æstima-

tionē in pecunia, vel simili re desiderent. Secunda vero opinio tunc locum habeat, quando merita illius sunt qualitatis, & generis, vt arbitrio boni viri tantam æstimationem non mereantur, sed solum remunerationem in eodem genere beneficij expostulent. Quæ vt
 9 facilius intelligantur sciendum est primo neminem ad antidora esse obligatum, idest ad dona è contrario mittenda, nisi in simili genere, & qualitate doni præcedentis. Verbi gratia: si mihi Petrus negotia confecit vt arbitrio boni viri sim obligatus illi ad antidora in pecunia, vel simili re, obligatus ero ad id faciendum, nec erit donatio vera, si rursus Petrus in aliquo meo negotio maximos sumptus fecit, vel dispendium rei suæ familiaris passus est, obligatus ero remunerare in re pecunia æstimabili, vel simili. Si vero beneficium, quod Petrus contulit non est illius generis, & qualitatis, tunc non teneor illi dare pecuniam, vel rem pecunia æstimabilem, sed solum ad antidora sum obligatus in simili genere beneficij, colliguntur hæc ex l. plane 97. in §. vltim. ff. de leg. 1.

10 Secundo sciendum est duplex beneficium, posse nos considerare, primum est quando illud beneficium confertur, quod vel sua natura, vel attenta hominum consuetudine, pecunia vel re æstimabili recompensandum est, vt si quis mea negotia maximi ponderis peregit
 vel

vel cum dispendio rei familiaris, vel cum periculo vitæ, si me a latrunculis eripuit. Secundum est, quòd attenta hominum consuetudine, & sua natura tale non est: verbi gratia, ad me mittere parua munuscula, domũ meam frequentare, negotia mea commendata diligenter facere, sine dispendio notabili vitæ, & bonorum: si quando apud aliquos incidit sermo de me, laudare, vituperantibus obsistere, & alia id genus, quæ nobis sæpe sapius amicis benemerentes comparant. His sic cognitis sit conclusio, Si capitulum pecunia, vel re simili remunerat aliquod officium, vel beneficium primi generis, quod scilicet vel sua natura, vel attenta hominum consuetudine, meretur remunerationem in pecunia, absque dubio id poterit facere, cum non censeatur donare, sed magis mercedem pro labore impenso reddere, iuxta supradicta, quando vero beneficium, vel officium fuit secundi generis, quod scilicet non merebatur æstimationem in pecunia, vel simili re: tunc capitulum non poterit illud beneficium remunerare in illis casibus, in quibus donare non potest, cum illa remuneratio sit vera donatio, vt superius resolvimus. Supereſt modo videre an capitulum possit donare. Etsi de distributionibus quotidianis loquamur, non potest capitulum illis remunerare beneficia, aut officia accepta secundi generis, illa scilicet, quæ non

expostulant remunerationem in pecunia, vel
 re simili. Ratio est, quia iura canonica ex-
 acte prohibent fieri donationem distributio-
 num, cap. vnic. de cleric. non residentibus in
 6. Sacrosanctum Concilium Tridentinum de
 reformat. sess. 24. cap. 12. Constitutio huius
 Archiepiscopatus Eborensis, tit. 13. cap. 4.
 §. *E todo*; ubi id, quod remittitur, fabricæ ap-
 plicatur. apud nostra statuta extat statutum
 prohibens beneficiarium petere prædictas di-
 stributiones, canonicosque eas concedere :
 cum igitur lex prohibeat non possunt Cano-
 nici, nec alius quispiam prædictas distribu-
 tiones elargiri iuxta regulam, cap. primi de
 constit. Et ita interpretati sunt Illustrissimi
 Cardinales, vt nulla via possint dictæ distri-
 butiones donari: nec vim horum iurium effu-
 gient Canonici, qui volentes donare prædi-
 ctas distributiones dixerint, eas non remit-
 tere, nec donare, sed gratiam facere de ea-
 dem quantitate Canonico absenti, quia cum
 dolus præsumatur capit. ex tenore, de rescri-
 ptis, leg. sed etsi, §. ait prætor, ff. ex quibus
 causis maiores: in hoc casu maxime præsu-
 metur, cum Canonicus amittens distributio-
 nes petierit, vt tantundem ex communibus
 13 redditibus illi donetur, & capitulū nihil aliud
 donauerit, nisi illud, quod in prædictis di-
 stributionibus continebatur, tunc enim le-
 ges apertissime circumueniuntur, l. contra

28. l. fraus, ff. de legibus, & idem est ac si donarent & remitterent, ideoque non valebit illa donatio, optimus text. in l. filix 60. ff. de
- 14 solut. matrimon. Si tamen Canonici cessante dolo, & fraude donauerint alicui, tunc distinguendum puto. nam si Canonici moti aliqua iusta ratione id fecerint, donatio valebit, secus si donauerint absque ratione, & moti solum voluntate irrationabili iuxt. tex. elegantem in leg. hoc iure vtimur, in princip. ff. de
- 15 donationibus. De illa re vidi iam dubitare aliquos, an Canonico, qui in exilium mittebatur, posset donatio fieri; dixi posse, quia eo casu iustis rationibus moti Canonici recte facerent si cōmunibus redditibus fratrem exultantem adiuuarent. Insuper etiam dixi Canonicos illi Canonico potuisse dare distributiones quotidianas per viam eleemosynæ, cū Canonicus, de quo tractabatur, vix posset aliunde victum, & commodam sustentationē habere, iuxta notata in capitulo licet, de præbend. & in capitulo olim, de verborum significatione: notauit in terminis, Ioan. Prob. ad Monachum, in capitulo vnico, de clericis non residentibus in 6. num. 27. luuat apud nos, statutum insigne, quòd disponit Canonico, qui per quinquennium in Ecclesia inferuinit, & postea casu aliquo beneficium amisit, præstandos esse redditus de communi mensa, qui scilicet dimidietatem reddituum bene-

- beneficij amissi æquare possint. Licet enim regula sit, quòd ille, qui horis non interest, non lucratur distributiones quotidianas, capitulo, Licet, de præbend. capitulo vnico, de cleric. non residentibus in 6. tamen passim doctores varijs in locis limitationes, & fallentias prædictæ regulæ afferunt, vt de illo diximus cui per viam eleemosynæ distributiones elargiuntur: sic qui est incarceratus sine sua culpa distributiones lucratur, dict. capitulo vnico, ibi, seu iusta, & rationabilis corporalis necessitas, de cleric. non residentibus in 6. notat Couarruias lib. 3. resolut. cap. 13. num. 8. vers. vndecimo. Ideoque fructus a Canonico percepti tempore quo in carcere detinebatur, debent repeti, iuxt. reg. cap. si. de solut. leg. prima, ff. de conditione indeb.
- 18 In hac nostra Ecclesia Eborensi, consuetudine longæua est obtentum, vt in carcere detento distributiones dentur singulis mensibus, illæ scilicet quæ Canonicis interessentibus elargiri solent, idque iure fit. Cum enim adhuc non constet an sua culpa incarceratus fuerit, non debet emolumento, & suis redditibus lite pendente defraudari iuxta titulū, Vt lite pendente. Illud de consuetudine apud nos fit, contra iuris communis regulas, vt non repetantur dictæ distributiones semel concessæ, licet postea appareat ex sententia lata Canonicum iuste fuisse incarceratum, quæ

quæ consuetudo cum longæua sit, & legitime præscripta, habeatque aliquam rationem ne scilicet a misero Canonico per sententiam condemnato distributiones iam consumptæ crudeliter extorqueantur, seruanda erit, iuxta cap. fin. de consuetudine, l. de quibus, ff. de legibus: non tamen habebit illas distributiones, quæ in illo tempore carceris lucraturus erat, & Canonico conferuntur post festû S. Ioannis Baptistæ cum prædicta æquitatis ratio in istis cesser. Duo dubia in hac materia occurrerunt, de quibus consultus fui in hac ciuitate Eborensi, primum an posset Episcopus duos Canonicos habere in suo seruitio, & an distributiones quotidianas in absentia, dū Episcopo seruiunt, percipere possint, ac si actualiter inferuirent. Secundum dubium fuit an statuta huius insignis Ecclesiæ Eborensis possint in aliquo derogare iuri communi, verbi gratia, iure communi cautum est, vt redditus beneficij integre percipiantur ab illo, qui vel sacram Theologiam, vel ius Canonicum in Academijs edocet, capit. super specula, de magistr. vel potest quis dans operam Theologiæ, vel iuri Canonico, per quinquennium percipere integre fructus sui beneficij ex priuilegio concessio a Summis Pontificibus alimæ Academiæ Conimbricensi, exceptis distributionibus quotidianis; quidam Canonicus operam dabat Theologiæ, vel iu-
ri

ri Canonico, aut Theologiam, aut ius Canonicum edocebat, volebat percipere fructus, quos grossos vocamus, illos scilicet, qui præbendæ competunt, & non sunt distributiones quotidianæ, idque persuadebat hac ratione: edocens Theologiam, vel ius Canonicum, iure communi attento, percipit omnes fructus, qui non sunt distributiones quotidianæ, illi enim fructus præsentibus elargiri solent, sed edocēs Theologiam vel ius Canonicum tamquam præsens illos fructus potest percipere, dict. cap. super specula, ergo Canonicus edocens Theologiam, vel ius Canonicum recte percipiet illos fructus. E contrario Canonici nolētes reddere prædictos fructus Canonico, qui residentiam anni non fecisset, id est per annum continuum in Ecclesia non inserviuit, defendebant se ex eo, quia statuto quodam Ecclesiæ Eborensis cautum est, ne fructus illi grossi elargiantur ulli Canonico, qui residentiam per annum non fecisset, hoc est per annum quotidie alicui horæ Canonice non interesset: Canonicus autem, de quo agebatur, prædictam residentiam non fecerat: tunc sic arguebant Canonici: Ille Canonicus non fecit prædictam residentiam, ergo per statutum non potest habere illos fructus grossos: ex aduerso Canonicus, qui Theologiam, vel ius Canonicum edocebat, dicebat statutum non posse infringere ius commune. Vnde cū

iure communi edocens Theologiam, vel ius
 Canonicum percipiat omnes fructus, exce-
 ptis distributionibus quotidianis, non potest
 per statutum particulare capitulum ipsi fru-
 ctus illos denegare; statuta enim particula-
 ria iuris communis dispositionem non pos-
 sunt tollere, cap. institutionis 25. quæst. 2. c.
 quod super his, de maior. & obed. opt. text.
 in l. deprecatio, ibi, Ego quidem mundi do-
 minus: lex autem maris lege Rhodiorum iu-
 dicetur nautica, in quibus nulla nostrarum
 lex aduerfetur, ff. ad legem Rhod. de iactu.
 Unde maximum dubium fuit an statutum il-
 lud posset infringere iuris communis indul-
 gentiam, quo professoribus, & studentibus Theo-
 giam, & ius Canonicum ius commune tri-
 buit, ut tamquam præfentes possint percipe-
 re fructus omnes suarum præbendarum, ex-
 ceptis distributionibus quotidianis, quæ so-
 lum interessentibus elargiri solent, iuxta cap.
 per specula, de magistris. Quantū ad pri-
 mum dubium attinet adsunt textus insignes
 cap. ad audientiam, de cleric. non residen-
 tibus, cap. de cetero, eodem tit. in quibus
 manifeste probatur, posse Episcopum duos
 canonicos eligere, qui dum ita in eius serui-
 cio commorantur pro præsentibus habeantur,
 fructus omnes suorum beneficiorum, exce-
 ptis distributionibus quotidianis, percipiant,
 quibus fructibus doctores non dubitant per
 textum

textum in dict. cap. de cetero, ad fin. Aduertendum tamen est non defuisse aliquos, & doctos sane, qui existimarent illis iuribus hodie locum non esse, inspecta reddituum Episcopatuum vbertate, & multitudine litteratorum, quibus commode possunt Episcopi vti in suo seruitio. Vnde illa iura in aliquibus locis non obseruantur ex consuetudine inueterata, Petrus Rebuff. in praxi beneficiali, tit. de Vicarijs Episcoporum, num. 5. ego tamen vbi consuetudo non esset, non recederem a decisione illorum iurium, & communi doctorum interpretatione.

- 20 De distributionibus quotidianis dubium alicui esse potest, an illi Canonici commorantes in seruitio Episcopi distributiones debebant lucrari, ex eo quia ex omnibus, in quibus Canonici inseruiunt Prælato, tamquam Prælato, videtur maxima vtilitas prouenire Ecclesiæ, vnde propter eam vtilitatem possunt Canonici tales distributiones lucrari, iuxta dictum capitulum vnicum de cleric. non residentibus, in 6. In contrarium ponderatur text. in cap. cum non deceat, de electione in 6. Vbi illi, qui pro negotio prælati (qui maxime utilis est suæ Ecclesiæ) Romanam curiam petunt, non lucrantur distributiones quotidianas. In hac re dicendum est ad lucrandas distributiones quotidianas, oportere esse euidentem Ecclesiæ vtilitatem, non
qualem

qualem qualem, dict. cap. vnico de clericis
 non residentibus in 6. ibi, aut euident Eccle-
 siæ utilitas excusaret, ideoque si illa talis non
 est cum principaliter ad Prælatum, vel alium
 quemlibet pertineat, non poterit Canonicus
 distributiones quotidianas percipere iuxta
 dict. capitulo, cum non deceat, dict. cap. de
 cetero, ad fin. cum igitur in illo, qui inseruit
 Episcopo tamquam Episcopo in illis scilicet,
 quæ ad eum tamquam Prælatum pertinent,
 non sit utilitas Ecclesiæ principalis, illius sci-
 licet, cui distributiones quotidianæ deputan-
 tur, sed alterius nempe Episcopalis, cui alij
 redditus deputantur, merito non poterit Ca-
 nonicus distributiones quotidianas percipe-
 re, qui in seruitio Episcopi commoratur, li-
 cet aliquam, immo, & maximam utilitatem
 Ecclesia ex eo percipiat. Addo id ita verum
 esse, vt in multis Ecclesijs cathedralibus, hæc
 ita obseruentur, vt in multis casibus eunti ad
 negotium ipsius Ecclesiæ particulare, sala-
 rium tribuatur, non vero distributiones quo-
 tidianæ elargiantur, vt colligitur ex dict. ca-
 pitulo, cum non deceat, de electione, & ex
 capitulo, Cupientes, eodem titulo in 6. vbi
 redditus sunt communes inter Episcopum, &
 Capitulum, & tamen illa iura statuunt vtriuf-
 que expensis consulendum esse Canonico eun-
 ti Romam pro electione Prælati, denegantur-
 que distributiones quotidianæ, quia scilicet
 ad

ad eas lucrandas duo, vltra alia, requiruntur, quòd vtilitas Ecclesiæ sit euidentis, & illius Ecclesiæ capitularis, cui distributiones deputatæ sunt, non vero Episcopalis, cui alij redditus sunt applicati, iuxta capitulum vnicum, de cleric. non residentibus in 6. Sic in hac nostra Ecclesia Eborensi Canonicus, qui non habet finitam residentiam anni, non poterit percipere distributiones quotidianas, licet ad negotium euidentis vtilitatis mittatur, cum id statutis prohibeatur, salarium tamen competens habebit, iuxta cap. cum secundum Apostolum, de præbend. & statuta; idque fit ne per fraudes elargiantur distributiones quotidianæ illis, qui Ecclesiæ nūquam inferuierunt. Quapropter cum quidam Canonicus me de hac re consuleret, respondi capitulum eas non potuisse donare, iuxta supra dicta, tenerique eum ad restitutionem, regula, peccatum, de regulis iur. lib. 6. Circa secundum dubium aduertendum est statuta cōdita a summo Pontifice, vel de certa scientia ab illo confirmata posse infringere iuris communis regulā cap. proposuit, de concessione præbend. iunat, l. ille, a quo §. tempestiuum, ff. ad senat. consult. Trebellian. Diximus, vel de certa scientia ab illo confirmata, quia si essent condita ab aliquo inferiore, & confirmata per Papam in forma communi, non possent ius commune violare, iuxta notata per

per gl. in c. i. verb. confirmationem, de confirmatione utili, vel inutili, vbi Abb. num. 6. & alij. Si vero statuta fuerint condita a legato, vel Episcopo, tunc non possent iuris communis regulas infringere, quia regulariter Legatus, Episcopus, & alij inferiores nō possunt disponere contra ius commune, d. c. institutionis 25. q. 2. d. c. quod super his, de maior. & ob. d. l. de precatio, ff. ad l. Rhodiam de iactu. Namar. in Manual. cap. 27. nu. 8. ad fin. Diximus; Regulariter, quia aliquando vel ex permissione summi Pontificis, vel ex consuetudine poterunt aliquid statuere contra ius commune, id ipsum approbantibus aliquibus ex nostris, vt notant in cap. cum dilectus, per ext. ibi, de consuetudine, & in l. cunctos populos, Cod. de summa Trin. Abb. in c. quod clericis, nu. 45. de foro comp. Felin. nu. 9. in dict. cap. quod super his; cuius articuli resolutionem nunc consulto omittimus, neque enim ad nostram materiam pertinet: id sine dubio mihi videtur posse Legatum, vel Episcopum per suum statutum augere pœnam, vel modificare, interpretari ius commune, vel limitare, iuxta gl. in clem. ne Romani, verb. tolli, de electione; notat Abb. in cap. cum dilectus, nu. 6. de consuetudine, & in cap. nemini, nu. 6. de offi. Legati: cuius rei ratio esse potest, nam statuta Legatorum, & Episcoporum sunt ad statum iuris prætorij, Abb. in d. c. nemini, nu. 8.

L plane

plane prætores olim poterant interpretari ius commune, supplere, & corrigere, l. ius autem 7. ff. de Iustit. & iur. ergo, & Legati, ac Episcopi. Cum igitur statuta huius Eborensis Ecclesiæ sint facta a Legato, & in hoc limitent ius commune, nempe quòd Canonicus non faciens residentiam vnus anni, non possit in absentia percipere fructus grossos, merito dicendum est statutum fore obseruandum, non quia ius commune violat, sed quia illud adiuvat, dum multum magis requirit vt fructus beneficij lucrentur, iuuat cap. vnic. de cleric. non residentibus lib. 6. statuimus, inquit Pontifex, vt distributiones ipsæ quotidianæ, in quibuscumque rebus consistant, Canonicis, ac alijs beneficiatis, & clericis Ecclesiarum ipsarum, qui eisdem officijs in ipsis Ecclesijs adfuerint, tribuantur, iuxta Ecclesiæ cuiuslibet ordinationem rationabilem iam factam seu etiam faciendam. Haftenus summus Pontifex, qui plane approbat quascumque ordinationes rationabiles factas in Ecclesijs, quarum numero hanc esse nemo negabit, iuxta ea, quæ superius diximus.

SVMMARIVM EX CAP. SEQ.

- 1 *Proponitur facti species.*
- 2 *Vt matrimonium validum sit sufficit præsentia*
Paro-

parochi, licet inuitus ad illum actum ducatur, dummodo intelligat illum actum, qui fit.

- 3 Si dolo fecerit Parochus quin intelligat, vel quin audiat verba a contrahentibus prolata, valet matrimonium.
- 4 Optat Auctor fieri a summo Pontifice constitutionem, per quam declaretur obligatum duabus sponſis, vel pluribus non posse matrimonium validum celebrare, si Parochus non consentiat.
- 5 Si contrahentes publice, vel in valuis Ecclesie, populo præsente, matrimonium celebrent, non erit validum, cum Parochus non adsit.
- 6 Præsentia Parochi illius sufficit, qui licet vere non esset Parochus, habebatur tamen pro Parcho.
- 7 Appellatione proprii sacerdotis, vel Parochi intelligitur etiam vicarius perpetuus, vel ad nutum.
- 8 Tractatur dubium an contrahens sponsalia cum duabus, & uni adiudicatus, mortua illa, cum alia sit cogendus matrimonium celebrare.
- 9 Referuntur fundamenta pro parte affirmatiua.
- 10 Contraria sententia approbatur.
- 11 Redditur responsio ad argumenta contrariæ opinionis affirmatiua.

1



IR quidam nomine Ioannes cū
duabus feminis sponsalia de fu-
turo contraxit, postea cum
vna illarum coram parochō
Missam celebrante, vel aliud
agente matrimonium de præsenti contraxit,
deinde moritur hæc, quæ vxor erat: alia spon-
sa agebat contra Ioannē, illumque in virum
petebat. Consultus de hac re, dixi duo dubia
in hac causa examinanda esse, primum an
matrimonium valeat coram parochō non
consentiente contractui matrimoniali, immo
aliud agente. Secundum est an si aliquis spon-
salia contrahat cum duabus, vel pluribus fe-
minis, & per sententiam iudicis vni sit adiu-
dicatus, vel ipse sponsus cum vna illarum ma-
trimonium de præsenti contrahat, postea si
hæc quæ vxor fuerat moriatur, an sit obliga-
tus cum alia sponsa contrahere. Quantum
ad primum dubium attinet, respondi matri-
monium validum esse, si fiat coram parochō,
licet non consenserit contractui matrimo-
niali, vel etiam si inuitus traheretur, vt præ-
sens esset illi matrimonio. Probatur hæc con-
clusio: nam Concilium Tridentinum ad vali-
ditatem matrimonij, requirit quòd parochus
sit præsens, nec est actus in quo requiratur
auctoritas parochi, vt sentiebat Nauarr. in
lib.4.

lib. 4. de spons. consilio 47. & 52. sed tantum
 præsencia ipsius parochi, vt alias in emanci-
 patione dixit Angel. quem vide, in l. si Con-
 sul. num. 3. ff. de adopt. at præsens dicitur pa-
 rochus quando adest in aliquo loco, licet in-
 uitus ad ipsum locum trahatur, ergo validum
 est prædictum matrimonium. Maior huius
 argumentationis probatur, in Concil. Trid.
 de reformatione matrimonij, cap. 1. sessio-
 ne 24. minor patet ex l. diem proferre, §. co-
 ram, ff. de arbitr. l. coram ff. de verborum
 „ significatione, Coram Titio, inquit Iurecon-
 „ sultus, aliquid facere iussus non videtur præ-
 „ sente eo fecisse nisi is intelligat: itaque si fu-
 „ riosus, aut infans sit, aut dormiat, non vide-
 „ tur coram eo fecisse. Scire autem non etiam
 „ velle is debet, nam & inuito eo recte fit, quod
 „ iussum est. Haftenus Iureconsultus. Ex cuius
 verbis duo optime deducuntur, primum est
 in illo, quo præsente actus fieri debet, tan-
 tum requiri scientiam actus, ita vt intelligat
 actum qui celebratur, ibi, Scire autem debet,
 idque iureconsultus docuit in principio, d.
 legis, coram, aliquando tamen ex materia,
 subiecta dicemus coram aliquo fieri actum,
 vel aliquem actui interesse, licet non intelli-
 gat, vt in furdo, qui interest missæ, intendit
 Lusitanus noster doctissimus Ferdinandus
 Paez, in capitulo missas, de consecrat. dist.
 1. a num. 106. Secundum est voluntatem non

- requiri ipsius, vt actus fiat, ibi, non etiam velle: nam & inuito eo recte fit, quòd iussum est; tum etiam, quia ratio Concilij Tridentini vbi supra, propter quam irritauit matrimonia, fuit, ne secrete, & clam contrahentes possent cum alijs matrimonia celebrare, & esse in peccato, cui malo succurritur per scientiam parochi, & testium, etiam si inuiti matrimonio interfuerint. Et ita hæc conclusio approbata fuit ab Illustrissimis, Reuerendissimis, & Doctissimis Cardinalibus, addentibus tamen tunc non valere matrimonium, quando parochus non fuisset adhibitus ad illum actum, sed forte sacris interesset, vel per
- 3 viam transiret. Idque etiam procedit, si parochus data opera nollet audire, vel intelligere, quia cum in fraudem faciat, censetur audire, & intelligere, l. cum filix, ff. de soluto matrimonio, l. cum ita 33. in principio, ff. de leg. 2. & ita fuit decusum per Illustrissimos Cardinales, & tenet Salzedo vir doctrina celebris in additionibus ad Bernardum Diaz, c. 73. notat insign. Nauar. consilio 20. lib. 4. Segura in director. iudic. Ecclesiastic. capite,
- 4 15. num. 51. Optarem tamen maxime constitutionem summi Pontificis decernentis matrimonia ab illis contracta, qui cum pluribus sponsis contraxerant, non esse valida absque parochi complacentia, si enim id non fit, iam fere nullus erit, qui cogi possit sponsalia ob-
- serua-

feruare, nam confectis instrumentis dotis cū
vna sponte parochus vel inuitus ad illū actum
matrimonij trahetur, & cum ea matrimo-
nium celebrabit, & ita sponsalia omnia alia
euanescent. Quod publicæ tranquillitati ni-
mium aduersabitur. Amplia etiam si pendente
lite super sponsalibus defuturo, matrimo-
nium eo modo celebretur, quia adhuc vale-
bit, cap. ex litteris de matrim. contract. contra
interdictum Ecclesiæ, gl. in cap. tua, verb.
poteris irritare, de sponsa duor. si vero lis sit
super matrimonio de præsentī, vide doctores
in dictis locis, Abb. & alios in capit. cum in
5 Apostolica, nu. 3. de spons. Couar. de spons.
2. par. cap. 3. & 4. Non tamen sufficiet matrimo-
nium sine paracho celebrare in facie Ec-
clesiæ, idest in valuis Ecclesiæ, vel in Ecclesia
coram populo, tum quia non dicitur publice
aliquid factum quando solemnitates omittun-
tur, arg. l. 3. §. vlt. ff. quod vi, aut clam, leg. 2.
Cod. de his, qui ex publicis rationibus mu-
tuam pecuniam acceperunt, & ibi gl. verb.
occulte notat Bart. in leg. vltim. num. 1. ff. de
ritu nuptiarum, sed in hac specie omissæ fue-
runt solemnitates nempe præsentia parochi,
ergo non censetur fieri publice matrimoniū,
tum etiam quia, si id verum esset, maxima
daretur occasio celebrandi matrimonia abs-
que paracho, quicquid dubitet insignis Na-
uar. in man. cap. 22. tit. de impedimentis in-

terdict. ex eo, quia Concil. Tridentin. solum videatur annullare matrimonia clandestina, sine parcho, & testibus celebrata; non autem illa, quę tam publice fiunt. Cui respondemus publice non fieri id, quod non habet solemnitates requisitas, vt supra diximus: insuper concedimus eam fuisse rationem impulsivam Concil. Tridentin. sed negamus illam ratione cessante, cessare legem, quę generaliter omnia matrimonia annullavit sine parcho, & testibus argu. leg. prospexit, ff. qui, & a quibus, l. cum tale, §. falsam, ff. de condit. & demonstr. Dubium est an parochus requiratur verus, ita quod realiter parochus sit, an vero sufficiat haberi pro parcho: verbi gratia an matrimonia valida sint coram illo, qui realiter parochus non erat, vt quia, sine titulo, vel cum titulo nullo pręerat Ecclesię: item coram illo, qui cum laicus esset officium parochi per multos annos obiit, vt paulo ante vidimus in tribunali inquisitorio quemdam, qui sponte confessus hæc, & alia immania crimina, maximam misericordiam consecutus est. Dixi valere matrimonia coram illis celebrata, quia cum ille actus assistendi non sit ordinis, sed solum Concilium iubeat, vt parochus præsens sit, sufficit si ille adsit, qui parochus reputabatur arg. l. Barbarius, ff. de offic. præsidis, facit gl. fin. communiter recepta in cap. nihil, vbi Abb. num.

- 7 2. de electione intendit Nauar. lib. 4. consilio
 3. Nec putet aliquis appellatione parochi intelligi solum Abbatem, Priorem, vel Rectorem beneficij, nam & Vicarius perpetuus intelligitur, immo Vicarius, qui ad nutum constituitur, vulgo *o Cura*, quia ille, qui subit vicem parochi, quantum ad hoc, parochus censetur, Clem. cupientes, ibi, Ab Ecclesiarum Rectoribus vel Vicarijs, aut loca tenentibus eorundem requisiti fuerint, de pœnis glo. in clementina prima, verb. presbyteri, de priuil. vbi Cardin. num. 2. Bonifac. de Vitalin. in dicta clementina cupientes, num. 19. Nauarr. in consilio 23. num. 4. lib. 4. Quantum attinet ad secundum dubium an scilicet si aliquis sponsalia contrahat cum duabus, vel pluribus feminis, & per sententiam iudicis vni sit adiudicatus, vel ipse sponsus cum vna illarum matrimonium de presenti contrahat, postea si hæc quæ vxor fuerat moriatur, an sit obligatus cum alia sponsa contrahere. Pro parte affirmatiua videbatur iudicandum fore, primo quia, & si vni adiudicatus sit, & interim propter eam rationem non sit cogendus cum alia contrahere, tamen recedente impedimento, cogendus est adimplere id, quod promisit: sic qui votum emisit, si impeditus est, non tenetur votum adimplere, cessante vero impedimento tenetur votum adimplere, cap. quod super his, de voto, & in specie
- 8
- 9

specie in qua præcipit aliquid iudex, si propter impedimentum non potuit pars obtemperare præcepto iudicis, colliges ex cap. dilecti, vers. si enim, de dolo & contumacia, leg. 2. §. si quis in iudicio, ff. si quis caution.

Secundo facit, quòd licet ratione sponsaliorum concedat aliquis non esse virum obligatum, tamen debet cogi ratione promissionis, si enim non valet ut ago, debet valere eo modo, quo valere potest, c. vnic. de desponsatione impub. lib. 6. l. si vnus, §. vltimo, in principio, ff. de pact.

Tertio facit text. in capitulo primo, de eo, qui duxit in matrimonium, quam polluit per adulter. vbi text. inquit, quòd vir vxoratus si cognouit secundam, mortua prima vxore, volente secunda, si erat ignorans, & putabat suum esse maritum, cogendus est ad matrimonium celebrandum cum secunda, ergo idem dicendum erit in nostra specie, in qua de sponsalibus agimus, cum valeat argumentum de matrimonio ad sponsalia, l. oratio, 10 de sponsal. Contrarium tamen respondi, primo, quia post contractam primam obligationem sponsaliorum, secunda obligatio erat inefficax, cum enim in matrimonio, vel sponsalibus semel quis obligari possit vni, nõ duabus, postquam semel est obligatus, si iterum se obligat, viuente sponsa, vel vxore, impossibile igit, & ita non obligatur iuxta regulam,
nemo

nemo potest, de regulis iur. in 6. l. impossibile, ff. de regulis iur. vnde cum post prima sponsalia impossibile sit iterum se alij per sponsalia obligari, contractus alius sponsaliorum nullam producit obligationem.

Secundo facit, cap. veniens 15. capitulo primo, de sponsa duorum, vbi sponsalia de futuro dissoluuntur per matrimonium, cum igitur in hac specie matrimonium celebratum fuisset, dissoluta sunt sponsalia, id enim verbum, dissolvere, significat, id est vinculum tollere, cap. ad dissoluendum, de desponsatione impub.

Tertio facit dictum cap. primum, de eo, qui duxit in matrimonium, quam polluit per adulterium, vbi tex. clare insinuat secundum matrimonium non obligasse, si enim obligasset, & virum, & uxorem putatiam cogeret, quod text. negat, idque clarius probat text. in cap. licet, de sponsa duorum, vbi sponsalia de præsenti non dissoluuntur per alia sponsalia de præsenti etiã carnali copula consummata. at dicto capitulo primo, solum probat virum, qui uxorem habuit, si aliam de facto ducit, cogendum esse cum illa matrimonium celebrare, mortua prima, si ipsa voluerit, non tamen cogenda est mulier: immo retorquetur argum. dict. cap. primi, nam text. sic intellectus probat manifeste secundum matrimonium non obligasse, ergo idem dicendum
est de

est de secundis sponſalibus iuxta dict. l. oratio, cum in hac ſpecie eadem detur fere ratio in matrimonio, & ſponſalibus, nam utroque
 II caſu obligatum impoſſibile eſt iterum ſe obligare. Nec hac ſententia retenta, obſtabunt fundamenta, quæ ſupra propoſuimus; non primum, reſpondemus enim in illis caſibus propoſitis obligationem natam fuiſſe, ceſſare tamen propter impedimentum, at in noſtro caſu obligatio non fuit orta, cum de re impoſſibili partes contraherent, iuxta d. regulam, Nemo poteſt, de reg. iur. in 6. l. impoſſibilium, ff. de regul. iur. Ad ſecundum reſpondemus negando antecedens, verior enim regula eſt in dubio neminem videri facere niſi ſolum vnicum actum, dummodo aliud non colligatur aliunde, l. i. §. ſi quis ita, in principio, ff. de verbor. l. cum hic ſtatus, §. ſi quis ſponſam, ff. de donat. inter vir. & vxor. Nec obſtat dict. capitulum vnic. de deſponſatione impub. lib. 6. dict. leg. ſi vnus, procedunt enim in certis caſibus, in quibus iura id ob aliquas cauſas contra iuris communis regulas induxerunt, verbi gratia in matrimonio, pactis liberatorijs, vt alibi dicemus, quæ iura non ſunt extendenda ad ſimiles caſus cum ſint exorbitantia, regul. quæ a iure, de reg. iur. lib. 6. l. quod vero, ff. de leg. Non obſtat tertium, & vltimum fundamentum, reſpondemus enim dict. cap. primum, de eo, qui


qui duxit in matrimonium quam polluit per adulterium, esse exorbitans, & pœnale, ibi, in pœnam, & colligitur ex notatis per doctores ibi, ideoque non fore extendendum de matrimonio, in quo loquitur, ad sponsalia, præsertim cum non detur eadem ratio, immo multum diuersa. Etenim multo maiorem pœnam meretur ille, qui matrimonio copulatus, aliam ignorantem tamquam uxorem duxit, quàm ille, qui sponsalibus obligatus secundam sponsam de præsentì desponsauit, vt cuilibet notum est; nec enim valet argumentum de matrimonio ad sponsalia, nisi eadem detur ratio dict. leg. oratio: sic licet sacrosanctum Concilium Tridentinum, de reformat. matrimonij, cap. primo, sessione 24. irritauerit clandestina matrimonia, non tamen irrita censentur clandestina sponsalia, vt interpretati sunt Illustrissimi Cardinales, & notauit Salzedo in addit. ad Bernard. Diaz cap. 73. Insignis Nauarrus in capitulo humanæ aures 22. quæstio. 5. & quæstion. 3. nu. 5. & in Man. cap. 25. num. 144. & ita in Praxi obseruatur.

SUMMARIVM EX CAP. SEQ.

- 1 Si coniuges testentur in vna charta, superstes potest reuocare testamentum.

Actus

- 2 *Actus qui celebrari potest vsque ad mortem, regulariter potest reuocari vsque ad mortem.*
- 3 *Quando duo coniuges testantur in vna charta, non vnum, sed duo sunt testamenta.*
- 4 *Traditur cautela ne coniux superstes possit reuocare.*
- 5 *Traduntur aliquot, quæ debent interuenire, vt illa cautela quis possit vti, & primum est, ne coniux det licentiam testandi de omnibus bonis.*
- 6 *Vtens cautela prædicta debet dare licentiam ad legandum, & traditur intellectus, leg. sicut 8. §. venditionis, ff. quibus modis pignus, vel hypotheca soluitur, & l. aliud est vendere, §. fin. ff. de regulis iuris.*
- 7 *Qui cautela a doctoribus tradita vti debet, non dabit licentiam ad hereditatem relinquentem, vel quottam titulo vniuersali.*
- 8 *In specie, l. sicut 8. §. venditionis, ff. quibus modis pignus vel hypotheca soluitur, legatum non debetur ex testamento, sed actione mandati.*
- 9 *Donatio omnium bonorum tam presentium, quàm futurorum non valet ex communi doctorum sententia.*



- 1 **S**OLENT sæpe sæpius coniuges
vnicum testamentum facere,
in quo maioratum constituunt,
vel quid simile disponunt: mor
tuo vno, alter superstes vult
reuocare suum testamentum, quæritur, an
2 possit. Et sine dubio dicendum est posse: nam
testamentum vsque ad mortem reuocari po
test, deambulatoria enim est voluntas testa
toris vsque ad mortem, cap. cum Marthæ, de
celebratione missarum, l. heredes palam, §. 1.
ff. de testamen. l. si quis in principio, ff. de
leg. 3. leg. cum hic status, §. pœnitentiam, ff.
de donation. inter vir. & vxor. Huius rei ra
tio illa est, etenim actus qui celebrari potest
vsque ad mortem, vel cum moriatur aliquis,
regulariter vsque ad vltimum vitæ spiritum
reuocari potest, l. quod si iterum, ff. de adi
mend. legat. facit Ord. lib. 4. tit. 63. in prin
cipio. At testamentum est actus, qui cele
brari potest vsque ad mortem, vel tempore
mortis, l. 1. ff. de testament. ergo ante mor
tem semper potest reuocari, cum id natura
actus, idest testamenti, mirum in modum ex
postulet. Nec obstat, quòd testamentum con
iugum sit vnicum, & videatur confirmatum
morte coniugis defuncti, dicto capitulo cum
3 Marthæ, ideoque non possit reuocari. Re
spon-

spondemus enim, quòd licet testamentum sit conditum in vna charta, & vnico contextu, tamen censi duo, alterum coniugis defuncti, alterum superstitis argument. l. scire debemus, ff. de verb. notant doct. in l. patris, & filij, ff. de vulgar. intendit Bald. in l. cum quidam, Cod. de impuber. & alijs substitut. Tiraq. de primog. quæstione 65. ideoque testamentum coniugis demortui non posse reuocari cum morte ipsius fuerit confirmatum, at vero testamentum alterius coniugis superstitis, ab eo vsque ad mortem potest reuocari: & ita hæc est communis opinio, secundum quam olim consuluit Oldradus consilio 174. & multi, quos referunt, & sequuntur Couarruias in rubrica, de testamento 2. parte num. 8. Tiraquell. de primogen. quæstione 68. num. 1. Molina 2. parte de primog. lib. 4. cap. 2. num. 82. Anton. a Gamma, decisione 339. num. 1. doctissimus Aluarus Vaz consult. 7. lib. 1. Sollet a nostris hac in re tradi cautela quædam ad hoc ne possit superstes coniux suum reuocare testamentum, vt scilicet quilibet coniux, qui superuixerit, det licentiã defuncto, vt de bonis eiusdem viuentis testetur, tunc enim coniux defunctus poterit testari de suis bonis, & de bonis coniugis superstitis, cum ab eo habeat licentiã iuxt. in l. sicut 8. §. venditionis, ff. quibus modis pignus vel hypothea soluitur, quem text. in hanc sententiam

citauit

citauit Baldus in cap. 1. §. præterea, nu. 1. quibus modis feudum amittatur, in vsibus feudor. Ias. lib. 1. consilio 13. multi relati a Tiraquell. de iur. mariti, gloss. 5. nu. 145. cum sequētib. Tunc enim non expectatur mors coniugis dantis licentiam ad testandum, sed tantum illius, cui data est licentia, cum ipse solum sit testamentum; superstes enim coniux solum consensum dedit, vt alter restaretur, diuersa autem sunt testari, & testamento consentire, argumen. legis, aliud est vendere 121. ff. de regul. iuris: & ita hanc cautelam videtur docere Baldus in leg. nec fratris, num. 1. Cod. de donation. causa mort. & supra citati. Hæc tamen cautela sic simpliciter accepta dubia videtur, quapropter vt ea secure vtantur testatores, aliquæ præmittenda sunt.

Primonec admissa hac cautela, Iudicem id debere iudicare, si licentia facta fuit testandi de omnibus bonis tam præsentibus, quam futuris, quia tunc non valebit: debet igitur coniux, qui licentiam dedit aliquid reseruare ad testandum, alias prædicta licentia erit nulla, & irrita cum priuetur testandi facultate, leg. stipulatio. hoc modo, & ibi notatur, ff. de verb. Ord. lib. 4. tit. 44. §. penult. declarat Dœnhas regul. 21. a principio. Anton. 2. Gamma vbi supra.

Secundo intellige necessarium esse coniugem

M gem

gem dare alij licentiam ad legandum, ad id enim possumus alicui dare licentiam, iuxt. d. l. sicut 8. §. venditionis, ff. quibus modis pignus, vel hypotheca soluitur: facit l. nec fratris, C. de donat. causa mortis. Nec obstat d. l. aliud est vendere §. fin. quia procedit in legatis ordinarijs; & illis, quæ plerumque fieri consueuerant, non vero in extraordinario, quale est illud, quod quispiam concedit alicui vt de suis bonis relinquat iuxta d. §. venditionis, qui sic concordandus est cum dict. §. finali.

- 7 Tertio intellige non procedere illam doctorum cautelam quando alter coniux licentiam concederet ad relinquendum hereditatem ex pōis coniugis superstitis, vel quotam in glo. vniversali; nemo enim potest heredem alium facere de bonis, quæ sua non sunt. Quod tribus fundamentis probatur, primo, quia daretur repugnantia contra regulam legis, vbi repugnantia, 149. ff. de regul. iur. repugnantia autem in eo reperitur, quia esset hereditas; & non esset hereditas, idque patet, quia daretur hereditas, nempe illa, quæ ex testamento debet peruenire ad heredem, & non daretur hereditas, cum hereditas sit ius, quod defunctus habuit tempore mortis, l. hereditas 63. l. heredem, 6. ff. de regulis iur. defunctus autem in prædictis bonis nullum ius habuit, sed tantum licentiam

disponendi, & absurdum est dicere, minus ius habere testatorem, quàm heredem l. in omnibus, vers. non debeo, ff. de regul. iur. l. nemo plus, 163. ff. eodem faciunt ea quæ notat las. in l. final, Cod. de heredibus, instit. & in leg. apud Iulianum, §. constat, num. 2. ff. de leg. 1.

8 Secundo facit pro eadem sententia, quòd inspecie, dict. §. venditionis, legatum illud non debetur ex testamento solum, sed etiam actione mandati acquisita heredi, quam ipse heres tenetur cedere legatario iuxta regul. l. ab eo, C. de fideicom. Ratio est, quia dominus rei legatæ non fecit testamentum, nec legauit, & ideo ab eo non potest res legata solùm acquiri ratione testamenti, sed ex eo, quia alij mādauit, vt de re legata disponderet: & ita cōcludit Bar. in l. cum quis de cedens, per tex. ibi in princ. n. 3. ff. de leg. 3. idem Bar. in cons. 213, nouissimum est, inauditumque in iure nostro quòd hereditas non peti possit ex testamento, sed actione mandati contra legem, Obuenire, & ibi notatur, ff. de verbor. significatione, & quòd hereditas detur ex pacto contra, l. hereditas, C. de pact. conuen. l. si. C. de pact. tradit aliud agens, Molin. de primogen. prima parte, lib. 1. cap. 26. num. 6. D. Anton. 2. Gamma, decis. 386. num. 1. 3. & vltim. Tandem vrget, quòd si testamentum posset fieri de bonis alienis cum licentia domini, nullo

modo recipienda esset opinio communis, de qua in dict. l. stipulatio hoc modo concepta, & Ord. vbi supra quæ docet donationem omnium bonorum tam præsentium quàm futurorum inuvalidam esse ex eo, quia auferat testandi facultatem, cum ille qui donauerit sua bona futura, & præsentia adhuc possit testamentum condere, & ita non auferat sibi facultatem testandi, cum possit sibi quispiam dare facultatem, vt de suis bonis testetur. Nec huic difficultati satisfaciet, qui dixerit non esse attendendum ad futurum euentum, id est posse quempiam dare licentiam ad testandum illi, qui omnia sua bona præsentia, & futura donauit: hæc enim non veniunt in consideratione, l. 1. ff. de auctor. tutor. Respondemus enim tunc non esse attendendum futurum euentum, quando ille futurus euentus nihil operaretur leg. stipulatio 14. §. Diuus, ff. vt legatorum, seu fideicommissorum nomine caueatur; sed in hac specie, de qua agimus, futurus euentus multum operatur, idque patet quia donatio bonorum præsentium valet, quia expectatur futurus euentus, nempe præsentia bona donatæm posse acquirere bona alia, de quibus testari possit, & ita non aufert sibi testandi facultatem, vt notatur in d. l. stipulatio hoc modo concepta, & aduertit post alios Couar. lib. 3. resol. cap. 12. num. 4. in princ. licet alij contradicant vt per Doenham

etiam s. 14

regul.


regul. 219. num. 1. vnde. si in hac specie donatio sustinetur, ex eo quia expectatur futurus euentus, nempe posse bona acquirere, de quibus testetur, illa etiam debuit sustineri præsentium, & futurorum, ex eo, quia expectatur futurus euentus, nempe posse quempiam illi dare licentiam ad testandum de suis bonis. At illa opinio receptissima est, de veritate illius non disputamus, nempe non valere donationem bonorum præsentium, & futurorum, ex eo quia aufert testandi facultatem, ergo non potest quis testamentum condere, in quo heredem relinquat aliquem alienorum bonorum etiam cum licentia domini. Vnde qui voluerit secure vti prædicta doctorum cautela referuet sibi aliquid ad testandum, & det licentiam alteri vt per viam legati de ceteris suis bonis disponat iuxta dict. leg. sicut 8. §. venditionis, ff. quibus mod. pign. vel hypotheca soluitur, & tradita per doctores superius citatos.

SUMMARIVM EX CAPITE SEQ.

- 1 *Declaratur quomodo sint collocanda puncta in l. heredem, ff. de his, quibus. vt indignis.*
- 2 *Qui non vindicabat mortem defuncti testatoris, tanquam indignus amittebat hereditatem cum fructibus.*

- 3 *Insuperhabere, significat omittere, & negligere.*
- 4 *Erat Papiniano Iureconsulto peculiaris phrasis, insuperhabere, pro negligere.*
- 5 *Hodie non videtur esse in usu decisio huius legis, heredem, ff. de his, quibus vt indignis.*

CAPVT DVODECIMVM.

- 1  EREDEM, inquit subtilis Papinianus in l. heredem, ff. de his quibus, vt indignis, [qui sciens defuncti vindictam omisit, & insuperhabuit, fructus omnes restituere cogendum existimaui: nec probe desideraturum actionem confusam restitui. Deceptum autem ignorantia facti bonæ fidei possessoris defensionem habiturum, ante motam, scilicet controuersiam, si ratio fructuum subducatur: nec improbe confusam actionem reddi postulaturum.] Hactenus Iureconsultus: sic punctis, & virgulis notatur hic text. ceterum aliter res est intelligenda, & aliter puncta sunt collocanda, vt scilicet, virgula constituenda sit in verbo, insuperhabuit; non vero in verbo, omisit; quasi Iurisconsultus dicat heredem, [qui sciens defuncti vindictam omisit, & insuperhabuit, fructus omnes restituere cogendum existimaui:] non enim in textu illud verbum, insuperhabuit

3 buit, coniungendum est cum illo verbo, fructus, sed cum illo verbo, omisit, quasi dicat Iurisconsultus, Qui vindictam defuncti omisit, & neglexit, omnes fructus debet restituere. Etenim ille qui occisi necem in iudicio nō vindicabat accusando interfectorem, idque facere negligebat, indignus erat hereditate, & ab eo tamquam ab indigno auferbatur cum omnibus fructibus, l. 1. Cod. de his quibus, vt indignis, idque Papinianus docet in hac l. heredem. Etenim, insuper habere, hoc in loco, non significat, desuper tenere, sed negligere A. Gellus, lib. 1. noct. Attic. cap. 19. & lib. 4. cap. 1. Immo, & hoc verbum

4 in hac significatione familiare erat Papiniano Iurisconsulto, vt colligitur ex l. sunt personæ (est autem lex illa Papiniani) ff. de relig. & sumpt. funer. nam propter publicam utilitatem, inquit Papinianus, ne insepulta cadavera iacerent strictam rationem insuper habemus, quæ nonnumquam in ambiguis religionū quæstionibus omitti solet: nam summam esse rationem quæ pro religione facit. Ex quibus verbis colligimus illa verba, insuper habere, significare negligere, non vero desuper tenere, vt aliqui parum polite existimant. Illud non est omittendum, quod licet heredes possint absque peccato vindictæ, & odij vindicare necem defuncti in iudicio, iuxta gl. communiter receptam in cap. penult.

verb. emendam de homicid. lib. 6. S. Thom. 2.2. quæst. 108. artic. 1. vbi Caiet. post alios Couar. lib. 2. Variar. resol. cap. 10. num. 6. Gomes. de delict. cap. 1. num. 29. tamen quia id magnum periculum continet, qui enim in iudicio accusat, vix est, vt omnino odio careat, & cum videatur aliquantulum deniare a perfectissima charitate Christiana, vt non dimittamus peccatum in nos, aut in nostros commissum; hæc lex, heredem, & eius decisio videtur abijisse in dissuetudinē, idque secure asserit Cardanus lib. 5. de sapientia; licet existimet melius fuisse consultum Reipublicę, si adhuc hodie obseruaretur.

SUMMARIVM EX CAP. SEQ.

- 1 Proponitur facti species.
- 2 Non potest erigi noua parochia inuito parochio.
- 3 Conclusio prædicta limitatur, quattuor interuenientibus.
- 4 Vt noua erigatur parochia, existente veteri, requiritur consensus parochi, quem si ille iniuste denegauerit, Episcopus poterit facere.
- 5 Secundo requiritur consensus Capituli, licet ad Capitulum ex illa erectione nullum incommodum perueniat.
- 6 Tercio quòd detur iusta causa nempe populi multi.

multitudo, quem antiqua Ecclesia commode non possit capere, notabilis distantia, fluius, qui hiberno tempore commode non possit transfuadari, & alia impedimenta huius generis.

7 *Quarto quòd remaneant sufficientes redditus ad sustentandum commode parochum veteris Ecclesie.*

CAPITVLVM XIII.

1 **I**N hac insigni, & nobilissima ciuitate Eborensi, quèdam est parochialis Ecclesia, dicata Sancto Antonio Eremitæ, cuius redditus inter Archiepiscopum, & Capitulum diuiduntur, duæ partes pertinent ad Archiepiscopum, vna ad capitulum; Cura ipsius Ecclesiæ pertinet ad Rectorem, & beneficiarios quosdam; reliqui beneficiarij habent simplicia beneficia, propter quæ choro inferuiunt. Quæsitum fuit an posset Archiepiscopus, inuito Capitulo, & beneficiarijs eiusdem parochiæ, duas de nouo erigere: ita vt ex vna, quæ Sancto Antonio Eremitæ consecrata est, tres fuissent, nempe antiqua Sancti Antonij, Sancti Ioannis, & Sanctæ Marthæ. Dixi id minime fieri posse inuito Capitulo, & beneficiarijs eiusdem parochiæ Sancto Antonio Eremitæ consecratæ. Idque sua-
detur

- detur, quia inuito parochio, & eo qui aliquod ius in Ecclesia veteri habet, non potest erigi noua alia parochia, ne sine consensu alicuius sua res sibi auferatur, l. id quod nostrum, ff. de regulis iuris: intendit summus Pontifex
- ” in cap. ad Audientiam, de Ecclesijs ædificand.
- ” vel reparand. ibi, ad præsentationem rectoris Ecclesiæ maioris cum Canonico fundatoris assensu instituas: & ibi, Si vero persona, matricis Ecclesiæ, &c. Intendit Concil. Tridentin. session. 21. de reform. cap. 4. statuens in ea re Episcopos tamquam delegatos a sede Apostolica procedere gloss. vltim. in cap. nulli, 99. distinctione, Abb. in dict. cap. ad audientiam, num. 2. Conclusio hæc limitatur quattuor interuenientibus, ita vt Archiepiscopus possit nouam parochiam erigere, si prius quattuor interueniant: primum est,
- 4 quod Rectori, vel ei, ad quem spectat commodum ipsius veteris Ecclesiæ, denuntietur erectio nouæ parochiæ, illique superior imperet vt consentiat, quod si noluerit suum præbere consensum, superior faciet id redigere in actis, & tunc procedet vltcrius vt colligitur ex Concil. Tridentin. vbi supra Abb. in dict. cap. ad audientiam, num. 2. cum igitur id in nostro casu non fuerit factum, nõ potuit noua parochia erigi: iuuat cap. Abbatibus, cap. placuit 12. quæst. 2. cap. primum, cap.
- 5 vt super, §. vnico, de rebus Ecclesiæ non alienand.

nand. oportet etiam quòd consensus Capituli interueniat in quacunque erectione nouę parochiæ, etiamsi ad illud non pertineat specialiter incommodum nouę erectionis, idque probatur sic: Episcopus non potest aliquid alienare, quod ad Ecclesiam suam pertineat, vel rem mensę Episcopalis sine consensu Capituli, cap. pastoralis, de donat. cap. sua nuper de his quę fiūt a Prælato sine consensu Capituli; atqui in hac noua erectione fit alienatio, id enim quod ad vnā Ecclesiam pertinebat, alteri tribuitur; vt probat text. in ca. tua nos 6. de Ecclesijs ædificand. vel reparandis, ergo Episcopus non potest sine consensu Capituli erigere nouam parochiam, optimus text. in terminis in cap. præcipimus, 26. quæst. 1. text. notab. in cap. 1. de procurat. in 6. in quo probatur, quòd licet bona sint diuisa inter Episcopum, & Capitulum, non posse ipsum Episcopum ardua negotia expedire sine Capitulo, quem text. ad id adducit Abb. in cap. causam quæ, in 1. numer. 6. de iudic. cum igitur consensus Capituli non interuenierit, non potest erigi noua parochia: id tamen hodie non procedet si Episcopus declarauerit se non vt ordinarium, sed vt de legatū a sede Apostolica procedere, arg. Concil. Trident. vbi supra.

- 6 Tertio requiritur, quòd populus habeat impedimentum ad audienda diuina, vel quia
nume-

numerosus est, & Ecclesia parua, vel quia
 fluuius adest, qui hibernis auctus aquis im-
 pedit parochianos Ecclesiã adire; tunc enim
 recte poterit noua parochia erigi, d. cap. ad
 audientiam, de Eccles. ædificandis vel repa-
 „ randis, ibi quòd villa, quæ dicitur. N. tantum
 „ perhibetur ab Ecclesia parochiali distare,
 „ vt tempore hiemali, cum pluuiæ inundant
 „ non possint parochiani sine magna difficulta-
 „ te ipsam adire, vnde non valent congruo tem-
 pore Ecclesiasticis officijs interesse: notat
 Abb. in cap. tua nos, nu. 2. de Ecclesijs ædifi-
 candis vel reparandis. d. cap. ad audientiam,
 ibi, mādamus quatenus si res ita se habet, &c.
 intendit Concil. Tridentin. vbi supra: cum
 igitur templum antiquum Sancti Antonij sit
 nimis amplum, & possit multo maiorem po-
 pulum capere, nullusque interiaceat fluuius,
 cum in foro ciuitatis Eborensis collocatum
 sit, & parochiani in ipsa vrbe commorentur,
 non possunt nouæ parochiæ erigi, immo ex
 illa erectione multa apparent incommoda,
 circa cultum diuinum, quia illæ parochiæ no-
 uæ, solum habent quendam Sacristam, & vnū
 Parochum, qui minime sufficiunt ad exhiben-
 dum decenter cultum diuinum, vt in facti cō-
 tingentia deprehenditur.

- 7 Quarto requiritur, quòd parochus vete-
 ris Ecclesię habeat alimenta necessaria ad cō-
 modam sustentationem, alias non poterit no-
 ua pa-

„ ua parochia erigi d. cap. ad audientiam, ibi,
 „ quia igitur dicta Ecclesia ita dicitur redditibus
 „ abundare, quòd præter illius villæ pro-
 „ uentus minister illius conuenienter valeat su-
 „ stentationem habere, &c. Nam sustentatio
 ministri præcipue attendi debet, argumento
 cap. cum secundum Apostol. de præben. cap.
 de his, de Ecclesijs ædificandis vel reparandis
 insignis Nauar. de spolijs Clericor. §. 10. num.
 7. cum igitur ex hac noua erectione nimium
 defraudentur Canonici quartenarij, baccalaurei,
 & capellani huius almæ Ecclesiæ metropolitane
 Eborensis, immo, & ipsi beneficiarij Ecclesiæ
 S. Antonij, quibus tam congrua portio non
 remanet. Consulendo respondi, non posse
 parochias novas erigi, erectasque de facto
 extinguendas esse iuxta superius dicta.

SUMMARIVM EX CAP. SEQ.

- 1 Referuntur iura scilicet, leg. si cum heres 4. ff. b
 quando dies legati cedat, & l. heres meus, ff. cc
 condit. & demonstr. cc
- 2 Referuntur tres intellectus ad illa iura, & reij- cc
 ciuntur. cc
- 3 Non est differentia in hoc legato, vel stipula- cc
 tione, si moriar, vel cum moriar. cc
- 4 In illa stipulatione, si moriar, vel cum moriar, cc
 statim

Statim nascitur obligatio, & actio.

5 *In legato illo, Si heres morietur, vel cum heres morietur; centum Titio dato, censetur illa conditio adscripta, si casus mortis heredis, viuo legatario contingat.*

6 *In legato illo, Si heres morietur, vel cum heres morietur, centum Titio dato, non solum datur conditio omnino extitura, de morte heredis, sed casualis, scilicet si vixerit legatarius tempore, quo heres moriatur.*

7 *Traditur intellectus ad l. Si cum heres, 4. ff. de adimend. leg. & ad l. heres meus, ff. de cond. demonst. & iura similia.*

8 *Legatum illud, Si morietur Titius heres, centum ei dato, est purum, & ratio diuersitatis assignatur.*

9 *In stipulationibus factis, cum illa conditione, Si moriar, vel cum moriar, semper dispositio censetur pura.*

CAPVT XIII.

1 **S** I cum heres morietur legetur,
 2 conditionale legatum est: de-
 3 nique viuo herede defunctus
 4 legatarius ad heredem non
 5 transfert: si vero cum ipse le-
 6 gatarius morietur, ei legetur, certum est le-
 7 gatum ad heredem transmitti. Haecenus Vl-
 8 pianus Iureconsultus in l. 4. ff. quando dies le-
 9 gati

gati cedat, id ipsum antea senserat Papinianus
in l. heres meus, ff. de condit. & demonstrat.

- „ heres meus cum morietur Titius, inquit sub-
„ tilis Papinianus, centum ei dato, pure lega-
„ tum est, quia non conditione, sed mora su-
„ spenditur. Non potest enim conditio non exi-
„ stere. Heres meus cum ipse morietur centum
„ Titio dato, legatum sub conditione relictum
„ est, Quamuis enim heredem esse moriturum
„ certum sit, tamen incertum est, an legatario
„ viuo dies legati non cedat, & non est certum
„ legatum ad eum peruenturum. Hactenus Pa-
„ pinianus, qui duo insignes Iureconsulti in ca-
„ sibus fere eisdem diuersum ius constituunt.
- 2 Quapropter gl. in dict. leg. heres meus, verb.
non existere existimat in primo casu dict. leg.
heres, legatum esse conditionale, sed haberi
propuro. Hunc intellectum approbat Bart.
in d. leg. heres meus, nu. 1. asserens legatum
huiusmodi esse purum, quoad transmissionem
& quoad impediendam conditionem inde-
biti, sed quoad alia conditionale, sed hæ so-
lutiones sunt fragiles, inciuile enim est dice-
re, est purum legatum quoad hoc, & est con-
ditionale quoad illud, nullam assignando ra-
tionem. Vrget etiam quòd Iureconsultus in
„ l. si pupillus, §. 1. ff. de nouation. indistincte
„ ait, eū qui sub conditione stipulatur, quæ om-
„ nino extitura est, pure videri stipulari.

Secundo facit, l. nam si cum moriar. cum
leg. se-

leg. sequenti, ff. de conditione indebiti, vbi debitor sub conditione, Si cum moriar, non repetit, quasi conditio illa non faciat dispositionem conditionalem, alias repeteret, l. sub conditione debitum 16. ff. eodem titulo, de conditione indebiti, idem probat, l. Iulianus verum debitorem, ff. eodem titulo, vbi in illa conditione, Siue naus ex Asia venerit, siue non, quæ omnino extitura est, & quæ æquiparatur conditioni, si moriar, vel cum moriar, iuxta l. huiusmodi, ff. quando dies legati cedat, si debitor soluit, non repetit.

Tertio facit dict. leg. heres meus, vbi in secundo casu, ideo censet legatum relictum esse sub conditione, quia incertum est an legatario viuo, dies legati non cedat, ergo aperte sensit Iureconsultus in primo casu purum esse, quia dies legati cesserat, & tamen in legato conditionali numquam dies legati cesserat, & tamen in legato conditionali numquam dies legati cedit, pendente conditione, l. Si post diem 5. ff. quando dies legati cedit, l. cedere diem, vers. vbi sub conditione, ff. de verb. significatione: ergo ex mente Iureconsulti sine dubio in primo casu legatū purum est: quapropter Ias. in l. sub conditione, nu. 2. ad fin. ff. de conditione indebiti, distinguit inter contractus, & ultimas voluntates, in illis enim si detur conditio omnino extitura transmittitur ad heredes obligatio, & si
solua-

soluatur debitum non erit repetitio, at vero in vltimis voluntatibus contrariū est, quia, vt inquit, potest deficere & ideo repeti, arg. leg. cum heres, in princ. ff. quando dies legati cedat. Sed hæc solutio, Ias. non est tenenda, quia siue in contractibus, siue in vltimis voluntatibus, si detur solum conditio omnino extitura, transmittitur legatum, cum sit purum, iuxta dict. l. si cum heres, vers. si vero, & in d. l. heres meus, in primo responso. Aliter subtilis Costa lib. 1. Select. capitulo 17. & capitulo 18. & capitulo 19. in omnibus enim his capitibus de hac materia loquitur, sed ita intricate, vt quid sentiat non facile possis percipere, agnoscit enim in princ. cap. 17. stipulationem, si morieris, non esse præsentem, nec esse conditionalem; agnoscit etiam ibidem, num. 3. in ea non esse natam obligationem, nec actionem: videns autem maxime eius opinioni aduersari, leg. nam & si cum moriari ff. de condict. indebiti, noua principia docere cœpit, asserens in hunc modum in dict. cap. 18. nu. 6. Sic regulam constituemus in huius tituli materia notabilem, quod condictio indebiti impeditur non tantum, si is, qui per errorem soluit, debebat, sed etiam si non debebat, certum tamen sit omni modo debitum, &c.] Sed illud principium nulla lege confirmat, nulla ratione defendit, sed solum ex eo, quia pro comperto habet in illa stipu-

latione, Si moriar, vel cum moriar, ante mortem promissoris nullam esse natam obligationem, nec actionem cum id sit aduersus communem nostrorum sententiam, vt ex ipso colligitur in cap. 18. num. 2. Quapropter, his omnibus reiectis, ad intellectum horum iurium aliqua præmittenda sunt, primo præmittendum est, nullam esse differentiam in hac dispositione, cum moriar, vel si moriar, vbique enim conditio est propter diei incertitudinem, l. quodcumque, §. non solum, ff. de verb. oblig. colliges ex Cost. in dict. cap. 17. doctores communiter, in dict. §. non solum, & in l. 1. ff. de condit. & demonstrat. licet, gl. in dict. l. Nam si cum moriar. & ibi Bart. fluctuent: contra quos facit, leg. 1. ff. de condit. & demonstration. vbi dies mortis, dies incertus dicitur, & distinguitur a die certo, per Iureconsultum, ibi, qui clare docet, appposito die certo solui posse legatum, quia iam cessit dies, licet non venerit: secus esse, si legato adscribatur dies mortis in hunc modum: Heres meus cum morietur, decem Titio dato, quia tunc nec cessit dies, nec venit propter diei incertitudinem, adiuncta l. cedere diem, ff. de verbor. significatione, secundum quam intelliges, dict. leg. primam, ff. de condit. & demonstrat. dies autem incertus, conditionem in testamento facit, l. dies 74. ff. de condit. & demonstr.

Secun-

4. Secundo præmittendum est veriorem esse sententiam, gl. in cap. fin. de solut. verbo indebitam, quam communiter esse receptam colliges, ex adductis per Cost. in dict. cap. 18. nu. 2. licet ipse opinioni, dict. glossæ contradicat: quod scilicet in illa stipulatione, Promitto centum, si moriar, vel cum moriar, statim nata est obligatio, & actio, licet mora suspendatur quousque promissor mori incipiat, l. quid vos, §. 1. ff. de manumiss. testam. Pro qua sententia facit, quod contractus aut sunt puri, aut in diem, aut sub conditione argum. l. cedere diem, ff. de verborum significatione, & in legatis id ipsum intendit docere Vlpian. Iureconsult. in l. 1. ff. de condit. & demonstrat. in quibus iuribus luce meridiana clarius probatur, solum in contractu conditionali, vel legato non cedere diem obligationis, idest non nasci obligationem: at in hac stipulatione vel legato, Si moriar, vel cum moriar, non datur conditio, nec stipulatio, nec legatum sub illa forma conditionale censetur, dict. leg. si cum heres, in secundo responso, dict. l. heres meus, in primo responso, ibi purum est, leg. pupillus, §. qui sub conditione, ff. de nouat. ergo in contractu, vel legato relicto sub illa condit. statim cedit dies idest nascitur obligatio.

Secundo facit, l. Nam, & si cum moriar. ff. de conditione indebiti, Iureconsultus ait de-

bitorem sub illa conditione soluentem non
 repetere, ex eo scilicet, quia in omnibus con-
 tractibus puris in diem celebratis, si debitor
 ante diem soluat, non repetit, leg. in diem, ,
 10. ff. de conditione indebiti, sed contractus
 gestus sub conditione omnino exitura, qua-
 lis est, Si moriar, vel cum moriar, censetur
 purus l. si pupillus, §. qui sub conditione, ff.
 de nouation. ergo debens sub conditione, Si
 moriar, vel cum moriar, si soluit non repetit
 & hæc est vera ratio dict. leg. nam si cum mo-
 riar; non illa noua, quam excogitauit Costa
 ubi supra, num. 2. quia magis dictis Accurtij
 repugnat, quam opinioni supradictæ; etenim
 legatum, aut stipulationem post mortem, vel
 pridie quam moreretur, veteres Iureconsul-
 ti improbarunt, quod testator, vel promif-
 sor inique voluisset heredem solum obligare,
 videreturque inciuile heredem aliqua obliga-
 tione adstringi, quam defunctus non haberet:
 at in legato vel stipulatione, Si moriar, siue
 cum moriar, contrarium erat, in qua obli-
 gatio, & actio statim nata erat: sed suspende-
 batur quousque veniret dies mortis, in quo
 iam in ultimo vitæ spiritu obligatio efficax
 erat, & defunctus, si per tempus liceret, pos-
 set conueniri, leg. quid vos, §. i. ff. de manum.
 test. secus in legato, vel stipulatione post mor-
 tem, in qua obligatio, nec in vita ortum ha-
 bebat, nec in ipso vitæ ultimo spiritu, sed post
 mor-

mortem defuncti testatoris, vel promissoris, vt colliges ex §. post mortem, Instit. de leg. l. vnic. cod. vt actiones ab herede, & contra heredem incipiant.

- 5 Tertio præmittendū est in illo legato, cum morietur heres, centum Titio dato, illud esse intelligendum si casus mortis heredis viuo legatario contingat, quoniam causa, ex qua debetur legatum præcedere debet. l. huiusmodi 13. ff. quando dies legati cedat, cum igitur in eo legato conditio in effectu adscribatur, merito ad heredem legatarij non transmittitur, vt ait Iureconsultus, in dict. leg. Si cum heres, in primo responso, & in dict. leg. heres meus, in secundo responso, quæ iura sic intelligenda sunt: non enim in illis speciebus facit solum legatum conditionale, conditio, Si morietur heres, vel cum morietur: sed etiam alia verba, centum Titio dato, cum oporteat tēpore mortis heredis legatarium viuere, cui legatum detur; alias deficiet conditio: cum igitur possibile sit conditionem non impleri, si legatarius non viuat tempore quo heres moritur, legatum sine dubio conditionale est, cum iam non sit relictum sub conditione omnino extitura, vt ingeniose sensit Accurt. in dict. leg. huiusmodi, verb. debitum iri. Pro qua opinione facit, l. si pecunia, 12. §. 1. ff. de legat. 2. l. Stichum Titio, §. pen. ff. de statu liber. Ex quibus consequitur recte:

- Ulpian. in dict. l. si cum heres, in primo responso, Papinianum in dict. leg. heres meus, in secundo responso, Ulpian. in dict. leg. i. ff. de cond. & demonstrat. Paulum in dict. leg. si pecunia, §. vnic. Pomponium in dict. leg. huiusmodi, ff. quando dies legati cedat, respondisse illud legatum, Si heres morietur, vel cū heres morietur, dato Titio centum, esse conditionale. Difficultas nunc versatur in alia specie, heres meus dato Titio centum si morietur legatarius, vel cum morietur legatarius, quam ratione hoc legatum non erit conditionale, ut illud superius? ratio est in promptu: quia hic solum reperitur conditio omnino extitura, verbi gratia, si morietur legatarius, vel cum morietur, & ita dispositio censetur pura iuxta, d. l. pupillus, §. qui sub condit. ff. de nouat. nec est necessariū, quod legatarius viuat tempore, quo heres primus moritur, cum in illis verbis, heres dato, non solum ille primus heres, sed heres illius, & ceteri intelligantur iuxta illud axioma, quod heres heredis mei, meus heres est, l. heredis appellatio. 65. l. heredis appellatione 170. ff. de verborum significatione, cum igitur quilibet heres morienti Titio teneatur dare centum, idque non dependeat ex alia conditione, sed tantum ex illa, si legatarius moriatur, & illa sit omnino extitura, ideo Papinianus in dict. l. heres meus, in primo responso, dixit,

xit, legatum purum esse : cui consonant alia Jurisconsultorum responsa superius allegata. Illud pro complemento huius materiæ adijciam, in stipulationibus cum illa conditione. Si moriaris, vel cum moriaris semper dispositionem censi puram, cum illa spes semper transmittatur, §. ex conditionali, instit. de verborum. & notavit nimis eleganter Iacobus a Saa de primogen. num. 29. ad fin. & in contractibus non solum caueamus nobis, sed etiam nostris heredibus, leg. vltim. Cod. de contrahend. & committenda stipulatione, in quo casu recte procedunt tradita per Ias. in dict. leg. sub conditione, num. 2. ad fin. ff. de conditione indebiti.

SYMMARIVM EX CAP. SEQ.

- 1 Referuntur verba Iureconsulti.
- 2 Testatore habente filium, & ex eo nepotem, exheredante filium, & præteriente nepotem, testamentum erit nullum, si tempore mortis testatoris filius mortuus erat, secus si vivebat.
- 3 Si filius tempore mortis testatoris erat in potestate hostium pendet ius testamenti, nam si filius postliminio redierit, testamentum valebit, si vero non redierit, testamentum est nullum.

- 4 Verbum repedauit habet hanc significationem, id est redijt.
- 5 Taxantur Accurtius, & Antonius Augustinus, qui legunt repudiauit, vel pependit.
- 6 Approbatur expositio verbi repedauit tradita ab Andr. Alciat.

CAPVT XV.

- 1 **S**I filium exheredauero (inquit Paulus Iureconsultus, in l. si quis posthumos 9. §. 1. ff. de liberis & posthum.) nepotemque ex eo præteriero, & alium heredem instituero, & supervixerit filius post mortem meam: licet ante aditam hereditatē decesserit, non tamen nepotem rupturum testamentum, Iulianus, & Pomponius, & Marcellus scribunt. Diversum est si in hostium potestate sit filius, & decesserit in eo statu, rumpit enim his casibus nepos testamentū: quòd si moriente auctore filius repedauerit, non abscissum est, ut superiore casu fuit.] Hactenus Iureconsultus, qui ut videmus explicat dubia,
- 2 circa exheredationem, & præteritionem sui heredis, aitque testatorem habentem filium, & ex eo nepotem, filium exheredantem, nepotemque præterientem, alium heredem sibi instituisse, in quo casu asserit, quòd si filius tempore mortis testatoris vivus fuerit, licet
- moriamur.

- moriatur ante aditam hereditatem, non ta-
 men rumpet nepos testamentum quasi præte-
 ritus, cum tempore mortis testatoris primū
 3 locum suitatis nepos minime habuerit. Si ta-
 men tempore mortis testatoris filius est in
 potestate hostium, & postea mortuus est in
 captiuitate, nepos sine dubio rumpet testa-
 mentum, quia fingitur eo tempore minime
 viuere, immo præambula hora captiuitatis
 diem obiisse, l. in bello, §. si quis capiatur, ff.
 de captiuis, & postliminio reuersis, quòd si
 ipse filius, qui in potestate hostium fuit, post
 mortem patris sui, & ipsius filij aui, repeda-
 4 uit, idest redijt, pedem retulit, non rumpet
 nepos testamentum, quia cum postliminio ré-
 uersus fuerit fingitur numquam in captiui-
 tate fuisse dict. §. si quis capiatur, l. quod si
 ij, ff. de captiuis, & postliminio reuersis, idq.
 significat illud verbum, repedaui, vt colli-
 gitur ex Amian. Marcellino lib. 24. Et, inquit,
 omnibus ferro flammaque absumptis ad signa
 repedaui ocyus miles.] Passim utitur eo ver-
 bo auctor qui transtulit Iosephum lib. 18. de
 antiquitatibus, cap. 9. in fin. Vitellius inte-
 rea, inquit, in Antiochiam repedaui, & ali-
 5 bi sæpe: nec audiendus est Accurtius, qui le-
 git, repudiauit: vel pependit, quem in vlti-
 ma littera, sequitur Anton. Augustin. lib. 3.
 emendationum, cap. 7. ita legens. Rumpit
 enim his casibus nepos testamentum, quod
 morienti

morienti auo filij ius pependerit, non abscissum, vt superiore casu fuerit. Contra quem facit, nam si Iureconsultus loqueretur per illud verbum pependerit, non dixisset secure, non esse abscissum testamentum, sed id pendere, donec filius ab hostium potestate reuerteretur, vel in captiuitate moreretur. cum igitur in hoc vltimo casu Iureconsultus dicat secure non fuisse abscissum testamentum, manifeste colligitur filium postliminio reuersum esse, & ita repedasse, idest ad suos rediisse, quod ante docuerat Alciat. lib. 1. prætermisforum vers. repedare.

SVMMARIVM EX CAP. SEQ.

- 1 Enumerantur dignitates Ecclesiæ Eborensis.
- 2 Enumerantur alia beneficia eiusdem Ecclesiæ, inter quæ Canonicatus collocantur.
- 3 Bacchalaureis, & Capellinis Ecclesiæ Eborensis ab antiquo demandata est cura parochiæ Ecclesiæ Eborensis, quæ ad Capitulum pertinebat.
- 4 Vacante capellania eiusdem Ecclesiæ dubium fuit quis præesse deberet, an Cantor Ecclesiæ, an Prouisor Archiepiscopatus: ad illas enim eligitur ex oppositoribus vnus, quem Cantor, Prouisor Archiepiscopatus, & vnus Canonici eligunt.

Arbi-

- 5 *Arbiter non potest cogere testes, nec exequi sententiam, sed recurret ad ordinarium, ut cogat testes, & suum exequatur preceptum.*
- 6 *Arbiter nullam habet iurisdictionem.*
- 7 *Arbiter recurret ad ordinarium ut cogat testes, & suum exequatur preceptum.*
- 8 *Acta gesta coram Arbitro possunt conscribi a quocumque notario Apostolico, licet non sit de ordinarijs.*
- 9 *Discutitur dubium, an vacante capellania huius Ecclesiæ Eborensis, in mensibus reseruatis possit conferri a Cantore, Prouisore Archiepiscopatus, & Canonico.*
- 10 *Deprecatur auctor Archiepiscopos, Episcopos, Abbates, & alios habentes potestatem ad conferenda beneficia, ut obseruent formam prescriptam a Concil. Trid. & Motu proprio Pij Quinti summi Pontificis.*
- 11 *Aliquando fiunt dicis causa, & perfunctorie ea, quæ in dicto Concilio, & Motu proprio prescribuntur.*
- 12 *Beneficia Bacchalaureorum, & Capellanorum huius Ecclesiæ Eborensis etiam si vacent in mensibus reseruatis debent conferri per collatores illos, ad quos antea pertinebant.*
- 13 *Reseruaciones generales non includunt beneficia pertinentia ad aliquos ratione statuti iurati.*
- 14 *In Ecclesia Eborensi sunt multa officia Cantorum.*

uiduntur: sunt etiam alij, qui Capellani vocantur, inter quos vna diuidi solet. Hi omnes sunt beneficiarij simplices habentes tamen curam commendatam eam, scilicet, quæ ad capitulum pertinebat, in parochia huius Ecclesiæ, cuius decimæ ad hanc mensam capitularem, & Archiepiscopalem pertinent, cuius parochiæ cura iam olim dictis Bacchalaureis, & capellanis demandata est, & ita officia pastoris omnes alternatim summa cum diligentia administrant. Sunt etiam duo capellani, qui choro inseruiunt, quos vocamus, *da obra*, hi ex redditibus fabricæ Ecclesiæ sustentantur. Sunt duo etiam quos, *altareiros*, vocamus, hi altari assistentes, inseruiūt ijs, qui sacra faciunt, & in ipso altari administrant necessaria quando horæ Canonice cātantur, sunt etiam alij, quorum officium est recipere syngraphas a parochianis oblatas, quibus probant ab ipsis suorum peccatorum confessiones factas esse, qui omnes ex redditibus fabricæ Ecclesiæ sustentantur. Porro, vacante capellania quadam, certum erat ex statutis ipsius Ecclesiæ, Cantorem, Prouisorem Archiepiscopatus, & vnum Canonicum debere eligere, incertum tamen & dubium fuit, quifnam in actu oppositionis, & electionis præesse debuerat, in quo dubio compromissum fuit in arbitrum, qui per sententiam declaraturus erat quifnam in similibus actibus præfuisset.

- fuiſſet, Cantorne, an Prouiſor Archiepiſco-
 5 tus. In qua re cum aliqui teſtes dubitaſſent te
 ſtimonium ferre, dubium fuit an arbiter poſ-
 ſet eos cogere ad teſtificandum, & per ſe exe-
 qui ſententiam, quam tuliſſet: dixi non poſſe
 ea per ſe facere, quia arbiter nullam habet iu-
 6 riſdictionem, ideoque nec mulctare poteſt, ſi
 id a partibus non fuit expreſſe conceſſum in
 compromiſſo, leg. non ex omnibus, ff. de
 arbitr. leg. 1. & 2. Cod. eod. notat, gl. in cap.
 cum dilectus, verb. niſi de his, de arbitr. re-
 cepta per Anchar. ibi, num. 4. Recurret igitur
 7 arbiter ad ordinarium, vt cogat teſtes, &
 ſententiam latam exequatur, Ord. lib. 3. tit.
 81. §. 2. intendit Bart. in l. a diuo Pio, §. ſen-
 8 tentiam Romæ, ad fin. ff. de re iud. Dubium
 fuit in hac re, an acta de hac re ad notarios
 ordinarios pertinerent, an vero in illis poſſet
 ſcribere quilibet notarius Apoſtolicus, licet
 non fuiſſet ex ordinarijs, dixi poſſe quemli-
 bet notarium Apoſtolicum id facere, cum
 cauſa hæc ad ordinarios non pertineret: in il-
 lorum enim cauſis ſolus notarius ordinarius
 ſcribet, in alijs vero delegatorum, vel arbi-
 9 trorum quilibet notarius Apoſtolicus, vt in
 praxi receptum eſt. Non defuerunt aliqui,
 qui vacante prædicta capellania, cenſerent
 non poſſe electionem fieri a Cantore, Proui-
 ſore, & Canonico, quia vacauerit in menſe
 ſummo Pontifici reſeruato, & ita per regulas
 cancel-

cancellariæ esset reſeruata, vnde ſi beneficiũ
 ſimplex cenſeretur, per ſummu Pontificem
 conferendum erat, ſi vero curatum per con-
 10 curſum iuxta Concil. Trident. ſeſſione 24. ca-
 pit. 18. Et Motum propriũ Pij V. qui incipit,
 In conferendis, fol. mihi 61. In qua re non poſ-
 ſum non maxime deprecari Archiepiſcopos,
 - Epicoſcos, Abbates, & alios quoscumque ha-
 bentes collationes, electiones, & præſentatio-
 nes beneficiorum, vt ſine fraude, ſincere, &
 iuſte obſeruent formam præſcriptam a Con-
 cil. Trident. vbi ſupra & Motu proprio, tum
 quia Eccleſijs vtiliſſima eſt, tum quia aliter
 prouiſi non faciunt fructus ſuos in conſcien-
 tia, & ita miſerorum clericorum animas illa-
 queant, vt colligitur ex Trid. & Motu pro-
 11 prio vbi ſupra. Idque admonui, ſentio enim
 hæc omnia dicis cauſa, & perfunctorie fieri;
 nec oppoſitiones veras denuntiari, ſed ficti-
 tias, quod adeo clare, & manifeſte fit, vt om-
 12 nibus etiam rudibus id maxime notum ſit.
 Redeuntes tamen ad id vnde digreſſi ſumus,
 aſſerimus probabilius eſſe has capellantias, &
 beneficia Bacchalaureorum non includi in
 menſibus reſeruatis ſummo Pontifici. Ratio
 huius rei eſt, quia in diſpoſitione generali
 nunquam includitur id, quod iuramento ali-
 cuius firmatum eſt, quãdo per generalem diſ-
 poſitionem illi derogatur, niſi de eo expreſſa
 mentio fiat, cum iuramentum habeat vim
 clau-

clausulæ derogatoriæ, cuius mentio faciend
da est in actu reuocationis, l. cum pater, §. fi
lius, ff. de leg. 2. & ibi notatur. Vnde in reuo
catione statutorum, vel alia dispositione ge
nerali contraria statutis, non censentur reuo
cata, vel derogata statuta iurata, cap. con
stitutus, de rescriptis, gl. final. communiter
recepta, in cap. cum non deceat, de electio
ne in 6. vt per Gomes. in cap. 1. de constit. in
6. num. 186. Couarruias in rubr. de testam.
2. parte, num. 19. cum igitur reseruatio illa
summi Pontificis sit generalis, non includit
beneficia pertinentia ad aliquos ratione sta

13 tuti iurati, vt in hac Ecclesia sunt beneficia
Bacchalaureorum, & Capellanorum, quorum
illa ab Archiepiscopo, hæc vero a Cantore,
Prouisore Archiepiscopatus, & vno ex Cano
nicis conferenda sunt, ex vi statutorum iura
mento confirmatorum, quæ in dispositione
generali beneficia reseruante non videtur
summus Pontifex tollere, iuxta superius dicta

14 & ita consuetudine receptum est. Præter ea
beneficia, quæ hucusque diximus, in Ecclesia
Eborësi sunt officia multa, in quibus illa præ
cipua sunt duo magistri capelle, quorum vnus
modum, & rationem alijs cantoribus præbet
vt rectum modum ac tenorem in canendo ob
seruent, alius docet artem canendi, est etiam
Subcantor, qui horas canentibus, & diuinas
laudes, modos regulasque musicas præfert,

sunt

sunt cantores multi, qui artis peritia, & vocis organo, canendo huic almæ Ecclesiæ inserviunt, quibus ex abundantibus redditibus
 15 fabricæ Ecclesiæ competēs salarium assignatur. In qua re id maxime notandum est, hæc officia non ad libitum posse auferri, sed cum iusta causa, & iuris ordine seruato, argumento, leg. vt gradatim. §. fin. ff. de muneribus, & honor. Omnia enim officia publica postquam semel sunt collata alicui, ab eo auferri non possunt iniuste, arg. l. id quod nostrum, ff. de regulis iuris, nisi consuetudine, vel lege contrarium obtentum sit iuxta cap. fin. de consuetudine, l. de quibus, ff. de legibus. Notat Boer. dec. 149. & ita in praxi recipitur, cū
 16 enim aliqui a prædictis officijs amoti essent, ad illa sunt restituti, non solum in iudicio sæculari, sed Ecclesiastico. Illud etiam dubium aliquando ventilatum est, Restitutus fuit quidam cantor ad officium cantoris in Ecclesia Eborensi: cantor vt antea canebat cum alijs cantoribus, & horis consuetis interfuerat, non tamen salariū illi præstitum fuit: dubium fuit, an ex vi sententiæ, quæ ei restitutionem dabat, posset compelli pars aduersa ad salarium præstandum? Et videbatur quòd non, quia sententia solum iubebat, vt cantor ad officium restitueretur, plane ille ad officium canendi restitutus fuerat, ergo videbatur ex vi illius sententiæ amplius agendum non esse,

- 17 vt scilicet salarium præstaretur. Contrarium tamen consultus respondi, nam præceptum iudicis iubentis restituere cantorem ad possessionem sui officij, non solum intelligendū erat de officio ad canēdum, sed etiam ad percipiendum salarium, quod pro illo officio præstari solet. Primo ex eo, quia leges iubent spoliatos restituere cap. redintegranda 3. q. 1. l. fin. ibi, restituere debeat, ff. de vi, & vi arm. Plane verbum, restituere, in lege positum, fructus etiam continet, l. in condemnatione 13. §. cum verbum, ff. de regul. iur.
- 18 Secundo facit, quia iubens restituere possessionem, iubet etiam fructus restituere, l. si stipulatus sis, ff. de verborū, & c. l. hæc verba 73. ff. de verborum significatione vbi Iurecōsultus censet verbum, restituere, viri boni arbitrio fructus continere, ibi, pro viri boni arbitrio est. At viri boni arbitrium, iudicis arbitrium est, l. sed si vnus, §. prætor ait, ff. de iniur. l. vir bonus, ff. iudicatum solui, & aliquando is intelligitur, quando boni viri arbitrio relinquitur, l. continuus, §. cum ita, ff. de verbor. & c. cum igitur ex boni viri præcepto, id est iudicis, cantor restitutus sit, intelligendus est etiam restitutus ad fructus, & in hoc casu, in quo agitur de possessione accipienda quoad tertium non esse plene acceptam, nisi etiam fructus percipiat. Colliges ex notatis per Matth. de Afflict. libro primo,
- con-

constit. rubrica 25. numero 18. Fabr. in 9. retinendæ, numero decimo nono, Instit. de interdictis.

SVMMARIVM EXCAP. SEQ.

- 1 *Explicatur quid sit aurum coronarium, reiecta interpretatione Accurtij.*
- 2 *Antiquitus Imperatori triumphanti coronæ laureæ donabantur, postea aureæ attributæ fuerunt.*

CAPITVLVM XVII.



- 1 **A**D collationem auri coronarij, placuit neminem absque consuetudine esse cogendum. Hæc sunt verba Imperatoris Arcadij in l. vnic. Cod. de auro coronario libro decimo, Accurtius minime intellexit quid sit aurum coronarium. Olim inter coronas bellicas, quæ victoribus donari solebant, Imperatori triumphanti aureæ coronæ mittebantur, Aulus Gellius lib. 5. noct. Attic. cap. 6. triumphales, inquit, coronæ sunt aureæ, quæ Imperatoribus ob honorem triumphi mittuntur, id vulgo dicitur aurum coronarium. Hæ antiquitus e lauro erant, post fieri ex auro cœptæ. Hæc Aulus
- 2

Gellius. Idem insinuat Capitolin. in Anton. Pium, fol. 2. negat igitur Imperator in hac lege vnica, teneri aliquos ad collationem istarum aurearum coronarum, nisi illi, qui ab antiquitus illas præstare soliti erant. Secundum quæ intelligendus est tex. in l. Iudæorum Cod. de Iudæis.

SVMMARIVM EX CAP. SEQ.

- 1 *Referuntur verba, l. Cum in plures, §. locator horrei, ff. locati.*
- 2 *Traditur communis intellectus huius, §. locator horrei.*
- 3 *Reijcitur communis intellectus ad §. locator horrei.*
- 4 *Propositum in mente retentum nihil operatur.*
- 4 *Olim protestantes, vel denuntiantes aliquid, id faciebant in tabulis, idque propositum vocat Iureconsultus in hac lege.*
- 6 *Qui post propositum vidit id contra quod denuntiavit, vel protestatus est, & tacuit, videtur illud remisisse.*



CAPVT XVIII.

- 1 **L**OCATOR horrei propositum habuit se aurum, argentum, & margaritas non recipere suo periculo, deinde cum sciret has res inferri, passus est, perinde eum futurum tibi obligatum dixi, ac si propositum fuerit remissum.] Ita inquit Iureconsultus in 1. cum in plures, §. locator horrei, ff. locati gl. Bartolus, & alij existimant
- 2 Iureconsultū hic agere de proposito in mente retento, & ita Bart. in summario scribit, propositum in mente retentum, parti non expressum, nihil releuat: sed profecto non est
- 3 probabile Iureconsultum cogitasse de proposito in mente retento, cum id nihil in foro exteriori operetur. Si enim in vltimis voluntatibus, id non attenditur, leg. quidam cum filium, ff. de hered. instituend. cap. litteraturam, de voto, nec etiam quoad Deum, Sot. lib. 7. de iustitia, & iur. quæst. 1. art. 2. Nauar. in man. cap. 12. num. 26. quanto magis in contractibus despiciendum est.
- 4

Secundo facit, nam Iureconsultus asserit perinde eum futurum conductori obligatum, ac si propositum fuerit remissum, ergo si non fuisset propositum remissum vel pro remisso non haberetur, locator esset obligatus conductori, quod quidem minime fuisset, si esset

solum propositum in menté retentum, illud enim absque illa remissione non obligaret, iuxta dict. leg. Quidam cum filium. Quapropter advertendum est olim, protestantes aliquid, vel denuntiantes, solere in tabulis defixis id publice proponere, ad quod alludens Claudian. in Entropium sic ait.

Suffixa patenti.

Vestibulo pretijs distinguit regula gentes.

Idque quod proponebatur, propositum dicebatur, de quo Iureconsultus hic agit, denuntiabat enim locator per illud propositum in tabulis defixum, se non recipere aurum, gemmas, & alia similia, si tamen aurum, & gemmas vidit in horreum inferre, & tacuit videtur remisisse propositum, & ita obligatum esse, ac si denuntiationem minime fecisset, vel denuntiationi factæ, aut protestationi renuntiasset.

SVMMARIVM EX CAPITULO SEQ.

- 1 Enumerantur aliquot genera fructuum, quæ dignitatibus, & Canonicis in Ecclesia Eborensi attribuntur.
- 2 In Ecclesia Eborensi est duplex genus distributionum, quedam sunt minores, maiores alteræ.
- 3 Refertur locus Concilij Tridentini sessione 21.

de reformatione capite 3. & sessione 22. capite 3.

- 4 Non possunt augeri distributiones quotidianæ in Ecclesia Eborensi.
- 5 Concilium Tridentinum noluit vt Canonici singulis horis canonicis cum tanti lucri amissione interessent, sed vt quotidie ad Ecclesiam accederent.
- 6 Expenditur statutum Ecclesiæ Eborensis ad hanc materiam pertinens.
- 7 Fuit lata sententia excommunicationis in Canonicos, vt distributiones augerentur.
- 8 Tractatur an appellatio præceptum de augendis distributionibus quotidianis impediret.
- 9 Contrarium asseritur.
- 10 Nulla prohibitio appellationis impedit effectum suspensuum, si modus exceditur.
- 11 Modus exceditur, quando aliquid præcipitur contra statutum, vel inueteratam consuetudinem.
- 12 Canonici post appellationem interpositam, poterant celebrare.

CAPVT XIX.



DIXIMVS superius in capitulo decimo septimo de beneficijs, & officijs huius almæ Ecclesiæ Eborensis, nunc pauca dicemus de distributionibus. Sunt

O 4 enim

enim emolumenta, quæ dignitatibus Canon-
icis, & alijs beneficiarijs elargiri solent. In
qua re illud sciendum est, diuersa genera fru-
ctuum, & emolumentorum ad præbendas per-
tinere, nam sunt fructus, quos grossos voca-
mus, frumentum scilicet, quod ex parochia-
nis iure decimarum colligitur in horreum,
cuius duæ partes ad Archiepiscopum, vna ad
capitulum pertinet: plane hoc frumentum,
fructus grossos appellamus, distinctos scili-
cet a distributionibus quotidianis. Est &
aliud genus fructuum, quod *pitanças* vocamus,
illud constat ex gallinis, porcis, arietibus,
cera, melle, & alijs rebus extraordinarijs mul-
tis, nec recipitur a procuratore destina-
to ad exigendas pecunias certas ex publica-
nis, vel alijs personis: cum enim incertæ sint
per folia Canonici distribuuntur. Est & aliud
genus fructuum, quod principalius, & maius
est, nempe distributiones: hæ duplices sunt,
paruæ quædam, maximæ alteræ: nam illæ,
quæ applicatæ sunt horis Canonici ordina-
rijs, puta vespers, completorio, matutino,
primæ, tertiæ, sextæ, & nonæ, paruæ sunt,
non enim excedunt centum ducatos, tot enim
cuiuslibet præbendæ applicatæ sunt: aliæ vero
quæ applicatæ sunt horis defunctorum maio-
res sunt, quippe quæ omnes alios redditus
consumunt, longa enim, & inueterata huius
Ecclesiæ consuetudine fere omnes redditus

Cano-

Canonici lucrantur, si intersint Responso-
rijs, quæ pro defunctis decantantur mane, &
vesperi. Addo fere omnes fructus, exceptis
paucis, ut iam dixi, Canonicos lucrari, si
quotidie intersint bis illis Responso-
rijs, quæ pro defunctis decantantur mane, &
vesperi, quod si mane non intersint, perdunt dimidiū
diem, idest dimidietatem fructuum, quam
propter illam interessentiam lucraturi erant,
idemque est si vesperi dictis responso-
rijs non intersint, nisi vel morbo impediti, aut
alia iusta causa non interfuerint, vel diebus
concessis ad recreationem utantur, idque
apud nos dici consuevit, lucrari per dies, &
medios dies. Hæc ita minutim explicaui, ut
clarius explicarem dubium, quod mox pro-
ponam. Extat in sacrosancto Concilio Triden-
tino locus insignis in sessione 21. cap. 3. de
reformatione, & in sessione 22. cap. 3. de re-
formatione: ubi Episcopi tamquam delegati
a sede Apostolica possunt diuidere tertiam
partem fructuum, & eam applicare distribu-
tionibus quotidianis: huius rei causa Archie-
piscopus voluit in hac Ecclesia tertiam par-
tem fructuum diuidere, & applicare horis or-
dinarijs Canonicis, puta vesperi, completo-
rio, matutino, primæ, tertiæ, sextæ, & nonæ,
ita ut quingenti ducati applicarentur in di-
ctis horis vni præbendæ, cum antea solum cen-
tum applicata essent: e contrario capitulum
recu-

recusavit id facere, ex eo, quia illa diuisio ab antiquitus constituta fuit per statuta Legati, confirmata auctoritate Apostolica, & iuramento Canonorum, quærebatur quid iuris. Dixi non posse Archiepiscopum id facere, primo, quia hæc diuisio cum fuerit obseruata per tempus immemorabile, pro lege est obseruanda, cap. super quibusdam, §. præterea, de verborum significatione, leg. 3. §. ductus aquæ, ff. de aqua quot. & æstiu. l. 1. §. fin. l. 2. in principio, ff. de aqua pluuiæ arcend.

Secundo, quia Concil. Tridentin. in dict. sessione 21. cap. 3. constituit Episcopos id debere facere in Ecclesijs, in quibus nullæ sunt distributiones quotidianæ, vel ita tenues, vt verisimiliter negligantur, non possunt autem dici distributiones quotidianæ tenues, quibus cuilibet præbendæ centum ducati plus minus applicati sunt; insuper dictæ distributiones non negliguntur verisimiliter, vt in facto videmus. Video enim certe in hac Ecclesia, ita quemlibet Canonicum, & beneficiarium horis illis interesse, ac si in illis maximam, & notabilem fructuum copiam lucraretur.

Tertio facit, quòd illa loca Concilij non intelliguntur de Ecclesijs, in quibus dignitates, Canonici, & alij beneficiarij non seruientes quolibet die amittunt, quod tertiam partem fructuum ascendat, vel maiorem, vt expresse in illis locis cauetur: plane dignitates,

Cano-

Canonici, & beneficiarij, quolibet die non
 feruientes, immo & quolibet medio die amit-
 tunt plusquam tertiam partem fructuum, vt
 est notorium in hac Ecclesia, ergo non potest
 Archiepiscopus augere dictas distributio-
 nes. Nec obstat, quod pro parte contraria
 allegari potest, illud non lucrari Canonicos
 in horis canonicis ordinarijs, sed in hora cer-
 ta defunctorum, & responsorijs, id enim pa-
 rum refert, cum & horæ defunctorum vere
 sint horæ canonicæ, maximeque sit necessa-
 rium illas preces facere pro animabus illo-
 rum, qui sua tam libenti animo Ecclesiæ tra-
 diderunt; tum quia ex Bullis summorum Pon-
 tificum, quæ in hac Ecclesia obseruantur, red-
 ditus, qui in illis Respôsorijs lucrantur distri-
 butiones quotidianæ reputantur. Concilium
 enim Tridentinum non voluit vt Canonici
 sub amissione tanti emolumenti singulis ho-
 ris inferuirent, in qualibet hora insistentes,
 (ille enim labor erat immensus, illis non bene
 notus, quî in Ecclesijs cathedralibus, aut col-
 legiatis non inferuiunt) assiduo canendi exer-
 citio defatigati, matutinis frigoribus læsi, &
 pomeridianis caloribus æstuantes, vix ani-
 mam agerent, monet enim, & hortatur Epi-
 scopos, vt benigne cum Canonicis agant, de
 réformatione cap. 1. sessione 13. vbi ait in
 hunc modum. Illud primum eos admonendos
 censet, vt se pastores, non percussores esse,
 memi-

meminerint, atque ita præesse sibi subditis oportere, vt non in eis dominantur, sed illos tamquam filios, & fratres diligant, &c. solum id voluisse perspicuum est, quòd Canonici non lucrarentur distributiones quotidianas, & alios Ecclesiæ prouentus cum in Ecclesia non residerent, nec ei pehitis inservirent; si enim illis sanctis, & pijs Patribus dictum fuisset, quid statnendum est in Ecclesia, in qua omnes prouentus, & fructus ita distribuuntur, vt Canonici non interessentes quotidie in Ecclesia mane, & vesperi pro rata, fere fructus omnes amittant? profecto sine dubio dicerent; de ea nil fuisse locutos, nisi in illis verbis dicta sessione 21. cap. 3. saluis tamen consuetudinibus earum Ecclesiarum, in quibus non residentes, seu non seruientes, nihil, vel minus tertia parte percipiunt, &c.] Cum igitur id in hac Ecclesia fiat, merito dicendum est, Concilium prædictum eas constitutiones saluas voluisse; nec illius auctoritate posse infringi. Memini me aliquando dixisse, nec Concilium, nec statuta nostra voluisse, vt Canonicus sub amissione tanti lucri singulis horis interesset, sed solum Canonicum obligasse, vt cuilibet horæ sub amissione magni, & notabilis emolumenti cogere-tur mane, & vesperi vni horæ interesse, Responsorijs scilicet defunctorum, quod non inani ratione deducta ab ipsis statutis persuadebam

debam. Nam extat apud nos statutum disponens in diebus festiuis, & dominicis, si in hac urbe resideat Canonicus, non posse mane dimidium illum diem accipere, & lucrari emolumenta illius dimidij, si Responsorijs non interfit; perspicuum autem est, statutum id fecisse ne Canonicus, vel beneficiarius desineret die festiuo, vel dominico Ecclesiam adire, & tamen statutum non coegit Canonicum, vel beneficiarium interesse singulis horis in die festiuo, & dominico, sed tantum in Responsorijs defunctorum, ergo probabile est nostra statuta noluisse cogere Canonicos, & beneficiarios sub amissione notabilis lucri, ut singulis horis interessent, sed ut illi soli, in qua

7 pro defunctorum animis Deum deprecamur. In qua re aliud dubium fuit ventilatum: nam Archiepiscopus per viam visitationis voluit has distributiones augere, cumque id præciperet, iuberetque Canonicos ut id obseruarent, Canonici ab eo ad sedem Apostolicam, & eius Legatum appellarunt, nihilominus in eos excommunicationis sententiam protulit. De duobus consultus fui, primo an appellatio in his terminis, suspenderet vim illius præcepti.

8 Secundo an Canonici appellantes possent secure celebrare, & alios actus gerere. Quantum ad primum videbatur, quod illa appellatio non haberet effectum suspensiuum, nec vim præcepti retardasset, ex Concil. Trid. sess. 24. cap.

cap. 10. de reformatione, ibi, Etiam tamquam Apostolicæ sedis delegati, ea ordinandi, moderandi, & puniendi, & exequendi iuxta Canonum sanctiones, quæ illis ex prudētia sua pro subditorum emendatione, ac diœcesis suę utilitate necessaria videbuntur: nec in his vbi de visitatione, aut morū correctione agitur exēptio, aut vlla inhibitiō, appellatio, seu querela, etiam ad sedem Apostolicam interposita, executionem eorum, quæ ab his mandata decreta, aut iudicata fuerint, quoquomodo impediāt, aut suspendat, &c.] idque ipsum in simili intendit in alijs capitulis, ergo cum in hoc casu per viam visitationis procederetur, debebant Canonici obtemperare absque vlla dilatione. Contrarium tamen respondi, dixique non mihi videri probabile, quod aliqui iudices existimant, scilicet Concil. Trid. voluisse, vt in quacumque causa visitationis, appellationis effectus suspensiuus tolleretur; solumq. id obseruandum fore vbi agitur de correctione morum, quod aliquibus rationibus probabo. Etenim appellatio legitime interposita illos duos notabiles effectus habet, deuolutiuum scilicet, & suspensiuum, cap. Romana. §. si vero, cum sequentibus, cap. non solum, de appellat. in 6. ergo cū appellatio legitime fuisset interposita operabitur illos duos effectus, & ita suspendet effectum præcepti, a quo est interposita. Nec obstat Conc. Trid. vbi supra,

pra, quia in principio non agit de impedienda appellatione, vel eius effectibus, sed tantum constituit, in his quæ ad rectam gubernationem diæcesis pertinent, Episcopum posse procedere, vt delegatum sedis Apostolicæ, in his vero solum in quibus de visitatione, aut correctione morum tractatur, nullam appellationem executionem impedire: plane illa verba, a visitatione, aut correctione morum, non disiunctiue, sed coniunctiue accipienda sunt, ita vt sit sensus, non posse quem appellare a visitatione, & morum correctione, quod id ipsum antea constitutum erat. cap. irrefragabili, de offic. ord. cap. ad nostram, de appell. at in his quæ in visitatione occurrunt, præter morum correctionem, non est verisimile Concil. Trident. locutum fuisse.

Primo, quia non facile debemus præsumere, vnico verbo, visitatione, voluisse Conciliū Trident. derogare iuris dispositioni, qua scilicet cauetur appellationem interpositam habere effectum suspensiuum, d. c. Romana, d. c. non solum, adiuncto cap. cum non expediat, de electione in sexto, leg. si quando Cod. de inoffic. testament.

Secundo, quia verba dicti Concilij id suadent, nam in d. c. 10. in princ. asserit generaliter Episcopum tãquam sedis Apostolicæ delegatum posse ordinare, moderari, punire, & exequi ea omnia, quæ illis pro subditorum
emen-

emendatione, ac diœcesis suæ vtilitate necessaria videbuntur: subdit inferius, quasi limitans ea, quæ generaliter dixerat, Nec in his vbi de visitatione, aut morum correctione agitur exemptio, aut vlla inhibitio, seu querela etiam ad sedem Apostolicam interposita executionem eorum, quæ ab his mandata, decreta, aut iudicata fuerint, quoquo modo impediat, aut suspendat, &c.] quasi solum intelligat appellationem non suspendere ea, in quibus de morum correctione, seu visitatione agitur.

Tertio, quia verbum visitatio ad inquisitionem criminum, & morum reformationem, correctio vero ad delinquentis punitionem recte referri possunt, & ita debet intelligi, ne decretum contra ius commune extendamus, regula, quæ contra de regulis iuris in 6. leg. quod vero, ff. de legibus.

Cum igitur præceptum circa distributiones quotidianas non concernat visitationem, aut correctionem morum, appellatio debebat suspendere præceptum Archiepiscopi. Et ita interpretati sunt Illustriss. Cardinales addētes, tunc solum in visitatione, & correctione morum appellationem non suspendere executionem, quando ad emendam Prælatus procedit, nullo processu facto iudiciali, alias secus. Pro qua sententia facit, quod quantumcumque appellatio prohibeatur, & eius effectus, si modus excedatur, numquam censetur appellatio prohibita,

bita, immo si ab eo appelletur, qui modum excedit, appellatio suum effectum obtinebit non solum deuolutiuum, sed suspensiuum, c. ad nostram, de appell. c. nouit. eod. tit. optim. tex. in c. irrefragabili, de offic. ord. ibi nisi formam in talibus excefferint obseruandam. Plane in hac re modus excedebatur: tunc enim modus exceditur, quando aliquid præcipitur contra statutum, vel inueteratam consuetudinem, ut patet, & colliges ex Cardinali ad fi. in d. c. ad nostram, ubi Dec. nu. 6. vers. sed considerandum est. Nam pro statutis, & consuetudine prima fronte præsumitur, c. in his. ij. dist. cap. cum dilectis, de cōsuetudine l. de quibus, cum sequētibz, ff. de legibus, cum igitur hoc præceptum fuisset contra statuta longa consuetudine huius Ecclesiæ confirmata, modus excedebatur, & ita appellatio non solum deuolutiuum effectum, sed etiam suspensiuū habebat. Quantum attinet ad secundum dubium ex præmissis deceditur, cōstat enim legitime, & ex causa fuisse interpositam appellationem, & ita cū Canonici bona fide, & ex causa legitima appellassent, secure poterant de ea appellatione confidere, & ita celebrare, & cōmunicare si prius aliquo modo causam appellationis, & iustitiā ostendissent, propter scandalū c. dilectis. de appell. Post alios Nau. in c. cum contingat de rescript. remed. 2. n. 2. vers. secunda decisio; & notasti supra cap. 5. nu. 19.

SVMMARIVM EX CAP. SEQ.

- 1 Declaratur l. plane, ff. de petitione hered.
- 2 Reijcitur intellectus, & opinio Ioan. Garcia.
- 3 Non desideratur doli mali exceptio in l. plane, ff. de petit. hered. significat, idest non decriit doli mali exceptio.
- 4 Summus Pontifex in cap. hoc tantum 18. quæst. 2. vitur simili verborum locutione.
- 5 Responso redditur ad fundamentum Io. Garcia.
- 6 Dominus rei debet restituere expensas factas per prædonem.
- 7 Exceptio doli mali competit quando iniquum est aliquẽ esse obligatũ, vel aliquid soluere tenetur.
- 8 Reijcitur intellectus Io. Garcia ad illa verba, nam nec exceptio doli mali desideratur.

CAPVT XX.

ILANE inquit Paulus Iurecon-
sul. in l. plane 41. ff. de petitione hereditatis, in ceteris necessarijs, & utilibus expensis posse separari: vt bonæ fidei quidem possessores has quoque impudent; prædo autẽ de se queri debeat: qui sciens in rem alienam impedit. Sed benignius est in huiusmodi quidem persona haberi rationem impensarum, non enim debet petitor ex aliena iactura lucrum facere: & id ipsum officio Iudicis continere.

tinebitur, nam nec exceptio doli mali desideratur, hæc sunt verba tex. attamen non constat apud Doctores, quid in his ultimis verbis velit Iurisconsultus, nam Accurtius. verb. desiderantur, existimat prædonem posse per officium Iudicis expensas necessarias, & utiles repetere; non vero per doli exceptionem, postea idem Accurt. non audet discedere ab opinione Doctoris antiqui M. quem citat, existimantis prædonem etiam habere doli exceptionem ad repetendas expensas utiles, & necessarias, & interpretatur illa verba, nam nec exceptio doli mali desideratur, ut significet non esse necessariam doli mali exceptionem, aliter hanc rem declarat Ioan. Garcia. Gallecus de expensis & meliorationibus, c. 2. a nu. 3. & præcipue nu. 5. existimat enim nequaquam prædonem posse necessarias, & utiles expensas retinere exceptione doli mali, cū ut ille ait exceptio doli mali non competat malæ fidei possessori, & ita ea verba, nam nec exceptio doli mali desideratur; intelligit negative, idest, nam nec postulatur exceptio doli mali. Sed hic sensus verborum, & opinio mihi displicet, primo namque aduerto falsum esse malæ fidei possessores non posse habere doli mali exceptionem, primo, quia etiam prædo habet actionē negotiorum gestorum in his, in quibus dominus rei factus est locupletior, l. si pupilli 6. §. sed et si quis, ff. de ne-

got. gest. intendit Accurt. in d. l. plane, verb. desideratur. Secundo habet officium Iudicis d. l. plane, ergo nihil mirum si etiam habeat exceptionem doli mali, nam regula generalis est, quod si ego habeam aliquod ius ad consequendam unam rem, vel exceptionem ad me defendendum, si ea res a me petatur, competit mihi exceptio doli mali, l. qui æquitate, 12. ff. doli mali exceptione, præterea si dominus petat rem melioratam a prædone cū omnibus expensis necessarijs, & vtilibus, & hæc omnia consequatur, & nihil velit pro expensis soluere, statim debet restituere eas expensas, vel per actionem negotiorum gestorum iuxta d. §. sed & si quis, vel per officium Iudicis iuxta hunc tex. ergo prædo habet doli mali exceptionem, quia quando aliquis petit quod statim restituere debet dolo facit, regula, dolo facit de reg. iur. in 6. l. dolo facit ff. de doli mali exceptione, idque clare docuit Iureconsultus hic, ait enim prædonem habere officium Iudicis, nec desiderari doli mali exceptionem, hoc est non deesse. Enimvero hæc locutio nō desideratur, hoc significat non deerit, & ita probat Iurisconsultus prædonem habere officium Iudicis, & illi etiam non deesse exceptionem doli mali, quæ locutio etiam non est aliena a summis Pontificibus, cap. hoc tantum, ibi non deerit ab eis sententia excommunicationis 18. q. 2. ita sane dicimus
non

non fuerunt desiderati multi milites in bello, idest non defuerunt, ita etiam Iurisconsultus hic dixit, nam nec desideratur doli mali exceptio, idest, non deest. Nec obstat fundamentum ⁵ Garciae ubi supra, quod scilicet, dolo negatur, exceptio doli, ea enim intelligenda est quando in ea re conceditur, in qua dolosus commisit dolum, at vero in hac specie contrarium videmus. Licet enim prædo male, & dolose versatus sit in occupatione rei, tamen non versatur dolose in expendendo; ideoque non est deneganda petitio expensarum, ⁶ quas dominus rei statim debet restituere per actionem negotiorum gestorū, vel per officium Iudicis iuxta d. l. si pupilli, §. sed & si quis, textus hic: contrarium foret si in meliorando dolum committeret, idest si dolo fraudeue rem melioraret, quia tunc non datur exceptio doli mali, cum nemo ex suo dolo præmium consequatur. Quo casu defendi potest Garcia ubi supra, non vero quando prædo meliorauit sine dolo, tandem facit pro hac sententia, quod doli mali exceptio competit quotiescunque iniquum est aliquem esse obligatum, l. apud Celsum 4. §. Labeo ait, ff. de doli mali exceptione, sed iniquum est dominum rei lucrum facere, cum iactura prædonis d. §. sed & si quis, textus hic: ergo prædo habet doli exceptionem ad deducendas expensas utiles, & necessarias. Nec potuit ali-

8 quis approbare intellectum Garcie vbi supra in illis verbis, nam nec exceptio doli mali desideratur, etenim si Iurisconsultus voluisset dicere id quod Garcia existimat, non posuisset illud aduerbium, nam, quod denotat rationem eorum quæ dicta fuerunt, male enim inferebat Iuriscōsultus ex officio Iudicis concessio prædoni non posse postulare doli mali exceptionem: si autem intelligantur verba, vt supra diximus, recte appositum fuit aduerbium, nam, Cum enim officium Iudicis prædoni, competeret, & exceptio doli compete-
bat iuxta dict. §. Labeo ait dict. §. sed & si quis adiuncto text. hoc.

FINIS LIBRI PRIMI.



DIVER-

DIVERSORVM IVRIS ARGVMENTORVM

LIBER SECVNDVS.

Doctore Gonçallo Mendez de Vasconcellos, & Cabedo Lusitano
Auctore.

*Olim collega in Collegio S. Pauli Academia Conimbricensis, & in eadem Decreti, & Sexti Professore,
Nunc vero Referendario viriſque Signatura S. D. N. Senatore Viſiponenſi, & Canonico Doctorali Eccleſia Eboreſis.*

SVMMARIVM EX CAP. PRIMO.

- 1 Refertur opinio afferentium veteres Iuriſconſultos parum vel nihil differre a Doctoribus noſtri temporis.
- 2 Proponuntur difficultates aduerſus prædictam ſententiam.
- 3 Refertur opinio aſſerentium veteres Iuriſconſultos ex permiſſione potuiſſe condere leges.

- 4 Proponuntur difficultates aduersus prædictam sententiam .
- 5 Traditur vera sententia circa potestatem Iurisconsultorum .
- 6 Opiniones diuersæ reducuntur ad concordiam , prima intelligitur de Iurisconsultis priuatim consulentibus, secunda de Iurisconsultis interpretantibus publice in Collegio Pontificum , vel alibi leges duodecim tabularum , & alia iura .
- 7 Declaratur prædicta sententia , & differentia .
- 8 Traditur intellectus , §. Responsa prudentum , Institut. de iurè naturali, gent. & ciuil.
- 9 Declaratur an responsa prudētum ius scriptum , an ius non scriptum dici possint .
- 10 Semper apud Romanos extitit aliquis locus , in quo Iureconsulti publice iura interpretarētur .
- 11 Traditur resolutio materia .

CAPVT PRIMVM.

1 **R**EOR sane gratum, & vtile fore nostris iuris prudētibus eorum, potestatem cognoscere, veterum scilicet Iurisconsultorum, quorum doctrinam tam studiosè amplectuntur: & eo libentius hoc dubium discutiendum esse existi mai, quippe quia viderem in multis articulis sæpiissime in manus incidere, nec feliciter admo-

admodum interpretes nostros rem hanc explicasse. Sunt qui existiment veteres Iuriscultos parum, vel nihil a nostris doctoribus differre, solum enim eis potestatem concedunt respondendi de iure, ita doctores in c. Responsa, 2. distinctione, & in leg. prima, ff. Si cert. pet. vbi Cagnol. num. 5. & in §. Responsa prudentum. Instit. de iure nat. gent. & ciuili, vbi Marius Salomonius, Aemil. Ferret. in leg. 1. num. 5. ff. de leg. 1. & multi alij quos scienter omitto.

2 Sed hæc opinio non videtur vera propter dictum §. Responsa prudentum, Instit. de iure nat. gent. & ciuil. ibi, iura noua condere, quæ quidem non condit, qui tantum de iure respondet. Secundo propter multa iura quæ significant contra regulas iuris ob aliquam iustam rationem veteres Iurecōsultos aliquam induxisse, l. ita vulneratus, ff. ad l. Aquil. leg. verbis legis ad fi. ff. de verborum significatione, leg. sunt personæ, ff. de religiosis, & sumptib. funer.

3 Contrariam tamen opinionem immo veteres Iureconsultos habuisse potestatem condendi leges ex permissione. Tenet Bart. in dict. leg. 1. num. 20. ff. si cert. pert. vbi Purpurat. 139. Alciat. 41. Laurentius Valla lib. 4. elegantiarum, cap. 49.

4 Sed nec hæc opinio cuilibet vera videbitur. Primo, quia illis solum Imperatores licentiā

con-

concedebant interpretandorum, & scribendarum legum . l. 1. Cod. de veteri iure enucl. Secundo, quia vt doctores præcitati asserunt, Diuus Augustus illam veteribus Iurisconsultis licentiam dedit argumento, leg. 2. vers. primus Diuus Augustus, ff. de orig. iur. Atqui ante ea tempora iam responsa prudentum maximam habebant auctoritatē, erant enim iam tunc iuris civilis pars, d. lex. 2. vers. his legibus, ergo ante Diuum Augustum iam veteres Iurisconsulti maiorem habebant potestatem, maiorem auctoritatem, quàm doctores nostri temporis: nec aliquid innouauit Diuus Augustus, vt Bartol. purpuratus, & alij supradicti existimant. Tertio facit d. l. 2. in vers. primus, & alibi sæpe vbi clarissime demonstratur Iurisconsultos veteres tantum habuisse potestatem respondendi de iure, quod quantum differat a factione legum nullus est qui ignoret. Quarto facit, l. Prospexit, ff. qui & a quibus, vbi Iureconsultus significat non posse aliquid inducere contra legem licet eam duriusculam intelligat, sed secundum eam debere respondere.

- 1 His igitur reiectis dicendum est olim iuris prudentes, quos etiam Iurisconsultos nominamus aliquando in Collegio Pontificum, vel in alio loco leges 12. tabul. interpretatos fuisse, & præter iuris regulas ob iustissimas rationes aliqua induxisse. Aliquando vero de iure priua-

priuatim respondisse illis qui eos consulebāt,
 colliguntur hæc ex l. 2. vers. deinde, ff. de ori-
 gine iur. vbi Pomponius ita ait, omnium ta-
 men harū, & interpretandi scientia, & actio-
 nes apud Collegium Pontificum erant, & hi
 erant prudentes, qui leges 12. tabularum in-
 terpretabantur, quòd ius nomine generali
 ius ciuile appellabatur dict. l. 2. vers. his le-
 gibus. Marcus Tull. lib. 2. de legibus. Plures
 autem deorum omnium singuli singulorum
 sacerdotes, & respondendi iuris, & conficien-
 darum religionum facultatem afferunt. Idem
 Marcus Tullius in Brutum ad medium, cum
 ex eo ius nostrum Pontificium, qua ex parte
 cum iure ciuili coniunctum esset vellem co-
 gnoscere, Titus Liuius lib. 3. decad. 1. simul
 peritos legum peregrinarum ad condenda
 noua iura vsui fore credebant, quos peritos
 Pomponius Iureconsultus in d. l. 2. (vt iam
 diximus) in Collegio fuisse affirmat, & Mar-
 cus Tullius clare ait, quod ex eo suspicari li-
 cet, quia Pomponius refert in d. l. 2. legibus
 12. tabularum latis statim interpretationem
 prudentum extitisse, & Titus Liuius post has
 leges peritos legum peregrinarum ad cōden-
 da noua iura acciri scribit. Sic sane veteres
 Iurisconsulti in Collegio simul leges interpre-
 tabantur aliquando præter ius secundū æqui-
 tatem, aliquando secundum ius ex ipsis legi-
 bus, nouas alias iuris conclusiones deducen-

tes quæ leges dicebantur, & tanquam tales obseruabantur. Separatim vero singuli respondebant de iure secūdum iuris principia, a quibus tunc nequaquam recedebant.

- 6 Ita sane opiniones diuersas concordabis, vt scilicet prior intelligatur de Iuriscōsultis priuatim consulentibus. illi enim fere tanquam doctores nostri temporis censebantur. Secunda vero de Iureconsultis in Collegio Pontificum, vel alibi existentibus, tunc enim maiorem potestatem habebant, quippe qui præter iuris regulas multa de nouo inducebant. Sic iura quæ significāt veteres Iurisconsultos non posse recedere a regulis iuris, de Iureconsultis priuatim respondentibus sunt intelligenda. Iura vero quæ denotant Iureconsultos aliqua induxisse præter iuris regulas interpretanda sunt, vt procedant quando ipsi met Iureconsulti simul in Collegio Pontificū vel alibi existerant. Diximus Iureconsultos veteres priuatim de iure respondentes fere, a doctoribus nostri temporis non differre, quia etsi priuatim consulentes non poterant recedere a regulis iuris: tamen ex concessione Diui Augusti maiorem habebant auctoritatem, quā doctores nostri temporis. si enim eorum responsa iudicibus ostendebantur, non poterant prædicti iudices ab eorum opinione recedere, intendit I. C. in d. l. 2. Clarus Imperator in d. §. Responsa prudentum.

7 Scio necessarium esse probare latius differentiam illam scilicet inter Iureconsultos existentes in Collegio Pontificum, & priuatim consulentes, nam in hac re cardo huius dubij vertitur, idque hoc modo probandum esse existimo, nam Pomponius Iureconsultus in dict. l. 2. insinuat ante tempora Augusti non habuisse tantam auctoritatem responsa prudentum ibi, vt maior iuris auctoritas: insinuat etiam ante tempora Augusti quemlibet posse de iure respondere, postea vero id Augustum concessisse, plane ante ea tempora interpretandi scientia in Collegio Pontificum fuerat, in quo leges 12. tabularum ad commodum vsus forensis interpretabantur iuris prudentes, iura constituentes, & actiones ordinantes, vt colligitur ex d. l. 2. in vers. his legibus. Insuper id vehementer adiuuat, nam Iureconsultus in vers. deinde ostendit ius, quo Ciuitas tunc temporis utebatur dicens; deinde cum esset in ciuitate lex 12. tabularum, & ius ciuile. Ius autem ciuile erat interpretatio prudentum vt Pomponius Iureconsultus iam antea dixerat, ergo summam auctoritatem iam tunc habebant iuris prudentes, maiorem sane quam illam ab Augusto concessam, nec alicui probabile esse potest responsa prudentum quæ ius ciuile erant, indigere indulto Augusti quo imperaret ne iudices ab illis possent recedere, nisi id sane intelligamus, vt responsa

sponsa prudentū in Collegio, vel simul ab omnibus facta ab antiquitus vim legis obtinuerint, ut ius civile nominarentur, non sic responsa eorundem prudentum priuatim consulentium, illa enim tamquam opiniones doctorum obseruabantur ante tempora Augusti, qui tandem, ut maior iuris esset auctoritas iussit, ut non liceret iudicibus recedere ab opinionibus, & sententijs prudentum, quibus id munus ab Augusto publice demandabatur, ut intendit Iureconsultus in dict. l. 2. vers. primus Diuus Augustus, quo pacto intelligendus est tex. in dict. §. responsa prudentum.

- 8 Inquit enim Imperator, Responsa prudentum sunt sententiæ, & opiniones eorum quibus permissum erat iura condere, interpretor ego in Collegio, vel alibi simul, idque mihi verisimile est, nam eisdem prope verbis Imperator utitur in dict. §. responsa prudentium, quibus usus est Titus Linius ubi supra. Progre-
diendo ulterius ait Imperator, Nam antiquitus constitutum erat, ut essent, qui iura publice interpretarentur, idest in Collegio Pontificum, vel in alio loco publico, ex quo ius civile emanauit, dict. leg. 2. vers. his legibus, Addit Imperator, quibus a Cæsare ius respondendi datum est, idest priuatim consulētibus; nam antea non dabatur id munus a principe, dict. leg. 2. vers. & ut obiter sciamus, quod
postea

postea Diuus Augustus dare incepit dict. leg. 2. vers. primus Diuus Augustus. Ex quibus manifeste oportet nos fateri Pomponium Iurisconsultum in dict. leg. 2. vers. his legibus, loqui de interpretatione prudentum, quæ in Collegio Pontificum fiebat, illa enim ab initio permissa erat immo, & constitutum fuit, vt essent iuris prudentes qui iura interpretarentur, d. l. 2. vers. his legibus, & supra diximus. At vero ipsummet Pomponium in vers. primus Diuus Augustus, loqui de interpretatione prudentum priuata, ea scilicet quam vnusquisque faciebat, quod breuiter declarat tex. in d. §. responsa prudentum, expensus vt supra.

Non me latet responsa prudentum appellari in dict. §. responsa prudentum, ius scriptum: Pomponium vero Iurisconsultum in dict. leg. 2. vers. ita in ciuitate ius non scriptum nominare, ibi, quod sine scripto in sola prudentum interpretatione consistit. Hic nodus sic dissoluendus est, Iustinianus Imperator enumerauit iuris species, aliud scriptum, aliud non scriptum idest consuetudinarium, scriptum appellauit omne illud quod nõ erat consuetudinarium præsertim, quod tempore illo omnia responsa prudentum redacta erant ad scripturam, & ita iam tunc absque dubio ius scriptum erant dicenda. At vero Pomponius Iurisconsultus enumerauit leges quibus
ciuitas

ciuitas tunc temporis utebatur, leges 12. tabularum quæ scriptæ erant, tamquam scriptum ius enumerauit, interpretationem prudentū dixit ius non scriptum, quia scilicet tunc temporis responsa prudentum non ex scriptura, sed ex illa fori, & Collegij disputatione obueniebant, & ita tunc magis ius non scriptum quàm scriptum dici poterant.

- 10 Non negauerim aliquādo in Collegio Pontificum hanc interpretationem minime fuisse, interim tamen arbitror semper extitisse aliquod tribunal in quo a Iureconsultis illæ interpretationes fiebant, verbi gratia in prætorio; vnde obtentum est præfectū prætorio potuisse leges condere, l. formam, & ibi notauit Salycet. Cod. de offic. præfect. prætor. Alciat. lib. 2. paradox. cap. 9. Sic sane intelligenda est, d. l. formam, cum enim (vt supra diximus) illa interpretatio antiqua Iurisconsultorum non fuisset contra leges, sed secundum illas, vel præter, & ad similitudinem illius in prætorio eadem interpretationes fierent, merito inquit Imperator in eo tribunali non posse fieri a præfecto prætorio constitutiones legibus contrarias dict. l. formam, vt etiam id ipsum sensere, Socin. in consil. 272. num. 5. vers. quarto principaliter, lib. 2. Dec. consil. 403. num. 4.

- 11 Sic sane illę doctorum dissentientes sententiæ facile conciliandæ sunt, vt iam nunc nullus

lus dubitandi locus relinquatur, nam iura, quæ insinuant Iureconsultos potuisse statuere præter ius, intelligenda sunt de veteribus Iureconsultis iura interpretantibus in Collegio Pontificum, vel de nouioribus in prætorio constitutis: Iura vero quæ significant Iureconsultos non potuisse recedere a regulis iuris intelligenda sunt de Iurecōsultis priuatum consulentibus secundum regulas iuris, leges, & interpretationes factas publice in Collegio Pontificum, vel in prætorio.

SUMMARIVM EX CAP. SEQ.

1. Proponitur species facti.
2. Non potest conductor fundi expelli, si fundus fuit specialiter hypothecatus pro obseruatione contractus.
3. Discutitur dubia quæstio an hypothecato fundo specialiter pro obseruatione contractus soluto interesse possit expelli conductor.
4. Proponuntur argumenta pro parte affirmatiua, & allegantur doctores eam asserentes.
5. Referuntur doctores asserentes partem negatiuam quæstionis, quam sequuta est ord.
6. Traditur vera resolutio quæstionis.
7. Locator tenetur ad factum, & ideo soluendo interesse liberatur, si non habeat faciendi facultatem.

- 8 Si colonus fundi locati agit contra venditorem locatē soluto interesse liberabitur venditor, non sic emptor singularis successor fundi.
- 9 Traditur ratio propter quam doctores communiter aliud existimabant.
- 10 Singularis successor tenetur stare colono fisci, & colonus tenetur stare locationi factæ a fisco, etiam si fundus sit apud singularem successorem.

CAPVT SECVNDVM.

1



IOANNES locauit agrum Petro ad quinquennium obligās prædictum agrum iure specialis hypothecæ pro firmitate contractus, postea Ioannes locator vendidit eundem agrum Francisco, qui emptor Ioannem conductorem agri volebat expellere, asserens ipsum tanquam successorem singularem posse eum expellere iuxta, l. si merces, §. si fundum, l. qui fundum, ff. locat. l. emptorem. Cod. de locato. Ord. lib. 4. tit. 29. in principio.

2

Respondi non posse conductorem agri expelli ab emptore, cum proponeretur agrum fuisse specialiter obligatum pro firmitate, & obseruatione contractus, l. si creditor, §. ult. ff. de distract. pignor. Ord. vbi supra. Alex. in l. si filius familias, §. si vir. vbi alij scriben-

tes,

res, nu. 3. ff. de soluto matrim. Guid. Papæ
quæstione 480. num. 4. Couarruias, lib. 2.
resolut. cap. 15. num. 3. Gomez de Leon. in
lib. de informat. & rebus iudicatis, cap. 63.
Doctissimus Alvarus Vaaz consilt. 76. num.
4. tom. 1.

3 Sed est in hac re dubium ingens, si ven-
ditorem agri offerre interesse colono, vel ip-
sum emptorem agri, an cogendus sit colonus
accepto interesse agrum dimittere, & vide-
batur posse colonum ad id cogi:

4 Primo, quia hypotheca non auget obliga-
tionem, sed tantum eam confirmat, l. solui-
tur §. ff. quibus modis pignus, vel hypotheca
soluitur. Ergo cum solum in specie propo-
sita interesse debeat, & pro eo hypotheca
sit inducta, non debet colonus ratione hypo-
thecæ aliquid amplius petere.

Secundo facit, quia qualiscumque sit pos-
sessor rei hypothecata, si creditori soluat de-
bitum, potest creditor remoueri ab hypotheca
cum soluta sit l. Paulus 12. §. fin. ff. quibus
modis pignus, vel hypotheca soluitur, immo
& creditor posterior si soluat debitum priori
creditori, soluitur hypotheca, l. cum secun-
dus, l. cum posterior, ff. de distractione pi-
gnor. & ita hanc opinionem videtur tenere,
Bart. Romanus, & communiter doctores in
dict. leg. si filius familias, §. si vir. ff. de solut.
matrimonio, & in leg. emptorem. Cod. loca-

to. refert multos in eandem sententiam, Co-
uarruias, lib. 2. resolut. cap. 15. nu. 3. vers.
secundum Gomez Leon. vbi supra.

- 5 Contrariam sententiam immo non teneri
colonum relinquere agrum cōductum etiam
solutum interesse, tenuit Raphael Cuman. in
dict. 6. si vir. licet dubius intendit Guid. Pa-
pæ dict. quæstione 480. quam opinionem cla-
re, & secure defendit Socin. in consil. 110. 4.
parte, & illam sequuta est Ordinatio nostra
lib. 4. tit. 62. post principium, quæ generali-
ter, & indistincte loquitur dicens singularem
successorem non teneri stare colono, nisi fue-
rint omnia bona locantis obligata, vel ipsa
res locata specialiter hypothecata pro obser-
uatione contractus: ita vt nequaquam videat-
ur prædicta ordinatio admittere illam decla-
rationem, vt scilicet si offeratur interesse a
singulari successore, colonus teneatur omni-
no rem conductam dimittere. Cum enim
apud doctores id dubium fuisset, Ordinatio
generaliter, & indistincte loquens amplexa
est opinionem minus receptam Raphaelis sci-
licet Guid. Pap. & Socin. & ita in praxi eam
Ordinationem intelligunt doctissimi Senato-
res teste Valasc. vbi supra.

- 6 Ego sane aduerto nō omnes doctores, quos
nouiores citant, loqui in specie proposita, so-
lumenim asserunt colonum non esse cogend-
um dimittere agrum conductum nisi præ-
stetur

stetur interesse, quod quidē differt ab eo de quo agimus an scilicet cogendus sit colonus agrum conductum dimittere, si singularis successor ei interesse offerat, vt mox declarabo. Aduertendum igitur est si in contractu partes conueniunt, vt vendita re conducta a locatore interesse colono solvatur, & pro eo res conducta specialiter hypothecatur, tunc sine dubio soluto interesse colonus rem omnino dimittet iuxta dict. leg. Paulus 12. §. fin. ff. quibus modis pignus vel hypotheca soluitur. Si vero res est specialiter hypothecata, pro firmitate, & obseruatione contractus, tunc si colonus agit contra venditorem soluto interesse venditor liberabitur. Si vero rem velit retinere excipiens contra emptorem, de re specialiter hypothecata pro firmitate, & obseruatione contractus, tunc non est cogendus colonus rem dimittere, licet emptor qui singularis est successor, interesse velit soluere.

- 7 Ratio est, quia cum locator teneatur ad factum nempe præstare patientiam, & facere, quod conductor re locata fruatur, leg. si tibi, l. si quis domum, ff. locati, si id non facit tenetur solum ad interesse, nam qui tenetur ad factum regulariter soluendo interesse liberatur, leg. si fundum, ff. de verbor. & c. l. si quis ab alio, §. vnico, ff. de re iudicata. Dixi (regulariter, quia si in potestate promissoris

fuerit factum adimplere præcise cogatur iuxta veriorẽ sententiam, gl. in l. 1. ff. de action. empt. quam probat Corras. lib. 2. miscellaneor. cap. 3. Couarruyas, lib. 2. resolut. capite 19. nu. 1. quæ sententia in praxi obseruatur contra communem antiquiorum in his saltem, quæ facili negotio fieri possunt, & in quibus non potest induci species seruitutis, licet debitor præcise cogatur, l. si cum exceptione, §. sed & si quis, ff. de eo, quod metus causa. Intendit Ioan. And. quem sequuti sunt Ang. & Cuman. in l. stipulationes non diuiduntur, ff. de verb. teste Corras. vbi supra, nu. 9.

- 8 Ideoque si colonus agat ad interesse contra venditorem soluto interesse liberabitur ipse venditor, cum ad factum teneatur, & iam in eius potestate non sit facti implementum, non enim habet rem, secus si contra emptorem singularem successorem excipiat, cum enim res vendita, sit obligata pro firmitate, & obseruatione contractus, & ita illa obligatio transeat in singularem rei successorem propter hypothecam, l. si conuenerit, §. fundum, ff. de pignor. act. l. debitorem, Cod. de pignor. Socin. vbi supra, num. 9. tenetur ipse emptor contractum obseruare, nec liberatur soluendo interesse, cum in eius potestate sit factum adimplere, & factum tale sit, quod non inducat speciem seruitutis iuxta modo dicta, propter hæc fundamenta, & au-

ctori-

toritatem aliquorum doctorum Ordinatio, ubi supra statuit singularem successorem teneri stare colono, si res est specialiter obligata pro firmitate, & observatione contractus.

- 9 Neque obstabit communis sententia de qua supra, quæ contrarium sentiebat ex iuris principijs, nam respondemus, ut plurimum doctores prædictos loqui, quando res fuit solû hypothecata pro interesse, vel quando colonus agit contra venditorem, qui cum non habeat rem in potestate soluendo interesse liberatur, ut supra diximus, vel (quod magis probabile est) id afferunt quia pro cõperto habent obligatum ad factum nempe locatorem, vel emptorem, qui in re emptæ succedit soluendo interesse liberari iuxta supra dicta, quod tamen falsum est, nec praxi admittitur quando factum potest adimpleri, & tale est, quod non inducit speciem seruitutis, licet debitor ad illud præcise cogatur, d. l. si cum exceptione, §. sed & si quis, ff. de eo quod met. cau. Corras. ubi sup. nu. 9. Valasc. de emphyt. prima parte, quæst. 14. num. 11. Vnde cum singularis successor in nostra specie possit factum adimplere nempe præstare patientiam colono, ut re fruatur, nec ea locatio ullam inducat speciem seruitutis, merito singularis successor ad id cogendus est. Quod attendentes nostrarum ordinationum

conditores recte statuerunt singularem successorem datā rei hypotheca cogendum esse stare colono.

- 10 Circa hanc materiam consultus fui etiam in causa ardua, fiscus locauerat fundum Petro, postea eundem fundum vendidit Francisco, certum est Franciscum venditorem debere stare colono, cum id priuilegium habeat fiscus, ne emptor contra dictum fiscum possit agere ad interessē, l. vltima in fin. ff. de iure fisci. Quæsitum fuit an colonus teneretur præcise stare locationi factæ a fisco, an vero si voluisset posset ab ea resilire. Dixi non posse: quia cum in hac specie singularis successor teneatur stare colono propter priuilegiū fisci, ita colonus tenetur stare locationi factæ ne alias claudicet contractus contra cap. cum inter de exception. leg. 1. ff. de Instit. action. Neque obstat, l. qui fundum 35. ff. locat. quia tex. ille loquitur quando singularis successor non tenetur stare colono; nos vero loquimur casu quo singularis successor tenetur stare colono, immo, & dict. leg. qui fundum, pro hac sententia facit dum probat in ea specie colonum non esse cogendum stare locationi factæ, ex eo scilicet quia in iure nostro non admittitur contractus inæqualitas.

SVMMARIVM EX CAPITE SEQ.

- 1 Referuntur verba text. in l. cum pater 79. §. donationis prædiorum, ff. leg. 2.
- 2 Taxatur AZO in explicatione verbi Edituus.
- 3 Index electus ab utraque parte edititius dicebatur.
- 4 Approbatur explicatio Accurtij circa verbum Edituus.
- 5 Olim Editimus non Edituus dicebatur ille, qui ades tuebatur.
- 6 Explicatur sententia Papiniani in dict. §. Donationis prædiorum, & verba explanantur.

CAPVT III.

1 **D**ONATIONIS prædiorum epistolam, ignorante filio mater in æde sacra verbis fidei commissi non subnixam deposuit, & litteras tales ad edituū misit. Instrumentum voluntatis meæ post mortem meam filio meo tradi volo, cum pluribus heredibus intestata diem suum obiisset, intelligi fideicommissum filio suo relictum respondi, non enim quæri oportet cum quo de supremis, quis loquatur, sed in quem volun-

luntatis intentio dirigatur. Haecenus Iureconsultus Papinianus, in l. cum pater 79. §. donationis praediorum epistolam, ff. de leg. 2.

2 Dubitat Accurtius in gl. 3. quid significet verbum in hoc §. positum, Edituum, Azo, (prout refert Accurt. ubi proxime) existimavit verbum Edituum significare iudicem ita ut mater ad iudices litteras misert.

3 Sed Azo non bene id intellexit, non enim Edituus iudicem significat, sed edititius est edititius iudex ab utraque parte electus, ut colligitur ex Marco Tullio in oratione pro Planco.

4 Melius igitur noster Accurtius qui edituū eum esse declarat, qui aedes tuetur, §. tutores autem, Instit. de tutelis. Tutores autem sunt (inquit Iustinianus Imperator) qui eam vim ac potestatem habent ex qua re ipsi nomen acceperunt. Itaque appellantur tutores quasi tutores, atque defensores, sicut editui dicuntur, qui aedes tuentur: haecenus Iustinianus Imperator. Varro de lingua Latina, lib. 3. Sueton. in Augustum, hoc quoque patribus conscriptis allegaret se esse possessorem, ac velut edituum soli, quod primum Divus Augustus nascens attigisset, peteretque donari quasi proprio suo ac peculiari Deo: decretum est, ut ea pars domus consecraretur.

5 Idetiam notandum est olim non edituum
sed


sed editum dici solere notat Varro de re rustica lib. 1. Aulus Gellius, noct. Atticar. lib. 12. cap. 10. ubi de hoc verbo alia inueniuntur.

- 6 Id igitur Papinianus in dict. 6. donationis intēdit matrem scilicet deposuisse epistolam donationis prædiorum in æde sacra, & litteras ad eum misisse, qui ædem sacram tuebatur, eum enim verbum edituus significat.
-

SUMMARIVM EX CAP. SEQ.

- 1 *In omnibus casibus de similibus ad similia progrediendum est exceptis duobus.*
- 2 *Confirmantur regula odia, & regula in pænis de reg. iuris in 6.*
- 3 *Traditur ordo procedendi in explicatione regularum, & proponuntur argumenta contra regulam odia, & regulam in pænis de reg. iur. in 6.*
- 4 *Pæna multipliciter accipitur, & declaratur quid significet odium in hac materia.*
- 5 *Dispositio continens damnum subditorum, licet in ea tribuatur fauor reipublicæ, vel alteri, odiosa censetur.*
- 6 *In lege tria reperiuntur aliquantulum diuersa verba, mens, sententia seu voluntas, ratio seu finis.*
- 7 *Dispositio pænalis, vel odiosa extendi potest ad*

- ad similem casum si lex potestatem extendi faciat ; vel similem casum verba legis , aut mens complexa fuerit .
- 8 Traditur intellectus , capituli primi, s. sed quia natura , quæ fuit causa in vsibus feudorum .
- 9 Traditur intellectus , cap. ex parte de decimis , cap. tua , & cap. cum contingat eodem titulo .
- 10 Refertur intellectus communis , & reprobatur.
- 11 Refertur intellectus Rebuffi , & reprobatur.
- 12 Traditur verus intellectus , cap. ex parte de decimis .
- 13 Verba , de laboribus terræ , magis significant terram noualem , quàm iam diu cultam .
- 14 Declarantur verba , cap. ex parte de decimis , quia vbi maius conceditur , minus concessum esse videtur .
- 15 Traditur intellectus capitis , si postquam de electione in 6.
- 16 Lex disponens de vno casu comprehendit alium equiparatum , si eadem detur ratio in vtroque.
- 17 Traditur intellectus ad leg. ff. de seruit. urban. prædiorum .
- 18 Refertur intellectus communis .
- 19 Traditur verus intellectus , & declaratur , quid significet verb. humanius .



CAPITVLVM IV.

I **R**IVIALE apud nostros Iurisconsultos principium est non posse omnes casus legibus comprehendi, cum sint plura negotia, quàm vocabula, leg. 4. ff. de præscript. verb. ideoque de similibus ad similia progrediendum est capitulo 2. §. sicut de translatione Episcopi, cap. cum dilecta de confirmatione utili, vel inutili, leg. non possunt, ff. de legibus. Epitome Iuris ciuilis lib. 2. tit. 4. Verumtamen hæc potestas tam late concessa in duobus denegata est, Primo in iuribus, quæ a iuris communis regulis, vel in totum, vel in parte deuiant.

Secundo in his quæ odium, & pœnam inducunt. De primo tractatur in regula quæ 2 iure de reg. iur. in 6. de qua re nequaquam differimus. De secundo tractatur in regula odia, & in regula in pœnis de reg. iur. cod. titulo, & lib. De qua re hic nobis tractandum est: & sane in his summus Pontifex Bonifacius Octauus, inquit in dictis regulis odia restringi, fauores conuenit ampliare, & alibi, in pœnis benignior interpretatio facienda est.

2 Quibus regulis consonat cap. tua in primo §. vn. de decimis. cap. pœnæ de pœnit. distinct.

1.1.2. & 1. cum quidam, ff. de liber. & posthum. Et profecto si rationem politicæ gubernationis diligenter contemplemur facile reperiemus has duas regulas illi maxime convenire: cum enim politica gubernatio præcipue in principe, & subditis consistat, quis non videt si ad subditos respiciamus nihil ad humanam societatem magis pertinere quam in pœnis infligendis principem mitem esse, & in nocuentis inferendis moderatum? Cû enim humana societas ex hominû cœtu constet, & nullum animal, ut inquit Seneca, lib. 1. de clementia, sit maiori arte tractandum quam homo, nulli magis parcendum: merito concedendum est quantum ad subditos attinet maxime esse necessarium eidem societati in pœnis benigniorem fieri interpretationem, & odia restringi, quòd si principem spectemus idem multo magis admittendum est, ut insinuat poeta Tragicus dum inquit violenta nemo imperia continuit diu, moderata durant: quæ omnia Plutarchus paucis verbis complexus est in politica, dum ait, is enim morosum, atque prorsus difficilem populum efficere solet, qui gubernacula reip. tenens nimium in omni re se, & vehementer fenerum, asperum, atque inexorabilem exhibet: Sed hæc licet ita sint constituta, non desunt in nostro iure multa exempla, quæ has regulas dubias efficiunt.

Primo,

Primo igitur contra prædictas regulas argumenta proponemus: postea nonnulla præmitteremus; tandē singulis argumentis satisficientes totam materiam, Deo duce, explicabimus. quem procedendi modum consulto sequutus sum, ne discederem ab illo, qui mihi in lectionibus quotidianis regularum placuit, cum vt mea fert opinio, regulis explicandis sit accommodatissimus. Quod si cui libet docto displicuerit, mihi gratissimum erit canere palinodiam, & recte consulenti libenter obtemperare. Aduersus Bonifacium in præsentibus regulis dum inquit, odia restringenda esse, & in pœnis fieri benigniorem interpretationem sic argumentor. Tunc non restringuntur odia, nec in pœnis fit benignior interpretatio quando lex pœnalis, seu odiosa ultra verba, & mentem extenditur, sed multoties lex pœnalis, & odiosa ultra verba & mentē extenditur, ergo non conuenit odia restringi, nec in pœnis fieri benigniorem interpretationem. Maior de se patet, & inferius apparebit. Minor probatur, ex c. i. §. sed quia natura ibi similis, quæ fuit causa in vsibus feudorum, vbi postquam Imperator expressit aliquas causas propter quas feudum amitti posset, ait iudicē propter alias similes causas posse feudo priuare. igitur lex pœnalis de simili casu ad simile extendi potest, consequentia recte infert. Secundo sic arguitur Priuilegium

concessū alicui de decimis percipiēdis in alie
na parrochia est dispositio odiosa, sed huius-
modi priuilegiū non restringitur, inmo am-
pliatur, ergo non conuenit odia restringi, nec
fauores ampliari. Maior huius argumen-
tationis constat ex eo, quia dictum priuilegium
infert nocumentum parrocho, ad quem de iu-
re communi pertinent decimæ suæ parrochię
cap. ad decimas de restit. spol. in 6. Minor
probatur in cap. ex parte de deci. vbi priui-
legium simpliciter concessum de percipien-
dis decimis, non solum intelligitur de deci-
mis percipiendis ex agris iam diu cultis, sed
etiam de noualibus. Consequentia recte in-
fert.

Tertio, sic arguet aliquis diuersa quidem
sunt non ire Romam, cum a summo Pontifi-
ce in iudicium vocaretur, & ire, discedere,
tamen inconsulto eodem summo Pontifice.
Sed pœna imposita non eunti Romam in præ-
dicta specie extenditur ad illum qui iuit, di-
scessit tamen inconsulto summo Pontifice, er-
go non conuenit in pœnis fieri benigniorem
interpretationem. Maior patet, etenim dif-
ferunt longe ire, & non ire. Minor constat
ex cap. si postquam de electione, lib. 6. con-
sequentia recte infert.

Quarto sic arguo. Conuentio facta per
quam imponitur seruitus, est odiosa, sed hu-
iusmodi conuentio non restringitur, quin po-
tius

tius ampliatur, ergo non conuenit odia restringi. Maior notissima est, nam conuentio per quam imponitur seruitus infert nocumētum scilicet libertatis amissæ, quam homines pluris æstimare solent, l. libertas, ff. de reg. iur. libertas, inquit Iureconsultus, res est inæstimabilis. Minor probatur ex l. seruitus, ff. de seruitut. vrbanoꝝ prædiorum, vbi conuentio illa ne luminibus officiatur, non solum restringitur ad lumina præsentia, sed extenditur ad futura. Consequentia recte infert.

4 Pro resolutione, primo præmittendum est pœnam dupliciter accipi posse, vel pro priuatione cuiuscumque boni, & ita qualicumque afflictione, quæ acceptio apud philosophos frequens est, vt per S. Thom. 1. 2. quæstione 87. art. 7. in corpore: Alphonsum de Castro, lib. 1. de leg. pœnali, cap. 3. in principio. In quo sensu aliquando apud Latinos est Plinius, lib. 17. cap. 11. Nobilius, vt notum est pilo victorum pœnali opera. Accipitur etiam secundo pro afflictione illata a lege, vel superiore aliquo, l. aliud est fraus, ff. de verborum significatione, Castro vbi proxime, Dominicus a Soto, lib. 1. de iust. & iure, quæstione 6. artic. 5. post principium, quæ acceptio passim reperitur apud bonos auctores, Virgil. 6. Aeneid.

*Quique ob adulterium caesi, quique arma sequuti.
Impia, nec veriti dominorum fallere dextas.*

R

Inclust

Inclusi pœnam expectant.

Quo pacto accipitur hoc verb. pœn. in d. reg. in pœnis. Rursus odium in hac materia nihil aliud importat quàm damnum, seu nocumentum, quòd leges subditis inferunt, quas leges fore restringendas docet Bonifac. hic, illas vero quæ vtilitatem, & benevolentiam afferunt, id enim verbum fauores significat, esse ampliandas. Colliguntur, hæc ex cap. 2. in principio, & §. 1. de decimis, lib. 6. l. qui exceptionem 40. in principio, ff. de condict. indeb. l. fauore, Cod. de legibus.

- 5 . Secundo præmittendum est quamcumque dispositionem censerì odiosam, seu pœnalem quæ nocumentum, damnum, seu pœnam subditis infert, quamvis ipsa dispositio alias sit lata in fauorem Ecclesiæ, Reipublicæ, siue cuiuscumque alterius. Etenim voluerunt legislatores in hac re pluris æstimare damnum, nocumentum, seu pœnam, vt dispositio restringeretur, quàm fauorem seu vtilitatem Ecclesiæ, aut Reipub. vt dispositio extenderetur, text. optimus in cap. statutum de electione, lib. 6. Ioannes And. in cap. 1. de locato. Gigas de crimine læsæ maiestatis, quæst. 2. num. 5. intendit Couarruias, lib. 1. resol. cap. 11. nu. 5. vers. hæc ipsa theórica. His consequens est falsam esse opinionem, gl. in cap. sciant verb. alios, de elect. lib. 6. quam sequuntur plures asserentes leges latas in fauorem

rem Ecclesię, seu Reipublicę cum damno subditorũ partim esse fauorabiles, partim odiosas per tex. in l. hoc modo ibi adiuuandam interpretatione legem vtilem Reipubl. ff. de condit. & demonstrat. quę sententia omnino falsa est, & conuincitur, quia si quoad hunc effectum leges, & iuris dispositiones partim censendę forent fauorabiles, partim odiosę, sequeretur partim fore restringendas, partim ampliandas iuxta regulam odia de reg. iur. in 6. & ita videtur fateri Couarruias, vbi proxime, quod tamen perquam absurdum est. Primo, quia daretur repugnantia, quę in nostro iure non admittitur, l. vbi repugnantia, ff. de reg. iuris. Secundo, quia, sequeretur vnā, & eandem rem diuerso iure censi contra, l. eũ qui ædes, ff. de vsu capion. Tertio tandem, quia sequeretur omnes iuris dispositiones semper esse fauorabiles, & per consequens ampliandas, cum omnes principaliter in Reipubl. vtilitatem, & fauorem tendant, cap. erit autem lex, 4. dist. quod tamen nostrę regulę aduersatur, dum asserit odia restringenda esse, idest leges odia inducentes: cũ tamen nulla sit lex quę etiam fauorem, & Reipubl. vtilitatem non contineat iuxta supradicta. Nec retenta hac verissima sententia obstat, dict. leg. hoc modo, solum enim probat adiuuandam esse interpretatione legem vtilem Reipub. quod minime

negamus, sed non loquitur, tex. ille de leg. quæ in simul cum vtilitate Reipub. afferebat odium, & pœnam, de quo erat nostra dubitatio.

- 6 Tertio, & vltimo præmittendum est in leg. tria reperiri inter se diuerfa aliquantulum, verba, mens, sententia, seu voluntas, ratio, seu finis. Verba sunt voces illæ significantes, leg. si quis adulterium 33. ibi, quamuis verbis non contineatur, ff. de adulter. leg. vltima. §. 1. quam sic intelligo, ibi finita est auctoritas legis, ff. de diuort. Mens, sententia, seu voluntas est id quod legislator voluit. l. miles 11. §. quidam ibi opinionem quidem tuam, & verba legis, & sententia adiuuant, ff. de adulter. Ratio seu finis est id propter quod legislator promulgauit legem, l. 1. in principio, ibi prætor præposuit habendæ rationis causa, ff. de postulando, quod intelligendum est de fine proximo legis particularis, non de fine vltimo legis, ille enim est felicitas communitatis lex 2. ff. de legibus, S. Thom. 1. 2. quæstione 95. artic. 3. & quæstione 96. art. 1. Garcia Fortun. de vltimo fine iuris in principio, num. 6. His consequens est rationem, & finem legis a mente, & sententia legis differre, Bart. in l. 3. §. vltimo ad finem, ff. de legit. tutor. Dec. in cap. Secundo requiris oppositione prima de appellat. Sed non facile discerni solent, nam id quod legisla-

legislator voluit, non aliunde melius colligitur quàm per rationem, & finem ipsius. Bart. vbi proxime, num. 2. optimus, text. in lege libertum 64. ibi puto extraneum sententia, apprehendi cum ideo lex prohibuerit huiusmodi nuptias, & cet. ff. ritu nuptiarum. Vnde aliquando mens, ratio: & ratio, mens appellari solet, cap. Marchio 1. quæst. 1. Bar. per text. ibi in l. cum mulier 49. num. 1. ff. de soluto matrimonio. Notat Andr. Tiraquell. vir fœcundi ingenij, in leg. si vñquam, verb. libertis, num. 46. & 48. Cod. de reuocand. donat. Ludouic. Molina, lib. 1. de primogen. cap. 5. num. 8.

- 7 Porro dispositio quæcumque pœnalis extendi potest ad similem casum, si lex potestatem extendendi faciat, vel similem casum verba legis, aut mens complexa fuerit, nam cum legis essentia ex verbis, & mente consistat, l. nominis, 6. ff. de verborum significatione, id quod in verbis, & mente legis continetur a lege recte comprehendendi dicemus, nec tunc lex dicitur extendi ad illum casum, sed ipsum comprehendere licet grauissimi auctores in hac specie verbo extensionis vtantur, quod doctrinæ gratia accipio, nam cum lex ex verbis materialiter constituatur, id, quod extra verba legis venit, per extensionem quodammodo venire dici potest, sic enim Iurisconsulti sæpius loquuntur ex sententia le-

- 8 gis porrigendum est. Ex quibus primo inferitur intellectus ad cap. 1. §. sed quia natura ibi (similis) quæ fuit causa in vlibus feudorum, vbi postquam Imperator multas causas expressit, propter quas feudum amitti posset, ait iudicem solertem, & discretum posse alias similes causas perspicere, ex quibus feudum amittatur, videbatur enim obstare regula odia, & regula in pœnis, lib. 6. vbi pœnales, & odiosæ dispositiones non extenduntur immo restringuntur, ergo non debuit in dict. c. 1. §. sed quia natura, fieri extensio de simili casu digno privatione feudi ad similem casum. conantur solvere difficultatem, las. in l. cum quidam, nu. 20. ff. de liber. & posthum. post alios Aymon. de antiquit. tempor. 4. parte a numero 51. sed nimis confuse. Clarius sane intelligi potest iuxta supradicta. Diximus supra legem odiosam non posse extendi, nisi ipsa iubeat extendere. sed in proposita specie lex clarissime iussit ut hæc lex pœnalis extenderetur, ergo nihil mirum si huiusmodi lex quantumcumque pœnalis extendi posset. Maior huius argumentationis supra probata est. Minor patet ex verbis text. ibi iudex solers, & discretus, & æquitati obsecundare solitus cuncta subtiliter dispensans provideat si qua fuerit causa antiquioribus similis seu maior, ergo nihil mirum si huiusmodi lex quantumcumque pœnalis iuxta supradicta exten-

extendatur, sic procedit text. in cap. pen. de sententia excommunicationis. sic text. in cap. si. ciuitas de sententia excommunicationis, lib. 6. in quibus non oportet diutius immorari.

9 Secundo ex prædictis infertur intellectus ad cap. ex parte, de decim. dum inquit priuilegium concessum alicui, vt percipiat decimas, non solum intelligendum esse de decimis terræ antiquæ, & iam diu cultæ, sed de noualibus. Videbatur enim obstare regula odia, & regula in pœnis in 6. vbi odiosæ dispositiones, & pœnales restringuntur, non ampliuntur. Cum igitur in hac specie huiusmodi concessio fuerit odiosa vt pote afferens præiudicium parrocho, merito ad noualia non erat extendenda sed restringenda, vt scilicet comprehenderet solum decimas ex terris iamdiu cultis, præsertim cum fere in eadem specie idem responderet Pontifex in cap. tua 25. in 1. §. vltimo, & in cap. cum contingat de decimis.

10 Quapropter noster Bernardus vtrobique existimat priuilegium hoc fuisse fauorabile, ideoque nihil mirum si extendatur iuxta secundam partem regulæ odia, de reg. iuris in 6. ibi fauores ampliari. Quod autem fuerit fauorabile probat ex eo, quia huiusmodi priuilegium fuerit concessum personis ecclesiasticis, in qua specie priuilegium est fauorabile.

le non odiosum notat gloss. in cap. sciant cuncti verb. alias, de electione, lib. 6. quam multi sequuntur. Sed hic intellectus plane falsus est. Primo ex cap. statutum 22. de electione, in 6. ubi dabatur dispositio fauens Ecclesiæ, & tamen text. ait, cum sit pœnalis debet restringi, & cet.

Secundo, quia præsupponit veram esse sententiam illorum, qui dicunt posse dari dispositionem partim odiosam, & partim fauorabilem, & ideo partim ampliandam esse, & partim restringendam contra ea, quæ resoluius in secundo præmissio.

- II Quapropter multi alij aliter intelligunt: Tandem Rebuffus de decimis, quæst. 14. nu. 7. ait in dicto capitulo ex parte non tractari de priuilegio super decimis percipiendis, sed cum Abbate (qui intra suam parrochiam in specto iure communi decimas percipiebat) exigente decimas ex noualibus de nouo insurgentibus, quem intellectum etiam præsen sit Abb. in dict. cap. ex parte num. 4. Sed nec hic intellectus placet.

Primo, propter verbum concessum, quod denotat priuilegium, non ius commune, leg. vn. Cod. de thesau. lib. 10. gl. 1. in cap. 1. de rescript. vt cum iudicio pungit Abb. ubi proxime.

Secundo obstat, quia aliam litteram interponit Gilbertus in dict. cap. ex parte.

Qua-

- 12 Quapropter planius, text. iste intelligetur iuxta supradicta. Diximus supra odiosam dispositionem non extendi, nisi ipsa lex potestatem extendendi faciat, vel simile casum verba expreſſerint, aut mens complexa fuerit; sed in dicto capitulo, ex parte verba clare exprimebant non solum esse percipiendas decimas ex terris iamdiu cultis, & aratis, sed ex noualibus, idest terris de nouo nunc ad culturam redactis, ergo nihil mirum si predicto priuilegio non solum illarum decimarum, sed etiam harum comprehendantur. Quod autem id verba expreſſerint patet, inquit enim summus Pontifex cum tibi, quod maius est, sit concessum, ut videlicet decimas de laboribus terrarum parrochiarum tuarum cum integritate percipias de noualibus eas exigere satis poteris. Plane illa verba laboribus terrarum non solum comprehendant decimas percipiendas ex terris iamdiu cultis, sed etiam ex noualibus, cap. ad audientiam, de decimis, ubi cum priuilegium simile fuisset concessum non solum comprehendebantur decimarum terrarum iam diu cultarum, sed etiam noualium, immo,
- 13 quod maxime notandum est illa verba de laboribus terrarum ex usu, & consuetudine hominum magis proprie referuntur, ad decimas terrarum noualis, quam ad decimas terrarum, iamdiu cultarum, nam in dicto capitulo ad audientiam nulla erat dubitatio quin comprehenderen-

derentur decimæ terræ noualis, propter illa, verba de laboribus terræ dubium erat solum, vtrum cōprehenderentur decimæ terræ iamdiu cultę, inquit tamen summus Pontifex non solum debere comprehendere decimas terræ noualis, sed etiam terræ iamdiu cultæ.

- 14 Verba autem illa quæ text. subiicit, quia, vbi maius conceditur, minus concessum esse videtur, licet contra nos nihil faciant, tamen ita sunt intelligenda. Cum enim per illa verba de laboribus terræ comprehenderentur decimæ terræ iamdiu cultę, & noualis, vt prædixi, dubium esse poterat alicui de mēte summi Pontificis, an scilicet id ipsum vellet comprehendere. Cui obiectioni respondet suam mentem eam fuisse, cui enim maius conceditur, minus etiam concedi censetur: regulariter enim quando alicui maius concedimus (nisi aliud obstat) minus concedere videmur, regula cui licet, de reg. iur. in 6. idque confirmatur, nam hoc nomen (decimas) potest comprehendere duas species separatas, & decimas terræ antiquæ, & decimas terræ noualis, quia est generale nomen collocatum in dispositione generali, quod de se omnes species cōprehendit, & ita procedit dict. capitulo, ex parte, cum id ipsum ex proprietate verborū de laboribus terræ, & ex mente summi Pontificis coniecturata ex dicta regula, cui licet, colligatur. Adde his doctores nostros pro
com-

comperto habere in quacumque lege odiosa,
& pœnali venire, id quod sub appellatione
propria verbi continetur, l. cum lege, ff. de
testam. l. 1. vers. quod autem ibi, quod non
puto verum, retenta vera littera, ff. de alea-
tor. Notat Aretin. in d. l. cum lege, ff. de te-
stam. & alij plerique.

- 15 Tercio infertur intellectus ad cap. si post-
quam, de electione in 6. vbi pœna imposita,
de qua in cap. cupientes, de electione in 6. non
eunti Romam ad petendam confirmationem
sue electionis, extenditur ad illum qui iuit, di-
scēssit tamen inconsulto summo Pontifice.
Iuuat in idem l. sufficit vers. scire, ff. de excu-
sat. tutor. Videbatur obstare regula, odia,
& regula in pœnis, de reg. iur. in 6. vbi odiosæ,
& pœnales dispositiones restringuntur non
ampliantur, ergo, &c. Qua propter omīssis
alijs intellectibus verior ex principijs supra
adductus deducitur, diximus supra legem
odiosam, & pœnalem non extendi, nisi ipsa lex
potestatem extendendi faciat, vel similem ca-
sum verba, aut mens complexa fuerit, sed in
hac specie mens legislatoris comprehende-
bat casum discessus, ergo nihil mirum si pœ-
na illa imposita non eunti ex mente legisla-
toris comprehendat illum casum, quando sci-
licet iuit, discessit tamen inconsulto summo
Pontifice. Maior supra probata est.

- 16 Minor probatur, quia quando duo casus
sunt

unt æquiparati in iure, lex disponens de vno, tacite censetur disponere de alio, si detur eadem ratio, l. qui neque 8. ff. de rebus eorum, ibi coniuncti tutores curatoribus accipiuntur. Duo autem hi casus sunt æquiparati non ire, & ire, discedere tamen inconsulto superiore, capite primo de iudicijs, ergo nihil mirum si lex imponens pœnam non cuncti, cōprehendat eum, qui iuit, discessit tamen inconsulto summo Pontifice, vt in dict. cap. si postquam, quem intellectum præsensit ibi, gloss. verb. merito præter alios, Rip. in dict. cap. 1. de iudicijs, nu. 32. His consequens est legem quantumcūque odiosam, & pœnalem comprehendere casum æquiparatum, si detur eadem ratio, l. 2. §. si mater, ibi eandem esse rationem, ff. ad Senatusconsultum Tertull. notat Alciat. lib. 2. de verborum significatione. num. 44. licet reclamant alij sic procedit l. filium habeo ff. ad Senatusconsult. Maced. vbi cum Senatusconsultum prohiberet ne filij familias mutuas pecunias acciperent, mutuantibusque denegaret actionem, inquit Iureconsultus idem procedere in nepotibus, nam in eis datur eadem ratio, & passim in iure æquiparabantur, §. 1. Instit. de patria potest. leg. item in potestate cum duabus sequentibus, ff. de his qui sunt sui vel alieni iur. idque est, quod Iureconsultus ait appellatione filiorum venire nepotes ex iusta verbi signifi-

gnificatione, l. iusta 201. ff. de verborum
 significatione, idest per interpretationem
 comprehensiuam, quę ideo iusta dicitur, quia
 ex legibus descendit, sic similiter procedit,
 cap. mulieres, §. illi vero, de sententia excom-
 municationis, vbi pœna imposita verberan-
 ti clericum, de qua in cap. si quis suadente
 17. quæst. 4. comprehendit illum, qui manda-
 uit verberare, nam mandans, & faciens æ-
 quiparantur, regula, qui per alium de reg. iu-
 ris in 6. merito igitur lex pœnalis imponens
 pœnam facienti mandantem comprehendit.

17 Quarto infertur intellectus ad l. seruitus
 22. ff. de seruit. vrb. prædior. vbi seruitu-
 te imposita ne luminibus officiatur, non re-
 stringitur, vt intelligatur de luminibus præ-
 sentibus, sed extenditur, vt intelligatur etiã
 de luminibus futuris, videbatur ob stare re-
 gula in pœnis de reg. iu. in 6. regula odia, eo-
 dem titulo, & lib. vbi odiosæ, & pœnales di-
 spositiones restringuntur, non ampliantur.

18 Quapropter cõmunis intellectus est, quod
 ideo hic tam lumina præsentia, quàm futura
 comprehendantur, quia dabatur indefinita,
 nempe ne luminibus officiatur, & dabatur
 insimul in hac specie benignitas, & humani-
 tas, vt patet ex text. ibi humanius est, plane
 existimant indefinitam, in qua datur huma-
 nitas, & benignitas æquipollere vniuersali,
 l. 2. & l. cum quidam, ff. de liber. & posthum.

ita Bartol. in leg. si plures, num. 4. ff. de leg. 2. idem Bart. in l. cum ita, ff. de auro argen-
toque legato, Dec. & Cagnol. in l. 1. ff. de
reg. iur. Sed profecto hic intellectus non est
recipiendus, falsum enim est in hac disposi-
tione fuisse humanitatem, vel benignitatem,
immo erat odium amissio scilicet libertatis,
quæ omnium rerum solet esse iucundissima.

- 19 Quapropter vera intelligentia deducitur
ex nostris principijs diximus supra legem pœ-
nalem, & odiosam non posse extendi nisi ipsa
lex potestatem extendendi faciat, vel similem
casum legis verba, aut mens complexa fue-
rit, sed in dicta lege seruitus mens contrahen-
tium non solum complexa est lumina præsen-
tia, sed futura, ergo nil mirum si appellatio-
ne luminum non solum veniant præsentia, sed
futura. Maior supra probata est, minor vero
constat, nam is, qui sibi ita cauet non videtur
sibi viâ præcludere, quin possit fenestras alias,
vel ipsas ampliores facere. Alciat. in l. ver-
bum erit, ff. de verborum significatione. No-
tat Couarruuias lib. 1. resolut. cap. 13. num.
9. vers. 7. idque est, quod illud verbum huma-
nius significat, non ut doctores existimant be-
nignius, sed quod homines contrahentes so-
lent facere, & apud ipsos est magis vsitatum,
humanius enim id significat M. Tullius Phi-
lippica prima, si quid mihi humanitus acci-
disset, & inde humanius significat id quod in
homi-

hominibus solet contingere, iuxta illud Terentij humanum a me nihil alienum puto. Vel si mauis intellige humanius est, idest doctius est, id enim verbum humanitus, & humanius significat, vt colligitur ex Aulo Gellio, notum Atticar. lib. 13. cap. 16. sed prior interpretatio huic loco Iurisconsulti conuenit, & ideo mihi magis arridet.

SVMMARIVM EX CAP. SEQ.

- 1 *Refertur opinio doctorum asserentium contractum emphyteuticum esse iuris gentium.*
- 2 *Refertur contraria opinio.*
- 3 *Prædictæ opiniones conciliantur.*
- 4 *Non potest Princeps sine causa tollere dominium acquisitum ex contractu emphyteutico.*

C A P V T V.

I



DEBITANT insignes Iurisconsulti an contractus emphyteuticus sit de iure ciuili, an de iure gentium, nam esse iuris gentium multi persuadere conantur ex auctoritate Arist. lib.

1. Oeconomicon. 2. ex l. ex hoc iure, ff. de iustitia

stitia, & iure. Tertio ex §. adeo Instit. de locato. inepte enim dubitarent Iurisconsulti an contractus ille de quo in dict. §. adeo, referretur ad locationem, & venditionem, nam Imperator in d. §. adeo, loquebatur de conuentione emphyteutica, & ait dubium fuisse olim apud Iurisconsultos an illa venditio, an locatio esset, ergo conuentio emphyteutica non iuris ciuilis, sed iurisgentium est, certum enim est nullam dari venditionem, vel locationem quæ sint Iuris ciuilis, & ita hanc opinionem tenuit Ioan. Corras. lib. 1. Miscellaneorum, cap. 21.

- 2 Contrariam tamen opinionem probare videtur Brachilogon iuris ciuilis, cap. 2. Viglius in §. ad ius ciuile, nu. 11. Inst. de testam. Valas. de iure emphyt. lib. 1. q. 3. n. 6. Ultra gl. ult. in l. ex hoc iure ff. de iust. & iur. & alios, quos diligenter citauit Valasc. ubi proxime, quorum fundamentum est, l. 1. Cod. iur. emphyt. ibi, sed hoc ius tertium esse constitui-mus ab vtriusque memoratorum contractuum Societate seu similitudine separatum: Conceptionem, item definitionemque, habere propriam, & iustum esse validumque contractum in quo cuncta, & cetera, ex quibus patet Imperatorem Zenonem dedisse naturam peculiarem contractui emphyteutico, & ita iuris ciuilis esse, non iurisgentium.

- 3 Ego existimo prædictos doctores, facile posse

posse ad concordiam reduci, si primo preinit-
 tamus, ius ciuile sæpius ex conuentionibus
 iurifgentium contractus instituisse, illisque
 naturam, & nomen assignasse, qui etsi conuen-
 tiones iurifgentium in se contineant; tamen
 contractus a iure ciuili dicuntur, sic sane pa-
 ctum nudum per quod priuati promittūt ali-
 quid, conuentio iurifgentium est, d. l. ex hoc
 iure ibi, Obligationes, & tamen ius ciuile sta-
 tuit, vt ea promissio certis verbis vallata ha-
 beret specificam naturam, & contractum sti-
 pulationis instituit, ideoque contractus iu-
 ris ciuilis dicitur, vt notant d. gl. vlt. & om-
 nes in Rub. ff. de Verborum, & c. Idemq. di-
 cendum est de alijs enumeratis a glo. vlt. sic
 etiam cōuentio emphyteutica iurifgentium
 est, vt colligitur ex Arist. d. l. ex hoc iure d.
 §. adeo, & notat. per Corras. vbi supra, & ex
 illa conuentione ius ciuile additis certis re-
 bus contractum emphyteuticum instituit, &
 ideo iuris ciuilis esse ex d. l. 1. Cod. de iure
 emphyteu. recte statuit, d. l. gl. vlt. l. ex hoc
 iure, & communis de qua per Valasc. vbi
 supra.

- 4 Vnde, & si vera sit illa aliquorum scriben-
 tium sententia, de cuius veritate alibi dice-
 mus, principem sine causa posse tollere ea,
 quæ aliqui acquirunt, per contractus à iure
 ciuili inuentos; notabis Principem sine cau-
 sa nō posse tollere dominium acquisitum per

S emphy-

emphyteusim, illa enim sunt intelligenda, quando contractus est simpliciter institutus à mero iure ciuili, non vero quando continet in se conuentionem iurifgentium, vt emphyteusis, intendit vltra Fortun. Gratian. quem citat Aluarus Valasc. vbi supra num. 10.

SVMMARIVM EX CAPITE SEQ.

- 1 Traditur intellectus, l. 4. ff. commodati, dum inquit pecuniam posse commodari.
- 2 Pecunia duplicem habet vsum, primum vnum, secundarium alterum.
- 3 Referuntur multæ litteræ, l. 4. ff. de commodati, &c. in illis verbis, dicis gratia.
- 4 Vera littera recentiorum recipienda est, scilicet dicis gratia, & ibi, quid hæc verba significant, declaratur.
- 5 Reijcitur consideratio Couarrun. circa vsum loquendi per hæc verba, dicis gratia.
- 6 Scientia crescit in dies magis, nec in illis post mille sæcula posteris præcludetur occasio inueniendi noua.
- 7 Declaratur vnde effluxit vsus horum verborum dicis causa.
- 8 Hæc verba dicis gratia, secundum materiam subiectam diuersa significant.
- 9 Respondetur difficultati propositæ.

CAPVT VI.

SAEPE etiam (inquit Iureconsultus Caius in l. 4. ff. de cōmodat. &c.) ad hoc commodantur pecuniæ, vt dicis gratia, numerationis loco intercedāt.

Haftenus iurisconsultus, qui plane docet pecuniam posse commodari: obstat tamen, quòd inter mutuū, & cōmodatum illa est notabilis differentia, quòd mutuū consistat in rebus, quæ pondere, numero, mensuraue cōsistunt, quippe quæ in genere suo functionem recipiunt per solutionem magis, quàm per speciem. Commodatum autem consistit in alijs rebus, in quo eandem speciem debemus recipere non aliam. Colliguntur hæc ex cap. vnic. commod. leg. 2. ff. de rebus creditis, l. 2. Cod. de his, qui ex publicis rationibus, lib. 10. cum autem pecuniæ, nullus sit vsus separatus a proprietate, & non possit, quis illa vti, absque eius consumptione, l. 1. & 3. ff. de vsufructu earum rerum, quæ vsu consumuntur, videbatur non posse commodari, cū consumpta pecunia non possit quis illam in specie reddere; vnde mutuū dicendum est, non commodatum; iuxta, dict. leg. 2.

2 Cui difficultati Respondemus, pecuniā duplicem habere vsum: vnum præcipuum, al-

S 2 terum

terum non tam præcipuum; ille respicit consumptionem pecuniæ, hic vsum tantum: ille non potest esse sine eius consumptione, hic maxime, de primo vfu tanquam de principali loquitur, l. 1. & 2. ff. de vfufructu earum rerum quæ vfu consumuntur, de 2. text. in l. numismatum 35. ff. de vfufructu numismatum (inquit Pomponius aureorum, vel argenteorum veterum (quibus pro gemmis vti solêt) vfufructus legari potest, ex quibus intellectus dictæ legis quartæ ostenditur, commodantur enim pecuniæ secundum vsum secundarium, & minus præcipuum, mutantur secundum vsum præcipuum, si enim alicui dederis pecuniam vt consumat, & ibi non in specie sed alia reddatur, mutuum erit; si vero illi pecuniam dederis ostendendi gratia tantum, vel perfunctorie, vt numerata censeatur, vel ad ornandâ aliquam rem, tunc commodatum erit, l. si ego tibi ostendendi gratia. ff. si certum pet. d. l. numismatum, tex. in d. l. 4. ibi numerationis loco intercedant.

- 3 Idque significat illud verbum, dicis gratia, idest perfunctorie, licet incertum sit, an dicis gratia, legendum sit. Multi enim Codices habent, ditis gratia, hoc est, commodantur pecuniæ alicui, vt diues appareat. Sic videntur sentire Accurt. Bart. & alij interpretes in explicatione illius tex. Alij legunt, dotis gratia, fiebāt enim olim imaginariæ quedam

dam dotes aliquando propter fiscum, l. si quis posthac §. Sed in ijs Cod. de bonis proscrip-
torum. Aliquando ad excitanda iurgia inter
coniuges, ff. de tempore non solutæ pecuniæ
super dote, §. si autem neque vers. contesta-
tionem collat. 7. intendit And. Alciat. lib. 2.
Parergon. cap. 13. Alij legunt litis causa, ne
scilicet postea de non numerata pecunia agi
posset, quemadmodum alias hæc uerba (Litis
causa) accipiuntur in §. fin. instit. quibus
modis testam. infirm. quæ interpretatio non
displicet. Alciat. lib. 4. disputationum, cap.
15. ad finem. Sed in principio eiusdem cap.
magis approbat illam litteram dantis gratia.
Nouiores tamen asserunt (reiectis his omni-
bus interpretationibus, & litteris) legendum
esse dicis gratia, ita Corras. lib. 4. Miscella-
neorum, cap. 8. Duaren. lib. 1. disputat. an-
niuersariorum, cap. 47. Anton. August. lib. 2.
Emendationum cap. 2. Couar. lib. 4. resolut.
uariar. cap. 8.

- 4 Quæ littera mihi magis arridet, significat
autem dicis gratia, id quod etiam dicimus
perfunctorie factum esse, aut defunctorie,
quando scilicet aliquid fit remissius, uel etiã
simulate, non ex animi promptitudine, sed
uel officij implendi gratia, uel seruandi
ueteres ritus, ut ex predictis colligitur. Ita
intelligenda sunt iura, & in illis legenda sunt
hæc uerba, dicis gratia, alijs explosis, quæ

vel imperiti impressores, uel alij scripserunt, l. 2. ff. qui pet. tutor. l. scire oportet, §. sufficit ff. de excusat. tutor. l. 1. §. excusantur, ff. ad Senatusconsultum Syllanianum. Et in alijs locis.

- 5 - Vsum loquēdi horum uerborum dicis gratia explicauimus ex mente plurium doctorū, & recte sentientium, originem diligenter aliqui inquirunt, nam Couar. ubi supra ex illo loco M. Tulij action. 6. in Verrem. Attamen ut possit se dicere emisſe Artagathō imperat, ut aliquid illis, quorum argentum fuerat, nūmorū dicis causa daret. Existimat hinc posse reddi originem uerborū dicis causa, quasi dicere posset se emisſe. Ideo dicis causa veteres intellexisse cum quid fiste, & simulate, aut causa seruandi veteres ritus potius factum fuerit, quam ex uero animo, aliquaue ex causa necessaria, ut dici possit factum fuisse, nec tamen uere aut ex animo, aut aliqua ex causa necessaria factum sit, sed hæc nimis frigida, & dicis causa scripta esse intelligo. Vnde Anton. August. ubi supra cum retulisset illum M. Tulij locum, non potuit ullo modo ex eo originem uerborum, dicis causa, deducere, immo ait in hæc uerba digna quidem antistite, & doctissimo, & grauiſſimo: Vsum dicendi scripsimus, originem ignorare nos fate-mur, neque enim pudet in re præsertim non uulgari, nescire id nos confiteri, quamquam
nescio

nescio quomodo in tam deprauatos mores ventum est, vt turpe esse existimetur nihil nō cognitum, nihil non certum, & sine vlla dubitatione manifestum esse non affirmare, sed nos malumus veritati, quā temporibus inferuire. hæc præsul ille doctissimus, & grauissimus.

6 Ego quidem reddere originem tentabo, si non veram, saltem probabilem, non vt existimem me posse inuenire, quod viros doctissimos latuit, sed quia existimo totis viribus elaborandum esse, vt in qualibet re veritas indagetur. Quod sane fiet si vnusquisque quid sentiat in medium proferat, & studiosis legendum offerat, qui illud eligent, quod magis vero simile apparuerit. Nam, vt inquit Seneca, lib. 11. Epistol. 79. crescit in dies scientia, & inueniendis inuenta non obstant, & lib. 9. Epistol. 65. multum adhuc restat operis, multumque restabit, nec vlli nato post mille sæcula præcludetur occasio aliquid ad hæc adijciendi. Agamus (inquit paulo superius) bonum patremfamilias, faciamus ampliora quæ accepimus, maior ista hereditas à me ad posteros transeat. Sed vnde digressi fuimus, redeamus.

7 Præmittendum est, Primo verbum, *ἱερός* apud Græcos significare Sanctitatem, & religionem; rursus significare cæremoniam & ritum, cæremoniæ autem, & ritus in dupli-

ci sunt differentia, alij enim sancti & veri, & ideo in Ecclesia custodiendi, & conseruandi cum religionis sint pars. Conradus Brunus, de caremonijs, cap. 1. in principio. Alij sunt antiquati, & iam a nobis remoti, & hæc caremonia, dicuntur a carendo, quasi relictæ fuerint. Macrobius lib. 2. saturnal. cap. 3. vel secundum sanctum Augustinum, lib. 2. retractationum, cap. 37. eo quod obseruantes careant his rebus, quibus abstinent. Hinc euenit, vt hæc verba, *bonas esse*, aliquando significent religionis causa, vt apud Dionysium Alicarnas. lib. 2. quem citat Couarruu. d. lib. 4. Variar. resolut. cap. 8. prope finem, & apud alios auctores, aliquando significant perfunctorie, & non ex animi promptitudine, sed implendi officij causa, illa enim quæ sunt propter secularem, & vanum inter homines ritum, vel caremoniam iam antiquatam, non propter religionem perfunctorie fiunt, & magis officij antiqui implendi gratia quam necessarij muneris obeundi causa, & ita in hunc sensum hoc verbo vsus est Iuriconsultus in leg. 2. ff. qui petant tutores. Dionys. lib. 37. relatus a Couar. vbi proxime, idque etiam vsus loquendi apud nos obtinuit, nam aliquando dicimus aliquem fecisse caremoniam illam, quæ ad religionem spectat, aliquando eam fecisse, quæ nihil omnino ad rem facit, nec aliud importat quam perfunctorium

ctorium officium, & ritum. Dicimus enim quando volumus significare aliquem fecisse rem perfunctorie, & non ex animi promptitudine, *felo por ceremonia, felo por comprimento.*

8 Vnde hæc verba *δοῖας ἔνεργα*, secundum subiectam materiam diuersimode accipiuntur. Aliquando enim significant sanctitatis, religionis, & cæremoniæ sanctæ, & obseruatæ causa. Aliquando vanæ, & sæcularis cæremoniæ, & antiquatæ, & ita perfunctorie, & non adimplendi necessarij officij causa, sed veteres ritus obseruandi.

Secundo præmittendum est verbum, *δῖς*, apud græcos significare inter alia ritum, morem, & officium. Vnde latini assumentes illud verbum, dicis, indeclinabile, & vnus tantum casus, si credimus Flauio Sospatro lib. 1. grammaticarum Instit. quem approbat P. Victorius, lib. 8. Variarum lectionum cap. 24. dixerunt dicis causa, dicis gratia, dicis ergo pro eo, quod græci dixerant *δοῖας ἔνεργα*, idest cæremoniæ antiquatæ causa, ritus veteris gratia, officij ergo, non ex animo, vbi autem græci vtuntur verbis *δοῖας ἔνεργα*, pro religione vera, & ritu ac cæremonia obseruanda non conuenit transferre dicis gratia, cum hæc verba apud latinos semper significet gratia veteris ritus, & vanæ cæremoniæ, ac officij exequendi gratia, non ex animo. Nec obstat si replices dicendum esse dices, non dicis,

fi 2

si a verbo græco *σίμη*, descenderet, illud enim H, semper apud latinos in E, mutatur. Respondemus enim eos sæpius in his mutationibus, & translationibus addere, aliquando demere, aliquando mutare verba, vt in verbo Mina fecerunt, quòd græci *μινά*, dixerunt, & alibi sæpe præsertim, quod non erat accommodatum regulis grammaticorum, si in genitiuo cogerentur transferre dices, incommode enim, vel etiam difficile alicui declinationi aptari posset.

SVMMARIVM EX CAP. SEQ.

- 1 Narratur species facti.
- 2 Ecclesiæ Eborensi cõpetit interdictum, Vnde vi contra religiosos eam suis decimis spoliantes.
- 3 Bona Maioratus non possunt alienari a possessoribus eiusdem Maioratus.
- 4 Priuilegium concessum religiosis ne soluant decimas, intelligitur de prædijs, quæ sua propria fuerint.
- 5 Licentia Regis in proposita specie non fuit quod prædia Maioratus venderentur, sed quòd in eis annui redditus constituerentur.
- 6 Si in licentia Regis data ad alienandum bona Maioratus, duo possint intelligi, illud accipiendum est, quod minus præiudicat Ecclesiæ posses-

- possessori, & successoribus Maioratus.
- 7 Per venditionem prædiorum transfertur domini-
nium, non sic per venditionem annui redditus
in ipsis.
 - 8 Priuilegia concessa religiosis de non soluendis
decimis non sunt extendenda, sed restringenda.
 - 9 Licentiæ datæ a Rege ad alienanda bona Maioratus,
sunt restringendæ, non ampliandæ.
 - 10 Habens licentiam a Rege ad vendendas certas
tritici mensuras, si vendit prædia in regione
Transtagana Lusitaniæ magis vendit, quàm
triticum.
 - 11 Nemo potest opponere de iure tertij, & ibi assignatur
ratio.
 - 12 Potest aliquis opponere de iure tertij, si ex ea
oppositione concludat ipsum ius habere.
 - 13 Potest quis opponere de iure tertij, si alias pars
incideret in magnum periculum.
 - 14 Licet quis regulariter agendo non possit opponi
de iure tertij, tamen excipiendo potest, si ex
eo suum ius concludat.

CAPITVLVM VII.

I



VM vir Illustris graui ère alieno
esset oppressus, impetrauit a
Rege nostro, vt sibi liceret ven-
dere ex prædijs Maioratus,
quem possidebat, certas men-
suras.

furas tritici, quas, *Mojos*, vocamus, quæ quidem constant sexaginta modijs vulgo, *Alqueires*; cum igitur vir Illustris haberet hanc licentiam, vendidit quibusdam religiosis fundos, ex quibus prædicta quantitas quotannis percipitur: prædicti religiosi priuilegium habebant a summis Pontificibus concessum, vt non persolueret decimas ex eorum terris; accepta igitur per religiosos fundorum venditorum possessione, denegarunt decimas Ecclesiæ Eborensi, cui alias competeabant, asserentes per priuilegia summorum Pontificum, se esse exemptos a solutione decimarum, plane fundi illi erant sui, ergo ex illis non debebant soluere decimas, vtpote exempti ab earum solutione.

2. Consultus quid iuris? Respondi in primis competere Ecclesiæ Eborensi interdictum vnde vi aduersus religiosos eam suis decimis spoliarent.
3. Iniusteque prædictos religiosos denegasse Ecclesiæ Eborensi decimas illorum prædiorum. Ratio est, quia prædia erant Maioratus, & ita non poterant alienari per possessorem eiusdem Maioratus, l. 2. Cod. de vsu capione pro emptore adiuncta gl. ibi communiter recepta; idque absque vlllo dubio procedit si Maioratus institutus est in vltima voluntate, si vero in contractu institutus est licet tunc dominij translatio non impediretur iure

re communi per leg. si ita quis, §. ea leg., ff. de verborū obligationibus, leg. & si dotis, Cod. de iure dot. leg. ea lege, Cod. de conditione ob causam. Tamen ex consuetudine generali Hispaniæ censetur etiam in prædictis Maioratibus dominij translatio impedita. Peralta in rubrica, ff. de hered. instit. a. num. 96. Molin. de primogen. 1. parte, lib. 1. c. 6. a nu. 36. & idipsum attento iure cōmuni procedere tētauit probare (in qua re subsisto) Meres de Maioratibus 4. parte, quæstione 1. nu. 7. Si igitur illa prædia Maioratus non potuerunt alienari, non transiit dominium in religiosos emptores, & ita non poterant denegare decimas, quia priuilegium concessum a summis Pontificibus, solum ad prædia quæ sua fuerint, se restringit, nō vero ad aliena iuxta leg. Pupillus, §. fin. ff. de verb. significatione, adiuncto, cap. dilecti filij de decimis, vbi summus Pontifex inquit, priuilegium simile non comprehendere agros, in quibus priuilegiati habent vtile dominium tantum, nec, quod magis est, agros comprehendere, in quibus licet priuilegiati habeant dominium directum, tamen ex illis ratione census, aliquid soluunt, vt patet ex cap. dilecti, ibi ad firman de decimis, eiusque verbi significatione, de qua per gl. in cap. fin. verb. terminum, ne prælati vices suas. Hostien. in cap. 2. de locato. vbi Panor. num. 2. Imola,

in

in clementina prima, §. quidam, etiam in principio de excessibus præl. & doctores in præcitatæ locis.

- 3 Nec obstat, id quod religiosi asserunt, suas partes tuentes, Regem scilicet dedisse licentiam, ut ea prædia alienari possint, & ita dominium in dictos religiosos translatum esse; negamus enim id verum esse, ita enim verba licentiæ Regis se habent; *Poderà vender a Retro trinta Mojos de trigo do seu Morgado.* Quæ verba duplicem sensum possunt habere. Primus est, quod Possessor Maioratus poterit vendere eas tritici mensuras alienando etiam fundos, ex quibus ipsæ percipiuntur, idest, agros, & prædia ex quibus prædictæ tritici mensuræ obueniunt. Secundus sensus est, qui germanior apparet, quod possessor Maioratus poterit vendere eas tritici mensuras tanquam annuos redditus, ut in hoc regno frequenter fieri solet, & in alijs, ut colligitur ex extrauagan. 1. & 2. de empt. & vendit. inter communes.

- 6 Cum igitur licentia Regis illos duos sensus patiatur, ille accipiendus est, qui minus nocere possit Ecclesijs, possessori Maioratus, & successoribus iuxta cap. quid per nouale, de verborum significatione, leg. 3. §. si quis a principe, ff. ne quid in loco publico, ille autem est per quem prædia Maioratus non vendantur, sed solum redditus annui consti-
tuan-

7 tuantur: quia per venditionem prædiorum, transfertur dominium in religiosos, at per venditionem annui redditus, qui in prædijs constituitur minime, iuxta ea quæ tradit Co-uarruias lib. 3. variarum resolut. cap. 7. nu. 5. Gregorius Lopez partit. 5. l. 27. Aluarus Valasc. de emphyt. 1. parte, quæstione 32. num. 13. ergo eum sensum accipere debemus, qui non prædiorum venditionem permittat, sed solum annui redditus: idque multum ad-
 8 iuuat, nam priuilegia concessa religiosis in hac materia restringenda sunt, non amplian- da, regula, quæ a iure, de reg. iu. in 6. l. quod vero, ff. de legibus sunt enim nociua Eccle- sijs, & illis maximum præiudicium inferunt, ideoque non adiuuanda interpretatione, im- mo sunt coarctanda, arg. cap. suggestum, de decimis, cap. quid per nouale, de verborum significatione.

9 Secundo facit, quòd licetia Regis ad alie- nanda bona Maioratus sunt restringendæ, cum sint contra iuris communis regulas, & in odium successorum, familiarum, quas con- seruare publice interest, l. 1. §. quamuis, ibi, vt ordinum dignitas, &c. ff. de ventre inspi- cien. & in specie intendit, gl. in cap. impe- rialem, in principio de prohibita feud. alie- nat. in vsibus feudorum, Molina de primog. lib. 4. c. 5. nu. 13. vers. quæ comprobantur ex eo. Meres. de Maioratus 4. par. limit. 1. n. 20.

Ter-

10 Tertio facit, nam si possessor Maioratus vendiderit annuos redditus, fecisset secūdum licentiam a Rege obtentam a qua recedere non poterat argumento, cap. cui non de sacerdotali, de præben. lib. 6. l. ult. Cod. de præd. Curialium, lib. 11. Si vero vendiderit prædia, iam terminos licentiæ Regiæ egrederetur, quia tunc ultra triticum vendebat porcos, arietes, gallinas, mel, butyrum. hæc enim omnia de consuetudine regionis Translaganæ ex illis prædijs percipiuntur, quas vulgo vocamus, *Pitanzas*.

11 Neque obstabunt ea quæ aduocati religionum obijciebant, nempe ius actoris, idest, Capituli Eborensis consistere in eo, quòd possessor Maioratus non possit vendere, ea prædia, quod ius tertij est, & ideo non potest opponi secundum vulgarem iuris regulam, leg. 1. in fin. ff. de vti possidet. leg. his consequenter, §. fin. ff. famil. erciscundæ. Respondemus enim illam regulam veram esse, si proponamus ex illo iure tertij actorem nihil in libello vel petitione de iure suo concludere. Cū enim actio talis debeat esse quæ ius actoris concludat, l. 2. ff. de exceptionibus, & ius tertij regulariter non concludat ius actoris, merito certissima regula traditur, quòd nemo potest opponere de iure tertij, quia, scilicet tunc actio non concludit ius agentis, & ideo tamquam inepta non admittitur cap.


examinata de iudicijs, leg. 1. §. labeo, ff. de fluminibus, Abb. in cap. Veniens, num. 25. de præscriptionibus.

- 12 Secus dicendum est, si ex ea tertij oppositione actor ius suum concluderet, quia tunc sine dubio admitteretur, leg. ult. Cod. de rei vindicat. Bart. in l. qui cum herede, ff. de exception. rei iudicat. facit, l. cum seruum, Cod. de seruis fugit: vbi Angel. num. 4. cum iudicio aduertit, quòd in eo casu est impropria locutio appellare ius tertij, cum magis sit ius proprium resultans ex facto tertij, & tunc succedat regula, quòd recte possum vti beneficio mihi competenti ex iure alterius, leg. si post mortem, §. fin. ff. de bonor. possession. contra tab. Cum igitur in hac specie ius actoris idest Capituli còsistat in eo, quòd prædia vendita non sint religiosorum, quia possessor Maioratus ea non poterat alienare, recte poterit Capitulũ opponere de hoc suo iure resultante ex venditione, quam possessor Maioratus nulliter celebrauit.

- 13 Facit item, quòd tunc potest pars opponere de iure tertij, quando in magnum periculum alias incideret leg. 2. ff. de exceptione rei iudic. Angel. vbi supra. At in magnum periculum incideret, Capitulum si ex eo, quod non posset opponere de iure tertij, perderet decimas Ecclesiæ Eborensis, ergo sine dubio in hoc casu Capitulum recte pote-

rit opponere de iure tertij.

- 14 Ultimo tandem facit, quòd licet concederemus in hoc casu Capitulum Ecclesiæ Eborensis non posse in libello agendo opponere de iure tertij (quod tamen falsum est ex his quæ supra diximus) tamen in replicatione per modum exceptionis id potest facere, cum ex illo iure tertij defensio competat Capitulo iuxta, l. 2. & ibi notata, ff. de exceptione rei iudicatæ, leg. final. Cod. de rei vindicat. per quem tex. doctores communiter tenent, quòd licet quis non possit agere de iure tertij, tamen posse partem excipere de iure tertij, quod intelligo verum quando ex eo parti defensio, vel ius competit, alias non, l. loci corpus, 4. §. competit, ff. si servitus vendicetur, Gamm. decisione 16. num. 2. gloss. sic intelligenda, in leg. cum servum, verb. opponi, Cod. de servis fugit. vbi Dyn. & Angel. a num. 3. plane Capitulum in replicatione excipit; cum in ea vicem rei sustineat argumento, leg. 1. ff. de except. intendunt Curt. Iun. in leg. 1. num. 3. Cod. de eden. Valasc. de emphyt. quæst. 8. nu. 8. Salon. in quæstionibus civilibus, quæstione 5. num. 6. & 10. ergo poterit Capitulum in replicatione excipere de iure tertij.



SVMMARIVM EX CAP. SEQ.

- 1 Proponuntur duo casus, qui explicari debent.
- 2 Dimittens beneficia, ex eo quia sibi collatum est beneficium aliud, si beneficium collatum est reddit ad priora beneficia.
- 3 Dimittens beneficia propter beneficium collatum reservatum, reddit ad beneficia dimissa, non solum si beneficia dimissa erant incompatibilia, sed etiam si essent compatibilia, & ea libere renuntiasset.
- 4 Possessor beneficiorum dimissorum facit fructus suos, quos acquisivit ex dictis beneficijs, non sic possessor beneficij reservati.
- 5 Tractatur late quæstio illa an possidens beneficium reservatum faciat fructus suos.
- 6 Taxatur opinio Ancar. & Franci, & limitatur.
- 7 Refertur opinio existimantium possidentem beneficium reservatum ex eo, quia prædecessor fuerat familiaris Cardinalis facere fructus suos.
- 8 Contraria opinio approbatur.
- 9 Bona fides non sufficit, quando lex vel possessionem, vel vsucapionem inibet.
- 10 Beneficia familiarium Cardinalium sunt reservata, licet per obitum Cardinalium possessor beneficij exierit ab eorum familiaritate.

- 11 *Approbatur opinio existimantium reservationem siue generalem, siue specialem inficere titulum, & possessionem.*
- 12 *In beneficialibus non datur legitima possessio absque titulo, cum ab illo multum dependeat.*
- 13 *Declaratur dubium maximum, quare scilicet reservatio generalis inficiat possessionem, & regulariter eius exceptio non impediatur restitutionem.*
- 14 *Exceptio reservationis generalis aliquando impedit restitutionem, & aliquando eam non impedit exceptio reservationis specialis.*
- 15 *Declaratur sententia Doctorum existimantium reservationem generalem non inficere possessionem, ut intelligatur de reservatione generali minus nota.*
- 16 *Reservatio regulae tertiae Cancellariae, per quam reservantur beneficia familiarium Cardinalium, est nimis nota, & est clausa in corpore iuris.*
- 17 *Reservatio beneficiorum familiarium Cardinalium, non est generalis, sed specialis, & ibi assignatur ratio.*



CAPVT VIII.



IN Ecclesia Cathedrali huius Regni Lusitanici, Episcopus cōtulit beneficium Petro, qui in manibus prædicti Episcopi beneficia quæ obtinebat renuntiauit. Postea apparuit beneficium ab Episcopo Petro collatum, fuisse reseruatū, ex eo quia vacauerat, per obitū familiaris Cardinalis, iuxta extrauag. ad regimen de præben. inter communes, regulam tertiam Cancellariæ, quærebatur de duobus. Primo an Petrus posset redire ad beneficia, quæ in manibus Episcopi renuntiauerat. Secundo an ipse Petrus fecisset fructus suos beneficij reseruati pro illo tempore, quo fuit in possessione beneficij.

- 2 Quoad primum dubium Respondi, Petrum posse redire ad beneficia, quæ in manibus Episcopi renuntiauerat, si beneficia reseruata sine difficultate dimitteret, iuxta text. in capitulo si beneficia, 20. de præben. in 6. iuuat regula, l. si quis aliam, ff. de solution. Ratio est, quia ex mente partium dimissio beneficiorum, & collatio eorundem alijs facta habent tacitam conditionem non suspensiuam, quæ in beneficijs non datur regulariter, cap. 9. de electione in 6. sed resolutiuam, quæ sci-

licet a principio tenuit .resoluitur tamen dicta dimissio, & collatio, si primum beneficium reservatum inueniatur, quæ conditio inducitur ex text. in dicto capitulo, si beneficia, propter iustissimas causas, & rationem dictæ leg. si quis aliam, vt patet ex text. in dict. cap. si beneficia, ibi ne talis ignorantia eis, cum sint sine culpa, præiudicialis existat, statui-
mus, &c. intendit Dominicus ibi, nu. 9. Carol. Molin. in regulas Cancellariæ 34. de publican. resignat. nu. 143. quod absque dubio procedit, si Petrus beneficia dimisisset, vel renuntiasset incompatibilia, vt ex text. colligitur, & doctoribus ibi.

3 Sed fingamus Petrum renuntiasse beneficia, quæ alias cum beneficio reservato poterat obtinere, an scilicet tunc deberet commodore renuntiatis ad illa beneficia redire, & videtur in hac specie, quod non posset redire ad priora beneficia.

Primo, quia dict. caput si beneficia, est restringendum cum exorbitet a regulis iuris, regula, quæ a iure, de regulis iuris in 6. leg. quod vero, ff. de legibus, plane solum ille text. loquitur quando beneficia dimittuntur, non quando beneficia resignantur. Federicus de Senis, consil. 156. num. 1. ergo non debet extendi de casu dimissionis, in quo loquitur ad casum resignationis, vt alias videtur concludere, Guilielm. de Monte Landano, in dict.

dict. cap. si beneficia, vbi super illo verbo, dimissa, sic inquit: Sub iuris necessitate, quia non poterat ea tenere cum secundo, quia secus si se compaterentur. contrarium tamen. Respōdi, quia scilicet mens legislatoris in d. c. si beneficia, ea fuit, vt scilicet non pateretur damnū qui sua beneficia bona fide renūciauerat propter alterius adeptiōē. Pro quo facit primo generalitas, d. c. si beneficia in fine.

Secundo æquitas dictæ legis, si quis aliam.

Tertio, auctoritas aliquorum doctorum, qui, vt reor, ita dict. cap. si beneficia intellexerunt. Ancharran. enim num. 2. in hæc verba ait, quarto nota, quòd si collatio facta, alicui de beneficio apparet nulla, ille a quo dictum beneficium euincitur, reuertitur ad beneficium suum primum, sicut redit, quis ad veterem actionem si reseuincitur, propter quam debitorem liberauit, vt l. si quis aliam, ff. de solution. & in multis casibus competit repetitio eius, quod datum est, vel dimissum ex causa ea non sequuta, vt exempla patent supra de electione. Cum inter, & de transact. l. cum mota, & l. cum proponas, cum similibus, & vide l. 2. cum l. sequenti, ff. de conditione indebiti, vbi legata soluta ex testamento, quod apparet postea falsum inofficiosum, vel irritum, repetuntur. & si testator falso existimans heredem, quem instituerat, decessisse, alium instituit, non videtur pri-

num reuocasse, vt l. fin. Cod. de hered. instit. hactenus Anchar. ex cuius dictis colligitur text. in dict. cap. si beneficia non solum procedere, quando quis dimisit beneficia, sed etiam quando alias ea libere dedit, & renuntiavit. Idem colligitur ex Dominic. in dict. cap. si beneficia, num. 5. Nota, inquit argumentum, quod vbi quis renuntiat beneficio ex causa falsa, quam putat esse veram, non videtur exclusus a titulo beneficij, nam hic dicitur, quod potest libere ad primum redire, si secundum erat alteri debitum, & sic renunciatio sibi non præiudicat. idem repetit Francus ibi, num. 3.

4. Est tamen in hac re infelix conditio dimittentis sua beneficia propter beneficium reservatum, nam ille, cui beneficia dimissa collata sunt, facit fructus suos, hic vero non facit fructus suos beneficij reservati, quod autem ille, cui collata sunt beneficia dimissa, faciat fructus suos, probatur, habet enim titulum, & bonam fidem, quæ ad acquisitionem fructuum sufficiunt, vt notum est, licet enim postquam reservatio summi Pontificis apparuit, titulus resoluatur iuxta supradicta: tamen fructus interim percepti sui efficiuntur, iuvat, leg. 2. ibi, & fructus, & accessiones lucrari, ff. de in diem adiectione. Carolus Molin. vbi supra, num. 143.

5. An autem ille qui obtinuit beneficium re-

ser-

eruatum faciat fructus suos dubium esse potest. Nam Anchar. in dict. cap. si beneficia in 2. vers. Sed circa hoc, in ea est sententia, vt existimet illum facere fructus suos consumptos, in quantum fuit possessor bonæ fidei iuxta, l. bonæ fidei empt. ff. de acquiren. dominio. Consentit Franc. in d. c. si beneficia nu. 6. Contrariam tamen sententiam tenuit doctor antiquus Paulus Perus. de Perusio, prout refert Anchar. vbi proxime, qui assererat non posse aliquem facere fructus suos beneficij sine Canonica institutione. In quo dubio, vt clarius procedamus constituendæ sunt sequentes conclusiones.

Prima Conclusio, Possessor beneficij non habens titulum, quantumcumque sit in bona fide, non facit fructus suos extantes, quæ conclusio procedit sine dubio, ex regula, d. leg. bonæ fidei emptor, & notat. lib. 1. diuersorum iuris. argumentorum, cap. 3. num. 6.

Secunda Conclusio, Possessor beneficij non habens titulum nō facit fructus suos tam extantes, quā consumptos, omnimodo quantumcumque habeat bonam fidem, idest tenebitur eos restituere. licet enim in quantum non constat illum carere titulo possit fructus percipere; tamen vbi primum id constiterit, tenebitur eos restituere. Ratio est, quia licet habeat bonam fidem, tamen non est possessor, cum in spiritualibus non detur vera possessio absque

absque titulo, cap. vnico, de eo, qui mittitur in possessio. causa rei seruan. l. 2. §. quædam, ff. de interdict. idque intendebat doctor antiquus Paulus Perusius de Perusio, quem citauit Anchar. vbi proxime, & diximus dicto lib. 1. Diuersorum iuris argumentorum, cap. 3. a num. 6. Nec obstat, quod bonæ fidei possessor facit fructus suos, dict. leg. emptor. Respondemus enim quod licet habeat bonam fidem, tamen nō habet possessionem, cum ea sine titulo non detur, & ita non est bonæ fidei possessor. vbi enim lex inhibet possessionem, vel princeps annullat, bona fides non sufficit, vt alias de vsucapione dixit Iurisconsultus, in leg. vbi lex, ff. de vsucapion.

- 6 Sic sane opinio Anchar. & Franc. vbi supra afferentium possessorem beneficij reseruati facere fructus suos consumptos, non est vera per supradicta, quam si aliquis in iudicando, consulendo, vel in scholis probet propter eorum auctoritatem, eam debet intelligere omnino in beneficio reseruato per reservationē generalem, quia hæc secundum aliquos doctores non inficit possessionem, neque eam annullat vt post Ioan. Andr. notat Dominic. in cap. dudum, num. 8. de præben. in 6. refert alios, & sequitur Gabriel lib. 6. commun. opinion. concl. 3. a 14. Menoch. recuperand. remed. 15. a num. 456.

- 7 Ex quibus dum noster casus occurreret

non

non defuerunt aliqui existimantes possidentem beneficium reservatum ex eo, quia beneficium fuerat cuiusdam familiaris Cardinalis, fecisse fructus suos: pro qua sententia facit.

Primo, quòd beneficiarius possidens beneficium reservatum erat in bona fide, vel nesciens prædictam reservationem, vel putans prædecessorem numquam fuisse familiarem Cardinalis.

Secundo, quia prædecessor exierat a familiaritate Cardinalis per obitum ipsius Cardinalis, ideoque cum qualitas super qua fundata erat reservatio, defecisset, debebat etiam deficere, & evanescere ipsa reservatio iuxta regulam, cap. cessante de appellation. leg. adigere, §. quamvis, ff. de iure patro.

Tertio, & ultimo, quia etsi reservatio specialis inficiat possessionem, & titulum, cap. dilecto, de præb. tamen generalis, & inducta super incerto beneficio possessionem non inficit ex doctrina, Ioan. Andr. quem refert, & sequitur Dominic. in cap. dudum, num. 8. de præben. in 6. notat referens alios Gab. commun. opin. lib. 6. conclusione 3. a num. 14. Menoch. recuperan. remed. 15. a num. 456.

- 8 Contrarium tamen respondi quod scilicet beneficiarius in hac specie tenetur ad restitutionem fructuum beneficii reservati iuxta
9 supradicta. Neque obstabunt fundamen-

ta alterius opinionis. Respondemus enim ad primum bonam fidem in hac specie non proficere cum beneficiarius non habeat possessionem, vt in hoc casu, nam per reservationem possessio annullatur, vt infra dicemus, & ita possumus dicere (vt in alia specie dixit. Iureconsultus, vbi lex inhibet vsucapionem bona fides non sufficit, leg. vbi lex ff. de vsucapion.) vbi lex inhibet possessionem bona fides non sufficit: requiritur enim, vt quilibet faciat fructus suos, vt. & possessor sit, & bonā fidem habeat, vnde si non est possessor quia vel summ. Pont. vel lex possessionē annullauit, iuxta c. dilecto de præb. adiuncta, l. nō dubiū, C. de l. minime faciet fructus suos.

10. Ad secundum argumentum respondemus ipsam etiam regulam tertiā Cancellariæ statim exprimere beneficium reservatum cense-
ri, licet familiaritas esse desierit per mortem Cardinalis, vt ibi notat Gomez, & Mandos. licet enim reservatio euanesceret, quod non concedimus in hac specie, tamen beneficia illa tamquam iam affecta non poterant conferri per alios, quàm per Romanum Pontificem extrauag. ad regimen de præben. præsertim, quod in hac specie magis proprie dicuntur beneficia ipsa reservata, quàm affecta cū nominatim dicta regula tertiā Cancellariæ reservauerit beneficia familiarium etiā post mortem ipsius Cardinalis, vt Gomez, & Mandos.

dosius, vbi proxime, intendunt.

- 11 Ad tertium argumentum, Respondemus verio- rem esse sententiam doctorum existi- mantium quamcumque reservationem, siue generalem, siue specialem inficere titulum, & possessionem, cum habeant decretum irri- tans, quod omnia annullat argumento, leg. non dubium, Cod. de legibus, & ita sensere domini de Rota teste Cassador. de præben. decisione prima intendit Mandos. de reser- uation. reg. 1. quæst. 3. num. 15. dum distin- guit an dicta reservatio generalis fuerit pro- bata necne, & ita practicatur de stylo, Rota in nouis de restitutione spoliatorum, decis. 3. alias 16. num. 4. & in antiquis eod. tit. deci- sione 11. alias 27. & clarius ipse qui deci- siones Rotæ compilauit in dicta decisione 3. dum ait in specialibus reservationibus sem- per vidisse exceptionem reservationis impe- dire restitutionem, raro in generalibus, er- go clare sentit reservationem generalem infi- cere possessionem, alias si non inficeret, nun- quam impediret restitutionem. Quod ex eo maxime comprobatur, cum enim in benefi- cialibus possessio non detur absque titulo, & a titulo nimis dependeat possessio in illis cap. vnic. de eo, qui mittitur in possessionem cau- sa rei seruandæ, lib. 6. leg. 2. §. quædam, ff. de interdictis, si reservatio generalis inficit ti- tulum, debet aliqua ex parte inficere etiam pos-
posse-

possessionem. Nec obstat, quòd magna est altercatio inter doctores nostros, an exceptio reservationis impediatur restitutionem, vt per Mandosium, & Menoch. supra, qui varijs distinctionibus vtuntur, vt hanc quæstionem definiant, sed parum feliciter, vt reor.

- 13 Vera resolutio est, quòd reservatio etiam generalis inficit possessionem, ita vt beneficij reservati nulla detur possessio, tum quia reservationes habent decretum irritans, quod cum sit malignantis naturæ, omnia destruit, tum etiam, quia cum sine dubio inficiat titulum, debet etiam inficere possessionem iuxta supradicta. Sed aduertendum est exceptionem reservationis generalis aliquando non impedire restitutionem, non ex eo, quia reservatio generalis non inficit possessionem, sed ex eo quia regulariter probatio reservationis generalis non fit in continente cum multa requirantur, vt in beneficio incerto reservatio generalis probetur, & requirat altiorē indaginem, ideoque vt plurimum exceptio illius reservationis in spolio non admittitur, nam si admitteretur elideretur omnino priuilegium spoliatori concessum, dum propter exceptionem concernentem possessionis defectum, quæ tam longam discussionem requirit spoliatus non restitueretur argum. cap. litteras de restitutione spoliator. Rot. vbi supra.

- 14 Vnde si demus reservationem generalem, quæ

quæ breui tempore probari posset admitte-
tur sine dubio exceptio reservationis si autē
demus reservationem specialem quæ de faci-
li probari non potest, & requirit altiore
indaginem, reijciatur iuxta, dict. cap. litteras
Rota vbi sup. & ea quæ hucusque resoluimus.

15 Secundo respondemus sententiam illorum
doctorum, qui asserunt reservationem gene-
ralem non inficere possessionem, & annulla-
re, intelligendam esse de reservatione gene-
rali minus nota, si enim nota esset inficeret
possessionem Gab. & Menoch. vbi supra.

16 Plane reservatio, de qua agimus, notissima
est per quam reservantur beneficia familia-
rium Cardinalium vt patet in reg. 3. Cancel-
lariæ, immo, & in corpore iuris ea reservatio
reperitur extrauag. ad regimen de præb. in-
ter communes. Sic secundum prædictos do-
ctores licet reservatio de qua in cap. 2. de præ-
ben. in 6. sit generalis, & super incerto be-
neficio, tamen ligat ignorantes, & inficit pos-
sessionem. Vnde similiter idem faterentur in
hac, cum & in extrauagantibus notissimis, &
in corpore iuris sit clausa, iuxta supra dicta.

17 Tertio respondemus reservationem be-
neficiorum familiarium Cardinalium non
esse generalem, nec factam esse super incerto
beneficio, sed censi specialem. Rot. in nouis
de præb. decis. 10. aliàs 183. cuius rei ratio est,
licet enim reseruentur generaliter beneficia
fa-

familiarium Cardinalium, aut Collectorum, vel officialium Papæ nec tunc reservatio certum beneficium afficiat, tamen cum in ea reservatione specialiter nominentur beneficia familiarum Cardinalium, aut officialium Papæ, iam aliquo modo ad speciẽ reservatio descendit, & sic reservatio nõ generalis, sed specialis censetur, & sic practicatur Rot.vbi sup.

SVMMARIVM EX CAP. SEQ.

- 1 *Proponuntur duo casus circa immunitatem Ecclesie declarandi.*
- 2 *Si Ecclesia omnino destruitur, ita vt forma deperdatur, non gaudet immunitate, alias secus.*
- 3 *Privilegia concessa ob aliquam qualitatem, si illa deficiat, cessat privilegium.*
- 4 *Ecclesia gaudet immunitate, licet in ea sacra nõ fiant, si modo constet tecto solo, & parietibus.*
- 5 *Accidens non mutat naturam rei.*

CAPVT NONVM.



CONTINGIT aliquando delinquentes ad Ecclesiam dirutam confugisse, alias ad Ecclesiam quandam in qua olim, & altaria erant, & sacra ritè fiebant, nũc vero in ea ægroti curabantur. Consultus fui, an illi delinquẽtes gauderẽt immunitate.

Quan-

2 ¹⁰ Quantum ad primum Iudices decreuere delinquētes gaudere immunitate ex eo quia probatum fuit Ecclesiam dirutam fuisse casu, & spem fuisse refectionis, quo casu Ecclesia diruta habet immunitatem. Remigius de immunit. Eccles. verbo Ecclesia destructa ad fin. Mihi non displicuit sententia iudicum, quippe qui ex auctoritate grauissimi doctoris iudicarunt: tamen principijs iuris inspectis dicerem quod si Ecclesia non est omnino diruta, immo remansit forma Ecclesiæ idest partes integrantes Ecclesiam, tunc delinquentes confugientes ad illam Ecclesiam dirutam gaudere immunitate, cum adhuc sit Ecclesia arg. l. sed si ex meis, vers. Proculus, ibi in quibus propria qualitas rei spectaretur ff. de acquir. rerum domin. Si vero adeo funditus Ecclesia destructa est, vt forma Ecclesiæ deperderetur, tunc cum iam non sit Ecclesia, nullam habere immunitatem, quantumcunque casu ceciderit, & detur spes celeris refectionis. Neque obstat si replices quod monasterium destructum aliquo casu sine auctoritate superioris retinet omnia priuilegia. gl. communiter recepta in reg. priuilegium de reg. iuris. in 6. Panor. in ca. 2. nu. 5. de noui oper. enunciat. Meres de Maioribus 3. p. q. 5. num. 3.

3 Respondemus enim id procedere in priuilegijs concessis alicui absque respectu qualitatis

tatis alicuius, si enim eam præcise requirunt
 tunc ablata qualitate priuilegium euanesceat.
 Cum igitur iura canonica tribuant priuilegium
 immunitatis Ecclesijs, si Ecclesiæ esse
 desinunt, iam priuilegium non habebunt.
 Colliguntur hæc ex cap. cum capella de pri-
 uilegijs, l. semper §. licet in corpore ibi, nauem
 tamen vel naues non habeat, nec omnia ei
 congruant, quæ principalibus constitutioni-
 bus cauta sunt, non poterit uti priuilegio na-
 uicularijs indulto, ff. de iure immunitatis.
 notant doctores per text. ibi in l. Titia Seio §.
 1. ff. de leg. 2.

4. Quantum verò ad secundum dubium atti-
 net dixi eam Ecclesiam, in qua nunc ægroti
 curabantur, gaudere immunitate. licet enim
 Altaria non haberet, nec in ea sacra fierent,
 tamen cum forma Ecclesiæ non sit mutata,
 Ecclesiam remanere, & ita immunitate gau-
 dere. Neque obstat quòd in ea sacra non fie-
 rent, id enim est per accidens, & ita non mu-
 tat naturam Ecclesiæ, arg. Clem. 1. de religio-
 domib. l. fin. ff. de fundo instructo, instrumen-
 toque leg. consecratio enim vel benedictio
 adhuc manet, quæ in solo, parietibus, & te-
 cto residet cap. quod in dubijs, cap. ligneis, de
 consecratione Ecclesiæ, vel Altaris.

SVMMARIVM EX CAP. SEQ.

- 1 Proponuntur verba Iurisconsulti in l. Titia Seio ff. de leg. 2.
- 2 Proponitur difficultas contra l. Titia Seio ff. de leg. 2.
- 3 Traditur intellectus Accurtij.
- 4 Reprobatur intellectus Accurtij.
- 5 Declaratur quid significet verbum Tessera, & sensus Iureconsulti hic, dum ait tesseram frumentariam.
- 6 Tessera frumentaria non est mensura, vel quantitas, sed signum quo exhibito dabatur mensura, vel quantitas frumenti.
- 7 Declarantur verba Iureconsulti nec possit id quod habet petere.
- 8 Si inopia tritici erat, non dabatur tessera frumentaria unicuique nisi semel, ideoque qui semel habebat tesseram frumentariam, non poterat illam iterum habere.
- 9 Legatum tesserae frumentariae non referebatur ad signum quo exhibito dabatur, sed ad quantitatem, vel mensuram.



CAPVT DECIMVM.

1 **T**ITIA Seio tesseram frumentariam comparari voluit post diem tricesimum à morte ipsius. Quæro cum Seius viua testatrice tesseram frumentariam ex causa lucratiua habere cœperit, nec possit id quod habet petere, an ei actio competat. Paulus respondi ei de quo quæritur pretium tesserae præstandum, quoniam tale fideicommissum magis in quantitate quam in corpore consistit.

- 2 Haftenus Iureconsultus Paulus in l. Titia Seio ff. de leg. 2. cui nimium obstat, quòd hoc legatum tesserae consistit etiam in corpore, ibi quam in corpore ergo si legatarius illud legatum consequutus fuit ex lucratiua causa, non poterat idem legatum petere iuxta regulam, l. Mœnius 68. §. duobus ff. de leg. 2. Quapropter Accurt. in hac lege nimis torquetur.
- 3 Vnde in effectu asserit tesseram frumentariam esse mensuram quandam, ideoque non obstare, d. l. Mœnius, §. duobus; quæ procedit in alijs rebus non in quantitatibus, vel mensuris vt ex Bart. in d. §. duobus, & in hac l. Titia
- 4 Seio, colligitur. Sed profecto tessera frumentaria non significat mensuram aliquam, nec quantitatem, vt notauit Budeus in l. sed & si susce-

fulceperit, ff. de iudic. quem refert, & sequitur Couar. lib. 4. resolut. cap. 1. n. 9. tetigit Alciat. lib. 1. prætermittor. vers. militia. Et conuincitur manifeste noster Acurt. Bart. & si qui sunt alij existimantes tesseram frumentariam esse quantitatem, aut mensuram aliquam. Primo, quia si mensura fuisset legata in d. l. Titia Seio, non bene diceret Iureconsultus Paulus, Seium viua testatrice ex causa lucratia habuisse tesseram frumentariam, nam quando legatur mensura frumenti nunquam legatur vna, & eadem mensura in specie, sed in genere, ergo impossibile est Seium viua testatrice habuisse ex causa lucratia tesseram frumentariam idest eandem mensuram frumenti, quæ legata est à testatrice.

Secundo conuincitur Accurt. & reliqui doctores ex illis verbis text. nec possit id quod habet petere, atqui si tessera frumentaria esset mensura, poterat Seius petere, quia licet haberet vnam, tamen posset aliam habere.

Tertio, & vltimo facit quia mensura, & quantitas non est corpus, vt patet, atqui Iureconsultus Paulus sentit tesseram frumentariam esse etiam corpus, ergo clare colligitur tesseram frumentariam non esse mensuram frumenti, aut quantitatem. Quapropter ad intelligentiam d. l. Titia Seio, præmittendum est tesseram plura significare, inter ea præci-

pue significat singum, quod dabatur ducibus ad incundam pugnam Virgil. 7. Aeneid.

It Bello tessera signum.

Siluius Italicus 7. de bello punico.

Et captis ire ministrum.

Haud segnem hortatur discurret tessera castris.

Claudian. panegyric. 1. in laudes Stilicon.

Neglectum stilicon in tot per secula morem

Retulit, vt ducibus mandarent praelia patres

Decretoque toga felix legionibus iret,

Tessera.

Plutarchus in vitā Bruti. Interea cum a Bruto tessera prodiret, ex qua praelij signum ducibus dabatur. Hinc dicta est tessera nummaria, & frumentaria, & tesserula signum scilicet, quo exhibito summa nummorum praescripta dari solebat. Sueton. in Augustum, tesserarumque nummarias duplicauit, sic & tessera frumentaria est signū quo exhibito vnusquisque frumentum pro portione sua capiebat a praefecto annonae, aut a principe aliquando gratis, aliquando pretio aliquo. Sueton. in Augustum Romanus Pōpulus causam viatim egit, ac ne plebs frumentationum causa frequentius a negocijs auocaretur, ter in annum quaternorum mensium tesserarum dare destinavit. Vnde Iuuenalis ait Satyr. 7.

Ad pugnam, qui Rethorica descendit ab vmbra

Sumula ne pereat, qua vi lis tessera venit,

Frumenti.

His ita præmissis patet intellectus, dict. l. Titia Seio, nam testatrix Seio iussit comparrare tesseram frumentariam, idest signum quoddam quo exhibito dabatur certa mensura frumenti, vel tesseram alicuius priuati. Vnde si Seius ex causa lucratiua illud signum obtinuit, dubium erat an posset consequi æstimationem, cum illud signum corpus esset, & non mensura, nec posset petere aliud. Cum enim propter penuriam frumenti tessera dabatur, vnicuique semel tantum tessera elargiebatur, vel etiam si plures tesserae dari possent, habebant enim, id quod testator illi legauerat, ideo Paulus Iureconsultus, inquit, nec possit, id quod habet, petere. Sentiens tamen Iureconsultus legatum tesserae non referri ad signum illud, sed magis ad mensuram, quæ propter illud elargiebatur, respondit æstimationem esse dandam ex eo, quia legatum tesserae in effectu non est corporis, sed quantitatis in qua illa regula, l. Mauius, §. duobus, non procedit, ideoque Paulus reddit rationem, quia scilicet fideicommissum illud magis in quantitate, quam in corpore consistit. idem Paul. in l. mortuo boue, §. i. ff. leg. 2. ibi, nam cui tessera, vel militia legatur, æstimatio videtur legata, quasi dicat non id quod signi loco est, censetur legatum, vel militia per frumentum, aut pecunia, quæ propter signum datur, vel propter militiam, tex.

qui secundum hæc intelligendus est in leg. 3.
 §. si quid ibi putatus militiæ, ff. de minor.

S V M M A R I V M E X C A P I T E S E Q.

- 1 Proponuntur verba Iurisconsulti in l. si id quod
 aurum, ff. de verborum obligation.
- 2 Proponitur difficultas contra d. leg. si id quod
 aurum.
- 3 Taxatur Antonius Augustinus in emenda-
 tione litteræ textus in l. si sterilis, §. quamvis
 ff. de act. empt.
- 4 Traditur intellectus; gloss. & aliorum ad leg.
 si id quod aurum, ff. de verbor. obligat.
- 5 Reprobatur intellectus ad dict. leg. si id quod
 aurum.
- 6 Traditur intellectus; Bartol. Paul. & Alex.
- 7 Reprobatur intellectus Bartoli, & aliorum.
- 8 Doctores nouiores varios intellectus assigna-
 runt dictæ legi, si id quod aurum, & Alciat.
 magis scopum veritatis attigit.
- 9 Refellitur intellectus Alciati.
- 10 Consensus in contractibus, vel interuenit per
 modum materiæ, vel per modum formæ, per
 modum materiæ interuenit in omnibus fere,
 exceptis illis, qui producunt obligationes, quæ
 ex consensu contrahuntur, & in matrimonio.
- 11 Contractus regulariter accipiunt nomen a for-
 mis specificis.

12 In matrimonio interuenit consensus pro forma.

13 Forma rei debet utiliter interuenire ad eius exist-
stentiam.

14 Traditur verus intellectus, leg. si id quod au-
rum, ff. de verb.

15 Contrahens cum Maria existimans contrahere
cum Ioanna matrimonium non efficit vali-
dum.

16 Reprobatur ratio predicta conclusionis, & tra-
ditur vera.

C A P V T V I

1 **S**id id quod aurum putabam, cum
as esset, stipulatus a te fuero:
teneberis mihi huius asis no-
mine, quoniam in corpore co-
sensimus, sed ex doli mali
clausula tecum agam, si sciens me, fefelleris.
Haftenus Iureconsultus Paulus in l. si id quod
aurum, ff. de verborum obligation. idem
probat. leg. 1. §. fin. ff. de pignor. act. vbi Vl-
pianus Iureconsultus idem affirmat in pi-
gnoribus, nam si quis as pignori daret, affir-
mans illud aurum esse, erit as pignori, quia
in corpore consensum est.

2 Sed nimium obstat, quod in venditione
contrariū sit, quia si quis vendiderit mēsam
argenteam (affirmans esse auream, non est
venditio, licet tā venditor, quā emptor con-
sen-

senferint in corpore mensæ, l. si sterilis 21. §. quamuis, ff. de action. empt. l. in venditionibus 9. leg. qui tamen 14. ff. de contrah. empt.

- Nec temereat humanissime lector, quod
- 3 Antonius Augustinus, lib. 4. emendationum, cap. 7. voluerit ex libris Florentinis auferendam esse negationem in dict. leg. si sterilis, §. quāuis quasi littera sit restituēda in hunc modū quamuis supra diximus, cū in corpore consentiamus, de qualitate autem dissentiamus emptionem esse, tamen venditor teneri debet quanti interest emptoris deceptum non esse, etiam si venditor quoque nesciat. Veluti si mensas quasi citreas emat quæ non sunt, id enim falsum est, nam sine dubio legere oportet cum negatione, emptionem non esse. Vnde existimo non esse adhibendam tantam fidē facile libris Florentinis, quippe qui clarissime videam in dict. leg. si sterilis, §. quamuis, illorum errorem: si enim legamus sine negatione obstabit, dict. leg. quid tamen dict. leg. in venditionibus, & erit manifesta antinomia; insuper ex ipsis verbis, dict. §. quamuis colligitur negationem non esse auferendam, si enim venditio valeret, non erat mirum venditorem teneri, vnde non dixisset Iureconsultus, quamuis supra diximus, &c. Ideo autem eo modo loquitur, quia quando emptio nulla est, dubium erat an actio emptori competere, vnde quadrant verba Iureconsulti, &
- belle

belle consonant dum ait: Quãuis supra diximus, cum in corpore consentiamus, de qualitate autem dissentiamus, emptionem non esse: tamen venditor teneri debet quanti interest emptoris deceptum non esse, etiamsi venditor quoque nesciat. Veluti si mēsas quoque Citreas emat, quæ non sunt. Sunt igitur hæc responsa Iure consultorum aduersa dum dict. leg. si id, quod aurum, ff. de verb. obligat. & dict. leg. 1. ff. de pignor. action. probant valere contractum si in corpore contrahentes consentiant, licet in materia errent. At vero dict. leg. si sterilis, §. quamuis, ff. de action. empt. dict. leg. in venditionibus, dict. leg. quid tamen, ff. de contrahen. empt. probant venditionem minime valere.

- 4 Quapropter doctores nostri varios intellectus prædictis iuribus assignant, & in primis, gloss. in dict. leg. si id quod aurum verb. clausula (quam sequuntur Aretin. Ias. & Cumanus ibidem) existimat in contractibus stricti iuris sufficere consensum in corpus, licet erreretur in materia, secus in contractibus bonæ fidei. Vnde dict. leg. si id quod aurum, recte procedit, cum loquatur in stipulatione, quæ stricti iuris est, item, & dict. leg. si sterilis, §. quamuis, ff. de act. empt. dict. leg. quid tamen dict. leg. in venditionibus, ff. de contrahen. emptio. cum loquatur in emptione, & venditione, quæ bonæ fidei est, §. bonæ fidei est

est, §. bonæ fidei Instit. de action. & ita hanc distinctionem tamquam indubitatam pro regula tradit Bernard. Diaz regula 247. Falcon. regula 100.

- 5 Sed hæc distinctio communis confunditur ex dict. leg. 1. §. ult. ff. de pignor. act. vbi in contractu pignoris, qui est bonæ fidei, §. bonæ fidei Instit. de action. sufficit consensus in corpus, insuper quia nulla traditur ratio tantæ specialitatis.
- 6 Tertio facit, quod contrarium probat, l. in omnibus negotijs, §. 6. ff. de action. & obligat. Vnde Bart. Paul. & Alex. in dict. leg. si id quod aurum, distinguunt inter causam lucrativam, & causam onerosam, vt in illa sufficiat consensus in corpore, licet erretur in materia, secus in hac. Vnde asserunt recte procedere, dict. leg. si id quod aurum, cum loquatur in stipulatione, quam illi præfagiunt fuisse lucrativam, non onerosam, & dict. leg. si sterilis, §. quamvis, dict. leg. in venditionibus, dict. leg. quid tamen, ff. de contrahen. empt. cum loquantur de contractibus onerosis.
- 7 Sed profecto hæc distinctio non est vera. Primo, quia illa stipulatio, de qua in dict. leg. si id quod aurum, magis est, vt fuisset onerosa, quam lucrativa, vt ibi pungit Alciat. quod comprobo non inarguta ratione, nam text. inquit posse stipulantem agere contra promissorem

forem ex doli mali clausula, si eum fefellit: plane in causis lucratiuis non posset stipulator agere contra promissorem, si recepisset æs, cū nullum damnum pateretur, immo lucrum, quod illi obueniebat ex æris acquisitione, vt enim quis agat de dolo oportet, vt fraude aduersarij, aut damnum accipiat, aut lucrum amittat, leg. 1. in principio, ff. de dolo, ibi hoc edicto, præter, aduersus varios, & dolosos qui alijs obfuerūt calliditate quadam, subuenit ne vel illis malitia sua sit lucrosa, vel istis simplicitas damnosa.

Nec obstat, leg. Aristo, §. fin. ff. donation. vbi in donatione si fraud interuenit, datur actio doli, quia ibi donatarius damnum sensit, dum in re donata impensas faceret, quod in dict. leg. si id quod aurum non datur, cum in ea donatarius commodum acquisierit ex æris emolumento.

Secundo, quia contractus pignoris est contractus onerosus, vt colligitur ex l. 1. vers. lucratinas, Cod. de imponenda lucratiua descriptione, lib. 10. & tamen in contractu pignoris sufficit consensus in corpus, licet erretur in materia, dict. leg. 1. §. vlt. ff. de pignorat. actione.

Tertio facit, quod semper præsumere debemus Iurisconsultos reddere rationes totales, & concludentes veram resolutionis causam. Vnde in hoc text. dict. leg. si id quod aurum

rum, par est credere veram rationem illius dubij esse illam, quam Iureconsultus expressit ibi, quoniam in corpore consenserimus, non illam, quia stipulatio hæc lucrativa sit.

3 Ideo nouiores hæc omnia reiicientes pro viribus conati sunt veram intelligentiam tradere, sed alij alijs non placent. Tandem Andreas Alciat. (qui in hac re magis veritatis scopum attingit) in d. leg. si id quod aurum, asserit consensum in corpore sufficere ad validitatem contractus, etiam si erratur in materia iuxta dict. leg. si id quod aurum id tamen limitari in contractibus, qui obligationes producant, quæ ex consensu contrahuntur iuxta dict. leg. si sterilis, §. quamvis, ff. de action. empt. l. quid tamen, l. in venditionibus, ff. de contrahen. emptio. adiuncto tit. Inst. de oblig. quæ ex consensu contrahuntur.

9 Sed hæc resolutio magis euitat difficultatem, quam veritatem demonstrat, non enim vir doctissimus reddit rationem quare cum consensus in omnibus contractibus exigatur, in istis qui producant obligationes, quæ ex consensu contrahuntur, non sufficiet consensus in corpore, si erratur in materia, in alijs vero omnibus sufficiat.

Secundo facit contra resolutionem, Alciat. quod in matrimonio non sufficit consensus in corpore si erratur in materia, cap. 1. 29. quæst. 1. S. Thom. communiter receptus in

4. distinctione 30. quæst. 1. art. 1. vltra alios. Martin. Ledesni. olim in Academia Conimbricensi Cathedræ primariæ Theologiæ insignis professor in 2. 4. quæst. 53. art. 1. plane consensus, qui versatur in contractu pignoris æquiparatur consensui matrimoniali, leg. contrahitur, ff. de pignor. & tamen videmus quòd in contractu pignoris sufficit consensus in corpore, ergo in specie de qua loquimur esse contractum validum, vel non, minime dependet ex solo consensu, quod And. Alciat. sentire videbatur.

- 10 Quapropter vt intelligentia dict. leg. si id quod aurum ostendatur. Primo præmittendum est cōsensum dupliciter in contractibus interuenire, vel per modum formæ, vel per modum materiæ, per modum materiæ interuenit consensus in omnibus contractibus regulariter, quia cum omnes contractus sint pacta, pactum autem sit consensus duorum, & cetera, leg. 1. ff. de pact. merito consensus interuenit in omnibus contractibus per modum materiæ, omitto consensum etiam diuersis respectibus interuenire etiam per modum causæ efficientis, nec id mirum esse si consideres intellectum esse causam efficientem conceptionis quam producit, & eiusdem esse causam materialem, quia ipsa conceptio maneat in intellectu, sic consensus regulariter est causa efficiens contractuum, & est materia-

terialis in quantū contractus continent in se pactum quod nihil aliud est, quā consensus duorum, plurium ve in idem d. l. 1. ff. de pact. per modum autem formæ interuenit in omnibus contractibus, qui producunt obligationes, quæ ex consensu contrahuntur, leges enim illis contractibus eam formam indiderunt, quemadmodum enim stipulationibus indiderunt formam quæ in verbis consistit: pignori, quæ in rei interuentione consistit: obligationibus litterarum, quæ in litteris cernitur: sic etiam venditioni, locationi, & alijs indiderunt formam, quæ in consensu consisteret; & ab illis formis contractibus nomina imposuerunt, leg. iurisgentium in principio, ff. de pact. And. Tiraquel. de iure mariti, glo. 4. num. 3. idem in leg. si vñquam verb. facultates, nu. 3. Cod. de reuocan. donat. Vnde licet in omnibus contractibus consensus interueniat iuxt. leg. 1. ff. de pact. l. an inutilis in princip. ff. de accepti. lat. leg. inter stipulantes, §. si Stichum, ff. de verborum. Tamen specialiter per modum formæ interuenit in contractibus, de quibus in titulo Inst. de obligat. quæ ex consensu contrahuntur, per quem consensum tamquam per suam formam specificam ab alijs contractibus differunt Alciat. in l. imperium, num. 2. ff. de iurisdictione omn. iudic.

Item, & in matrimonio consensus interuenit

nit pro forma, S. Thom. communiter receptus in 4. distinctione 26. quæstione 2. Couarruias, de sponsalibus, 2. parte, cap. 1. numero 8.

- 13 Secundo, præmittendum est formã vniuscuiusque rei ad ipsius existentiam totaliter debere interuenire, ita vt nec in minimo ea deficiat; alias res non subsistet: vnde si actus habet consensum pro forma, debet consensus interuenire omnimodo, nec debet in aliqua re notabili deficere, alias deficiet etiam actus; quod apud philosophos manifestum est, apud nos est text. in leg. 1. & ibi Bald. ff. de liber. & posthum. idem Bald. in l. vlt. Cod. de suis, & legit. heredibus, vers. ex hoc elicitur, num. 5. Communis ex Couarr. lib. 1. var. resolut. cap. 20. num. 5. ad fin. Falcon. reg. 212. a num. 6. Meres de Maioratibus Hispaniæ 4. parte, quæst. 3. limitat. 1. nu. 19. faciunt notata per Aluarum Valasc. lib. 1. consultat. 5. 2. num. 27.

- 14 Ex quibus infertur intellectus ad dict. leg. si id quod aurum, & iura contraria, nam d. lex. si id quod aurum, dict. lex. 1. §. vlt. ff. de pignorat. actione procedunt in contractibus, in quibus consensus interuenit per modum materiæ; forma enim in stipulationibus sunt verba in contractu, pignor. rei interuentio. vnde in illis non requiritur consensus tam completus, nec tam exuberans quemadmo-

dum requiritur in venditione, & locatione, vbi consensus interuenit per modum formæ iuxta proxime dicta, cum enim vt diximus ad rei existentiam debeat omnimodo forma interuenire, sequitur, quòd in contractibus habentibus consensum pro forma debeat ipse consensus vberius interuenire, & ita non solum in corpore rei venditæ, aut locatæ, sed in omnibus qualitatibus essentialibus, alias in aliquo consensus deficeret, & ita forma, quod nemo admittit, leg. 1. & ibi doctores, ff. de liber. & posthum. cum alijs supra citatis. Idque videtur probare, leg. in omnibus negocijs ad fin. ibi, quæ in consensu consistit, ff. de action. & obligation.

- 15 Secundo infertur veram esse doctorum resolutionem, quod scilicet si Petrus habeat in conspectu Mariam putans esse Ioannam, & hoc errore ductus contrahat matrimonium cum Maria, qui tamen non nisi cum Ioanna intendebat contrahere, matrimonium non esse. cap. 1. 29. quæst. 1. S. Thom. in 4. distinctione 30. quæstione 1. articulo 1. vbi Magister sententiarum, & omnes Theologi, Ledesm. in secundam quartam quæst. 53. art. 1. Nauar. in Man. cap. 22. nu. 32. Sot. in 4. distinctione 30. quæst. 1. quæ sententia in scholis, & Curijs passim recipitur.

- 16 Veruntamen rationem non satis probo, quòd scilicet id procedat: quia consensus defuit

fuit, nam aduerto consensum quidem affuisse in Mariam scilicet, quæ erat in conspectu viri contrahentis matrimonium, vt alias aduertit Iureconsultus in dict. l. si id quod aurum, & in dict. leg. 1. §. vltimo, ff. de pignorat. actione. Ratio igitur germanior, & omnino concludens est, quia defuit consensus circa omnes qualitates essentielles, quod necessarium est in matrimonio, cum in eo consensus interueniat per modum forme, iuxta supra dicta. Licet enim cōsensus affuisset in corpore Mariæ, tamen non affuit in differentia individuali Mariæ cum putasset esse Ioannam, nō enim insiciandum est Petrum contrahentem cum Maria, putantē esse Ioannam, in Mariam corpore tenus consensisse, vt alias Iurecōsultus dixit, in d. l. si id quod aurum; stipulantem consensisse in æs, putantem esse aurum.

LIBER SECVNDVS. 323

SVMMARIVM EX CAP. SEQ.

1. Referuntur verba legis iubemus, Cod. de sacros. Ecclesiis.
2. Refertur opinio Accurtij declarantis quid significet verbum, embola.
3. Refertur opinio And. Alciati. declarantis quid significet verbum embola.
4. Reijcitur declaratio Andrea Alciati.
5. Embola significat duo, nempe quemlibet itin-

*ris ingressum, item, & ingressum hostilem,
& accessum.*

6 *Dispositio odiosa est interpretanda, vt minus
nocua sit.*

7 *In l. iubemus; Cod. de sacros. Ecclesijs, verbum
embola accipitur pro hostili accessu, vel in-
gressu.*

8 *Declaratur quid velit Imperator, dum inquit
felicissimam embolam, reiecta consideratione
Alciati.*

9 *Approbatur opinio Alciati dum existimat in
dict. leg. iubemus, non comprehendi naues
minores.*

10 *Refertur opinio Accurtij declarantis verbum
specierum positum in dicta lege iubemus.*

11 *Reijcitur declaratio Accurtij verbi specierum,
& vera traditur.*

C A P I T V L V M X I I.

I



STAT *Cæsarum Constitutio
in leg. Iubemus, Cod. de sa-
cros. Ecclesijs incipit, Iubemus
i. in ordine quæ sic habet: Iu-
bemus nullam nauem ultra
duorum millium modiorum capacem ante
felicem ambolam, vel publicarum specierum
trāsuectionem, aut priuilegio dignitatis, aut
religionis intuitu, aut prærogatiua personæ,
publicis vtilitatibus excusari posse subtra-
ctam,*

etiam, nec si cæleste contra proferatur oraculum, siue annotatio sit, siue diuina pragmatica, sanctio prouidentissimę legis regulas excusare debebit, quod etiam in omnibus causis cupimus obseruari, vt generaliter si quid huiusmodi contra ius, vel vtilitatem publicam in quolibet negotio proferatur, non valeat, quidquid enim in fraudem istius legis quolibet modo fuerit attentatum, id nauigij, quod excusatur, publicatione corrigimus.

2. Hactenus Cæsares Theod. & Valen. Dubitat Accurt. in verb. embolam, quid illud verbum significat; immo & non dubitat, sed secure statuit embolam significare militum superabundantiam, sed parum apte. Andreas Alciat. in dict. leg. iubemus, existimat significare ingressum itineris.

4. Sed nec hic pro itineris ingressu accipiendum esse verbum, embolam, existimo. Probabilius est in dict. leg. iubemus embolam, significare ingressum hostilem, nempe accessum exercitus, quando scilicet exercitus iter facit, non vero quando princeps solum iter facit. Nam hoc verbum embola, significat quemlibet accessum, & iter; significat etiam accessum exercitus, & hostilem accessum. Budæus in commentarijs linguę gręcæ mihi fol. 233.

6. Plane hæc dispositio est odiosa, & ita restringenda, regula odia de reg. iuris in 6. er-

- go debet intelligi in significatione magis propria, & quæ minus noceat. at illa est, si in hac lege accipiamus pro hostili accessu, cū a
- 7 cōmuniter accidentibus, &c. & id magis raro cōtingat, quàm iter principis. ergo cum illud verbum, embola, significet illa duo, magis est vt. in hac secunda significatione id accipiamus iuxta dict. regulam odia.
- 8 Et quamuis Alciat. in dict. leg. existimet embolam felicissimam dici propter Imperatoriam Maiestatem, ego in id procliuior sum, vt existimem dici bene ominandi gratia, vt dicere solemus felicissimum Regis exercitum.
- 9 Puto autem cum Alciat. in hac lege hanc Imperatorum constitutionem non esse extēdendam ad naues minores: tum quia maiores solum in lege verbis, & mente legislatoris comprehensæ sunt, tum etiam, quia cum sit dispositio odiosa, non debet extendi, sed restringi regula, odia, de reg. iuris in 6.
- 10 Dubitare potest aliquis quid in hac lege significant illa verba, vel publicarum specierum, & sane Accurt. existimat esse arma, vel annonam exercitus. Ego magis existimo esse species, quas in signum tributi, aut vectigalis populi pendebant, iuxta l. interdum, §. Diui quoque, ff. de publican. & Vectig. quam restituit, Alciat. lib. 1. prætermissorum verb. species. Vnde Imperatores in d. leg. Iubemus
statue-

statuerunt nullam nauem excusari ante illorum vectigalium transuentionem, id enim Principi maxime conuenit ad suos redditus conseruandos. Etenim verbum species, magis proprie ad illa vectigalia, quàm ad arma, & annonam exercitus referri potest.

SVMMARIVM EX CAP. SEQ.

- 1 *Fit mentio officij, quod est in Ecclesia Eborensi, & eius natura declaratur.*
- 2 *Officium illius qui vulgo dicitur Prioste habet salarium competens.*
- 3 *Approbato contractu locationis, & fideiussionis precise tenetur officialis qui dicitur Prioste.*
- 4 *Discutitur quaestio, an praedicto officiali demortuo heredes possint cogere Capitulum, ut illud officium habeant.*
- 5 *Heres succedit in omnibus obligationibus defuncti.*
- 6 *Officia non transeunt in heredes.*
- 7 *Declaratur lex heres, ff. de acquiren. heredit: & lex cum heredes facti sumus, ff. de acquirenda possessione.*
- 8 *Id attenditur, quod principaliter factum est.*



CAPVT XIII.

- 1 **E**ST in hac Ecclesia Eborensi officium quoddam quod vulgo dicitur, *Priostado*, & illud obtinens *Prioste*, is exigit pecuniam a publicanis, inquilinis, & alijs personis, quæ propter aliquam rationem Ecclesiæ aliquā pecuniam, aut similem rem debent, ab illo Canonici accipiunt pecunias, quas inter eos secundū modum præscriptum diligenter distribuit, redditque rationem recepti, & expensi post festum sancti Ioannis.
- 2 Habet hoc officium salarium nimis com-
- 3 petens pro labore, & periculo, quod suscipit, si enim contractum gestum cum publicanis approbat, licet ipsi publicani non soluant, vel fideiussio pereat, tenetur ipse pecuniam totam absque vlla diminutione representare.
- 4 Accidit aliquando obtinentem hoc officium e viuis decessisse, Capitulum volebat officium alij conferre, filij demortui officialis recusabant officium deponere, immo, vt olim a publicanis, inquilinis, & alijs personis pecunias exigebant, & tuentes suas partes asseriebant Capitulum esse obligatum seruare contractum, cum patre gestum, & ita cum
 ipsis

- 5 ipsi filijs, patris enim heredes extiterūt iuxta regulam, leg. heres 37. ff. de acquiren. heredit. leg. cum heredes facti sumus, ff. de acquiren. possessione. Egit Capitulum contra filios demortui officialis coram iudice sæculari, & tandem cum causa per appellationem
- 6 ad Senatum deuolueretur, Senatores Regij pro Capitulo sententiam dixerunt, & bene, officia enim in heredes non transeunt, l. tutela 16. ff. de tutelis, leg. 1. ff. de fideiussoribus, & nominatoribus, & heredibus tutor. leg. in compromissis, ff. de arbitris. Notat Bald. in l. 3, §. sed etsi quis, nu. 8. Cod. communia de leg.
- 7 Nec obstat regula, d. l. heres. & d. l. cum heredes, procedunt enim in obligationibus tantum a defuncto contractis, tunc enim actiones in heredes, & contra heredes transeunt iuxta illa iura, Non sic quando officium principaliter defuncto collatum fuit, quia tunc illud non transit in heredem iuxta supra dicta. in illis enim industria personæ requiritur iuxta leg. inter artifices, ff. de solutionibus.
- 8 Nec attenditur contractus, cum eo gestus, cum non sit principalis actus, sed in consequentiam, leg. 1. ff. de auctor. tutor. & accessorius ad officium. Vnde regulas officij sequi debet iuxta regulam, accessorium, de reg. iur. in 6.

SVMMARIVM EXCAP. SEQ.

- 1 Proponitur dubium, quod discutitur in hoc c.
& ea quæ tractanda sunt.
- 2 Omnis præstatio relicta in testamento, vel simili dispositione inducit hypothecam.
- 3 Aliquando in præstatione relicta in testamento duplex datur hypotheca.
- 4 Nulla præstatio relicta extra testamentum, vel similem dispositionem inducit hypothecam, nisi contrarium aliunde colligatur.
- 5 Expenditur sensus Iureconsulti in l. fin. §. Lucius, ff. de contrahen. emption.
- 6 Ex coniecturis in specie simili de qua in l. Lucius, §. fin. ff. de contrahen. emptione, potest induci hypotheca.
- 7 Emphyteusis non censetur hypothecata pro pensione.
- 8 Reprobatur opinio Bart. & sequacium existimantium pensione imposita super aliquo fundo ad alimenta, censeri fundum ipsum hypothecatum.
- 9 Reprobatur opinio existimantium etiam extra alimenta præstationem relictam, ex aliquo fundo inducere hypothecam.
- 10 Reprobatur opinio, Guid. Papæ asserentis actionem personale contra aliquem soluentem pensionem ex aliquo fundo competere aduersus tertium

tertium possessorem.

- 11 Recipitur opinio Romani, & aliorum asserentium beneficium, & illius fructus pendentes censi hypothecatos pro pensione.
- 12 In beneficio pensioni obnoxio ultra hypothecam datur ius reale pensionis diuersum ab hypotheca.
- 13 Traditur responsio ad argumentum propositum.
- 14 Reprobantur aliquorum dicta.
- 15 Constituit auctor in beneficio pensioni obnoxio dari ultra hypothecam ius reale pensionis.
- 16 In fundo emphyteutico datur ius reale pensionis diuersum ab hypotheca.
- 17 Traditur distinctio notabilis in materia census constituti.
- 18 Expenditur text. in l. Caius 12. ff. de annuis legatis.
- 19 In dubio semper minor obligatio praesumitur.
- 20 In censibus annuis Hispaniae impositis in fundo censetur actio in rem inducta, quae limitate in agro consistit.
- 21 Defenduntur Guid Papa, & Rip.
- 22 Fundus emphyteuticus non est hypothecatus pro pensione, sed in eo consistit ius reale pensionis fortius hypotheca.
- 23 In beneficio pensioni obnoxio datur actio personalis aduersus illum, contra quem litterae diriguntur, item ius reale cohaerens beneficio, itidem datur hypotheca in beneficio.

Non

332 DIVERSORVM IVRIS ARGVM.

- 34** Non potest possessor beneficij (contra quem litteræ pensionis non sunt emanatæ) excommunicari pro pensione, nisi aliud verba rescripti insinuent.
- 25** Quando in aliqua re datur hypotheca, debet fieri prius excussio in bonis debitoris, non sic quando datur ius in re limitate ad ipsam rem.
- 26** Beneficiarius, qui pensionem soluit habet recursum aduersus antecessorem, vel eius heredes, ut soluant pro tempore quo fructus antecessor percepit.
- 27** Constituta pensione super beneficio non censetur constituta pensio in fructibus, nisi sint pendentes.
- 28** Hypothecata re non censentur regulariter hypothecati fructus, idque in beneficio voluit dicere Paulus Castrensis. consil. 338.
- 29** Traditur responsio ad dictum Bart. in l. 1. §. cum prædium, ff. de pignoribus.
- 30** Hodie proculdubio, fructus beneficij pendentes, vel ad manus acceptantis pensionem deuenientes censentur hypothecati.
- 31** Constituta pensione super fructibus non censetur constituta pensio super distributionibus quotidianis, nisi aliud colligatur ex mente concedentis.
- 32** Constituta pensione super fructibus non manet ius reale in fructibus, secus si fuerit constituta super beneficio, & ibi assignatur ratio.

- 33 Constituta pensione super beneficio, & eius fructibus datur solum hypotheca in fructibus pendentibus, & in futuris si modo deueniant ad manus acceptantis pensionem.
- 34 Proponitur questio dubia, & principalis in hac materia, An Canonici teneantur soluere pensionem, si fructus Canonicatus obnoxij pensioni ad ipsos deueniunt.
- 35 Si pensio constituitur super beneficio tantum, absque dubio Canonici non tenentur.
- 36 Nouus beneficij successor tenetur ad pensionem soluendam sui praedecessoris, vel heredes ipsius praedecessoris.
- 37 Si vero pensio constituta est super beneficio, & eius fructibus, ac distributionibus, vt fit de stylo hodierno, tunc maximum est dubium, cuius pars affirmatiua quinque argumentis suadetur.
- 38 Contraria sententia approbatur.
- 39 Fundamentum precipuum illius opinionis, quod scilicet Canonici non teneantur soluere pensionem Canonicatus vacantis traditur.
- 40 Tres rationes reddit auctor in confirmationem ipsius opinionis.
- 41 In Ecclesiis Cathedralibus Regni Lusitanici non dantur fructus Canonicatus vacantis, nec datur portio certa applicata certis Canonicatibus, sed de omnibus redditibus communiter collectis datur cuilibet canonico sua pars pro diebus, in quibus Ecclesiae inseruiuit.

- 42 *In Ecclesia Cathedrali Eborensi fructus non interessentium veniunt ad canonicos per ius non decrescendi.*
- 43 *Statutum Ecclesiæ Eborensis disponens fructus non interessentium venire ad canonicos per ius decrescendi consonat iuri communi.*
- 44 *A cessante ratione Doctorum ostendit Auctor canonicos non debere soluere pensionem canonicatus vacantis.*
- 45 *Etsi fructus canonicatus fuerint hypothecati, prius faciēda erat excussio in bonis debitoris.*
- 46 *Traditur responsio ad argumenta contrariæ opinionis.*
- 47 *Taxatur Ioannes Gutierrez in responsione cuiusdam argumenti, & traditur vera ratio, quare onera dignitatum vacantium solvantur à Capitulo.*
- 48 *Quando Princeps præcipit aliquid, inaudita parte, non videtur ferre sententiam.*

CAPV.T. XIII.



UNTER ea dubia, quæ in Ecclesiis Cathedralibus passim ventilari solent, illud obtinet præcipuum locum, quando priuati controuertunt, an apposita pensione in canonicatu, si canonicus moriatur, vel non inferuiat Ecclesiæ & ob id fructus, & distributiones quotidianas amittat,

amittat, quas ceteri canonici lucrantur, an tunc ipsimet canonici debeant persolvere pensionem illius temporis, quo canonicus in beneficio ecclesiæ non inseruiuit, & ob id fructus ad canonicos peruenerunt. Antequam ad principalem huius quæstionis resolutionem deueniamus, ad illius exactam declarationem maxime conducere existimo discutere celebrem articulum, & difficilem, an scilicet constituta pensione super beneficio ipsum beneficium, an vero fructus beneficij hypothecati censeantur. Rursus an beneficium, & fructus simul hypothecati sint. qui articulus tam difficilis est, vt non solum Auctorum veterum ingenia torserit, sed & nouorum sæpe sæpius exagitet. Sane tam veteres, quam nouiores adeo in illo articulo diuersa docuerunt, & tam falsa alij aliis imponunt, vt existimauerim satius esse nec referre, nec refellere opiniones singulorum, sed quid ipse sentiam in medium proferre, id quidquid est subiiciens censuræ illius, qui melius senserit.

- 2 Sit prima conclusio. Omnis præstatio relicta in testamento, (omitto casus alios, in quibus ob alias rationes hypotheca expresse vel tacite contrahitur) vel in simili dispositione super aliquo fundo inducit hypothecam ipsius fundi. patet conclusio lege inducente hypothecam absque vlllo dubio contrahitur hypotheca, vt patet; sed in hac specie, proposita

fita lex inducit hypothecam. ergo, &c. confequentia recte infert. Maior patet. Minor probatur ex l. 1. C. communia, de legat. & de iure communi digefforum idipfum probat optimus textus in l. creditoribus. ibi: Legatarios autem in ea tantum parte, quæ de bonis feruari poterit haberi pignoris causam conuenit ff. de separationibus, vt cum iudicio aduertit Bart. in l. cum hi. §. si vni. ff. de tranfact. in qua re consentiunt multi, vt colliges ex Aluaro Valasc. de iure emphyt. quæst. 4. num. 7. & quæst. 32. nu. 21. Ioannes Garcia de expens. cap. 4. num. 32. ad fin. Sic sane intelligenda sunt omnia iura, quæ statuunt fundum, vel aliam rem esse obligatam pro præstatione aliqua, quæ super ipsis rebus cõstituta est ex eo, quia in testamento relicta est. l. 2. ff. de annuis leg. l. Lucius. ff. de cibariis. leg. l. hætenus. ff. de vsufr. l. cum hi. ff. de tranfact. cum aliis multis:

3 Adde duo in hac materia diligenter obseruanda esse.

Primum est aliquando in præstatione relicta in testamento super aliquo fundo duplicem reperiri hypothecam, nempe illam quæ inducitur ex eo quod præstatio fuerit relicta in testamento, vt supra probauimus.

Secundum scilicet, quam forte testator ex superabundanti induxit. l. fundus 9. quam sic intellige. ff. de an. leg. intendit Couar. lib. 3. resol. cap. 11. num. 4. vers. tertio.

Secundo

4 Secundo aduertendum est aliquando dari ius in re (diuersum quidem ab hypotheca) verbi gratia, possum constituere censum super fundo, & ipsum fundum hypothecare pro securitate ipsius census: tunc enim in fundo, qui habet censum, datur ius reale fundo cohærens diuersum ab hypotheca, vt infra dicemus, & fundus hypothecatus manet pro ipso censu. Vnde si dominus fundi non habet vnde soluat præteritas pensiones, vel censum habens nolit agere cum domino fundi, sed solum cum hæredibus hypothecantis fundum, id recte poterit facere, iuxta l. hoc si debitor. in princ. C. de pignor. & ex eo alij effectus resultabunt, qui facile cognoscentur, si casus occurrerit.

5 Sit secunda conclusio: Nulla præstatio relicta super aliquo fundo extra testamentum, vel similem dispositionem inducit hypothecam, nisi contrarium lex in aliquo casu particulari id statuerit, vel contrahentium voluntas suadeat. probatur itidem hæc conclusio ratione: omnis res libera præsumitur, & vt nostri aiunt, allodialis. cap. ius gentium: prima dist. ex Bald. & aliis notat Valasc. de iure emphyt. l. par. q. 8. nu. 43. ad fin. sed hypotheca est onus rei impositum, & inducit quasi seruitutem, vt patet. ergo non præsumemus in dubio hypothecam, sed solum eam inductam iudicabimus, quando certissimum

Y fuerit

fuerit eam inductam fuisse intendit Imperator in l. 1. C. com. deleg. Et id ipsum colligitur ex l. fin. §. Lucius. ff. contrahen. empt. ubi Iureconsultus ex principiis iuris infert præstationem relictam ex prædiis non inducere hypothecam. cum enim in ea specie hypotheca non colligatur ex verbis, vel ex mente partium non debet inducta censerī; etenim qui promisit centum ex domo, vel modios frumenti ex fundo, aut super domo, vel fundo eandem pensionem constituit non illico voluisse præsumitur illas res supponere hypothecæ (si aliud ex mente contrahentium non colligitur) fieri enim potest, quod velit demonstrare domum, ex qua pecunia facilius solui possit, ex quo commodius frumentum reddatur, vel ex quo melius triticum possit legatarius adipisci, iuxta text. in l. quidam testamenti. ff. de leg. 1. l. Paulus. §. Tullius. ff. de leg. 3. ut cum iudicio aduertit Ioan. Fab. in §. item Seruiana. Instit. de action. cum igitur hæ præstationes relictæ possint hunc sensum recipere in dubio, ipse accipiendus est, non vero alius, qui hypothecam inducat cum ipsa rem aliàs liberam, & allodiam sine aliquo onere faciat subiectam oneri, quod in dubio non est admittendum iuxta supra dicta.

6. Diximus: Nisi contrarium constet de mente disponentium, quia si ex modo fundi, personarum, rei relictæ, & aliis coniecturis contrarium

trarium appareat, tunc hypothecari, vel aliud ius in re constitutum præsumimus, ut aduertit Ioan. Fab. vbi supra. & ad id sunt reducenda iura, quæ tamquam huic resolutioni contraria ab aliis adducuntur: sic intelligenda est l. 2. ff. de ann. leg. procedunt enim in relictis in testamento, in quibus hypotheca inducitur pro quantitate legata. d. l. 1. C. communia delegat. d. l. creditores. ff. de separationibus. adiuncta doctrina Bar. in l. cum hi. §. si vni. ff. de transaction. quem text. procedere in alimentis relictis in testamento necessario fateri oportet cum dicat de alimentis non posse fieri transactionem, quod sane verum est de alimentis relictis in testamento, non vero de relictis, vel debitis ex contractu. d. l. cum hi. in prin. ibi: relictæ erant. & in vers. plane. vbi gl. verb. mortis causa. Bart. in tract. de alimentis. nu. 19. Lara in l. si quis à liberis. §. si parens. num. 76. ff. de liber. agnosc. ex quibus facile intelliges dictam l. ultimam. §. Lucius. ff. de contrahen. emptione. cū enim præstatio, de qua ibi agebatur non fuisset relictæ in testamento, & præsumptiones hypothecæ nullæ fuerint, recte respondit Scevola Iureconsultus non transire cum re ius illud, cum in ea specie nulla fuisset inducta hypotheca, sic procedit l. liberto. in princ. & ibi gl. verb. vendita sint. ff. de annuis leg.

7 Sic sane licet in emphyteusi pensio ex fun-
do

do solui debeat, & in fundo detur ius emphyteuticarium, quod reale est competens domino directo. l. i. ff. si ager vectigalis, non tamen censetur res emphyteutica hypothecata pro pensione, ut contra Bald. & sequaces; probans Angel. & alios, quos refert tenet Alvarus Valasc. i. parte de emphyt. quaest. 4. nu. 6. Ratio est, nam ut diximus sola praestatio relicta in testamento (omitto legis dispositionem, & partium pactiones) facit hypothecam; sed in emphyteusi nec datur legis dispositio, nec pactio partium, nec praestatio relicta in testamento: ergo in emphyteusi non datur hypotheca pro pensione, iuxta supradicta.

- 3 Ex quibus primo infertur falsam esse opinionem Bar. in l. Lucius. ff. de cibis. legat. & sequacium existimantium alimentis constitutis in aliquo fundo censeri fundum hypothecatum. Sequuntur hanc sententiam multi, quos refert Gig. de pension. quaest. 51. nu. 8. Alvar. Valasc. i. parte de emphyt. q. 32. num. 20. Etenim si haec alimenta non sint constituta in testamento, aut in simili dispositione, vel non sit aliqua praesumptio, ex qua colligamus partes voluisse fundum hypothecare, alimentorum constitutio extra praedictos casus non efficiet ullo modo hypothecam iuxta supradicta.

- 9 Secundo infertur, multo magis falsam videri

deri sententiam illorum, qui putant in quacumque præstatione ex fundo persolunda, (etiam extra alimenta) censerì fundum hypothecatū pro illa præstatione, quam sententiam post multos tenuit Antonius de Neuizanis in tract. de pignor. parte 3. memb. 4. num. 164. Couar. in cap. Raynuntius. §. 10. nu. 8. de testam. & alij quamplures, quos citat Ioannes Garcia de expensis. cap. 4. n. 30. Giga. de pension. quæst. 5. 1. nu. 17.

- 10 Tertio inferes non recte sensisse Guidon. Papæ (virum alioquin in theorica, & in praxi insignem) in quæst. 42. & quæst. 526. asserentem actionem personalem contra soluentem pensionem ex aliquo fundo competere aduersus tertium possessorem contra l. 1. §. heres. ff. ad Senat. Consul. Trebellian. Nam si illa actio est personalis non realis, haud video, quo pacto contra tertium fundi possessorem possit competere. Si vero realis est, ut Anton. de Neuizanis, & supra dicti existimabant, tunc perperam docuerat Guid. Papæ personalem esse, sed profecto si verum amamus tenendum est, in casibus, in quibus non est hypotheca, non esse realem actionem: ubi autem non est realis actio, non posse conuenire tertium rei possessorem, iuxta l. ultimam. §. Lucius. ff. de contrahen. empt. adiuncta l. 1. §. heres. ff. ad Trebellian.

- 11 Quarto infertur veram esse sententiã Roman.

man. consil. 338. las. in l. sacramenta puberū.
 num. 26. C. si aduersus venditionem. Curt. iu-
 nior in d. l. vltima. §. Lucius. nu. 5. Felinus in c.
 cum aliquibus. de re iud. Caccial. de pension.
 quæst. 9. Gig. eod. tract. quæst. 5. 1. dicentium,
 beneficium super quo constituta est pensio,
 esse pro illa pensione hypothecatū; idemque
 erit in fructibus existentibus tempore hypo-
 thecæ, si pensio super fructibus constituatur:
 tunc enim videtur esse constituta hypotheca
 super fructibus pendentibus, qui beneficio
 competunt. Rationem prædictorum Docto-
 rum non probo, quia nec præstatio illa sol-
 uenda ex beneficio hypothecam inducit, nec
 consideratio alimentorum, quæ ex pensione
 proveniunt, vel aliud simile. Vera ratio præ-
 dictæ conclusionis illa est, quia pro rebus re-
 lictis in testamento hypotheca constituta
 censetur. l. creditores. ff. de separat. vbi Bart.
 l. l. C. commun. deleg. Plane rescripta Aposto-
 lica æquiparantur dispositionibus testamen-
 torum. cap. 1. vers. sed extitit ex aduerso. & ibi
 gl. verb. in vltimis voluntatibus. cap. si pluri-
 bus. de præben. in 6. adiuncto cap. dilecti. de
 donation. & doctrina Rom. consil. 348. Gig.
 de pension. quæst. 27. nu. 5. Cum igitur in dis-
 positionibus testamentariis relicta super ali-
 quo fundo habeant hypothecam. d. l. credito-
 res. ff. de separationibus. d. l. 1. C. commun. deleg.
 Merito & ipsa hypotheca imposita censenda
 est

est in pensionibus impositis in beneficiis per rescripta Apostolica à summis Pontificibus, ideoque sine dubio dicendū est pensione constituta super beneficio hypothecam in ipso beneficio constitutam esse.

12 Vltcrius aduertendum est in quocumque beneficio pensioni subiecto vltra actionem personalem, quæ competit aduersus illum beneficiarium, cuius nomine litteræ expeditæ sunt, & vltra hypothecam, quæ datur in beneficio ex ratione, de qua supra, reperiri ius reale (diuersum ab hypotheca) afficiens ipsum beneficium. cap. nisi essent. de præben. ibi realis vltra Paulus de Castr. & Felin. quos citat in terminis, tenet Gig. de pension. quæst. 65. num. 1. vbi inquit, pensionem esse onus reale annexum ipsi Ecclesiæ, quod sane ab hypotheca distat; idque ea ratione cōprobo: nam actio personalis solum competit cōtra illum beneficiarium, cuius nomine sunt expeditæ litteræ, vel eius hæredes, ut aliàs in censu concludit Ioa. Gutier. in l. Nemo potest. nu. 36. ff. de legat. 1. nec per viam hypothecæ potest cōueniri nouus possessor beneficij, nisi excusso debitore principali auth. hoc si debitor. C. de pignor. intendit Roman. consil. 388. ad finem adiunctis iis, quæ tradit Guid. Papæ quæst. 432. num. 3. Cum igitur videamus in his pensionibus novos beneficij possessores indistincte conueniri absq; vlla cuiuscumque excus-

fione fateri oportet id procedere ex eo, quia
expensione oritur ius afficiens ipsum benefi-
cium ultra hypothecam, vt colligitur ex su-
pra notatis.

- 13 Nec satisfaciet aliquis huic obiectioni, si
dixerit id habere facilem solutionem si atten-
damus ad censum; in quo propter hypothe-
cam, quam habet, non procedit d. authen. hoc
si debitor, immo contra tertium possessorem
procedit absque vlla excussione principalis
debitoris, vt notat Cast. in consuetudinibus
Burgun. rub. 11. §. 6. in prin. nu. 2. & in vers. ad-
uerte. nu. 16. Couar. lib. 3. resol. cap. 7. nu. 6. Io.
14 Gutier. vbi supra num. 37. Quorum aliqui id
magis ex consuetudine, quam ex iure proue-
nire asserunt: quæ responsio non est tuta.

Primò enim non est ferendum passim ad
consuetudinem, & praxim prouinciarum re-
currere neglectis principiis iuris, in quibus
ipsa consuetudo, & praxis sæpius fulciuntur.

Secundo facit, quia nullibi gentium vide-
mus hypothecam, adeo fortem, vt statim
fiat excussio relicto debitore principali con-
tra d. A. hoc si debitor; illa enim hypotheca
iam notissimos terminos hypothecæ egre-
diatur: nemo autem potest facere hypothe-
cam irregularem, idest contra leges, vel ha-
bentem effectum contra leges, nisi ipsa lex, l.
nemo potest, ff. de l. 1. plane nulla lex est,
quæ hanc hypothecam irregularem inducat.

ergo

ergo non est dicendum in censu vel in beneficio dari illam hypothecam irregularem.

Tertio facit, quod Roman. (vir maximæ auctoritatis) in dict. consil. 388. contrarium docet, asserens in beneficio pensioni subiecto faciendam esse prius excussionem debitoris principalis, iuxta regulam, d. A. hoc si debitor.

15 Quapropter, vt hæc perfectius intelligantur, præmittendum est, in beneficio habente pensionem vltra hypothecam, quæ in beneficio datur iuxta naturam eorum quæ in testamentis relinquuntur iuxta supra dicta reperiri ius aliud reale, quod ipsum beneficium sequatur.

16 Sic etiam in fundo emphyteutico non datur hypotheca, vt aliqui existimant, sed aliud ius reale pensionis: item & in annuo censu, quod Iurisconsulti actionem in rem appellât diuersam quidem ab hypothecaria, per quod ius possessor beneficij fundi emphyteutici, & censiti conuenitur absque vlla excussione debitoris principalis; & ita cessat labor doctorum sine vlla lege inducētium hypothecas irregulares. Quod vt clarius intelligatur sciendum est constituta pensione super beneficio, fundo emphyteutico, aut censu imposito in aliquo fundo dupliciter posse partes obligationem constituere, vel enim pensionem, aut censum constituunt limitate ad agrum, vel
fun-

fundum, ita quod ex mente partium constet onus illud ipsi fundo impositum esse, & ita, possessori ipsius fundi quicumque ille fuerit tunc fundus non est hypothecatus, sed habet onus quoddam reale fortius adhærens ipsi fundo sequens quemcumque fundi possessionem.

- 17 Aut rursus partes constituunt pensionem, vel censum, ita ut intendant solum obligare personam cum qua contrahunt, quæ sola obligata est ad persoluendâ illam pensionem vel censum, & supponunt fundum hypothecæ pro securitate (quod pensionis seu census genus vsurę labem continere declarat extrauag. Pij V.) quia obligatio est personalis, hypotheca autem inducitur accessorie ad maiorem securitatem creditoris. Colliguntur hæc ex notatis per Carol. Molin. in consuetudines Parisiens. tit. 1. §. 11. num. 15. & clarius expressit Valasc. de emphyt. quæst. 32. num. 14.

- 18 Pro qua sententia est text. elegans in leg. Caius 12. ff. de ann. leg. ubi legatis prædijs testator ita cauit, præstari autem volo ex prædijs Pontianis, & ex prædijs Iulianis annua arundinis millia trecenta, & salicis munda annua librarum singula millia, quærebat an id legatum defuncta legataria extingueretur. Respondit Paulus seruitutem iure constitutam non videri, neque in personam, neque

neque in rem, & tamen in ea specie compete-
 rebat actio hypothecaria (quæ in rem est, s.
 item Serniana Instit. de action.) vt colliges
 ex his quæ supra diximus, dum constituimus
 iure digestorum, & Codicis pro rebus reli-
 ctis in testamento esse omnes res testatoris
 obligatas, d. leg. creditoribus, vbi Ac curt.
 in fine quidquid in l. Caius verb. in rem, aliud
 intendat. l. 1. Cod. com. de leg. Bart. in leg.
 cum hi, s. si vni, ff. de transaction. sensit er-
 go, ni fallor, Paul. Iureconsultus, quod licet
 in illis prædijs daretur actio hypothecaria,
 ex eo, quia in testamento relicta erat quotta
 persoluenda ex prædijs iuxta proxime dicta;
 tamen non esset ius in re constitutum, quod
 faceret legatum ad successores transire, cum
 non fuisset constituta actio in rem limitate,
 ad prædium illud vbique cōcomitans, si enim
 talis actio esset, semper duraret, & in poste-
 ros transfiret legataria extincta iuxta regu-
 lam priuilegium, de reg. iuris in 6. argum.
 legis priuilegium, ff. eod. quod tamen ibi
 Paulus Iureconsultus negat.

- 19 Secundo, Præmittendum est, quod licet in
 dubio semper minor obligatio censeatur im-
 posita, argum. leg. Arrianus, ff. de action. &
 oblig. l. si ita stipulatus 12. ff. de verb. oblig.
 ideoque in dubio magis sit præsumenda actio
 personalis, quam hypothecaria, hypothe-
 caria vero magis quam actio in rem fundo
 cohe-

coherens, & in fundo limitate imposita Carol. Molin. vbi supra. Attamen has omnes obligationes induci aliquando ex coniecturata mente disponentium, natura rei, & ex consuetudine regionis.

- 20 Sic regulariter in Hispania in censibus annuis impositis in fundo non solum personalis actio, nec solum hypothecaria, sed etiam actio in rem inducta censetur, quæ limitate in agro consistit, fundoque cohæret, idque provenit ex generali cōsuetudine Prouinciæ, per quam partes intelliguntur constituere illam annuam pensionem limitate ad fundum, & in eo ius illud reale (fortius quidem hypotheca) creare iuxta formam dictæ extranag. Pij Quinti, ad quæ reducenda sunt quæ docuerunt Cassian. Couarruuias, & Guterr. vbi supra.

- 21 Sic intelligendi sunt omnes fere casus propositi a Guid. Pap. vbi supra, & a Rip. in leg. 1. §. si heres, a num. 2. ff. ad Senatusconsult. Trebellian. l. fin. §. Lucius, ff. de contrahen. empt. leg. non aduersus, ff. si cert. pet. in illis enim vel competit actio hypothecaria, vel actio in rem, proveniens ex iure reali consistente in ipsa re; & ob id tertium possessorem conueniri secundum iuris regulas assero.

- 22 Sic sane omnino negandum est fundum emphyteuticum esse hypothecatum pro pensione, vt supra diximus, sed in eo ius reale fortius

tius inesse, & cōpetere actionem in rē ex ipso iure reali prouenientem ad pensionem consequendam contra quemcūque emphytheusis possessorē. Sic merito affirmādum est, imposita pensione super beneficio dari actionē personalem contra illū, qui ex vi litterarum obligatus est pensionem soluere: itidēque dari ius reale pensionis coherens beneficio, ita vt tenens pensionem in beneficio habeat actionem realem ad obtinendam pensionem, quæ ex iure reali prouenit.

Tertio habet actionem hypothecariam ex eo, quia est dispositio beneficalis, quæ ad formam testamentorum, & ius reducitur, vt supra diximus, quæ actio hypothecaria in hoc casu non est multum necessāria, cum in re sit ius reale, quod multo vberius est, cum tamen secundum principia iuris competat, non est omittenda, argum. leg. si pupilli, 6. §. item si procuratori, ibi quia ex abundanti hanc stipulationem interposui, ff. de nego. gest. vbi gloss. verb. quia ex abundanti. Vnde ex his deducitur ratio vera in qua praxis curialium fulcitur: cum enim pensionem tenens habeat ius reale coherens ipsi beneficio, possessor illius (quicumque ille sit) eam soluere tenetur, vt in tributis (& per consequens in alijs iuribus fundo coherentibus) probant, l. Imperatores, ff. de publican. leg. idem Iulianus, §. heres, ff. de leg. 3. leg. cum possessor, & ibi

ibi gl. verb. heres, ff. de censibus, leg. penul. leg. vltima, C. sine censibus, vel reliq. & in pensione in beneficio imposita, notat Caccialup. de pensio. quæst. 11. Gig. eod. tract. quæstio. 43. Valasc. de emphyt. quæst. 17. nu. 19.

- 24 Non tamen poterit obtinens pensionem, via executiua, & ex vi excommunicationis, (nisi verba aliud exprimāt) procedere aduersus illum contra quem litteræ summi Pontificis non fuerunt emanatæ, vt in censu aduertit Gutier. in l. nemo potest, nu. 36. ff. de leg. 1. secūdo & pro eadem Curialiū praxi facit, quia cum successor in beneficio beneficiarij demortui heres sit cap. 1. de solution. contra illum recte aget is qui in beneficio pensionem obtinet.

- 25 Illud tamen lector humanissimus Primo aduertet diligenter: differentiam notabilem esse inter iura realia adhærentia ipsis rebus, & inter iura hypothecaria constituta in aliquibus rebus, nam in illis prioribus non debet fieri excussio in bonis principalis debitoris iuxta A. hoc si debitor, C. de pignor. sed statim possessor rei conueniri potest cum non detur hypotheca, sed ius reale adhærens ipsi rei, & ita statim competit actio realis aduersus quemcumque ipsius rei possessorem. At vero in his posterioribus secus est, debet enim fieri prius excussio in bonis principalis debitoris cum detur hypotheca iuxta dict.

A. hoc

A. hoc si debitor. & ita colliges limitandam esse notabiliter conclusionem doctorum in dict. leg. Imperatores, & in alijs locis quos citat Valasc. vbi supra, nu. 19. vt in casibus in quibus agit fiscus contra tertios possessores ex hypotheca prius fiat excussio in bonis principalis debitoris non alias iuxta Constitutionem nouam, d. A. hoc si debitor, & l. moschis 47. vbi gl. verb. conueniri, ff. de iurefisci, non sic quando fiscus habet ius in re limitate constitutum ad ipsam rem iuxta supra dicta.

26 Secundo aduertet posse beneficiarium, qui pensionem soluit, habere recursum aduersus antecessorem viuum, seu heredes ipsius (si mortuus est, pro tempore, quo fructus percepit) vt persoluat pensionem ratione fructuum ab eo perceptorum iuxta regulam l. cum pecuniam, 45. ff. de negotiis gest. intendit Iureconsultus in leg. idem Iulianus, §. heres cogitur, ff. de leg. 1. & est de mente omnium Valasc. vbi supra.

27 Alter articulus principalis est quem tractaturum promisi an fructus beneficij super quo pensio constituitur sint hypothecati pro ipsa pensione? & in hac specie resolutiue assero fructus non esse hypothecatos, si non sunt pendentes tempore quo ipsa pensio constituitur, probatur hæc conclusio, numquam inducitur hypotheca nisi ex mente partium,
vel

vel a lege vt supra iam probauimus, sed constituta pensione super beneficio tantum, nec partes intenderunt hypothecam in fructibus constituere, nec lex in illis vllam hypothecam induxit, ergo, &c.

- 28 Secundo facit, quia fructus rei, quæ hypothecatur, numquam censentur hypothecati, nisi quando expresse subiiciuntur hypothecæ, leg. & quæ non sunt 15. ff. de pignor. leg. potior, 11. §. si de futura, ff. qui potior. in pignor. habeantur. Cum igitur imposita pensione super beneficio non subiiciantur hypothecæ fructus vt supponimus, non censentur hypothecati. Quo pacto sunt intelligenda dicta per Paul. Castrenf. consil. 338. existimantem fructus beneficij non esse hypothecatos pro pensione, vt scilicet id intellexerit casu quo pensio fuerit constituta super beneficio tantum. nam si eadem pensio super fructibus beneficij imponatur, vt hodie de stylo fit, non dubitaret Paul. Castrenf. fructus hypothecatos esse iuxta, dict. leg. & quæ non sunt, §. si de futura.

- 29 Nec obstat auctoritas Bart. in leg. 1. §. cum prædium, ff. de pignor. afferentis, obligato quolibet fundo censi hypothecatos fructus ipsius fundi; quia respondemus Bart. esse intelligendum, quando fructus sunt pendentes, dict. leg. & quæ non sunt 15. ff. de pignor. vel intelligendus est Bart. (quod magis
verifi-

verisimile est) de hypotheca fructuum pro pensione ipsius fundi locati iuxta leg. in prædijs (quam citat) ff. quæ res pignori obligari possint .

30 Sed iam hodie vix præcedenti dubio locus esse potest, cum pensiones semper constituantur super beneficio, & eius fructibus, quo casu absque dubio hypothecati censentur, cum (vt diximus) hæc materia beneficalis reducta sit ad instar testamentorum, in quibus res relicte semper sunt hypothecatae pro rebus legatis l. creditores, ff. de separat. l. 1. C. communia de legatis .

31 Illud non est prætereundum , quòd si summus Pontifex simpliciter dixerit se cõstituere pensionem super fructibus nõ censi constitutam pensionem super distributionibus quotidianis , nisi aliud ex mente partium vel materia subiecta colligatur : illæ enim diuersam naturam a fructibus habent , & ita in illa materia appellatione fructuum non veniunt , arg. cap. penult. & ult. de offic. vicar. in 6. & ita in specie, gl. & commun. doctores in cap. ultimo, de rescript. in 6. notat. Cou. lib. 3. resol. cap. 13. num. 1. Oxeda, lib. de incompat. benefic. parte 3. capit. 12. num. 8. requiritur igitur ad hoc , vt pensio imposita sit in distributionibus quotidianis, vt id nominatim exprimatur . Diximus (nisi aliud ex mente summi Pontificis, & mate-

ria colligatur) quia si pensio fuerit constituta super beneficijs Ecclesiarum, in quibus omne emolumentum fere consistit in distributionibus quotidianis, vt sunt Ecclesiæ Cathedralis Lusitaniæ, tunc pensio cōstituta super fructibus, intelligetur constituta super distributionibus, ne actus constitutionis pensionis illusorius maneat, arg. cap. commissæ, de elect. in 6. l. quoties, ff. de reb. dub. facit gl. in alio proposito, in cap. vnic. de clericis non residen. in 6. verb. receperit.

- 32- Vltcrius aduerte, quod licet cōstituta pensionē super beneficio, & fructibus, in beneficio maneat ius reale vberius (sane quā il-
 lud hypothecarium, vt supra probauimus) non idem dicendum est in fructibus; nam in illis solum ius hypothecarium datur. ratio est, quia cum fructus aliqui non sint tempore quo pensio constituitur, & pendentes cito pereant, non censetur summus Pontifex imponere ius reale, quod per petuo durare debet, in re tam cito peritura, vt ex mente summi Pontificis constituentis apparet, non esse ius reale constitutum in fructibus, sed hypothecarium in fructibus pendentibus, vel alijs, si modo ad dominium acceptantis pēsiōem deueniant: quod iuris principijs consonat, & ita ad fructus beneficij iure attento non est deueniendum (etiam casu quo sint hypothecati) nisi discussio principali debitore, iuxta dict.

dict. authentic. hoc si debitor.

33 His sic iactis fundamentis dicendū est, constituta pensione super beneficio, & fructibus, fructus pendentes tempore pensionis constitutæ esse hypothecatos, cum sint pars ipsius beneficij, l. fructus pendentes, ff. de rei vendicatione, fructus autem, qui non sunt pendentes, hypothecatos cenēri, nisi aliud ex mente constituentis pensionem colligatur, si deueniant ad dominium illius, qui hypothecam acceptauit, non alias. Pro quo facit.

Primo, quia hypothecatis bonis futuris intelliguntur, si erant debitoris, leg. si fundus, §. aliena, ff. de pignor. leg. Paulus, §. fin. leg. penul. §. fin. ff. eod. notat Cald. de nominatione emphyteutica, quæst. 7. num. 20.

Secundo facit, l. vltima, C. quæ res pignor. obligari possunt.

Tertio facit, nam res aliena non potest pignori dari, leg. si rem alienam in principio, ff. de pignor. & ibi, gloss. 1. leg. 1. §. cum prædium, leg. & quæ nondum sunt, §. quod dicitur, ff. de pignor. leg. cum res, & ibi notata Cod. si aliena res pignor. data sit. Vnde extra fructus pendentes, si alij futuri deueniant ad colonum, vel alium singularem successorem, non censentur hypothecati, iuxta iura supra allegata, notat in specie, Caccialupus de pension. quæst. 9. consentit Gig. de pension. quæst. 51. num. 8.

- 34 His ita prælibatis, restat vt quæstioni principali satisfaciamus, an scilicet si Canonicus non inseruiat beneficio, & ob id non lucretur distributiones quotidianas, quæ ad alios Canonicos deuenerunt, teneantur ipsi Canonici soluere pensionem illius tēporis, quo fructus, distributiones, & alia emolumenta præbendæ vacantis obtinuerunt. In qua materia sequentes conclusiones constituendæ sunt.
- 35 Pensione constituta super beneficio tantū, absque dubio Canonici non tenentur soluere pensionē illius temporis quo beneficium vacauit: cum solum ius reale consistat in beneficio, non vero in fructibus, vt supra diximus: tunc enim nouus beneficij possessor ad id erit obligatus, vel ex iure reali consistente in beneficio, vel ex eo, quia tamquam heres prædecessoris ad id tenetur iuxta cap. 1. sol. vel erit obligatus ad solutionē illius pensionis heres beneficiarij, qui pensionem soluere tenebatur, cum omnia debita defuncti soluere teneatur, leg. heres 36. de acquiren. heredit. leg. cum heredes, ff. de acquiren. possessione.
- 37 Si vero pensio constituta est etiam super fructibus, & distributionibus, vt hodie de stylo fieri consuevit, tunc non est paruum dubium, an Canonici teneantur soluere pensionem illius temporis, quo beneficium vacauit,

uit. Nam pro parte affirmatiua, quòd scilicet Canonici teneantur pensionem soluere pro illo tempore, quo fructus beneficij perceperunt, faciunt quinque fundamenta.

Primum est, quòd iniquum videtur, & ab omni humanitatis genere alienum Canonicos percipere fructus præbendæ vacantis, aut desertæ, idest cui beneficiarius non inseruit, & beneficiarium, qui fructus non percepit ad pensionem teneri: & cum id iniquum, & inhumanum sit, non debet in iudicando obseruari, cum iustitia sit ars boni, & æqui, l. i. ff. de iustitia, & iure, cap. 2. de re iudic.

Secundo facit, quod in fructibus (super quibus imponitur pensio) datur hypotheca, vt superius diximus: hypotheca autem transit in quoscunque successores, cum sit ius reale, l. si grege 13. §. & insuperficiarijs, ff. de pignor. §. item Seruiana Institut. de action. ergo ad Canonicos transibit ad quos ipsimet fructus deuenerunt.

Tertio facit, quia licet de iure hodierno in Ecclesijs Cathedralibus non sint præbendæ distinctæ, & separatæ (vt olim in multis Ecclesijs erant, & adhuc hodie sunt in multis partibus) tamen sunt portiones quædam Canonij applicatæ, quæ illarum præbendarum vicem obtinent. Innocent. in cap. dilectus filius ad fin. de præb. nam canonia non potest esse sine præbenda, vel re aliqua, quæ præben-

dæ vicem obtineat; esset enim alias nomen canonice inane contra cap. si quis obiecerit, 1. quæst. 3. cap. relatum, cap. dilectus in 1. de præben. Vnde etiam communiter dicere solemus vacante canonicatu in Ecclesijs, argum. cap. dilectis 25. ibi vno indiuiduo inre vacante, &c. de præb. vacare præbendam, quasi vacet portio illa destinata illi canonicatui, quam scilicet canonicus lucrabitur si Ecclesiæ inservierit. Cum igitur in illa portione destinata canonicatui, quam lucratur canonicus dum inservit, censeatur imposita pensio a summo Pontifice: ad quoscumque eadem portio peruenerit, veniet etiam hypotheca, iuxta dict. l. græge, §. & in superficialijs; dict. §. item Seruiana. Sed fructus perueniunt ad canonicos; ergo in illos transibit ius hypothecarium, & ita possunt compelli ad pensionem soluendam.

Quarto facit, quod in hac Metropolitana Eborensi Ecclesia de consuetudine solet a canonicis onera solui, quæ dignitates habent, licet vacet dignitas, vel illam obtinens non inserviat. nam si fructus illius dignitatis ad canonicos pertinent, de ipsorum mensa communi talia onera soluuntur (quod de iure fieri tentat probare Ioann. Guterr. inferius citandus; iuris scientia, & canonicatu doctorali in Ecclesia Ciuitatensi præclarus; cuius rei veritatis inferius declarabitur.) idque ea

ratione

ratione videtur procedere, quia cum ad ea onera soluenda ius reale in ipsa dignitate, & fructibus constitutum censeatur, ita afficiens dignitatem, & eidem quasi inherens, vt semper cum illo onere transeat, merito dicta onera a canonicis persoluuntur, qui tanquam successores in dignitate, & fructibus prædicta onera soluentes adimplent, in qua dignitate, & fructibus ius reale videtur constitutum. At qui nos concedimus in beneficijs pensioni obnoxijis dari ius reale pensionis, ergo quemadmodum in dignitate onera a canonicis persoluuntur, ita etiam in simplici canonicatu.

Quinto facit pro eadem parte rescriptum summi Pontificis, cuius copia in scrinijs papaceis huius Ecclesiæ Eborensis reperitur, per quod Romanus Pontifex in fauorem cuiusdam canonici iussit, vt canonici certam pensionem illi debitam persoluerent; in quo rescripto aliquas allegat rationes, per quas æquum videbatur canonicos prædictam pensionem debere soluere.

- 38 Contrariam tamen sententiam, immo canonicos non debere soluere illam pensionem tenuit Nauarr. lib. 4. cons. 47. licet in consil. 68. ob reuerentiam aliquorum dominorum de Rota indecisam quæstionem reliquerit Ioannes Guterres in canonicis, quæstio: cap. 1. num. 129. quorum fundamentum il-

- 39 lud præcipuum, & validum est, etenim pensio imposita fuit in beneficio illo, quod nunc vacat, vel in quo canonicus non inseruit; at fructus, qui nunc ad canonicos pertinent, non sunt illius beneficii, & canonicatus pensioni obnoxij, sed pertinent ad ipsorum canonicatus, ut & de iure communi, & statutis constat. ergo ex illis non debent canonici solvere ullam pensionem, cum sua beneficia possideant absque vlllo onere pensionis; quæ ratio adeo vrgens est, ut me cogat absque dubio huic posteriori sententiæ adherere.
- 40 Considero enim tria, quæ in confirmationem prædictæ sententiæ afferri possunt:
- 41 Primo namque nulli sunt fructus canonice vacantis: in ecclesiis enim huius Regni Lusitanici non datur portio certa in redditibus distinctis, vel possessionibus, aut applicata nominatim canonicatibus; ut in aliis regnis; iuxta notata per Bellameram conclus. 1. in princ. & conclus. 63. sed de omnibus redditibus communiter collectis, extrahitur cuilibet canonico sua pars, pro diebus, in quibus ecclesiæ inseruiuit (vulgo *dias*, & *meos dias*) ut colliges ex notatis per Innocentium in d. cap. dilectus filius. Cum igitur fructus percepti (tempore quo canonicatus vacauit) non sint beneficii pensionati, nec ad illud pertineant, non debent canonici ex illis solvere pensionem, cum eos ratione sui beneficii per-
- cepe-

ceperint, neque summus Pontifex in appositione illius pensionis censetur velle, vt vacante canonicatu, canonici soluant pensionem impositam in ipso canonicatu, cum non censeatur in dubium inferre præiudicium tertio. cap. quid per nouile. de vera. signific. l. 3. §. si quis a principe. ff. ne quid in loco publico. l. ex facto. ff. de vulgari. Præiudicium autem esset maximum, si Summus Pontifex inberet, vt pensionem soluerent canonici ex redditibus, quos perceperunt ratione sui beneficii non pensionati. quod multum adiuuat ea ratio: videmus enim in hac Ecclesia Eborensi, quemadmodum in aliis huius regni, fructus non interessentium horis venire ad canonicos per ius non decrescendi; non vero per ius accrescendi, vt in terminis disponit apud nos statutum huius ecclesiæ Eborensis, quod iuri communi consonat. Nam quando per statutum dicitur, quod fiat diuisio certæ quantitatis inter canonicos, vel clericos interestes, tunc id quod canonici vel clerici percipiunt, capiunt per ius non decrescendi. Si vero statutum dicat, quod detur certum quid cuilibet canonico, vel clerico interesti horis diuinis, tunc quidquid amplius ad canonicum, vel clericum peruenerit, iure accrescendi peruenire dicetur: ultra Card. in clem. vt hi qui. de ætate & qualit. notat Cosmas in pragmatica sanctione Gallic. tit. de

tenen-

tenentibus capitula tempore missæ. littera b. Couarr. lib. 3. resolut. cap. 13. num. 7. Plane in hac Ecclesia Eborensi diuiduntur inter inter-
essentes, & ex modo diuidendi, & consuetu-
dine inueterata, ac statutis colligitur, quòd
emolumenta ad canonicos deueniunt per ius
non decrescendi, ideoque neque in actu, ne-
que in habitu fuerunt vmquam illi fructus ca-
nonicatus vacantis: & propterea ex illis non
debet solui pensio debita ex beneficio vacan-
te, idemque dicendum erit in dignitatibus
vacantibus, vt ea onera non soluantur ex fru-
ctibus, & redditibus aliorum canonicatum,
nisi illa onera essent Ecclesiæ capitularis de-
ficiēte dignitate, vt infra latius expli-
cabitur.

- 44 Secundo facit, quia ratio, propter quam
doctores asserunt canonicos esse obligatos
soluere pensionem pro tempore, quo fructus
beneficij vacantis, vel in quo canonicus non
inseruiuit, obtinuerunt, illa est, quod scilicet
pensione constituta super fructibus, fructus
ipsi hypothecati sunt, quod solum obtinet,
quando fructus sunt pendētes, & ita sunt par-
tes fundi hypothecati, vel quando ipsimet
fructus deueniunt ad manus ipsius beneficia-
rij, qui in ipsis fructibus hypothecam im-
posuit, aliàs si fructus ad alios deueniant, non
censetur in eis constituta hypotheca, neque
partes id possunt efficere. l. 1. §. cum prædium.

ff. de pignor. l. cum res aliena. C. si res aliena
 pignor. data sit. d. l. si fundus 16. §. aliena. ff. pi-
 gnor. l. Paulus. §. fin. l. penult. §. fin. ff. de pignor.
 Bar. in d. l. cū prædium nu. 6. notat gl. magna,
 & ibi doctores in l. 1. ff. de pignor. glo. 1. com-
 muniter recepta in d. l. cum res aliena. Vnde
 de pensione constituta super fructibus bene-
 ficij (excipio pendentes) si ad colonum, vel
 alium singularem successorem deueniant, nō
 sunt hypothecati. Caccialup. de pension. q.
 9. consentit Gig. eodem tract. quæst. 51. nu. 32.
 Cum igitur in nostra specie fructus veniant
 ad canonicos tamquam ad singulares succes-
 sores ex vi statuti, & iuris communis regulis,
 ipsique canonici dictos fructus bona fide pos-
 sideant, nulla censetur in illis constituta hypo-
 theca, & ita de illis non debet solui pensio,
 quæ imposita est in canonicatu vacante.

Dixi (Excipio pendentes) quia constituta
 pensione super beneficio, & fructibus, fructus
 pendentes sunt hypothecati: quia cum sint
 pars beneficij pensionati, & insuper sint in bo-
 nis illius, qui pensionem acceperat, poterant
 per ipsummet obligari, & ita cum suo onere
 transibunt, vt colligitur ex Azone in summa,
 in rubrica de pignor. num. 11. & post Bald. &
 Angel. quos citat, tenet Caccialupus vbi su-
 pra. quicquid nec in hoc casu tales fructus
 censeri hypothecatos, si ad singulares succes-
 sores deuenierunt, teneat Bartolus in dicta.

cum

cum prædium: 16. in fine.

- 45 Tertio facit pro eadem sententia ; etenim licet concederemus fructus canonicatus vacantis esse hypothecatos pro pensione, facienda esset excussio prius in bonis ipsius canonici, si viuit, vel si mortuus est in bonis ipsius heredis, aut beneficiarij successoris, iuxta authen. hoc si debitor. C. de pignor. vt in terminis tentauit Roman. vbi supra. vnde, antequam prædicta excussio fiat, non potest capensio à canonicis postulari, cum d. auth. hoc si debitor, in hoc non reperiatur limitata, vt diximus supra num. 14.
- 46 Neque hac sententia retenta obstabūt fundamenta partis aduersæ. Non primum, quòd iniquum videatur canonicos percipere fructus præbendæ vacantis, aut desertæ, (cui scilicet canonicus non inseruit) & beneficiariū, qui fructus nō percepit, ad solutionē pensionis teneri; respondemus enim magis iniquū esse, ne dicam iniustum canonicos soluere pensionem ex fructibus sui beneficij non pensionati, & cum summo labore, & vigilantia horis matutinis, & vespertinis interesse, vt lucrentur ouera & emolumenta aliis non inseruientibus ecclesijs : vnde cum illa æquitas, nec iuri naturali, nec ciuili innixa sit, reicienda est, & iuris scripti regulis standum, vt post Bartol. in l. 1. C. de legib. & in l. placuit. Cod. de iudic. Abb. in cap. fin. de transact. docte aduertit

uertit Ioan. Garcia Gallecus de expens. & melior cap. 1. à nu. 27.

Non obstat secundum fundamentum: Negamus enim fructus (qui nō sunt pendentes) esse hypothecatos, si non deuenerunt ad manus eos hypothecantis. d. l. si fundus. §. si aliena. ff. de pignor. l. Paulus. §. fin. l. pen. §. fin. de pignor. l. cum res. & ibi notata. C. si aliena res pignor. data sit intendit Cald. de nominatione emphyt. quæst. 7. num. 20.

Non obstat tertium fundamentū: Respondemus enim in Ecclesiis, in quibus est certus numerus canonicorum, vt in hoc nostro regno Lusitaniæ, vacare quidem canonicatus. d. cap. dilecto 25. de præb. non tamen realiter vacare præbendam, quæ consistit in emolumento, & fructibus: hi enim non sunt specificè destinati canonicatibus, sed ex illis omnibus fit mensa communis, quæ postea diuiditur inter canonicos, prout quisque inseruiuit ecclesiæ: & ita non potest quis affirmare vere, hi fructus sunt illius canonicatus, vel istius; sed postquam canonicus ecclesiæ inseruiuit, tunc illi applicantur: & ita si canonicus non inseruiuit Ecclesiæ propter obitum, vel absentiam, nulli dantur fructus illius canonicatus, ex quibus pensio in illo imposita solui possit.

Non obstat quartum fundamentum desumptum ex eo, quod onera dignitatum soluuntur

tur a canonicis; ergo & pensiones constituta in simplicibus canonicatibus. Cui argu-
 47 mento respondet Ioan. Guterr. id prouenire ex coætanea Institutione ipsarum dignitatũ: quando enim institutæ sunt, statim cum illo onere fuerunt institutæ. & ita si obtinens dignitatem ea onera non soluit, canonici ad id tenentur, cum dignitates illę à principio cum illis oneribus institutæ fuerint.

Sed profecto hæc respõsio non satisfacit difficultati propositæ: nam ex ea solum concluditur propter coætaneam institutionem dignitatum dari in ipsis quoddam ius reale, propter quod onera soluuntur a canonicis, neque enim illa coætanea institutio aliquid efficere potest, quòd idipsum operetur, nisi fuerit illud ius reale inhærens ipsis dignitatibus. At qui fructus, qui de nouo ad canonicos perueniunt, non sunt hypothecati, nec sunt illarum dignitatũ, vt supra conclusimus, & sentit Guter. vbi sup. ergo, &c. Vnde canonici possũt pro se allegare, quòd fructus percepti perueniunt ad ipsos ratione sui beneficij, non dignitatũ, vnde non debent soluere illa onera. Quapropter dicendum est attento iure communi, & principiis iuris supradictis idem dicendum fore in his oneribus dignitatum, quod diximus in pensione constituta. id enim canonici non tenentur soluere cum fructus perceptos non habeant ratione beneficij pensionati,

sionati, aut dignitatum; sed ratione suorum
 canonicatum; cum tamen ea onera ex sta-
 tutis Ecclesię, & cōsuetudine inueterata, nec
 ad fabricam, nec ad Episcopos pertineant,
 sed ad dignitates, si istę deficiunt, persol-
 uendę sunt a mensa communi totius Ecclesię
 capitularis, cuius dignitates sunt partes, &
 ita illa onera dignitatum deficientium non
 persoluuntur a Capitulo tamquam onera di-
 gnitatum, sed tamquam onera ipsius Eccle-
 się, ad quę Capitulū tenetur, deficiente
 dignitate: cum ad ea onera adimplenda nul-
 lus reperiatur, idque sine dubio apud nos ob-
 seruatur, quando dignitatem obtinens mori-
 tur, vel aliās beneficium vacat. Si vero pro-
 pter absentiam non inseruiat in beneficio, du-
 bium esse potest; & ego quidem existimo in
 hoc casu onera esse persoluenda a Capitulo
 propter rationes suprà dictas: posse tamen
 Capitulū ea onera repetere ab eo, qui di-
 gnitatem habet, & non inseruit, cum ipse so-
 lum teneatur, capitulū vero in subsidium.
 arg. l. 1. in principio. ff. de Magistratibus con-
 ueniendis, vel tamquam mandatum habeat
 soluendi ab eo (si uiuus est, & præsens) iuxtā
 l. qui patitur. ff. mandati. vel tamquam gerens
 eius negotium, si absens est, vel mortuus, iu-
 xta l. 3. §. hęc uerba. ff. de negotiis gestis. quod
 maxime consuetudine inueterata huius Ec-
 clesię Eborensis comprobatur, in qua ea one-

ra indistincte persoluantur à Capitulo absq;
vlla repetitione.

Non obstat quintum fundamentum dedu-
ctum ex rescripto Summi Pontificis in gra-
tiam cuiusdam canonici, in quo Summus
Pontifex allegando plures rationes iussit, vt
Capitulum solueret pensionem illius tempo-
48 ris, in quo beneficium vacauit. Responde-
mus enim, Summum Pontificem non defini-
uisse aliquid de iure, nec in ea re sententiam
protulisse, cū nulla pars audiretur, iuxta c. 1.
de causa possessionis & propriet. sed tantū il-
lud in fauorē canonici iussisse. quod aliquibus
rationibus comprobauit, vt intelligerent ca-
nonici præceptum non esse durum, neque ab
omni ratione alienum. Vnde ex eo Summi
Pontificis placito nullum ius infringitur (non
enim videtur sententiam ferre) nec ius ori-
tur eis, qui prætendunt pensiones soluendas
esse in Capitulis, iuxta text. in cap. in causis.
& ibi notat. de re iudic. Quòd si id ipsum pro-
pter æquitatem, vel alias rationes Summo
Pontifici placuerit, decreto opus esse affir-
mauerim: quod sane mihi nequaquam iniu-
stum videbitur.

SUMMARIVM EX CAP. SEQ.

1. *Amicus quidam consuluit Auctorem de du-
biis quibusdam, de quibus agitur in hoc Cap.*
Expli.

- 2 Explicatur dubium , an annus probationis continuus sit necessarius , an interpollatus sufficiat .
- 3 Nouitius exiens de monasterio curandæ valetudinis causa , non videtur exiisse , & ita si reuertatur debet haberi, ac si numquam exierit.
- 4 Tractatur dubium non facile , an nouitia exiēs de licentia Abbatisſæ, seu Prioriſſæ valetudinis curandæ causa , possit complere annum probationis.
- 5 Minor reſtituitur in omnibus fere causis tam temporalibus , quàm spiritualibus , præterquam in matrimonio , & sponsalibus .
- 6 Non potest possessor Maioratus in vita reuocare commoditatem , vel vsusfructum datum in dotem.
- 7 Si relinquatur legatum alicui ea conditione, vt si sine liberis decedat , restituat Ioannæ decedente legatario ante mortem testatoris Ioanna habebit legatum.
- 8 Laicus potest esse procurator ad accipiendam inuestituram beneficij , & præstandum iuramentum. cap. ego enim. de iure iuran.
- 9 In causa matrimoniali regulariter non deferatur iuramentum . secus si matrimonium contrahatur inter ignobiles personas , & in quo paruum inest periculum .
- 10 Mortifere vulneratus , si dicat : Petrus non me occidit , vel Petrus occidit me defendendo se , proderit ad excusationem rei adeo , vt si

non dentur aliæ præsumptiones, reus non sit torquendus.

- 11 *Defenditur Bald. ab impugnatione Alciat. & Conarr. adducto loco originali Baldi.*
- 12 *Si mortifere vulneratus dixit: Petrus me occidit, non ob id erit puniendus Petrus.*
- 13 *Monachus prætendens se non esse obligatum religioni, debet causam agere ex claustris monasterij.*

CAPVT XV.



MICVS quidam me aliquando consuluit de aliquibus dubiis, quæ emerferant in ciuitate, in qua commorabatur. cui ego libenter respondi satisfaciens iuri antiquo no-

stræ amicitia.

- 2 Primum dubium erat, An nouitius exiens de monasterio intra annum probationis, de quo in cap. ad Apostolicam. de regular. Sacrosanctum Concil. Trident. sess. 25. c. 15. postea reuersus ad idem monasterium, posset adimplere annum probationis, & in effectu id interrogabat, an d. cap. ad Apostolicam, & dictum Concilium Tridentinum intelligeretur de anno continuo, an vero interpolatus sufficeret? Respondi, continuum intra claustra requiri: id enim suadent verba dicti cap.

ad

ad Apostolicam, & Concil. Trid. vbi proxime. Etenim annus ille conceditur, vt & fratres religiosi cognoscant mores nouitij, & nouitius experiatur asperitates monasterij d.c. ad Apostolicam ibi: Quod licet tempus probationis a sanctis Patribus sit indultum non solum in fauorem conuersi, sed etiam monasterij, vt & ille asperitates istius, & istud mores illius valeat experiri. plane si nouitius extra castra monasterij commoratur, id non poterit fieri. Igitur annus probationis non interpolatus, sed continuus requiritur. Ita expressit Bart. in l. interdum. §. quoties. nu. 2. vbi Paul. nu. 3. ff. de publican. & vectigal. Abb. in d. cap. ad Apostolicam. de regular. num. 9. & est cōmunis, vt per Alex. cōf. 135. in prin. lib. 4. Ias. in l. si idē. in princ. nu. 7. ff. de iur. om. iud. Petrus de Anch. in d. c. ad Apostolicā. nu. 7. neruose defendit Siluester verb. religio 5. q. 4. nu. 4. quidquid multi in contrarium citent Speculatorem in tit. de statu monachorum. num. 43. & id clare exprefferit. gl. in reg. eum qui. de reg. iur. in 6. Rot. in antiquis in tit. de regul. decis. 5. alias 289. quæ sane dubie loquitur, & alij multi, quos supra citati referunt: & ita contra eos statuerunt doctissimi, & Illustrissimi Cardinales. vnde si Abbas, vel Prior dederint licentiam nouitio, vt extra claustra in anno probationis negotia monasterij, vel religionis administret, puto illud tempus

non prodesse ad annum probationis adimplendum, nec tunc sufficere annum interpolatum, vt supra diximus, quidquid in hoc casu contrarium sentiat Nauar. consil. 32. de regular. lib. 3. à nu. 2. cui vix consentio: Si tamen nouitius durante anno probationis curandæ valetudinis causâ de licentia superiorum a monasterio exierit, & postea reuertatur, eodem tempore professionem emittit, perinde ac si numquam egressus fuisset, quod maximam habet æquitatem; nam & notas asperitates ægrotus habet, & mores meliores: nisi constet, vel mutatos esse mores ipsius, vel asperitates monasterij auctas. & ita hanc opinionem approbarunt doctissimi, & Illustrissimi Cardinales: quam multum adiuuat regula, cum non stat per eum, ad quem pertinet quo minus conditio impleatur, haberi debet ac si impleta fuisset de reg. iur. in 6.

4 Sed pone, quòd monialis durâte anno probationis, curandæ valetudinis causâ, de licentia Abbatissæ, vel Priorissæ exiuit à monasterio, an iterum reuersa possit annum adimplere? Pro parte affirmatiua facit dicta regula, cum non stat, & id quod supra diximus.

Secundo facit, quòd licet Abbatissa, & Priorissa non habeant potestatem ad concedendâ licentiam professæ, vt exeat de monasterio, tamen nouitiæ recte eam potest concedere. ergo ad id appellatione superioris sane veniet

niet Priorissa, & Abbatissa. Ego tamen cum casus occurreret dubitavi existimans non videri rem nimis certam doctissimos, & Illustrissimos Cardinales appellatione superioris intelligere illum, qui licentiam religioso non potest concedere, ad relinquenda claustra monasterij; tutiusque videri in specie monialium in hac materia requirendam esse licentiam a Summo Pontifice, vel legato, ut monialis numquam censeretur egressa fuisse claustra monasterij. fateor tamen rem esse dubiam, & indigere declaratione doctissimorum, & Illustrissimorum Cardinalium, quorum censuræ me libenter submitto.

- 2 Secundum dubium erat, an minor restitueretur in causis beneficialibus, & aliis spiritualibus? Respondi minorem restitui in omnibus fere causis spiritualibus, præterquam in matrimonio si contractum est, & in sponsalibus. hæc enim matrimonij naturam regulariter sequuntur, iuxta l. oratio. ff. de sponsalibus. intendit gl. in cap. cum dilectus. verb. metum mortis. de his quæ vi metusve causa fiunt. notat Couar. lib. 1. resol. cap. 5. a nu. 8. Bal. in rub. de iudic. 1. lect. nu. 7. Vnde si puella minor læsa est in confessione facta in causa matrimoniali restituitur. Alex. consil. 8. lib. 7. cōprobat Couar. vbi proxime¹, vers. rursus nec tertia. idque id ipsum respondi in casu cuiusdam puellæ, quæ importunis precibus roga-

ta, vt sponsalia remitteret, id fecit; iuxta notata in l. 3. C. ex quibus caus. maior. glo. in l. 1. verbo extorta. C. ne filius pro patre, & tradita per Arium Pinel. in l. 2. C. de rescind. vendi. 1. par. nu. 31. Idque ipsum respondi in puella maiori vigintiquinque annis, quæ a consanguineo seducta fuit, vt coram tabellionibus diceret, se remittere obligationē Petro contractam ex spōsalibus, idque affirmavit puellæ faciendum esse, vt securius matrimonium contraheretur iuxta l. eleganter. ff. de dolo, & notata per Couar. de sponsal. 2. par. cap. 3. §. 7. num. 3. adiunctis illis, quæ adnotauit lib. 1. resolut. cap. 5. a num. 8. vers. rursus.

- 6 Tertium dubium erat, An possessor maioratus dans in dotem vsumfructum vinearum filiæ suæ, quæ liberos habebat, si dicta filia mortua fuit, posset repetere vineas ad Maioratus pertinentes? Respondi non posse in vita possessoris Maioratus vineas datas in dotem filiæ, superstite nepote vendicari: nam vel commoditas illarum vinearum fuit data in dotem, vel vsus fructus: si commoditas data est, non possunt vineæ vendicari. l. vsumfructu in dotem dato § 8. ff. soluto matrimonio. si vero vsusfructus vinearum in dotem datus est, idem dicendum esse existimo, ex ratione Barto. & Fulgos. in d. l. vsumfructu. num. 2.

- 7 Quartum dubium erat: Petrus reliquit in suo testamento centum Francisco, & centum
Ioannæ

Ioannæ sororis dicti Francisci, & eo modo cauit si Frāciscus moriatur absque liberis quid quid ex me habuerit, restituat Ioannæ eius sorori. Similique modo dixit, si Ioanna absque liberis moriatur, quidquid ex me habuerit restituat Francisco eius fratri, querebatur cū Ioanna ante mortem testatoris sine liberis mortua fuisset, an centum quæ ei relicta fuissent ad fratrem Franciscum pertinerent? Respondi, pertinere. l. Celsus pater. vbi Peralta num. 12. ff. de leg. 2. l. vnica. §. pro secundo. C. de caducis tollen.

- 8 Quintum dubium erat, An laicus posset inuestiri tamquam procurator de beneficio ecclesiastico, & præstare iuramentum. c. ego enim. de iureiur. Dixi, posse: regula enim est in omnibus admitti procuratorem, in quibus id expresse non prohibetur. cap. 1. de procur. in 6. cum igitur nullibi prohibeatur laicum esse procuratorem ad beneficij inuestituram, merito diximus non fore repellendum. notatur in cap. accedens. vbi Anchar. nu. 8. & Abb. num. 6. de præbend. Idemque respondi circa iuramentum dicti c. ego N. ex regula d. cap. 1. de procur. in 6. optimus textus in c. 1. 63. dist. notat in c. vn. §. verum. de statu regul. arg. c. 1. vers. personam per quos recipiatur in vsibus feudorum. notat Bal. in l. vnica. §. ne autem. num. 20. C. de Caduc. tollen. Alex. in l. qui bona. §. qui alieno. nu. 25. ff. de damno infe

cto. facit cap. eam te. de iureiurando.

- 9 Sextum dubium erat, an in causa matrimoniali, si semiplene probatum sit, deferatur parti iuramentum, iuxta cap. 2. in vers. nos. de probat. l. admonendi. ff. de iureiur. l. in bona fidei. C. eod. tit. Respondi regulariter in causa matrimoniali non esse deferendum iuramentum propter gravitatem causæ, & periculum animæ. Bellamera conclusione 480. Si tamen matrimoniū sit inter personas ignobiles, & in eo matrimonio paruum præiudicium sit, licite poterit iuramentum deferri; & ita vidi iam in praxi definitum.
- 10 Septimum dubium erat, an si homo quidam mortifere vulneratus in articulo mortis dixisset: Non me occidit Petrus, vel Petrus occidit me, defendendo se: an Petrus ob talem occisionē posset puniri? Respondi multum facere ad excusandum Petrum hanc occisi confessionem, adeo ut si coniecturæ alię deficient, nec torquendus sit reus, iuxta l. 2. ff. ad Sillanian. Bal. in l. 1. nu. 32. C. cōmunia deleg. vbi Ias. nu. 10. Aymon. conf. 6. nu. 64. multos citat Couar. lib. 2. resolut. cap. 13. nu. 4. Alciatus de præsumpt. regula 3. præsumptio. 4.
- 11 Qui reprobat sententiam Bald. quando indicia forent valde vrgentia, ex quibus magis iudex præsumeret mortifere vulneratum mentitum esse. sequitur Couar. vbi proxime. sed profecto Bald. idipsum dixit in his verbis: Si
tamen

tamen liquido constaret de crimine puni-
tur, vt l. 2. ff. ad Syllanian. constat autem liqui-
de, quando ex præsumptionibus fortioribus
12 iudex id arbitratur. l. si. C. de probat. Si vero
mortifere vulneratus dixit: Petrus me occi-
dit, non ob id puniendus erit Petrus, l. 3. §. i. ff.
ad Syllanian. vbi Io. Igneus à nu. i. Couar. vbi
supra. nu. 8.

13 Octauum dubium erat: Monachus quidā
prætendebat se non esse obligatum religioni,
cum quo monasterium litigabat; volebat mo-
nachus extra monasterium causam agere, al-
legans, nihil esse innouandum lite pendente:
contrarium tamen respondi ex Concilio Tri-
dent. de refor. sess. 25. c. 19.

SVMMARIVM EX CAPITE SEQ.

- 1 *Vtile per inutile non vitiatur.*
- 2 *Referuntur quattuor difficultates aduersus illā
regulam, vtile. de reg. iur. in 6.*
- 3 *Prima difficultas assertur ex c. cum super. de
offic. deleg.*
- 4 *Secunda difficultas assertur ex cap. i. de postu.
prælat. in 6.*
- 5 *Tertia difficultas proponitur ex l. si non sortem
§. si centum. ff. de condic. indeb.*
- 6 *Quarta difficultas assertur ex l. si libertus. §. si
quis plures. ff. de iure patron.*

Multi

- 7 Multi auctores existimauerunt Bonifac. VIII. male constituisse regulam vtile. de regulis iuris in 6.
- 8 Defenditur Bonifacius VIII. ab impugnatione aliquorum.
- 9 Taxantur Brixiensis doctor antiquus, & Aemilius Ferretus.
- 10 Declaratur quid significet vtile, & quid inutile in hac materia.
- 11 Traduntur duo sensus regulæ vtile, de reg. iur. in 6. & vltimus approbatur.
- 12 Vtile per inutile non vitiatur, nisi inutile concernat substantiam actus, vel lex, aut mens contrahentium contrarium suaserit, vel de inutili non conslet.
- 13 Traditur intellectus cap. Cum super de officio delegati.
- 14 Traditur concordia inter dissentientes opiniones doctorum, an regula vtile. de reg. iur. in 6. procedat in actibus indiuiduis.
- 15 Proponuntur quattuor difficultates, quæ regulæ aduersantur.
- 16 Traditur intellectus cap. pura. 3. q. 9.
- 17 Traditur intellectus cap. Massana. de elect.
- 18 Traditur intellectus l. donationes. C. de donat. inter vir. & vxor. & Ordinat. lib. 4. tit. 54. in principio.
- 19 Traditur intellectus l. & si 20. vers. licet. ff. de adimendis legat.
- 20 Traditur intellectus cap. 1. de postulat. prælat. in 6.

in 6. & cap. primo de baptismo.

- 21 Declaratur ingens dubium, an actus inutiliter gestus, si alio modo utiliter fieri potest, eo modo factus censeatur quo valeat.
- 22 Traditur intellectus l. si non sortem. §. si centum ff. de condit. indeb.
- 23 Si oleum, vel vinum in solutum datum fuerit, utile per inutile non vitiabitur, & indebitum repetetur, & debitum solutum remanebit.
- 24 Traditur intellectus ad l. si libertus 16. §. si quis plures. ff. de iure patron.
- 25 Sacerdos habens decem hostias in altari, & intendens consecrare nouem, nullam consecrat.
- 26 Traditur intellectus l. prima. vers. item queritur. ff. aqua quotid. & aestiu. & in vers. idem Trebatius.
- 27 Traduntur ampliationes, & limitationes ad regulam utile. de reg. iur. in 6.

CAPVT XVI.



- 1 **V** T I L E per inutile non vitiatur (inquit Bonifacius VIII. Pontifex Maximus) in reg. utile. de reg. iur. in 6. consonat cap. si quos de seruis. 12. q. 2. cap. dilectus in 1. de preben. l. placuit. ff. de vsur. l. r. §. penult. ff. de verborum obligatio. quæ regula, licet plures habeat difficultates, ego tamen quattuor tantum referam, ad
2 quas

quas aliæ suo ordine reducentur.

3 Et in primis sic arguo : Quando duo iudices simul ferunt sententiam, quorum vnus est habilis, alter vero inhabilis, datur utile, & inutile, sed tunc sententia corruiat : ergo utile per inutile vitiatur. Maior patet : nam iudicis habilis decretum utile est, inhabilis vero, inutile. Minorem probat cap. cum super. de offic. deleg. vbi ex duobus iudicibus procedentibus in causa, quorum vnus habilis erat, alter vero inhabilis, sententiã simul protulere (cum quilibet illorum sine consilio procedere possit.) inquit tamen Summus Pontifex, quod si ambo sententiam tulerunt, sententiã minime valere. idem probat c. ad probandum. de re iudic. l. p̄dius, aliàs incipit Parui. §. i. ff. de arbitr. consequentia recte colligit.

4 Secundo sic argumentor : Quãdo actus fit, & apponitur forma inualida, datur utile, & inutile ; sed in hac specie nõ valet actus : ergo utile per inutile vitiatur. Maior probatur, quia actus est quid utile, forma vero quid inutile. Minor constat ex cap. i. de postulat. prælatorum in 6. vbi inquit Summus Pontif. quod electio, seu postulatio facta sub ea forma, eligo & postulo, prout melius de iure valere potest, nulla est, idem in forma baptismi probat cap. i. de baptismo. consequentia recte infert.

5 Tertio sic argumentor. Quando quis putat

tat se debere ducenta, & dat in solutum fundum ducentis æstimatum, cum solū centum debeantur, datur vtile, & inutile, sed in hac specie datio in solutum corrui, & fundus condici potest, ergo vtile per inutile vitiatur. Maior notissima est, minor probatur ex l. si non sortem, §. si centum, ff. de conditione indebit. vbi aliquis debebat centum, & errore ductus existimabat se debere ducenta, deditque in solutum fundum ducentis æstimatum, cum tantum centum reuera deberentur: cognito errore volebat reuocare fundum. quæsitus fuit Iureconsultus, an solum deberet reuocare fundum pro parte indebita, an vero in totum. Respondet Iureconsultus in totum fundum reuocandum esse, idem probat, l. amplius, ff. de regulis iuris. Consequentia colligit in forma.

- 6 Quarto, & vltimo sic arguo. Quando quis facit aliquam alienationem, quæ partim est valida, partim inualida, datur vtile, & inutile, sed in hac specie alienatio in totum nulla est, & corrui, ergo vtile per inutile vitiatur. Maior patet, minorem probat, l. si libertus §. si quis plures, ff. de iure patronat. vbi libertus alienauit quasdam res, quarum alienatione partim centennarius manebat, aliarum vero rerum alienatione minor centennario fiebat, quo casu alienatio non valet utpote facta in fraudem legis, de qua in §. postea instit.
- de

de successione libertorum quesitum fuit a Iurisconsulto, an res alienata tantum reuocanda essent per quos libertus minor centennario fiebat, an vero in totum res omnes alienata forent reuocanda. Respondit Iureconsultus omnes res alienatas in totum reuocandas esse. Consequentia colligit in forma.

- 7 Propter has difficultates sunt quidam asserentes Bonifacium Octauum Pontificem Maximum parum feliciter constituisse regulam utile per inutile, de regulis iuris in 6. alij ipsum omnino errasse, impudenter affirmant. Nam doctores communiter in d. reg. utile, & in cap. cum super de offic. deleg. & in l. 1. §. pen. ff. de verborum. intendit ultra alios Iacob. Menoch. de recuperan. remed. 9. num. 326. existimant regulam negatiuam cum Bonifacio in diuiduis constituendam esse, affirmatiuam vero in indiuiduis obtinere affirmant.

- 8 Sed hæc distinctio nequaquam recipienda est, tum quia summus Pontifex inscitia argueretur, quod cum breuiter se explicare posset, faciendo differentiam inter actus diuiduos, & indiuiduos, id non fecisset; tum quia sententia est actus indiuiduus, l. in hoc iudicio, ff. de familia erciscun. l. cum certa C. quando prouocare non est necesse, Bald. in l. 2. C. de re iudic. Abb. in cap. 1. num. 8. de re iudic. & tamen in sententia non semper
utile

utile per inutile vitiatur, cap. per tuas 12. in fine, cap. cum I. & A. vers. si vero de re iud. & alijs exemplis idipsum inferius probabimus. Vnde Brixienſis doctor antiquus, quem refert, sed merito reprobatur, gl. in d. reg. utile ait summum Pontificem Bonifacium Octauum male constituisse hanc regulam negatiuam, debebat enim (vt ille inquit) constituere regulam affirmatiuam.

9 Quam opinionem impudentius sequutus est Aemilius Ferretus in l. 1. §. penult. num. 7. ff. de verbor. obligation. cuius insolentia in hoc nulla indiget confutatione.

10 Pro resolutione totius materiae duo tantum breuitatis causa, & ea quidem breuissima præmittenda sunt. Et in primis præmittendum est, tam apud bonos auctores, quam apud Iureconsultos, & Imperatores hæc verba utile, & inutile plura significare. Quantum vero ad nostrum propositum attinet utile dicitur, quod est validum in iure, inutile vero quod est inualidum, l. 1. §. penult. ff. de verbor. Idque intendit summus Pontifex Bonifacius Octauus in dicta regula utile dum ait, utile per inutile non vitiatur, idest validum per inualidum non corrumpitur. Ratio huius rei est, quia contrahentes in dubio censentur facere actum validum, l. quoties, ff. de rebus dubijs, l. quoties, ff. de verborum obligat. ergo præsumuntur in dubio inutile reiicere, utile

utile vero amplecti, ut actus valere possit, iuxta dictam, l. quoties.

11 Secundo, & ultimo præmittendum est duplicem sensum posse habere dictam regulam utile, de regulis iuris. in 6. Primus est, ut utile non vitietur per inutile, ita ut inutile non vitiet directe utile, quo modo si regula intelligatur, nullam difficultatem habebit. Ratio est, quia id quod est inualidum nostro iure, nullum effectum potest producere, l. non dubium, C. de legibus. Cum igitur vitare sit effectus, ut patet, merito id quod est inutile, & inualidum nullum actum vitare poterit. Sed hæc intelligentia licet in se vera sit, restringit tamen generalitatem huius regulæ, & abhorret a mente Iureconsulti in l. 1. §. penult. ff. de verborum obligation. Verior igitur sensus est, quod utile non vitatur per inutile non solum directe, sed neque etiam indirecte, ita ut concurrente utili cum inutili, regulariter utile non vitietur, idque intendit Iurisconsultus in l. 1. §. penult. ff. de verborum summus Pontifex Bonifacius Octauus in dicta regula, utile de regul. iur. in 6. Cuius rei ratio est, quam superius in primo præmissio tetigimus.

12 His ita præmissis sit conclusio. Utile per inutile non vitatur, nisi inutile cōcernat substantiam actus, vel lex, aut mens contrahentium suaserit, vel de inutili non constet. Pro-
batur

batur conclusio. In dubio semper contrahentes præsumuntur facere actum validum. at vt actus validus fiat, necesse est utile nos amplecti, inutile vero reiicere, ergo utile per inutile non vitiatur. Maior probata est in primo præmisso; minor patet; consequentia recte infert. Diximus, nisi inutile concernat substantiam actus, vel lex, aut mens partium contrarium suaserit, vel de inutili non constet: quia tunc eo casu non vitiatur utile per inutile principaliter, sed aliunde, & per consequentiam, ex eo scilicet, quia vel substantia, vel mens partium deficit; aut quia lex ob iustas causas contrarium iussit.

13 Ex quibus iam primo infertur intellectus ad cap. cum super de offic. deleg. vbi ex duobus iudicibus procedentibus in causa, quorū vnus habilis erat, alter vero inhabilis sententiam simul protulerunt (cū quilibet illorum sine consocio procedere possit) inquit tamen summus Pontifex, quod si ambo sententiam tulerunt, sententiam non valere. Obstat tamen regula utile de regul. iuris in 6. qua probatur utile per inutile non vitiari, & ita decretum iudicis habilis non vitiari per decretum alterius iudicis inhabilis. Cui difficultati nostri doctores respondent, dictam regulam utile de reg. iuris in 6. non procedere in actibus indiuiduis plane sententia est actus indiuiduus, vt superius diximus. ergo nihil

mirum si in hac specie utile per inutile vitietur, sed hæc intelligentia non placet.

Primo, quia si dicta regula utile de regulis iuris in 6. non procederet etiã in indiuiduis, summus Pontifex Bonifacius Octauus inscientiẽ argueretur, quòd cum breuiter se commode explicare posset faciendo differentiam inter actus diuiduos, & indiuiduos, id non fecisset, vt superius iam diximus.

Secundo contra eandem intelligentiam vrget, quòd dicta regula utile procedit in multis actibus indiuiduis, puta in auctoritate tutoris, l. 1. §. sed Pomponius, ff. quod falso tutore, in seruitute, l. proprium in 1. responso, ff. de commun. præd. in sententia, probat expresse cap. per tuas cap. cum I. & A. vers. si vero de re iudic. per quæ iura non solum in indiuiduis, sed etiam in indiuiduis procedere dictam regulam utile existimant Andr. Alciat. in l. 1. §. penult. ff. de verborum. Ultra alios Andr. Tiraq. de causa cessante limitatione 22. num. 6.

- 14 Quapropter inter has duas dissentientes opiniones illa concordia mihi placet, quòd prima opinio procedat quando actus vnicus est, & simplex, & datur inutilitas in parte essentiali, & intrinseca, tunc enim actus corruit ex eo, quia non habet suas partes essentielles, sine quibus actus non potest subsistere iuxta l. eum qui ædes, ff. de vsucapion. Sic proce-

procedet, cap. cum super de officio deleg. nam habilitas iudicis requiritur ad substantiam sententiæ, ideoque si deficit, sententia corrui, quia deficit substantialis pars actus. sic procedit cap. 1. de postulat. prælat. in 6. cap. 1. de baptismo. Posterior vero opinio procedat quando, vel actus est duplex, vel vt duplex consideratur, aut non datur inutilitas in parte essentiali. Sic procedit, l. 1. §. sed Pomponius, ff. quod falso tutore. l. proprium in 1. responso, ff. de commun. prædiorum, cap. per tuas in fin. cap. cum I. & A. de re iud. cum alijs.

15 His tamen obstant quattuor fundamenta. Primum est cap. pura 3. quæst. 9. vbi testimonium in vna parte falsum vitiatur, licet in alia veritatem contineat.

Secundum est cap. Massana de electione, vbi electio vtiliter facta a clericis vitiatur propter mixturam laicorum, qui simul cum clericis elegerunt.

Tertio obstat, l. donationes, C. de donation. inter vir. & vxorem. adiuncta gloss. ibi verb. distinctione, quæ asserit, donationem prohibitam in certa quantitate non valere in minori.

Quarto obstat, l. etsi 20. vers. licet, ff. de adimen. legat. vbi legatum relictum capaci, si postea ad incapacem transferatur ademptum censetur, & ita legatum vtiliter alicui

relictum vitatur per legatum relictum inutiliter.

- 16 His tamen non obstantibus non est recedendum a prædicta resolutione. Nec obstat cap. pura 3. quæst. 9. ubi testimonium falsum in vna parte vitatur, licet in alia veritatem contineat. Respondemus enim id fieri ex eo, quia testi periuro non creditur, cap. testimonium de testibus, ideoque testi periuro in vna parte non creditur in alia, iuxta dict. cap. testimonium.
- 17 Non obstat cap. Massana de electione, ubi electio utiliter facta a clericis vitatur propter mixturam laicorum, qui simul cum clericis elegerunt: respondemus enim id esse ex eo, quia suffragia laicorum non poterant separari, & ita propter incertitudinem vitatur actus iuxta regulam, l. duo sunt Titij, ff. de testam. tutel. l. idem Pomponius, §. fin. ff. de rei vendicat.
- 18 Non obstat d. l. donationes adiuncta gl. verb. distinctione, C. donat. inter vir. & vxor. quæ asserit donationem prohibitam in certa quantitate, non valere in minori, respondemus enim eam glossæ sententiam falsam esse: nam si a lege prohibeatur donatio in certa quantitate prohibita, valet in minori. verbi gratia in specie Ordinat. lib. 4. tit. 54. donatio quæ non fuerit insinuata, non valebit ultra quantitatem ibi taxatam, valebit tamen

men intra quantitatem præscriptam a lege. pro qua sententia facit dicta regula utilis, ubi utile non vitatur per inutile; & ita nec donatio in quantitate permessa debet vitari per donationem in quantitate prohibita.

Secundo facit textus in dict. l. donationes ibi amplioris quantitatis, quasi Imperator solum prohibuerit illam donationem, quæ fuerit quantitatis excedentis, non vero illius summæ, & quantitatis quæ a lege præscripta est. Quæ opinio, & verior, & communior est. quam sequuti sunt nostri legislatores Ordin. lib. 4. tit. 54. in principio.

19 Non obstat lex etsi 20. vers. licet, ff. de adimen. legat. ubi legatum utiliter relictum, vitatur per legatum inutiliter relictum. Respondemus enim Iurisconsultum ibi nihil agere de utili, vel inutili; sed ideo legatum in ea specie ademptum censeri, quia constabat de voluntate testatoris, dum incapaci reliquit, quæ voluntas solum sufficit ad adimendum legatum iuxta l. 3. §. ult. ff. de adimend. leg. l. plane in 1. ff. de legat. 1.

20 Secundo ex prædictis infertur intellectus ad cap. 1. de postulat. prælator. in 6. ubi inquit summus Pontifex, quod electio seu postulatio facta sub ea forma, prout melius de iure valere potest, nulla sit. Sed obstat regula utilis de reg. iur. lib. 6. qua probatur utilis

per inutile non vitiari, & ita non debebat vitiari electio, seu postulatio utilis per verba inutilia adiecta, prout melius de iure valere potest. Huic tamen difficultati respondemus ex eo electionem, & postulationem, vitiari, quia dabatur inutilitas in parte essentiali actus, nempe in forma, cui lex resistit ut patet ex d. cap. 1. de postulat. prælat. in 6. Cuius rei ratio est, quia in electione, & postulatione, utpote actibus legitimis, & gravissimis quolibet incertitudo est vitanda, nec villo pacto per iura admittitur, cap. 2. de electione in 6. ideoque formæ talis electionis seu postulationis lex resistit sic procedit cap. 1. de baptismo; ubi si in baptismo apponitur forma inutilis, baptismus non est, quia scilicet inutilitas datur in parte essentiali, nempe in forma. quo casu utile per inutile non vitiatur principaliter, & proprie, sed minus principaliter, & improprie, ex eo scilicet, quia substantia actus deficit, ut superius diximus.

- 21 Dubium tamen hic se se offert ingens, & nequaquam prætermittendum, utrum scilicet in hac specie si lex non resisteret, & postulatio, seu electio alias inualida foret, & alio modo utiliter fieri posset, an eo modo utiliter gesta censeretur propter illa verba dicti cap. 1. de postulat. prælat. in 6. prout melius de iure valere potest, nam illa quæstio contro-

uersa est, an actus inutiliter gestus, si alio modo vtiliter fieri potest, eo modo factus censeatur. In quo dubio partem affirmatiuam, quod scilicet faciens vnum actum inutiliter, si ille actus alio modo vtiliter fieri potest, eo modo factus censeatur, tenuit Abb. in cap. cum super de offic. deleg. num. 12. in qua re multa distinguendo affert Ias. in l. 1. §. penult. num. 23. vbi Zaz. num. 25. ff. de verborum. Contrariam sententiam, immo actum vno modo inutiliter gestum non censi factum a partibus eo modo quo vtiliter, & valide fieri potest, tenuit Bart. communiter receptus in d. l. 1. §. penult. ff. de verborum. In hoc difficili articulo ego dicerem opinionem Bar. communiter receptam verissimam esse, si eam temperemus quibusdam limitationibus, in quibus opinio Abb. & aliorum recte procedit.

Sit igitur cōclusio; actus gestus vno modo inutiliter non censeatur gestus alio modo quo vtiliter fieri potest. probatur conclusio. Mens contrahentium regulariter ad vnum tantum actum refertur, cap. in præsentia, §. verum de probat. l. vlt. C. si certum petatur l. omnium, C. de testam. ergo omnis alius actus non censeatur gestus, cum sit contra regularem voluntatem contrahentium, & succedit regula, l. 1. ff. de pact. l. inter stipulantem, §. 1. ff. de verborum. atque ita hanc conclusionem in effectum constituit Iurisconsultus

in l. 1. §. penul. ff. de verborum, l. 1. §. cum qui, ff. de constit. pecun. l. an inutilis secundum vulgarem litteram, ff. de acceptilat. tex. optimus ad hoc non citatus in l. cum hic status, §. si quis sponsam, ff. de donation. inter vir. & vxor. vbi Iurisconsultus inquit, quod traducens in domum mulierem minorē duodecim annis, & ita contrahens matrimoniū de præsenti, nec fecit matrimonium, quia non potuit facere propter ætatis defectum, neque sponsalia fecit, quia non intendebat. Hæc tamen regula limitatur tribus modis.

Primo si constiterit de actu, quem pars volebat facere: nam si non constat, tunc illum gestum esse interpretabimur, qui potest valere. ita procedit, l. ex facto, §. Scæuola, ff. ad Trebellianum. Etenim hereditas Codicillis dari non potest, & per consequens non potest in illis fieri directæ institutio iuxta tex. in d. l. ex facto, §. Scæuola, §. penult. instit. de Codicillis, l. 2. C. eod. tit. de Codicillis. Ideoque instituens aliquem heredem in Codicillis, nō præsumitur velle facere directam institutionem, sed indirectam.

Secundo limitanda est prædicta regula, nisi lex ob aliquam causam statuisset, vt gerens actum inutilem, alterum utilem fecisse iudicetur. Sic procedit textus in cap. vnico, §. 1. de sponsatione impub. lib. 6. vbi si duo impuberes matrimonium contrahunt de presenti
licet

licet matrimonium non faciant, sponsalia tamen fecisse iudicantur. idque est, quod summus Pontifex ait in d. cap. vnico, de desponsatione impub. lib. 6. iuris interpretatione, quasi summus Pontifex dicat id non procedere proprie ex natura actus, & præcipua contrahentium intentione, sed ex iure interpretante eo casu, vt qui ob defectum ætatis sine sua culpa matrimonium facere non potuerūt, sponsalia saltem fecisse iudicentur. Sic sane facile conciliantur text. in d. l. cum hic status (licet doctores non meminerint) cum d. cap. vn. §. 1. nam Iurisconsultus in d. l. cum hic status procedit secundum iuris regulas, quibus attentis, faciens matrimonium, quod perficere non potest, non censetur facere sponsalia. At vero textus in d. cap. vnico, §. 1. procedit secundum nouioris iuris dispositionem interpretantis in eo casu, vt qui matrimonium non potuerunt facere, sponsalia saltem fecisse iudicentur.

Tertio limitatur prædicta regula, nisi dispensans tacite, vel expresse dicat velle. Vt sua dispositio valeat meliori modo quo fieri posset, tunc enim si non valet eo modo quo fit, valebit eo modo quo valere possit. Plane in d. cap. 1. de postulatione præl. in 6. valeret electio, seu postulatio, si alias inualida foret, propter adiectionem illorum verborum, (prout melius de iure valere potest) nisi lex
formæ

formæ talis electionis, seu postulationis ex causa resisteret. Hinc est, quòd licet aliquis volens facere testamentum, cum non possit, nec actus valeat, vt testamentum, nec vt codicil. l. 1. ff. de iure codicillorum: Tamen, si dixit se velle, vt testamentum meliori modo quo possit valeat, si non valet vt testamentum, codicilli facti censentur. l. codicillis, §. ult. ff. de legat. 2. l. ult. vers. illud, C. de codicillis. Idque est, quod vulgo dicere solemus actum habentem clausulam codicillarem, si non valet vt agitur, valere meliori modo quo fieri potest, vt de iuramento est tex. (secundum communem intelligētiam, quam non probamus, vt alibi ostendemus) in l. cum pater 29. §. filius matrem, ff. de leg. 2. & in pactis liberatorijs propter eandem clausulam subintellectam (si non valet, vt ago, valet, vt valere potest) l. si vnus, §. pen. ff. de pact.

22 Tertio ex prædictis infertur intellectus ad l. si non sortem, §. si centum, ff. de condict. indebiti, vbi aliquis debebat centum, & errore ductus existimabat se debere ducenta, deditque in solutum fundum ducentis æstimatum, cum tantum reuera centum sola deberentur; postea cognito de errore volebat reuocare fundum, quæsitus fuit Iureconsultus an in totum fundus reuocandus esset, an vero tantum pro parte indebita, respondet Iureconsultus in totum fundum reuocandum esse

esse. idem probat l. cum amplius 85. ff. de reg. iuris. Obstat tamen regula vtile de reg. iur. in 6. dū ait vtile per inutile vitiatur, & ita datio in solutū vtilis non debebat reuocari per dationē in solutum inutilem. Sunt qui respondeant ideo dationem in solutum inutilem, & inualidam esse in totum, quia est actus indiuiduus. Plane secundum doctores communiter dicta regula vtile non procedit in actibus indiuiduis. Sed profecto hæc responsio non placet; Primo, quia iam hæc intelligentia superius reprobata est.

Secundo, non apparet donationem in solutum esse actum indiuiduum, quin potius diuiduum esse constet, ex eo quod pro parte debita potest contingere liberatio, & pro parte indebita reuocari, vt ait Iureconsultus in d. l. si non sortem, infra in duobus vers. & ideo actus indiuiduus est iuxta regulā præscriptam a Iurisconsulto in l. 4. §. Cato ibi si de eo cautum sit, quod diuisionem recipiat, & cæt. ff. de verborum oblig.

Tertio tandem facit, quia Iurisconsultus non reddit illam rationem, nempe quia datio in solutum est actus indiuiduus, sed aliam diuersam, nempe nemo cogitur ad communionem. Alij secundo loco existimant dictam regulam vtile non procedere in datione in solutum per hunc text. ita in effectū, Ias. in l. 1. §. penult. num. 3. & 6. Crot. num. 13. ff. de ver-

de verborum. Sed nec hic intellectus placet, quia conuincitur ex d. l. si non sortem, §. si centum in duobus versiculis, vbi Iurisconsultus in datione in solutum olei, & pecuniæ, asserit, vtile per inutile non vitiari, & debitum solutum esse, indebitum vero repetendum esse, vt cuilibet intuenti facile patebit.

Quapropter verissimus intellectus est ille, qui ex supra positis principijs deducitur. Diximus supra regulam vtile de reg. iuris in 6. non procedere, quando contrarium constat de mente partium, & colligitur ex natura actus. At in hac specie contrarium constabat de mente partium, & ex natura actus colligebatur, ergo, &c. Major probata est. minor vero patet, quia quando aliquis dat fundum in solutum, ea mente dat, vt si datio in solutum in totum nõ valeat, fundus reuocetur, ne alias quis cogatur ad communionem contra text. hunc, & l. ult. C. de cõmuni diuidundo, vt colligitur ex l. cum amplius 85. ff. de reg. iuris, intendit Iurisconsultus in d. l. si nõ sortem, §. si centum, ff. de conditione indebiti, dum reddit illam rationem, nemo cogitur ad communionem. Vnde si res data in solutum illius naturæ, & qualitatibus est, in qua præcise non cogatur quis ad communionem, datio in solutum valebit pro parte debita, & pro parte indebita reuocabitur. verbi gratia, aliquis existimabat se debere ducenta
dedit

dedit in solutum oleum ducentis æstimatum, cum tantum reuera centum sola deberentur, datio in solutum ualebit in centum, & aliud oleum repetetur, ut statim subdit Iureconsultus post dictum §. si centum. intendit Ang. & Ias. in d. l. si centum. Tiraq. de retract. tit. 1. gl. 1. numero 26. Pro quo facit d. l. cum amplius. ff. de reg. iur. Cum amplius (inquit Paulus) solutum est quàm debeatur, cuius pars non inuenitur, quæ repeti possit, totum esse indebitum intelligitur manente pristina obligatione.

24 Ex prædictis inferitur intellectus ad l. si libertus 16. §. si quis plures. ff. de iure patronat. ubi libertus alienauit quasdam res, quarum alienatione maior centenarius manebat, aliarum vero rerum alienatione minor centenarius fiebat, quo casu alienatio non valet, utpote facta in fraudem legis, de qua. in §. postea. Instit. de successione libertorum. quaesitum fuit a Iureconsulto, an res alienatae solum reuocandae essent, per quas minor centenarius fiebat, an omnes in totum? Respondit Iurisconsultus omnes in totum reuocandas esse. Sed obstat regula utile. de reg. iur. in 6. ubi utile per inutile non vitiatur; & ita videbatur res vtiliter alienatas non debere reuocari propter res inutiliter alienatas. Quapropter verus intellectus deducitur ex supra iactis fundamentis.

Diximus supra, utile per inutile non vitari, nisi de utili non constet. At qui in d. l. si
liber-

libertus. §. si quis plures. non constabat de vtili. ergo nihil mirum si vtile per inutile vitietur. Maior supra probata est; minor vero constat, quia in d. §. si plures non constabat, quænam res facerent libertum minorem ceterario, & ita actus corrumpit in totum, & omnium rerum alienatarum fit reuocatio propter incertitudinem, iuxta l. duo sunt Titij. ff. de testa. tutel. l. idem Pomponius. §. fin. ff. de rei uendicatione.

25 Sic pari modo sacerdos habens decem hostias in altari, & intendens consecrare hostiam, nullam consecrat: quia non datur intentio certa, & determinata ad actum illum consecrationis peragendum; iuxta communem in cap. 2. de offic. ord. vbi Panor. nu. 15.

26 Sic etiam procedit l. i. vers. item quæritur. ff. de aqua quotid. & æstina. vbi cum aliquis per fundum alicuius duceret certam aquæ quantitatem, & postea aliam immisceret, quæsitus fuit Iureconsultus, an solum prohibendus esset in aqua, quam immiscuit, an in tota aqua? Respondit Iureconsultus, in tota aqua prohibendum fore, ex eo scilicet, quia non potuit facile constare, quænam aqua duci potuisset, quæ vero non: & ita in totum prohibendum esse aquam ducere dixit Iureconsultus. secus esset, si potuisset constare, ut in appulsu pecorum ad aquam expressit idem Iureconsultus in d. l. x. vers. idem Trebatius.

ff. de

ff. de aqua quotid. & æstiu. Vnde si in specie,
d. l. si libertus. §. si quis plures. ff. de iure patro-
nat. potuisset constare, quænam res facerent
libertum minorem centenario, illæ solum re-
uocandæ erant, vt intendit Iurisconsultus ibi
in vers. si quis plane.

27 Ex quibus primo infertur ampliando regu-
lam vtile, de regulis iuris lib. 6. procedere re-
gulariter. plerumque enim vtile per inutile
non vitiatur.

Secundo infertur ampliando dictam regu-
lam vtile, vt procedat tam in actibus diui-
dis, quàm indiuidis.

Tertio infertur, limitando dictam regulam
vtile, vt non procedat quando datur inutili-
tas in parte essentiali: nam cum actus non
possit esse sine suis partibus essentialibus. l. eū
qui ædes. ff. de vsucapion. & idem sit non habe-
re partes, ac habere partes inutiles. l. 2. ff. de
auctor. tutor. l. quoties. ff. qui satisfacere cogā.
gl. in l. 2. verb. consumere. ff. de optione legat.
merito actus corrui, si inutilitas datur in
parte essentiali. ita procedit cap. cum super.
de offic. deleg.

Quarto infertur limitando dictam reg. vti-
le. de regulis iur. in 6. vt non procedat quan-
do lex resistit formæ alicuius actus: nam tunc
vtile per inutile non vitiabitur. cum enim
actus non possit stare sine sua forma. cap. Dai-
bertum, 7. q. 1. l. Iulianus. §. si quis. ff. ad exhiben.

merito

merito actus corrui. ita procedit cap. 1. de postulat. prælat. in 6. cap. 1. de baptis.

Quinto infertur, limitando dictā regulam utile, non procedere, quando de voluntate disponentis apparet: si enim vult, vt dato inutili aliquo, utile pereat, id obseruabitur, & utile per inutile vitiabitur. Sic procedit l. si non fortem. §. si centum. ff. de condict. indeb. l. cum amplius. ff. de reg. iur.

Sexto infertur, limitando dictā regulam utile, vt non procedat quando non constat de utili: quia tunc propter incertitudinem utile per inutile vitiatur, ex eo scilicet, quia datur incertitudo actus, propter quam actus non valet. l. idem Pomponius §. fin. ff. de rei v. dic. l. duo sunt Titij. ff. de testam. tute. sic procedit l. si libertus. §. si quis plures. ff. de iurepa. cum aliis supra adductis.

SYMMARIVM EX CAP. SEQ.

- 1 Referuntur verba Iurisconsulti Alpheni in l. Medicus patronus. ff. de operis libertorum.
- 2 Glos. Ac. legit in d. l. Medicus implorantes.
- 3 Littera gl. Ac. non displicet, eaq. comprobatur vnica ratione.
- 4 Alciat. & Duaren. legunt imperantes, sed non afferunt probabilem huius verbi rationem.
- 5 Traditur vera ratio verbi imperantes in d. l. Medicus.

Medicus, & affertur locus Senecæ in comprobationem ipsius rationis.

6 Declarantur verba dictæ l. Medicus, dummodo liberas operas ab eis exigeret, hoc est, vt acquiescere eos meridiano tempore, & valetudinis, & honestatis suæ rationem habere sinerët.

7 Olim omnes præter seruos quiescebant meridiano tempore.

8 Traditur intellectus ad l. 2. vers. cuiusque diei ff. de verb. signif.

9 Reprobantur intelligentia. gl. Anton. Aug. Co-
uar. & Alciat.

10 Traditur vera intelligentia dictæ l. 2.

11 In die habente quatuordecim horas, maior est pars horarum primarum, quàm supremarum; quia in primis semper homines operantur; non sic in secundis, cum in pomeridiana quiescant.

CAPVT XVII.

MEDICVS patronus, quòd putaret, si liberti sui medicinam non facerent, multo plures implorantes se habiturum, postulabat, vt sequerentur se, neque opus facerent, id ius est, necne? Respondi ius esse, dummodo liberas operas ab eis exigeret, hoc est, vt acquiescere eos meridiano tempore, & valetudinis, & honestatis suæ rationem

tionem habere sineret. Hæc sunt verba Iuriconsulti Alpheni in l. Medicus patronus 26. ff. de operis libertor. in qua lege dubitavi aliquando quid significaret illud verbum, implorantes. Etenim gl. explicauit, id est, rogantes, quasi ægroti dicantur rogantes, & implorantes. & ita sensus est Iuriconsulti Alpheni Medicus patronus, quòd putaret si liberti sui medicinam non facerent, multo plures ægrotos se habiturum postulabat, &c.

3 Et profecto hæc littera communis non displicet. solemus enim dicere, ægrotos opem medicorum implorare; ideo non inuenuste videtur Alphenus Iuriconsultus ægrotos appellare implorantes. Attamen Alciat. lib. 7.

4 Parergon. c. 13. & Franciscus Duarenus (vir egregie doctus) lib. 1. disputationum anniuersariarum cap. 57. ex Codice antiquo legunt multo plures imperâtes, sed non afferunt probabiles rationes huius verbi in hoc textu col-

5 locati. Rationem aliquando requirens inueni neminem cum maiori licentia imperare, quam ægrotû, adeo vt in prouerbio sit, Vult vt sibi obtemperê, tamquam ægrotò. Vnde cû ægroti soleant sæpe multa imperare, Iuriconsul. Alphenus ægrotos appellauit imperantes. cui rationi multum fauent verba Senecæ lib. 11. epist. 77. Tullius Marcellinus (inquit Seneca) quem optime noueras adolescens quietus & cito senex morbo, & non insanabili cor-

reptus

reptus, sed longo, & molesto, & multa imperante cepit deliberare de morte, conuocauit quamplures amicos, &c. Vides lector humanissime Senecam appellare morbum multa imperantem. ergo & ægrotos multa imperantes dicere possumus, nec littera Codicis antiqui, quam Alciat. & Duaren. attulerunt, à vero longe aberrat, tu quam mauis sequere.

- 6 In eo maior est dubitatio, quid significant illa verba text. dummodo liberis operas ab eis exigeret, hoc est, ut acquiescere eos meridiano tempore, & valetudinis, & honestatis suæ rationem habere sineret. Quod ut intelligas, præmitte, olim meridiano tempore antiquos ab omni labore cessasse ad valetudinem tuendam, solosque seruos id non obseruasse cum domini eos omni tempore ad laborē coegissent, ideoque Alphenus Iurisconsultus dixit, libertos posse cogi, ut patronū sequerentur, dummodo ab eis operas exigerent, quas homines liberi præstare solent, hoc est ut illos non cogeret meridiano tempore eum sequi, quo liberi homines solent quiescere, idque est, quod innuit Iurisconsultus Pomponius in l. 3. ad finem. ff. eodem tit. de operis libert. dum ait, liberto, qui sex horis dumtaxat ante meridianis præsto fuisset liberationē eius diei non contingere. solebant enim liberti operas præstare ante meridianū tempus, non in pomeridiano Sueton. in Augusto cap. 53. ni

si vespere, aut noctu, ne officij causa inquieta
ret. Ex quibus verbis apparet non solum ho-
mines liberos, qui operas præsta bāt, sed om-
nes quieuisse pomeridianis horis ob tempo-
ris opportunitatem, idque apud nos fieri so-
let in operariis aliquibus, quod apud nos di-
citur (*ter folga*) quasi deductum fuerit ex d. l.
Medicus, in qua probatur eos, qui operas de-
bent, debere quiescere pomeridiano tempore
valetudinis, & honestatis causa.

8. Ex quibus deducitur vera intelligentia l.
2. vers. cuius diei, ff. de verbor. significat. in il-
lis verbis obscuris: Cuiusque diei maior pars
est horarum septem primarum diei, nō supre-
marum. Namque glossa uerb. maior pars in-
9. telligit text. de duodecim horis diei, quæ per
tempora mutantur, comprobatur Anton. Aug.
lib. 4. emendationum cap. 13. Couar. lib. 4. re
sol. cap. 20. nu. 4. Sed hæc intelligētia displicet
Alciat. in d. l. 2. uerb. cuiusque diei. & merito:
nam comparatio, quam Iurisconsultus facit,
est de die habente quatuordecim horas, qua-
rum primæ erant septem, supremæ aliæ se-
ptem: non uero agit de die habente duode-
cim horas; tunc enim illa comparatio non
ita congrua manebat. Quapropter Alciat.
aptius intelligēs maiorem partem horarum
supremarum esse uoluit, quia negetiori ani-
mo sumus ad opera obeūda mane, quā uespe-
ri, adducēs illud Virg. quod sic interpretatur:

Nunc

Nunc adeo melior, quoniam pars aëta diei.

Sed profecto neque id satisfacit. illud enim Alciato ego cōcederem libenter in operibus exigentibus ingenij perspicuitatem, & iudicij maturitatem, sed in operibus fabrorum, & similiū, nescio, an hoc multi illi concedant, quin & si illud concederemus, melior pars nominari posset, ut Poeta dixit, non maior, ut
 10 Iureconsultus affirmavit. Tu dic, diem hic accipi pro eo qui est de luce ad tenebras, hoc est, de mane usque ad noctem; ita enim vulgus hominum intelligit. Plinius lib. 2. naturalium historiarum cap. 78. quamvis aliquando diuersimode accipiatur: tamen à Iurisconsultis plerumque in hoc sensu capitur, ut hic, & in l. 1. ff. de manumiss. l. à qua ætate. ff. qui testamenta facere possunt, & alibi sæpe. plane dies hic non semper habet easdem horas; sed nunc plures, nunc pauciores, ut omnes fatentur; nam semper habent duodecim, sæpe quatuordecim, aliquando quindecim, uel ulterius, saltē in Italia, Plin. ubi sup. Assumpsit: igitur iurisconsultus medium illud nempe diei habentis quatuordecim horas, ut poneret exemplum, quod passim solent facere. l. antiqui. ad fin. ff. si pars hereditatis petat. l. Arcthusa. ff. de statu hominum. s. ult. Insti. ex quibus causis manumittere non licet. notat Iacob. Boncour. in l. septimo mense ad fin. ff. de statu hominum. Et huius diei quatuordecim

horarum dicit Iurisconsultus maiorem partem esse horarum septem primarum, nempe a luce usque ad meridiem, quia in ea parte diei homines plus spatij operantur, impendentes labori integras septē horas ante meridianas, non sic facere solent in horis supremis a meridie usque ad noctem, quia pomeridiano tempore quiescunt, ut colligitur ex illo loco Sueton. superius citato, & ex dicta l. Medicus, ibi: Dummodo liberas operas ab eis exigeret, hoc est ut acquiescere eos meridiano tempore, & valetudinis, & honestatis suæ rationem iubere sineret. Quod si Iurisconsultus in d.l. 2. uers. cuiuscūque diei, aliud intellexit, id explicandum relinquo felicioribus ingeniis.

SUMMARIVM EX CAP. SEQ.

- 1 Proponitur summaria conclusio cap. suam. de pæn. & difficultas, adduciturque l. in executione. §. item si ita. ff. de verborum.
- 2 Enumerantur intellectus, quos doctores nostri præstiterunt cap. suam. de pænis, ut in hoc sit differentia inter ius canonicum, & civile.
- 3 Bartolus fuit vir summæ auctoritatis, & in iure civili Coriphæus.
- 4 Bartolus laudaret canonistam subtiliter iura interpretantem.

Auctor

- 5 *Auctor asserit non esse reiiciendas opiniones, quæ subtiles sunt & bonæ, sed vel recipiendas esse, vel rationibus confutandas.*
- 6 *Qui non admittit vllas opiniones subtiles, & nouas ex eo, quod sint subtiles, & nouæ, scientias includit intra iam paratos cancellos.*
- 7 *Traditur, & probatur secundus intellectus, quod dictum cap. suam procedat in personis Ecclesiasticis, iura ciuilia in laicis.*
- 8 *Traditur alius intellectus, & reprobat, quod dictum cap. suam procedat, quia illa pœna, censebatur vsuraria: de iure autem ciuili exigi poterat, quia eo tempore permissæ erant vsuræ.*
- 9 *Traditur alius intellectus, & reprobat, quod scilicet in d. cap. suam, fuisset appposita pœna, in compromisso, quæ non potest exigi, si paritum est sententiæ ante litem contestatam, ut in dicto cap. suam.*
- 10 *Quando pœna imposita est sine die, pars ab ea liberatur, si satisfacit ante litem contestatam: secus si dies appposita est.*
- 11 *Regulariter sorte principali recepta pœna peti non potest.*
- 12 *In arbitrio si imponatur pœna, nisi arbitrorum sententiæ paritum fuerit, recepta sorte principali pœna peti non potest.*
- 13 *Leuitas materiæ regulariter excusat.*
- 14 *Respondetur difficultati proposita.*

CAPVT XVIII.



STAT in titulo de pœnis celebre, & difficile caput incipit suam, quòd doctores nostri variis obruunt intelligentiis. probat text. simpliciter acceptus, & absque vlla cauillatione, debita summa aliqua, quæ in certa die soluenda erat sub pœna aliqua, parte debiti soluta intra terminum, pœnam integram non deberi; idque omnes ex illo textu deduxere. Contrarium probat text. in l. in executione. §. item si ita. ff. de verborum. Item si ita (inquit Vlpianus) stipulatio facta sit: si fundus Titianus datus non erit, dari centum, nisi totus detur, pœna committitur in centum. Nec prodest partes fundi posse dari cessante vna, quemadmodum non prodest, ad pignus liberandum, partem creditori soluere. haftenus Vlpianus noster. Ex cuius responso communiter doctores nostri respondent stipulationem pœnalem, adiectam obligationi dandi etiam certæ speciei pro solido committi, nisi solidum detur. l. stipulationum. §. si sortem. ff. de verborum. l. traiecitia 22. ff. de action. & obligation. Cuius rei ratio est, quia in d. l. in executione. §. si ita. per text. ibi receptum est omnem pœnalem stipulationem esse indiuiduam. Plane
illud

illud quod est indiuiduū non potest solui pro parte, l. 2. §. & harum, & §. ex his, l. 4. §. Cato, ff. de verborum. ergo stipulatio pœnalis adiecta obligationi dandi, etiam certæ speciei pro solido committitur, idest in totum: nisi solidum, idest totum detur.

- 2 Nituntur doctores nostri hæc iura conciliare. multi asserunt differentiam in hac re constituendam esse inter ius ciuile, & canonicum, ita vt de iure canonico non debeat pœna integra, si non soluatur summa tota, quæ debetur. At vero de iure ciuili debeat, Bart. in l. 4. §. Cato, num. 19. ff. de verborum, inquit; vnum etiam scias, quod canonistæ prædicta ita subtiliter non intuentes, non faciunt differentiam inter obligationem dandi & faciendi, vt extra de pœnis, cap. suam dic vt ibi per eos. hæc sunt verba Bartoli. Ex quibus lector humanissimus colliget Bartolum.
- 3 virum summæ auctoritatis, & in iure ciuili coriphæum desiderare in canonistis ingenij acumen ad materiam indiuiduorum subtiliter intuemam.

- 4 Sane vir egregius, & de iurisciuiis scientia benemeritus laudaret canonistam, qui in consulendo, & iudicando materias, de quibus tractaret subtiliter, intueretur etiam noua adducendo. nam & Iurisconsultus Pomponius ait in l. 2. ff. de origine iuris, Labeonem ingenij facilitate, & fiducia doctrinæ (vt & qui

qui præ ceteris operis sapientiæ operam dederat) plurima innouare statuisse. Et Imperator Iustinianus appellans Papinianum ante alios excellentem laudat eum acutissimi ingenij, l. cum acutissimi, C. de fideicomm. id ipsum intendit Imperator Valent. in l. vn. C. de professor. qui in Vrbe Constantinopolitana docentes ex lege meruerunt comitiuam lib. 12. ibi interpretandi subtilitatem. Et tandem Christus Optimus, & Maximus in Euan gelio docet egregium patrem familias de thesauro suo vetera, & noua proferre debere, pauper enim esset, si solum vetera, vel si solum noua haberet: oportet igitur diuitem patrem familias, & vetera, & noua habere, ac proferre.

- 5 Neque enim res digna est, non dicam iuris apprime doctis, sed neque mediocriter eruditis dicere, hæc opinio est multum subtilis, hæc est noua opinio, hæc opinio est extraordinaria. nam si vera est, etsi subtilis, noua, & extraordinaria, omnino approbanda erit: si vero falsa confutanda rationibus, & argumentis, alias dicemus hæc vociferantes vel le superbe vi verborum veluti armorum eorum sententias, & modum sentiendi nobis inculcare, vt alias stylo satis vero, sed acriori pungit eleganter Ioannes Ferrarius Montanus in adnotationes ad quattuor institutionum Iustiniani libros in epistola nuncupatoria

toria : Absit opiniones extraordinarias eorum dicere, qui assidua veterum Iurisperitorum, & nouiorum doctorum lectione exercitati aliquid afferunt in iure : nam prius debent audiri rationes, quas afferunt, si displicuerint, reiiciant modeste opinionem, si vero placuerint, cum laude amplectantur : considerare debent olim multos optima multa de nouo induxisse subtiliter disputantes, neminemque posteris abstulisse ingenium, neque illis fuisse naturam benignam parentem, nobis autem infestam nouercam.

Alias si fecerint, necesse est vellint, ut scientiæ nullos faciant progressus, immo inclusæ intra iā paratos cæcellos amplius per amœnos veritatis saltus non diuagentur, & vere contra nos illud dici possit (quod æmuli aliquando falso excogitarunt) Iuristas scilicet vno doctore citato omnes illuc more auium, (ut modestius loquar) conuolare. Tandem Reipub. ingens detrimentum scientiæ, miseram captiuitatem, otio perpetuam opportunitatem, denique maximum triumphum ignorantiae dabunt. Sed ad Bartolum reuertamur virum sane studiosum, sincerum, & veræ scientiæ amatorem. Censet igitur Bar. in d. §. Cato, num. 19. de iure ciuili pœnam adiectam dationi quantitatis, si non soluatur tota quantitas, integram deberi; secus de iure canonico. quam sententiam multi verior-

rem

rem existimant Innoc. & alij in d. cap. suam. Nauar. in Man. cap. 17. num. 115. Sed multi alij recedunt ab hoc intellectu censentes, non esse temere constituendam differentiam inter ius canonicum, & ciuile. And. Alciat. in d. 5. Cato num. 125. intendit Franc. Sarmien. lib. 3. selectarum interpretat. cap. 6. num. 11. Etenim d. cap. suam respondit consultationi. quo casu summi Pontifices ius nouum minime solent constituere cap. in causis de sentent. & re iud. gl. vlt. in cap. consultationi de tempor. ord. at ante dict. cap. suam, de pœnis nullum in hac re discrimen reperiatur inter ius canonicum, & ciuile, ergo non est constituenda differentia in materia indiuiduorum.

Secundo, summus Pontifex affert rationem iuris ciuilis ibi desideres cum aliena iactura ditari, de qua in l. nam hoc natura 14. ff. de condict. indeb. ergo non videtur in ea re discrepare a iure ciuili.

- 7 Quapropter alij intelligunt d. cap. suam procedere in personis ecclesiasticis, quæ non debent obliuisci ecclesiasticæ modestiæ; iura vero ciuilia procedere in laicis, qui possunt exigere quaslibet pœnas absque ulla auaritiæ nota, idque ipsum multum adiuuat text. in cap. fraternitas 12. quæst. 2. ibi, sed absit vt Ecclesia cum augmento recipiat, quod de terrenis rebus videtur amittere, & lucra damnis

damnis quærere. Cui videntur consonare verba, d. cap. suam ibi, quia igitur te non decet in tantum Pontificalis modestiæ obliuisci, & cetera. & ita hunc intellectum sensit, gl. ult. in d. cap. suam comprobant Hostien. Imol. & alij multi. Sed neque hic intellectus placet. Licet enim in principio nascentis Ecclesiæ ab his pœnis, & similibus sancti consulebant Ecclesiam abstinere debere iuxta, d. cap. fraternitas, tamen postea personæ ecclesiasticæ suo iure utebantur, & pœnas impositas siue legales, siue conventionales recipiebant, vt colligitur ex cap. dilecti de arbitris. cap. constitutus de pæn. & est recepta sententia in dict. cap. suam, & in cap. constitutus, & in d. cap. dilecti.

- 8 Alij tertio loco existimant ideo in d. cap. suam, pœnam exigi non potuisse, quia erat appositæ dationi quantitatis, vt ex text. patet. Atqui pœna appositæ dationi quantitatis censetur vsuraria, l. Iulianus. 13. §. idem Papinianus, ff. de action. empt. apud nos est Ordinatus. lib. 4. tit. 44. in principio, ergo nihil mirum si summus Pontifex responderit non posse eam pœnam exigi, quæ appositæ fuit casu quo pecunia non fuisset soluta. At in dicta, l. in executione, §. item si ita, ff. de verb. l. stipulationum, §. si sortem, ff. de verborum, l. traiecitæ 22. ff. de action. & obligat. ideo pœnam adiectam dationi quantitatis

·tis posse exigi, quia eo tempore vsuræ per-
 ·missæ erant iuxta titulum, ff. de vsuris, quod
 si pœna tam grandis esset, vt in fraudem vsu-
 rarum apposita censeretur, tunc etiam de
 iure ciuili apud veteres Romanos, nō potuif-
 se exigi, fateri debent iuxta, d. l. Iulianus. §. idē
 Papinianus. & ita hunc intellectum videntur
 sentire, gl. vlt. in cap. quæcumque ibi, aut
 in fraudem vsurarū 25. quæst. 2. gl. vlt. in
 dict. cap. dilecti de arbitr. Innocent. in d. c.
 suam, Alciat. in d. §. Cato nu. 128. Sed nec hic
 intellectus placet. Nam primo præsumptio-
 nem vsurarum tollit arbitrorum auctoritas,
 iuxta, cap. nisi essent de præb.

·Secundo facit, quia præsumptio de qua
 in d. l. Iulianus, §. idem Papinianus proce-
 dit in pœna cōtentionali, non vero in hac,
 quæ iudiciali est similis, iuxta l. 1. ff. de ar-
 bitr. ibi ad instar iudiciorum.

·Tertio, quia merum præfagium est dicere
 in d. cap. suam, pœnam fuisse nimis grandē,
 & vt nostri dicunt excessiuam.

·Quarto facit, quod si hæc conuentio foret
 vsuraria, summus Pontifex non admoneret
 Episcopum illis verbis, quia igitur te non
 decet in tantum Pontificalis modestiæ obli-
 uisci, &c. Sed eum reprehendere debuerat,
 eo quod exercebat immanem, & voracem
 vsurariam labem, nec verbis blandis Episco-
 pum deberet alloqui, ibi septem librarum.

contentus, &c. sed magis asperis verbis, & aliqua pœna scelus castigare. Tandem facit contra hunc intellectum, quòd si in specie d. cap. suam, Episcopus vsuram exerceat, non esset collocandus textus ille sub titulo de pœnis, sed sub titulo de Vsuris argumento leg. Imperatores ff. de in diem adiectione. Ias. in l. apud Iulianum, §. constat, num. 2. ff. de delegat. 1.

Tandem fuerunt aliqui, qui dicerent textũ intelligendum esse de pœna in arbitrio imposita, vt ex eo colligitur plane licet pœna in arbitrio imposita committatur, si paritum non fuit sententiæ arbitri: tamen si ante acceptum iudicium, hoc est, ante litem cõtestatam, debitum principale solutum est, & pars præcepto arbitrorum paruit, liberatur a pœna, l. si cum dies, §. fin. l. vlt. & ibi gl. fin. ff. de recept. arbitr. plane præsupponendũ est in specie, d. cap. suam, monasterium paruifse arbitrorum sententiæ, ante litem contestatam, ergo nihil mirum si summus Pontifex constituat monasterium liberatum esse a pœna imposita ab arbitris, certũ est enim quòd quando leges aliquid decidere non intendũt, semper termini habiles præsupponendi sunt, l. qui testamento 20. ibi si aliud eos nihil impediatur, ff. de testamentis. Sed profecto, nec hic intellectus verus est, etsi enim a pœna imposita in arbitrio pars liberetur si ante
litem

litem contestatam sententiæ arbitrorum pareat, quando arbiter aliquid iussit absque termino d. l. si cum dies d. l. ult. non sic dicendum est quando terminus idest dies appositus est ad parendum, tunc enim etiam ante litis contestationem, l. celsus 28. in principio, ff. de arbitris notavit gl. in d. l. ultima, verb. ab arbitro, dum ait (sine die) quasi dicat Accurt. tunc esse intelligendum Iurisconsultum in d. l. ultima, quando arbiter iuberet solvere pecuniam sine die, idest diei termino; secus si dies esset apposita iuxta dict. l. celsus in principio. Constat autem in specie dicti cap. suam, arbitros iussisse solvere pecuniam cum termino, idest usque ad certam diem ibi, essetque pœna triginta librarum apposita, nisi eas soluerent in termino constituto, tandē triginta tribus libris in termino persolutis, &c. ergo absque dubio monasterium a pœna non liberatur, etiam si ante litem contestatam sententiæ arbitrorum paruisset.

10. Sic sane in conventionibus a pœna imposita pars liberatur soluendo usque ad litis contestationem, si dies certus non fuit appositus; secus si dies apponeretur. l. traiectionis 22. §. de illo, ff. de actione, & obligatione. l. magnam 12. C. de contrahendo & committendo stipulatio. Ordin. lib. 4. tit. 65. §. 1. Communis, ut per Alexand. num. 33. Ias. num. 15. in l. si insulam

lam, ff. de verb. Couar. lib. 3. resolut. cap. 17. num. 4. Valasc. de iure emphyt. lib. 1. quæst. 5. nu. 13. quidquid contrarium dixerint Petr. & Cin. in d. l. magnam; quos defendere nititur Robert. lib. 2. sententiarum, cap. 18.

- 11 Quapropter verissimus intellectus dicti c. suam, apparebit, si consideres sapius in iure illud esse verissimum, quod sorte principali recepta, pœna amplius peti non potest, l. 2. in principio, ff. si quis caution. l. vltima, ff. de eo quod certo loco. quæ conclusio suas habet limitationes (de quibus non ago) vt per Bart. & alios in l. centū capuæ, ff. de eo quod certo loco, gl. & alij in l. 1. C. de iudic. & in l. 1. C. de solution. Franciscus Sarmien. lib. 3. select. cap. 6. num. 3. tamen illud certum est, arbitris iubentibus aliquid dare sub pœna, parte accipiente illud, quod arbitri iusserunt, pœnam non posse peti, text. expressus in d. l. Celsus in principio, ff. de arbitr. Celsus ait, si arbiter (sunt hæc verba Vlpiani) intra Kalendas Septembris dare iusserit, nec datum erit, licet postea offeratur, at-
- 12 tamen semel commissā pœna compromissi non euanescit, quoniam semper verum est intra Kalendas datum non esse. Si oblatum acceperit, pœnam petere non potest doli exceptione remouendus. Contra ubi dumtaxat dare iussus est. Hactenus Iurisconsultus clare probans accepto oblato non posse par-

tem pœnam petere. Cum igitur in specie dicti cap. suam pœna fuisset appositâ in certo termino, vt patet in text. insuper Episcopus, de quo ibi, oblatam a monasterio pecuniam accepisset, ibi tandem triginta tribus libris in termino persolutis, merito respondet summus Pontifex monasterium liberatum esse a pœna, nec obligatum esse eam soluere. iuuat, l. apud Celsum 4. §. labeo ait, ff. doli mali exception. Nec obstat si replices non fuisse acceptatam totam summam, monasterium enim persoluerat triginta tres libras, & septem non persoluit. Respondemus enim pœnam indiuiduam esse, d. lex in executione, §. item si ita, ff. de verb. vt omnes ibi notarunt, & in d. cap. suam de pœnis. ergo non posse solui pro parte, sed vel totam pœnam, vel nullam.

Cum igitur propter receptionem maioris partis debiti Episcopus non posset pretendere maiorem partem pœne, sequitur minorem non posse exigere cum indiuidua sit iuxta dict. leg. in executione, §. item si ita.

Vnde obiter notabis tex. in d. c. suam hoc modo intellectum magis probare pœnam esse indiuiduam iuxta iuris ciuilis regulas quàm diuiduam, vt doctores hucusque existimabant. Iuuat quòd iniquum videbatur propter exiguam partem debiti non persoluti aliquid

pœnæ

pœnæ exigere. Leuitas enim materiæ in omnibus fere causis excusat, l. scio, ff. de restitutione in integ. l. si oleum, ff. de dolo. Facit etiam, quòd quamuis debito non soluto possit distrahi pignus, l. solutum, §. si creditori, ff. de pignor. act. l. cum soluendæ per locum ab speciali, ff. de distract. pignor. Tamen contrarium dicendum est, si res pignoratata sit magni valoris, & parum de sorte principali debitum sit, intendit gl. in l. quamdiu C. de distract. pignor. gl. in l. res bona fide, ff. de contrahen. empt. quas vltra alios commendant Negazant. de pignor. 6. par. memb. 1. num. 21. Gomez. tom. 2. cap. 10. num. 25. Licet alij multi contradicant per text. in d. l. quamdiu; qui defendi possunt, quando res pignoratata non multum valet, & pars debiti non ita exigua est, secundum Bald. in dicta leg. quamdiu Angel. in leg. in executione, §. item si ita, ff. de verborum. Tyraquel. de retract. tit. 2. §. 4. gl. 6. num. 25. cum sequentibus.

Nec obstabit aduersus hunc intellectum si aliquis ponderet verba dicti cap. suam de pœn. ibi, quia igitur te non decet in tantum Pontificalis modestiæ obliuisci, vt inhonestis quæstibus anhelando desideres, &c. & ibi septem librarum solutione contentus, quasi summus Pontifex velit hanc pœnam pecuniariam lucro Episcopi potuisse cedere, quos

nos paulo ante negauimus. Respondemus enim summum Pontificem non reprehendere Episcopum, quòd lucra sibi debita licet minus honesta exigere voluisset, sed quod ea lucra quæ Episcopum non decebant, si posset exigere, desiderabat. quod quidem denotat verbum inhiare. in quem sensum summus Pontifex Episcopum tanquam Pontificalis modestiæ oblitum obiurgat; decet enim ecclesiasticos ab omni specie auaritiæ lucrorum desiderio, & bonorum temporalium cupiditate abstinere, cap. ex parte ad finem de censibus.

SUMMARIVM EX CAPITE SEQ.

- 1 Multi auctores explicarunt quid sit tectorium, de quo verbo Iurisperiti sèpius mentionem faciunt.
- 2 Reprobatur explicatio eorum auctorum, qui existimant nihil aliud significare tectorium, quàm illinimentum quoddam quo parietes illiniuntur.
- 3 Tectorium significat illinimentum parietum, & significat etiam operculum ex tectorio factum.
- 4 Probatnr ratione, & auctoritate tectorium non significare solum illinimentum parietum.
- 5 Explicatur lex si duo 3. §. si vicinus meus, ff. de


ff. de vii possidetis.

6 *Multæ fuerunt apud antiquos tectorij species.*

7 *Fiebant aliquando crustæ ex tectorio.*

8 *Defenditur Ac. & Bart.*

CAPVT XIX.

1  ECTORIVM quid sit multi auctores grauissimi conati sunt explicare, huius enim verbi sæpe sæpius mentionem faciunt Iurisconsulti multis in locis, l. quidam hyberus 12. ff. de seruit. urban. prædior. l. hætenus, l. vsusfructuarius nouum 51. ff. de vsufructu. & quemadmodum quis vtatur fruatur, l. ex damni 11. in principio, ff. de damno infecto, l. quod si seruus, §. sed etsi mutua, ff. de in rem vers. & alibi passim: eorum auctorum eadem est sententia, vt tectorium significet illinimentum parietis, seu incrustationem ad eius ornatû. ita omnes, qui dictionarium verborum composuerunt, Andr. Alciat. lib. 7. parergon. cap. 11.

2 Sed profecto hanc auctorum explicationem numquam probaui, idque semper persuasum habui aliquid amplius verbum, tectorium, significare.

3 Agnosco sane tectorium dici illinimentum & incrustationem parietis; existimo tamen

aliquando quidpiam aliud significare, quod non sit illinimentum, vel incrustatio: nam M. Tullius ad Atticum lib. 1. epistola 8. incipit, cum essem in Tusculano, præterea inquit, typos tibi mado, quos in tectorio atrii possum includere, & plutealia sigillata duo, sane typos minime collocari posse in illinimento parietis, & incrustatione nemo ambigit. Cum igitur Marcus Tullius dicat mittere typos, quos collocare poterat in tectorio atrij, significat sane non voluisse significare, per tectorium illinimentum, & incrustationem parietis.

- 5 Urget etiam pro hac sententia, l. si duo §. si vicinus meus, ff. de vti possidetis, si vicinus meus (inquit Paulus Iurisconsultus) in pariete meo tectoria habeat, & in pariete suo, vti possidetis interdictum mihi efficax est, vt ea tollere compellatur. Hactenus Iurisconsultus innuens tectorium posse vicinū habere in pariete meo, & in pariete suo, quod non poterat dicere, si de illinimento, & incrustatione parietum intellexisset, non enim incrustatio, quæ est in meo pariete, potest esse in tuo, cum sit accessoria cuilibet parieti, & incrustatio tui parietis tua sit non mea iuxta §. si tamen Instit. de rerum diuisione. & ita aduersus vicinum non compete-
bat interdictum vti possidetis, cum incrustatio, & illinimentum factum in meo pariete
meum

meum sit, & ad libitum illud possim tollere. facit etiam, quia illinimentum, & incrustatio non coniungitur de pariete ad parietem, vt patet, quod in tectorio, de quo Iurisconsultus loquitur in d. §. si vicinus, cernitur, videtur enim denotare Iurisconsultus vicinū habuisse aliquid positum in suo pariete, & in meo, quod illinimento, & incrustationi non conuenit.

- 6 Quapropter, vt hæc omnia belle consonēt, aduerte multas apud antiquos fuisse tectorij species, vt omnes supra citati fatentur, & ex Vitruuio, & Plinio declarauit eleganter Budeus in l. quod si seruus, §. sed si mutua, ff. de in rem verso; aliquando enim erat solum incrustatio, & illinimentum ad parietes exornandos ex calce, & arena confectum, vel ex marmore, quod præferebat speciem eius rei, cum qua parietes rudes exornamus, (vulgo *guarniçam e renoco*,) & secundum hanc specie per translationem tectoriū accipitur pro fūco, quo mulieres illiniūtur exornandę faciei causa, quod taxat Iuuen. Satyr. 6. dum dixit:

*Tandem aperit vultū, & tectoria prima reponit.
Incipit agnoscī.*

Per tectorium fucamentum muliebre significans, quod ponitur, deponiturque pro earum arbitrio ad splendorem, & nitorem malarū, vt explicat Budeus vbi supra.

- 7 Aliquando tectorium fiebat per trulliffa-

tionem inductis corijs ex arenato, & marmurato opere. quo pacto adeo olim durescebat, vt crustæ eximerentur ad varios vsus, vt de abacorum vsu testis est Vitruuius lib. 7. & comprobatur Budeus vbi proxime. hinc est, vt aliquando ex hoc tectorio tanquam ex tabula, & scrinia ad recondendos libros, & imagines collocandas maxima cum elegantia fierent, & opercula solis, & pluuiæ arcendæ causa, patet enim, si Vitruuius, & Budeo credimus, tectorium aliquando sic durescere, vt crustæ exciderentur. ex quibus nemo negabit posse fieri, & scrinia quibus typi (vt Marcus Tullius ad Atticum dicebat) recondiderentur, & opercula solis, & pluuiæ arcendæ causa, de quibus Iurisconsultus in d. l. si duo, §. si vicinus videtur intelligere, vt non
 8 immerito defendi possint Ac. & Bart. (licet condemnet Alciat. vbi supra) interpretantes tectorium esse tectum ipsum supra ædes, siue ædibus ipsis innitatur, & incumbat, siue non: licet enim tectorium differat a tecto, tamen, vt diximus, potest esse operculum factum ex opere tectorio, idest ex crustis excisis, quod tecti speciem præ se ferat: de quo intelligendus est Iurisconsultus in d. l. si duo, §. si vicinus. Adde & tectum domus interioris (apud nos vulgo, *forro*) tectorio opere decoratum recte appellari posse tectorium, de quo & Iurisconsultus potest intelligi, & Accur. & Bar.

libe-

liberari à calumnia And. Alciat. (cui sane nostra iuris prudentia plurimum debet.) Nam, & ego suspicor ueteres illud tectum decorasse tectorio, vt nos decorare solemus illo calicis marmoris arenæ, & canarum opere, quod apud nos (*estuque*) dicitur.

SVMMARIVM EX CAP. SEQ.

- 1 Proponitur casus, in quo duo coniuges vnicum testamentum fecerunt.
- 2 Quattuor dubia proponuntur, quæ veniunt declaranda in hoc capite.
- 3 Late tractatur dubium, An Ordinationes, quæ priuilegia concedunt matrimonio consummato, comprehendant matrimonium ratum, quod copula præcessit.
- 4 Post recitatas contrarias opiniones, Auctor suam interponit.
- 5 Coniux, qui non dedit causam diuortio, non censetur esse separatus.
- 6 Post recitatas contrarias opiniones, traditur vera.
- 7 Defenditur sententia Senatus contra Cost. & multos, qui eam reprobant.
- 8 Traditur elegans doctrina de mente, & ratione legis, ex qua elicitur defensio sententiæ Senatus.
- 9 Tractatur late dubium, an ficta possessio, de qua
Ordi-

Ordinatio. lib. 4. tit. 7. §. 1. pariat interdictum, unde visi ab ea deiectus sit ille, qui eam habuerit.

- 10 *Tractatur late tertium dubium, an filij legitimi per subsequens matrimonium, quod in articulo mortis celebratum est, excludant substitutum.*
- 11 *Refertur opinio Auctoris in predicto dubio.*
- 12 *Testamentum conditum a duobus coniugibus simul duo censentur testamenta.*
- 13 *Declaratur late quid sit faciendum quando duo coniuges constituunt Maioratum, ita ut deficientibus filiis ad consanguineos proximiores deueniant.*

CAPVT XX.

1



CONTINGIT aliquando Petrum, & Mariam simul testamentum condidisse, in quo maioratum instituerunt adiicientes velle, ut Maioratus ad filios ordine successiuo pertineret; quod si filij absque liberis discessissent, ad consanguineum proximiorum ipsemet Maioratus deueniret. filius, qui in Maioratu ultimo successerat, habuit concubinam multo tempore, & ex ea liberos susceperat, qui filius in mortis articulo constitutus, concubinam in uxorem duxit. & ita tamquam vxor mansit

fit in illa possessione civilissima, de qua loquitur Ordinatio lib.4.tit.7.§.1.& se defendit aduersus Franciscum consanguineum viri primi instituentis, qui ex verbis testamenti contendebat Maioratum obtinere, & aduersus Antonium consanguineum mulieris primæ instituentis, qui ex verbis testamenti Maioratum petebat; Franciscus & Antonius per vim quædam bona dicti Maioratus occuparunt. ambo enim contra vxorem, & filios consanguinei demortui allegabāt illud matrimonium fuisse in fraudem substitutorū; & ideo illis, qui erant substituti non debere nocere: immo ad alterum ipsorum Maioratum pertinere, ac si matrimonium non fuisset celebratum. In hoc casu consulendo dicebam: quatuor dubia in hac materia esse explicanda, quorum alterum est, An attentata Ordinatione, quæ iubet vxorem viri demortui manere in possessione bonorum defuncti absque reali apprehensione, habeat locum in matrimonio non consummato post matrimonium contractum.

Secundum dubium, An supposito, quòd illa Ordinatio habeat locum in matrimonio non consummato post matrimonium cōtractum, an ea vxor habeat interdictum Vnde vi aduersus spoliantes.

Tertium dubium, An per matrimonium factum in articulo mortis cum concubina, ex qua

qua aliquos liberos habebat , excludantur substituti.

Quartum dubium , An in specie proposita consanguineus mariti , an vxoris debeat obtinere Maioratum .

- 3 Quantum ad primum dubium attinet, sunt qui existimēt Ordinationes Regias lib.2. tit. 47. & lib.4. tit.7. & tit.69. gratia exempli locutas fuisse, dum ad medietatem bonorum consequendam , & vt maneant vxores in possessione ficta in bonis mariti demortui , & vt succedant ei , requirunt multa . illud enim in summa debet attendi, an matrimonium fuerit iustum , vel pro tali haberetur concurrentibus aliquibus, de quibus prædictæ Ordinationes faciunt mentionem . nam illæ omnes Ordinationes deductæ videntur ex l.vnica. ff. vnde vir , & vxor. & secundum illam intelligendę sunt: plane dicta l.vnica, exigit, vt vxor cohabitaret cum marito tempore mortis ipsius mariti, nec ab eo sit separata, ibi : Sed si diuortium quidem secutum sit , verumtamen iure durat matrimonium , hæc successio locum non habet : & superius inquit : Ceterum si iniustum fuerit matrimonium, nequaquam bonorum possessio peti poterit . Vnde quando Ordinationes exigunt matrimonium esse consummatum , id solum volunt, quòd in legitimo matrimonio cohabitent . nam a communiter accidentibus, vbi
datur

datur cohabitatio viri, & vxoris, datur consummatio matrimonij, vel saltem præsumitur. cap. illud. & ibi notat. de præsumpt. Felin. in rub. de sponsal. Mathesilan. in tract. de successione ab intest. 4. p. num. 2.

Nec obstant Ordinationes Regiæ supra allatæ: solum enim (vt illi dicunt) intelligunt excludere vxorem, quæ iusta non erat, vel tēpore mortis mariti a viro erat separata, vt aliàs dispositum erat de iure communi per d. l. vnicam. ff. vnde vir & vxor. sic sane vxor antequam a viro carnaliter cognosceretur, succedit ex titulo vnde vir & vxor intendit Bal. in l. 1. num. 4. C. vnde vir & vxor. vbi Curt. Junior num. 9. Palat. in Rub. de donation. inter virum & vxorem. §. 55. num. 2. vers. sed meo iudicio. Plane Ordinationes Regiæ nō sunt censendæ velle vnico verbo ius corrigere. l. si quando. C. de inoffic. testamen. ergo cum iure communi attento vxor adhuc non cognita a viro succederet in bonis mariti, non debent Ordinationes Regiæ censerī iuri communi derogare. Multi contrarium obseruant censentes nec vxorem, quæ cum viro non cohabitauerit debere ei succedere, iuxta Ordinationem. lib. 4. tit. 69. nec vxorem consequi medietatem bonorum mariti defuncti, si matrimonium inter eos non est consummatum, secundum Ordinatio. lib. 2. tit. 47. §. 1. & lib. 4. tit. 7. in principio. inquiunt enim non esse licitum recedere

cedere a verbis legis, iuxta l. prospexit. ff. qui & a quibus, adeo vt verius existiment, nec uxorem consequi medietatem bonorum, nec manere in possessione bonorum mariti, si copula præcesserit matrimonium, existimantes oportere post matrimoniū contractum, omnino debere copulam interuenire, idem censent in uxore, quam vir propter infirmitatem (cum iam esset traducta in domum) non potuit cognoscere, idem opinantur in marito non valente cognoscere uxorem, vel propter impedimentum ipsius, vel uxoris, vt in copula præcedente matrimonium. intendit Costa in l. cum tale. §. si arbitrato. num. 21. ff. de condition. & demonstration. licet in his speciebus contrarium iudicatum sit in Senatu Olesiponensi, vt testatur Costa vbi supra, Gam. decis. 124.

- 4 Ego vero in hac re constituo differentiam inter has Ordinationes: nam Ordina. lib. 4. tit. 69. dum ad successionem in bonis mariti requirit, vt cohabitent in domo vnâ, & aliâ, si quæ sunt, idem, vel simile exigentes, nō adiciunt illa verba ad denegandam successionē inter eos, qui solo consensu matrimonium contraxerant, & adhuc non cohabitabant. neque enim vnico uerbo censentur ius commune corrigere, ex quo desumptæ sunt argumento d. l. si quando. sed solum id intendunt, vt matrimonium sit iustum, & non detur diuortium

uortium legitimum, vel voluntarium, iuxta
d.l.vnicam. ff. vnde vir, & vxor, & ibi notata.
Adde illum coniugem succedere, (licet diuor
tium interuenerit,) & manere in possessione
bonorum defuncti mariti, medietatemque
bonorum consequi, qui non dedit causam di
uortio; secus alium, qui dedit. l. consensu. C.
de repud. Bald. in d.l. 1. n. 3. C. vnde vir, & vxor
Couar. de sponsal. secunda parte cap. 7. nu. 6.
quidquid contrarium iudicatum fuisse teste
tur Gam. decis. 97. Sic pari modo, qui dedit
causam diuortio, siue vir, siue vxor sit, cum
ante tempus renunciauerit societati, si quid
postea quaesierit, tenebitur alteri communi
care; non uero ille, qui non dedit causam di
uortio, cum per separationem thori ille, qui
causam dedit, liberauerit socium a se, non ve
ro se a socio liberauit, iuxta l. actione 66. §. di
ximus. uers. item qui. ff. pro socio. intendit Pa
lat. in repet. rubr. de donation. inter virum, &
vxorem. §. 64. num. 10. & 17. Couarr. de spons.
2. par. cap. 7. §. 1. nu. 6. Anton. Gomez in l. taur
50. nu. 72. Arius Pinel. in l. 1. C. de bon. mater.
1. par. nu. 58.

5 Quantum vero attinet ad Ordinationes
lib. 2. tit. 47. & lib. 4. tit. 7. exigentes matrimo
nium esse consummatum, aliqui asserunt re
quiri omnino copulam, vt locum habeant
praedictae Ordinationes. pro qua sententia
multum facit auctoritas Bald. (quae magna
est

est in actu practico secundum Alciat. de præsumpt. reg. 1. præsumpt. 32. nu. 7.) in cap. capellanus num. 2. de feriis. qui asserit statuto disponente, quod vir lucretur dotem, si vxor præmoriatur matrimonio copulato non posse lucrari eam dotem, nisi matrimonium fuerit consummatum per carnalem copulam. in contrarium plerique sentiunt existimantes in multis causis non esse omnino necessariam copulam, ut ex Salycet. in l. cum in te. C. de donation. ante nuptias, Niconitio in repetit. Rub. ff. soluto matrimo. nu. 192. & aliis comprobatur Gam. decis. 187. num. 1.

- 6 In hoc articulo in id procliuior sum, ut existimem regulariter necessariam esse copulam, ut Ordinationibus Regiis sit locus. frustra enim, ut cum Bald. loquamur in d. cap. capellanus num. 2. Ordinatio fecisset mentionem matrimonij consummati.

Dixi, regulariter, quia aliquando contrarium approbarem propter aliquam circumstantiam, Verbi gratia, si matrimonium contractum sit de presenti, & muliere in domum viri traducta ante copulam, vel vxor vel maritus obiit, vel in illis, qui (cum niterentur) aut propter mulieris, aut viri impedimentum matrimonium consummare non potuerunt. idem est si copula præcessit, & postea de presenti matrimonium celebratum est, ut iudicatum fuisse in Olyssiponensi Senatu tradit

Costa

7 Costa in d. §. si arbitrato. num. 21. Gam. vbi supra. Quas Senatus decisiones licet Costa vbi proxime tacite reprobet, & multi palam eas condemnent: tamen non errabit, qui eos Senatores sequutus idem iudicauerit.

Etenim aduerto, quòd licet differant ratio legis, & mentio legis, argumento l. nominis 6. ff. de verborum significatione, adiuncta l. prospexit. ff. qui & a quibus. Bart. in l. 3. §. vltimo ad finem. ff. de legit. tutor. Dec. in cap. secundo requiris. de appellat. opposit. 1. & ex ratione non possumus legem exorbitantem, vel pœnalem extendere cap. tua 25. in r. §. vlt. de decim. c. pœnæ. de pœnit. dist. 1. l. 2. l. cū quidam 19. ff. de lib. & posthu. Nec cessante ratione legis, cesset ipsa lex. d. l. prospexit. tamē quando dubium est de eo, quod lex voluit, nō melius id cognoscere poterimus, quā ex ratione legis, vel expressa, vel ea, quæ vere reddi potest. Bart. vbi supra nu. 2. vnde aliquando mens ratio, & ratio mens appellari solet, c. Marchio. 1. q. 1. l. 2. vers. quid si curatores. ff. ad Tertullia. Bart. per tex. ibi in l. cum mulier 49. n. 1. quē sic intelligas. ff. de soluto mat. Dyn. in reg. vlt. de reg. iu. in 6. Tiraq. in l. si vni quā. verb. libertis. nu. 46. & 48. C. de reuocād. donat. Molin. de primog. c. 5. n. 8. lib. 1. Cōstan. Rogerius de iur. interpretat. c. 1. nu. 20. quidquid prædicti Auctores passim temere mentem legis cum ratione confundant. Vnde li-

cet regulariter legem pœnalem, & exorbitantem non possumus extendere, quando ratio legis est obscura, incerta, & parum cognita, d. c. tua. d. c. pœnæ. d. l. 2. & l. cum quidam 20. ff. de liber. & posthu. tamen si ratio legis est expressa ab ipsa lege, vel alias notoria; tunc cum ex ea mentem legis sciamus, casum verbis non expressum dicemus legem comprehendere, cum tunc non dicamus extendi legem ex ratione, sed comprehendendi ex mente, quam ex ratione expressa, vel notoria cognovimus, iuxta notata supra cap. 4. nu. 6. Hinc colliges doctrinam doctorum asserentium, non extendi legem pœnalem, vel exorbitantem ex ratione legis, veram esse regulariter, cum ratio legis ut plurimum sit incognita. Alciat. in l. nominis. ff. de verb. signif. Idem Alciat. lib. 2. de verb. signif. nu. 53. Gamar. de extensione nu. 91. vol. 1. tract. eam tamen limitandam esse, quando ratio legis est expressa, vel notoria; quia tunc casus non expressus comprehenderetur ex mente legislatoris, si ex ratione expressa, vel notoria de ipsa mente certi sumus. Intendit gl. ult. ad fin. in l. quamvis. C. fidei cō. Bald. in l. non dubium. nu. 5. C. de legib. Felin. in cap. 1. fallentia 9. de re iud. Ias. in l. de quibus. n. 18. ff. de legib. Crotus in l. si constante. nu. 70. & Franciscus 2. Ripa nu. 65. ff. sol. matr. Tiraq. de causa cessante, limita. 21. nu. 8. & ad praxim utiliter deducens Gam. decis. 34. nu. 6.

Plane ratio prædictæ Ordinationis Regiæ requirentis matrimonium esse consummatū notoria est. voluit enim illud beneficium conferre marito, vel vxori, inter quos iam esset illa arcta familiaritas, quæ vt plurimum ex matrimonij consummatione nascitur, vt ex plerisque tradit Palat. vbi supra. Cum igitur in his superioribus casibus hæc familiaritas præsumatur, & amicitia, coniunctioque animorū coniugū, qui iam copulam habuerunt, vel sine culpa sua habere non potuerunt, videtur Ordinatio prædictos casus comprehendere ex mēte; mentem autē eam esse ex ratione notoria assignata per doctores, Senatores nostros non inargute collegisse suspicor. Vnde cum non leuis sit rerum iudicatarum auctoritas, & prædicta ratione cōprobari possint: dixi vxorem in domum traductam (quam ante matrimonium vir cognouisset) manere in possessione ficta, de qua per Ordinat. vbi supra; licet cum ea post matrimonium de præfenti celebratum ob aliquod impedimentum matrimonium non consummaret. proponebatur enim in facti specie, & virum habuisse in concubinam eam, quam in articulo mortis duxerat, & in eius domum traductam fuisse.

9 Secundum dubiū erat, An supposito, quod illa Ordinatio lib. 4. tit. 7. §. 1. habeat locum in matrimonio non cōsummato post matrimo-

nium contractum, an ea vxor habeat interdictum, vnde vi aduersus spoliantes? in quo dubio respondi, doctrinam esse Baldi in authē. defuncto. vers. non tamē credas. C. ad Tertul. nu. 6. & 7. quòd ficta possessio non parit interdictum recuperandæ per text. in l. 1. C. quorum bonorum.

Pro quo facit primo l. si ita quis 53. l. cum pater. §. hereditatem. ff. de leg. 2. l. ult. C. de his qui ueniam æta. impetrauerunt. in quibus iuribus probatur, verba accipienda esse naturaliter, non ficte. Vnde interdictum cōcessum habenti possessionem, si ab ea deiiciatur, de quo in tit. ff. de vi & vi armata, competit ei solum, qui possedit naturaliter, & non ficte.

Secūdo facit dictū Alex. in l. 2. ff. de sol. mat. & in l. iuris gētū. §. quod fere. nu. 10. ff. de pact. asserētis stante statuto, q̃ stipulatio in instrumento facta habeat executionē paratam, nō habere executionē paratā stipulationē fictā iuxta l. 3. ff. de nego. gestis. In contrarium facit, quòd lege, vel statuto disponente de re ficta, vt de vera, & eisdem effectus illi tribuente, comprehendit casum verum, & fictum, argum. cap. si Episcopus. & ibi gl. verb. mortem. de supplen. negligē. præla. in 6. l. placet. C. de sacrosan. Eccle. & ita suos heredes habere inter dictum, si spolientur sua possessione ficta, concludit Bald. in c. item cum quis. num. 1. de resti. spol. latius in rub. de causa poss. & prop.

nu. 13. Fab. in §. sui. nu. 2. Insti. de hered. qual. & differētia, quod in nostra specie absque dubio procedit, cum forte ad tollendam omnem dubitationem id expresserit Ordin. lib. 4. tit. 7. §. 1. & ita secure præsupponit Gam. dec. 4. nu. 1.

10 In tertio dubio reperi Bald. in l. rogati. nu. 24. C. ad Sen. conf. Trebel. dicentē monasteriū non excludere substitutum, qui post mortem monachi emittentis votum in articulo mortis, erat successurus, quasi monachus fuerit factus in fraudem substituti. id ipsum in eo, qui matrimonium contraxit in articulo mortis cū ea, ex qua liberos susceperat, tenuit Meno. conf. 226. nu. 21. lib. 3. Burgos de Pace conf. 6. a nu. 11. ex eo, quia censetur matrimoniū factum in fraudē substituti; & ideo debet haberi ac si non fuisset factum ex cap. 2. de renū. in 6. l. cum filiæ. ff. sol. mat. optimus tex. in l. in executione. §. si. ff. de verb. obl. melior in l. Titius rogatus ibi si nō interuertēdi fideicōmis si gratia tale aliquid factū p̄betur. ff. ad Treb.

11 Ego agnosco in dubio secundū Doctores sup̄præcitatos professiones, & nuptias celebratas in articulo mortis in fraudē substitutorū factas cēseri; fateor tamē aliquando hāc præsumptionē posse elidi multis argumētis, & validioribus præsumptionibus. cū enim nemo præsumatur immemor salutis æternę. l. ult. C. ad l. Iul. repetūt præsertim in articulo mortis merito præsumemus id defunctū fecisse pro-

107. 422. Eic. 13 21. 1pter

pter bonum animæ . tunc enim cū fraus nulla sit, non debent filij à Maioratus successionē excludi, nec monasterium carebit hereditate monachi, quæ omnia ex multis coniecturis, & iudiciis æqua lāce iudex discretus æstimabit, an scilicet propter bonū animæ professio matrimonij facta fuerit, an vero ad excludendos substitutos, licet Bald. Menoch. & Burgos indistincte contrarium recipiant.

- 12 In quarto dubio dicebam testamentū conditum a duobus coniugibus cēseri duo testamenta. arg. l. scire debemus. ff. de ver. obl. l. patris, & filij. ff. de vulg. Vnde si cōiuges dixerūt, quod nō extrātibz filiis Maioratus deneniret ad proximiores cōsanguineos, tūc Maioratus ex parte viri veniet ad cōsanguineos proximiores mariti; maioratus vero ex parte vxoris pertinebit ad cōsanguineos proximiores vxoris. arg. l. sed si plures. §. in arrogato . ff. de vulg. & pupil. c. r. de duob. fratrib. a capitā. inuestit. in vsibus feud. Si uero vterque cōiux addidit, & insuper in testamento cavit, quod Maioratus nō diuideretur, sed ad vnū perueniret absq; diuisione, tūc ad cōsanguineos proximiores mariti pertinebit tāquam ad principales arg. c. quod in dubiis de consecr. eccles. uel alta. intendit in specie Gregor. Lopez par. 2. tit. 15. l. 3. verb. *Al mas propinquo pariente.* in uers. sed pone. quæ omnino vide si cupis hanc quæstionem longius discussam inuenire.

DIVERSORVM

IVRIS

ARGVMENTORVM

LIBER TERTIVS.

Doctore Gonçallo Mendez de Vasconcellos, & Cabedo Lusitano
Auctore.

*Olim collega in Collegio S. Pauli Academia Conimbræ
censis, & in eadem Decreti, & Sexti Professore,
nunc vero Referendario vtriusq; Signatura
S. D. N. Senatore Regio Vlyssiponen sup
plicationis, & Canonico Docto-
rali Ecclesia Eborenfis.*

SVMMARIVM EX CAP. PRIMO.

- 1 Citantur Doctores tenentes principem obligari sua lege, & ratio eorum assertur, & confutatur.
- 2 Citantur alij Doctores tenentes principem non obligari sua lege; & eorum fundamenta adducuntur.
- 3 Referuntur Doctores tenentes principem obligari sua

ri sua lege vi directiua, non coactiua, & eorum rationes.

4 Referuntur Doctores asserentes principem non obligari sua lege coactiua ex iuris communis regulis, & ostenditur id solum procedere ex privilegio.

5 Princeps obligatur sua lege, si ipse vult obligari, & ita aduersus eum nascuntur actiones, & intentantur.

6 Expenditur l. ex imperfecto. C. de testamen.

7 Expenditur l. princeps. ff. de leg.

8 Adducitur auctoritas Alicarnassei.

9 Adducitur auctoritas Cornelij Taciti.

10 In principe considerantur duæ personæ.

11 Concurrētibus duobus iuribus in persona vnius, perinde est ac si concurrant in personis diuersorum.

12 Traditur resolutio quæstionis, an Princeps legibus solutus sit, sub duabus conclusionibus.

13 Respondetur ad illud fundamentum doctorum, quod nemo possit sibi imperare, & declaratur illud axioma.

14 Traditur intellectus l. ille à quo. s. tempestiuū. ff. ad Senat. Consult. Treb.

15 Senatores, Decuriones, & Episcopi suis ligantur statutis, & traditur intellectus cap. nunc autem. 21. dist.

CAPVT PRIMVM.

INSIGNEM sane quaestionem aggredimur, & varie a varijs doctoribus tractatam, vtrum scilicet princeps sua lege obligetur. Partem affirmatiuam, quod scilicet princeps sua lege obligetur, voluit Raphael Fulg. in l. digna vox, num. 5. C. de leg. Aret. in cap. 1. num. 3. de probat vbi Felin. nu. 3. Dec. cons. 286. num. 6. Quorum Doctorum fundamentum est, etenim contra Principem intentantur actiones, l. 1. & 2. ff. de offic. procurat. Cæsar l. bene a Zenone, Cod. de quadriennij præscriptione. Actio autem est iuris vinculum a lege inductum princip, instit. de action. ergo lex obligat principem, sed hæc sententia conuincitur ex text. in l. Princeps, ff. de legib. l. digna vox C. eodem. Nec obstat fundamētum eorum Doctorum, quia principes ipsi volunt obligari legibus actiones inducētibus, id enim est, quod Imperator asserit in d. l. digna vox, C. de leg. (inquiūt Augusti Imperat.) Digna vox est maiestate regnantis, legibus alligatū se principē profiteri. Adeo de auctoritate iuris nostra pendet auctoritas. Et reuera maius Imperio est submittere legibus principatum, quando autem maior se minori, vel æqualis se æqua-

li subijcit, ab eo potest iudicari, l. est receptū
 14. ff. de iurisdic. omn. iudic. vt in principe
 habente litem cum priuato, obseruat Ac. in
 d. l. est receptum verb. Maior. plane prin-
 cipes, cum sint æquales alijs principibus con-
 dentibus leges quæ actiones induxerunt, illis
 subijciuntur. ergo & ab illis imperari, & a
 iudicibus inferioribus iudicari possunt.

- 3 Contrariam sententiam immo Principē sua
 lege non obligari tenuit Bal. Imol. & commu-
 niter Doctores in cap. primo, de probat mul-
 tos citat Andreas ab Exea, lib. 1. de pact. nu.
 452. Corras, lib. 2. miscelaneor. cap. 25. Sot.
 lib. 1. de iustit. quæst. 6. art. 7. Et tanquam
 receptum tradit Foxius de regis institutione
 lib. 2. pro qua sententia illud adduci solet,
 quod nemo possit sibi imperare, l. penult. ff.
 de arbitr. Nemo enim potest moueri ad ali-
 quid faciendum nisi vel promissione, preci-
 bus, vel præcepto, & hoc vltimo, nemo nisi
 subditus, cap. quid ergo, 2. quæst. 3. S. Thom.
 22. quæst. 88. art. 1. prosequitur, Sot. lib. 7.
 de iust. quæst. 1. art. 2. col. 3. at nemo potest
 esse sui subditus, vt patet lex autem præce-
 ptum est Regis iuxta diffinitionem legis tra-
 ditam a S. Tho. 1. 2. quæst. 90. art. 4. l. 1. ibi
 commune præceptum, ff. de leg. ergo non
 potest Princeps moueri per legē, cū lex ipsius
 præceptum censeatur d. l. 1. vt mox diximus.
 Secundo adduci solet d. l. Princeps, ff. de
 l. Prin.

1. Princeps (inquit Iurisconsultus) legibus solutus est. sed hæc opinio est etiam falsa, & habet quādam similitudinem cum alia, quam statim subijciam.

- 3 Ideoque simul eas refellam. Tertia opinio est illorum qui asserunt Principem obligari sua lege vi directiva, idest in quantum per legem partes, idest subditi omnes in conservationem totius hoc est Cōmunitatis diriguntur. Cum enim ea vis, & effectus ex iure naturali proficiscatur Principem ea vi obligari, necesse est, cum & Principes iuri naturæ subijciantur, iuxta regulam, cap. cū inferior de maior. & obed. §. sed naturalia Instit. de Iur. natur. & civil. non autem contendunt obligari Principem vi coactiva suæ legis idest obligatione, quam lex habet, & nos devincit in quantum est præceptum iuxta illud Sancti Pauli: Omnis Anima sit subiecta potestatibus superioribus, refertur in c. omnis anima de censibus cap. 1. de maior. & & obed. adiuncta, l. 2. ff. de leg. ibi commune præceptum, ergo, cum nemo (vt diximus) possit suo præcepto ordinari ad aliquid faciendū cōgēdo se, non poterit Rex legē, quæ præceptū est Regis, seipsum cogere ad aliquid faciendum intendunt. S. Thom. 1. 2. q. 96. art. 5. ad 3. Sot. lib. 1. de iust. quæst. 6. art. 3. Corras. vbi supra Couar. in cap. alma, 1. par. §. 1. num. 4. Zaz. in l. princeps, ff. de l. Domini

Iun. in l. 1. num. 161. ff. quod quisque uir.
 4 Nauar. in cap. si quando pag. 25. de rescript.
 Sed hæ duæ opiniones simpliciter acceptæ
 sunt falsæ, dum supponunt doctores Principem
 attenta rei natura, & semotis priuile-
 gijs esse exemptum sua lege: id enim falsum
 est, & ostendam manifeste Principem (semo-
 to priuilegio a legibus humanis concessso)
 non solum obligari sua lege vi directiua, sed
 coactiua.

5 Pro qua sententia primo illud fundamen-
 tum propono, si princeps attenta natura rei
 non obligaretur sua lege, quia nemo possit,
 sibi imperare, sequeretur, nec ipso princi-
 pe volente posse obligari, vt patet: at prin-
 cept obligatur sua lege, quia vult; ergo &c.
 quod autem princeps sua lege obligetur, pa-
 tet; quia contra eum nascuntur actiones (quæ
 sunt vincula a lege inducta princip. instit. de
 action.) l. 1. & 2. ff. de offic. procurat. Cæsar
 l. bene a Zenone, C. de quadriennij præscri-
 ptione. nec effugiet hoc argumentum si cum
 Bar. in l. digna vox, num. 2. Cod. de leg. re-
 spondeat pacta esse de iure gentium, l. iuris
 gentium in princip. ff. de pact. Iura autem
 gentium esse immutabilia, & omnes obliga-
 re, §. sed naturalia institut. de iure naturali
 gent. & ciuili; respondemus enim quòd licet
 illa pacta sint iuris gentium, non tamen obli-
 gare Principem in iudicio exteriori, si con-

tra cum ex eodem pacto actio non nasceretur, ut videmus in pactis nudis, quæ sunt de iure gentium, & tamen non obligant in iudicio exteriori, d. l. iuris gentium, §. sed cum nulla, intendit ingeniose Raph. Fulg. in d. l. digna vox, num. 5. & 2. pro eadem sententia, facit l. ex imperfecto, C. de testamen. ibi. licet enim lex imperij sollemnibus iuris Imperatorem soluerit, plane Imperator clare asserit principem non esse exemptum sollemnitatibus iuris, & ita suis legibus attenta rei natura, ut doctores primæ, & secundæ opinionis asseriebant, sed lege Imperij, hoc est lege regiæ, quæ humana erat, l. 1. Et ibi notatur, ff. de Const. Princip. Vnde si iuris naturalis principijs inspectis Princeps solutus esset legibus & sollemnibus iuris, non diceret tex. in d. l. ex imperfecto, ipsum Principem esse exemptum a lege humana; cum enim potestatem Cæsaris in hoc augere voluisset, magis dicere debuerat, fuisse principem exemptum lege naturali, quàm lege Imperij, quæ humana erat: præsertim, cum non omitcantur ea, quæ scitu digna sunt, l. item apud Labeonem §. ait Prætor. vers. ea enim, ff. de iniurijs. Tertio facit l. princeps, ff. de leg. (inquit Iureconsultus) legibus solutus est: nemo autem soluitur nisi ille, qui ligatus erat, iuxta illud vulgare axioma, quod priuatio præsupponit habitum, cap. ad dissoluendum de desponsat. in pub.

pub. l. decem, ff. de verbor. nec audiendi sunt Bud. & Zaz. in d. l. princeps, num. 1. asserentes improprie illud verbum solutus, ibi accipi, idest non teneri, quia id vix procedit in Iurisconsultis qui semper proprie loquuntur.

Secundo, quia contrarium probat, d. l. ex imperfecto, ibi licet enim lex imperij sollemnibus iuris imperatorem soluerit, &c. ergo proprie Iurisconsultus in d. l. princeps, dixit principem legibus esse solutum non improprie. pondero item pro hoc intellectu verba d. l. Princeps in fin. Augusta autem licet legibus soluta non sit, princeps tamen eadem illi priuilegia tribuit, etenim illud verbum soluta significat in Augusta, esse exemptam legibus, non vero significat, non teneri, vt palam est. Item pondero illud verbum priuilegia (si Iurisconsulti apte loquuntur) quod denotat id principi, non competere ex Iure communi naturali, vel humano, sed ex constitutione particulari contra regulas Iuris communis, vt Not. in rubr. de priuileg. text. optimus, in cap. priuilegia, 3. distinct. Cicer. lib. 3. de leg. in priuatos homines, inquit, leges ferri noluerunt, idest enim priuilegium. Cum igitur Iurisconsultus in dict. l. princeps, loquatur per verbum solutus, & per verbum priuilegia plane existimo sensisse Populum, per priuilegium regibus concessum, lata lege Regia principem omnibus legibus

gibus soluisse, quod priuilegiū aliquando Populus Rom. concedebat, vt colliges ex notatis a Bud. in d. l. princeps. Quarto adduco pro eadem sententia dictum celebre Alicarnasei, qui de Augusto loquēs ait in hęc verba. Iam, inquit, principes aliud sibi ius arrogarunt, quod numquam vlli Romanorum fuerat antea datum, vt ipsis liceat, quod voluerint, sunt enim soluti legibus, quod apud latinos perinde est, ac nulla legis necessitate teneri, sed omni scripto iure exemptos esse.

9 Quinto adduco dictum. Corn. Taciti, lib. 3. Annal. sed præcipue, inquit, seruius Tullius sanctior legum fuit, quēis, etiam Reges obtemperarent, ergo clarissime probauimus Reges attenta natura vi suarum legum teneri, a qua fuerunt soluti, & exempti a populo Romano per legem regiam, quam Imperij appellat imperator in d. l. ex imperfecto. His ita constitutis, vt argumentis satisfaciamus, & hanc materiam explicemus nonnulla præmittenda sunt. In primis præmitto in principe duas esse personas priuatam vnā: alteram publicam, vt in Iudice expressit, Coar. lib. 1. resol. cap. 1. & 10. num. 12. & lib. 4. cap. 16. num. 6. versic. Item decreta, notauit Andr. Tiraquel. de primogen. quæst. 13. nu. 22. notant doctores nostri, in cap. 1. de solut. & in cap. intellecto, de iur. iur. & colliges ex nota.

notat. per Couarru. in reg. possessor, 2. par. §. 2. nu. 9. vers. vltima species: sic sane in iure nostro nemini dubiū est in principe nos considerare debere duas personas, vt ex proxime dictis patebit.

- II Secundo præmittendum est, duobus iuribus personisve concurrentibus in vno, perinde esse, ac si concurrant in diuersis cap. penult. §. verum de elect. in 6. notauit Bar. per text. ibi in l. tutorem, ff. de his, quibus vt indig. Abb. in cap. per venerabilem, num. 13. qui hl. sint legit. hinc est, quòd cum in iudice concurrant duæ personæ, publica, & priuata, tamquam publica multa scit, quæ vt priuata ignorat, & è contra, vt trad. Couarru. vbi proxime, sic confessor quatenus confessor multa scit, quæ tamquam persona priuata ignorat, capitulum secundum, & ibi not. de offic. ord. His sic præmissis materia hæc duabus conclusionibus resoluenda est. sit prima conclusio. Princeps vt persona publica vi directiua obligatur, non coactiua. de vi directiua patet, quia si Princeps intelligit illam legem esse rationi consentaneam, tenetur vi directiua legis ad eius obseruantiam, cum enim lex naturalis præcipiat omnem partem esse dirigendam in conseruationem totius c. quæ contra mores, ibi turpis est pars, &c. 8. dist. lex autem sit quoddam rationabile rei publicæ conueniens, sequitur principem (qui potis-

potissima pars est reip.) teneri ad obseruantiam ipsius legis iure naturali attento, quod autem princeps tamquam persona publica non teneatur vi coactiua ostendo; quia nemo potest sibi imperare, l. penult. ff. de arbitr. & supr. not. lex autem est præceptum principis, l. 1. ibi commune præceptum, ff. de leg. ergo princeps non potest se ipsum obligare; & hoc modo intelliges Aristotel. & Plutarchum adductos a Bud. in d. l. princeps, dum asserunt principem non esse obligatum sua lege, vt intelligantur de principe vt persona publica, aut de vi coactiua legis.

Sit secunda cōclusio; princeps vt persona priuata attento iure cōi antiquo, & vi directiua; & coactiua obligabatur, a coactiua tamē solutus est per priuilegium in his, in quibus ipse princeps voluerit. De vi directiua dubiū non est: de coactiua patet; etenim princeps, vt persona priuata est pars Reip. & ita tamquā pars; debet obedire legibus totius, nēpe legibus latis a persona publica, nēpe a principe, cum tamen deceret ob personæ dignitatem, & auctoritatem principem legibus non teneri, populus eum suis legibus soluit, vt insinuat d. l. ex imperfecto adiuncta dict. l. princeps: quæ licet loquatur in Imperatore, & principe Romano, tamen comprehendit quemcumque principem non recognoscentem superiorem, qui iure ciuili Romanorum

vtitur, cum omnia priuilegia, & iura illi cō-
petentia huic applicentur, not. in l. cū mul-
ta, C. bonis, quæ liber. Suar. in materia ma-
ioricatus, num. 25. Diximus in his, in quibus
ipse princeps voluerit, quia cum beneficium
non conferatur in inuitum, l. inuito benefi-
cium non datur 70. ff. de reg. iur. quæ in pri-
uilegijs absque dubio procedit, vt not. glo.
ibi, in princ. glos. in l. soluendo verb. eum, ff.
de negot. gest. si princeps noluerit vti pri-
uilegio, quod habet, obligabitur vi coactiua
legum, glos. in d. l. princeps, Bar. in l. digna
vox, num. 1. C. de leg. sic licet maior magi-
stratus, vel æqualis, a minori, vel equali iu-
dicari non possit, l. ille, a quo, §. tempesti-
uum, ff. ad senatusconsult. Trebell. tamen si
ipse maior magistratus, vel æqualis vellit, re-
cte indicari potest, l. est receptum, ff. de iu-
risd. omn. iud. & hinc est, quod in contracti-
bus factis a principe contra eum nascan-
tur actiones, & aduersus illum cōpetant,
l. 1. ff. de offic. procurat. Cæsares in l. bene
a Zenone, C. de quadriennij præscriptione,
quia scilicet principes noluerunt esse soluti
legibus actiones inducentibus, cap. 1. de
prob.

- 13 Nec his obstabit fundamentum aduersæ
partis, quod scilicet nemo possit sibi impe-
rare. Facile enim respondemus, principem
non sibi imperare, quando vt priuata perso-

na legum suarum vi tenetur, si in eo confideremus duas personas, publicam, & priuatam: nam publica imperat per legem, & priuata vi coactiua legis ligatur, si ipse alias non se eximit a præfata lege quocumque modo; sic enim eum in hac re accipere debemus, vt non vnam, sed duas personas agat, nec sit vnus, sed duo, argum. d. l. tutorem, ff. de his quibus, vt indign. Plane si vna persona superior præciperet alteri inferiori, cessaret hæc controuersia, vt patet. ergo & in principe debet cessare, cum duarum personarum vice fungatur, & perinde sit, ac si fuerint diuersæ personæ, iuxta d. l. tutorem, hæc omnia colliguntur ex dictis per Innocen. & Imol. in cap. irrefragabili, §. ceterum, num. 4. de offic. ordin. Curtium Iuniorem (quem postea reperi, & gauisus sum) in l. 1. num. 8. ff. quod quisque iur. loquentem in iudice, & asserentem posse sibi iudicem imperare, faciendo illud edictum, ideo scilicet, quia dum iudices faciunt edictum repræsentant personam publicam: dum ligantur, repræsentant personam priuatam.

- 14 Nec huic considerationi obstat, d. l. ille a quo, §. tempestiuum, ff. ad senatusconsult. Trebell. quæ magnum facescit negocium, Respondemus enim illam legem procedere solum in imperio iudicum coactiuo; in quo indecens erat ipsum iudicem cogere, & esse

coactum: essent enim vt plurimum illusoria hæc imperia; nec decebat optimum Reipublicæ statum, vt maior, vel æqualis magistratus a minori, vel æquali indicaretur inuitus, & coactus, cum plerumque illorum præcepta spernerentur, & auctoritas magistratum diminueretur; propter quas rationes illud erat in viridi obseruantia, quod nullus Magistratus sibi ipsi imperaret, nec maior, vel æqualis a minori, vel æquali indicaretur inuitus, non ex eo quia iudex sibi ipsi tamquam priuato imperare non possit, quidquid
 15 nimium in hac re frustra se torqueat Curt. Iun. vbi supra. Ex quibus omnibus inferes rationem quare olim senatores facientes senatusconsulta ipsis absque dubio ligabantur, & nunc decuriones ligentur statutis ab eis conditis, quia scilicet senatusconsulta faciebant, & statuta nunc condunt, repræsentantes publicam personam, & quando ligantur, sunt personæ priuatæ.

Tertio inferitur resolutio illius dubij, an Episcopus ligetur suis statutis. etenim Abb. in repet. cap. extirpandæ, §. qui vëro, num. 57. de præb. & in cap. 1. num. 9. de symon. & in cap. vniuersitatis, num. 13. de sentent. excommun. Paul. de Castr. in l. digna vox, nu. 2. C. de leg. post Io. Andr. quem citat, existimant Episcopum ludentem cum aliquo non incurrere in excommunicationem latam ab ipso

ipso Episcopo contra ludentes: ex eo, quia sibi ipsi imperare non potest, l. penult. ff. de arbitr. l. ille, a quo, §. tempestivum, ff. ad senatusconsult. Trebel.

Contrariā tamē sententiā tenet Cur. & Zaz. in d. l. i. iur. scilicet retorquitionis iux. tit. ff. quod quisque iur. comprobat Rimin. Iun. in d. l. i. num. 164. quæ sententia vera est, tum ex ratione prædictorum doctorum, licet enim titulus, quod quisque iuris procedat in magistratibus, d. l. i. §. hæc autem verba, ibi, quod statuerit, qui iurisdictioni præest, tamen recte ad omnes alios superiores sua edicta, & statuta proferentes extenditur; tum etiam, quia quando Episcopus fecit statuta, fecit ut personā publicā, quando vero lusit, priuatā personā gessit. Nec pro Abb. Io. Andr. & Paul. facit, quod nemo possit sibi imperare, id enim procedit in magistratibus se ipsos cogentibus per imperia directa iudicialia, non autem præcepta generalia, qualia sunt legum constitutionum ve; ut supra diximus.

SUMMARIVM EX CAP. SEQ.

- 1 Citantur doctores tenentes l. Iuliam fuisse latam ab Augusto Cesare.
- 2 Proponitur difficultas contra eorum opinionem

*qui asserunt l. Iuliam de adulterijs fuisse
lata m ab Augusto.*

3 *Assignatur concordia in hac materia.*

C A P V T I I.

INTER alias leges, quæ in pandectis reperiuntur, inuenitur, l. Iulia de adulterijs; dubium est, quis nam fuerit illius auctor: & fuisse Augustum Cæsarem tenuit glos. in 2. expositione in l. 1. ff. ad leg. Iul. de adulter. notauit Io. Corras. lib. 2. miscellaneor. cap. 1. num. 9. Did. a Couarr. de sponsal. 2. par. cap. 7. §. 7. a num. 2. pro qua sententia videtur rex. expressus in l. 1. ff. eod. tit. ad l. Iuliam de adult.

2 Sed obstat, quod lex dicitur Iulia, ideoque non est verisimile ab Augusto latam esse, sed a Iulio Cæsare propter nominis impositionem. solebant enim Imperatores Romani, & alij magistratus leges, & senatusconsulta nominibus proprijs appellare, cap. quædam 2. distinct. In cuius difficultatis resolutione, nimis laborat glos. in d. l. 1. verb. Augusto, tu sequere resolutionem doctissimi Præsulis, Ant. Aug. lib. 3. emendationum, cap. 8. quod scilicet Cæsar Augustus Octavianus dictus etiam fuerit C. Iulius Cæsar Octavianus: ideoque ab hoc nomine l. Iuliam dictam fuisse

3 fuisse. Sed ego verosimilius esse existimo Iulium Cæsarem dictatorem prius constituisse legem Iuliam de adulterijs, quæ in dissuetudinem abiit, quam Augustus Cæsar Octavianus iterum de nouo sanxit, vt auctor est Sueton. in vita Cæsaris Augusti, cap. de legibus per eum sancitis, & alijs retractatis: nam & Sumptuariam, quam Cibariam aliqui appellant, constat Iulium Cæsarem dictatorem cōdidisse, vt ex Sueton. in vita illius apparet, quam Augustus ex integro noue sanxit. relinquit igitur legibus latis a Iulio Cæsare dictatore, nomen primi Inuentoris, licet ipse multa addendo ex integro restitueret, ob quā causam Plutarchus asserit hanc legē ab ipso Augusto fuisse conditā, & Iurisconsult. id affirmat in d. l. i. ff. ad l. Iul. de adulterijs, iuxta quā intelligendum est illud Epigramma Martialis:

*Iulia lex populis postquam Fauſtine renata est,
Atque intrare domos iussa pudicitia.*

Ideo enim poeta dixit legem Iuliam renatam esse, quia primo a Iulio Cæsare lata fuerat, deinde abiit in dissuetudinem, tandem ab Augusto Cæsare renouata est. Id enim quod numquam fuit, sed de nouo venit, renatum improprie dicetur, & ita Martialis non tam apte loqui videbatur. ne igitur id de Martiali fateamur, puto poetam intelligendum esse ex ijs, quæ Sueton. in vita Cæsaris Augusti tradit, idest legem Iuliam,

de adulterijs, prius latam fuisse a Iulio Cæsare dictatore, postea in dissuetudinem abiisse, quæ tandem a Cæsare Augusto multis additis renouata fuit: quod poeta expressit in illo verbo Renata, vt paulo ante diximus.

SVMMA RIVM EXCAP. SEQ.

- 1 Secundum iuris communis regulas filius etiam vxoratus manebat in potestate sui patris, & per consequens nepotes manebant in potestatem aui.
- 2 Filius iure hodierno exit a potestate patris per matrimonium, & ita nepotes hodie non sunt in potestate aui.
- 3 Hódie auus non potest habere vsumfructum in bonis nepotum, cum eos non habeat in potestate.
- 4 Contrarium videtur probare ordinatio Regia, lib. 1. tit. 67. §. 6.
- 5 Emmanuel a Costa ordinationē Regiam taxat.
- 6 Defenditur ordinatio regia a calumnia in quinque casibus.
- 7 Primus casus narratur in arrogato.
- 8 Secundus casus est in auo habente filium legitimum, & ex eo nepotem naturalem, qui legitimatus fuit.
- 9 Tertius casus est in eo, qui bona fide contraxit matrimonium cum ea, quam in vxorem habere non

re non poterat.

10 Quartus casus est in filio renocato in potestatem patris per ingratitude.

11 Quintus casus est, quando lex in favorem alienius inducit emancipationem, quia tunc quoad eius favorem emancipatus censetur, non quoad eius damnum, & ita filius emancipatus a lege dato matrimonio censebitur esse in potestate in his, quæ sibi fuerint utilia.

CAPVT III.

I VRE communi attento receptum est filium, filiamue matrimonium contrahentem non liberari a patria potestate. l. si uxorem. & ibi gl. recip. C. de cond. insert. l. 2. §. quod in patris. ff. sol. mat. unde de filij nati ex eodem matrimonio sunt in eadem potestate, in qua pater est. l. nam civium Romanorum. ff. de his quæ sunt sui vel alieni iur. l. sic eveniet 21. ff. ad legem Iuliam de adul. §. 1. Insti. de patr. potest. Unde nepos est in potestate aui. l. 2. ff. de vulg. & pupill. adiuncto §. nã moribus. insti. de pupillari. Ceterum de iure hodierno contrarium dicendum est, cum per matrimonium filius exeat a potestate patris, & ita censetur emancipatus, Ordin. lib. 1. tit. 67. §. 4. & apud Beticos id ipsum observatur ex l. taur 47. unde filij emancipati non sunt in aui potestate.

- potestate. §. penul. insti. quib. mod. ius patr. potest. soluitur & cōsequēter in his regnis auus non poterit facere pupillarem substitutionē nepotibus, cum eos non habeat in potestate, quod requiritur ad faciendam pupillare. ita aduertit Greg. Lopez in l. 5. tit. 5. partit. 6. ver. *Que descien den dellos*, Anton. Guomez. in leg.
- 3 47. taur. in princ. & 1. tōmo cap. 4. nu. 2. pari ratione iam hodie auus in his regnis non poterit habere vsumfructum in bonis aduentitiis nepotum, quia id tantum concessum est iis, qui filios, vel nepotes habent in potestate l. cum oportet, & ibi not. C. de bon. quæ lib. Cōtrarium tamen videtur probare apud nos ordinatio lib. 1. tit. 67. §. 6. ibi *Emais se for seu pai ou auò serà priuado de usufructo de seus bens*: ergo auus adhuc in hoc regno habet vsumfructum in bonis nepotis; & ita eum habet in potestate. arg. d. l. cum oportet. C. de bon. quæ liber. cui difficultati Emmanuel a Costa non respōdet, sed in §. & quid si tantum. 3. par. num. 242. ait in hæc verba, vt mirum sit, quod alibi regia lex lib. 1. tit. 67. *Do iuz dos orfanos*. §. 6. significauerit auum esse legitimum administratorem bonorum nepotis ratione potestatis, & vsumfructus, cum auus non videatur vsumfructum habere posse, nec legitimam administrationem bonorum nepotis, cum eum in potestate non habeat, &c. & ita illam ordinationē fuisse male constitutam existimant communiter

6 niter doctores in scholis sequentes in hac re doctissimum Emmanuelem a Costa : sed ego puto ordinationem bene constitutam fuisse, & à calumnia recte defendi posse, immo in eam sententia, vt existimem doctissime conditores ordinationis locutos fuisse, dum omnes casus in illa materia percurrerunt.

Primo igitur præmittendum est, Ordinationem principaliter noluisse decidere illam quæstionem, an auns haberet nepotes in potestate, vel an haberet vsumfructum in eorum bonis : sed solum volebat imponere pœnam patri, vel auo, (casu quo essent legitimi administratores bonorum filij) si inuentarium nõ confecissent.

Secundo præmittendum est principium optimum ad leges bene intelligendas, quod scilicet quando lex aliqua non intendit principaliter aliquid decidere, semper præsupponendi sunt termini habiles. neque enim legistatores tam caute possunt loqui, vt de his rebus, quas incidenter tractant, perfectas, & absolutas resolutiones materiæ tradant, optimus tex. in l. qui testamento. ibi, nisi eos aliud impediatur. ff. de testam. vnde cum Ordinatio vbi supra non intendisset principaliter decidere, an auns haberet vsumfructum in bonis nepotis, sed solum aum amittere vsumfructum bonorum nepotis, si non confecisset inuentarium, præsupponendi sunt termini habiles, idest

id est casus, quo auus haberet vsumfructum in bonis nepotum. vnde sufficit vnus casus, in quo prædictus auus habeat vsumfructum in bonis nepotum, vt Ordinatio recte constituta censeatur. Plane nos aliquot narrabimus, in quibus etiam hodie auus habet nepotes in potestate, & ita vsumfructum in eorum bonis: quod si aliqui non placuerint, & dubij appareant, mihi sufficiet vnicum tantum à te Lector optime probari, vt conditores nostrarum Ordinationum a tanta calumnia liberentur.

7 . Primus igitur casus, in quo etiam hodie auus habet nepotes in potestate, ille est, quando scilicet aliquis arrogauit Petrum habentem filios: nam hi filij in potestatem aui arrogantis transeunt. l. si paterfamilias. ff. de adoptionib. l. arrogato. ff. eod. in quo casu verum est dicere, nepotes esse in potestate aui, & ita illis poterit substituere, poteritque habere vsumfructum in eorum bonis.

8 . Secundus casus est: siuge Petrum habere filium, & ex eo filio nepotes naturales, quos scilicet filius genuit absque matrimonio, qui nepotes naturales legitimati sunt per rescriptum Principis, plane nepotes legitimati manent sub potestate, quia tamquam filij veri censendi sunt. auth. quibus modis naturales efficiantur sui. §. si quis igitur. coll. 6. resolut gl. 1. in l. ite in potestate. ff. de his, qui sunt sui
vel

vel alieni iuris. Atqui nepotes non sunt in potestate patris, cum ipse sit in potestate parentis, & ita non potest alios habere in potestate. l. sic eueniet. ff. ad l. Iuliam de adulteriis. ergo omnes, idest filius, & nepotes transeunt in potestatem aui.

9 Tertius casus est, quando aliquis contrahit matrimonium cum aliqua muliere, qui bona fide ignorabat impedimentum ad contrahendum, quod tamen notorium erat, quo casu filij legitimi sunt (probata bona fide) cap. ex tenore. qui filij sint legit. hi, sane filij sunt in potestate aui, cum non detur matrimonium, per quod filij concepti bona fide emancipati efficiantur.

10 Quartus casus est, quando filius vxoratus ingratus extitit patri; quia propter ingratitudinē filius reuertebatur in potestatem patris, licet emancipatio vera esset. l. i. C. de ingra. lib. authen. constitutio, quæ de dignita. §. omne autem bonum. col. 3. authen. de sanctissimis Episcopis. §. hæc quidem. collat. 9. glo. in l. qui liberatus. verb. honeste. ff. de adopt. gl. 1. in l. frater. ff. eod. tit. de adopt. Andr. Alciat. lib. 3. parergon. cap. 8. doctissimus Barth. Philipp. de fiction. 4. part. cap. 14. pag. pen. cum igitur d. Ordin. lib. 1. tit. 67. §. 4. sit contra ius commune, non debet extendi ad casum ingratitudinis, ita vt filius ingratus per matrimonium ita emancipatus censeatur, vt non possit

possit in patriam potestatem reuocari, contra reg. quæ a iure. de reg. iur. in 6. Immo hic casus tamquam omissus relinquendus est dispositioni iuris communis. l. commodissime. ff. de lib. & posthum. plane iure communi cautum est, filios ingratos in potestatem parentis reuocari posse, ut supra diximus. ergo &c. Præsertim quia si fuisset emancipatio vera, rescinderetur propter ingratitudinē. d. l. i. C. de ingrat. lib. cum aliis. ergo etiam debet rescindi hæc emancipatio ficta inducta per Ordinationem, ne demus magis operari fictionem, quam veritatem, contra regulam §. adoptio. Instit. de adopt.


Quinto prædicta ordinatio defendi potest admissa communi sententia Doctorum existimantiū lege in fauorē alicuius emancipationem inducente, non censeri ipsum emancipatum, quando casus occurreret, in quo ipsimet nociua esset emancipatio, ut colliges ex nota. per Bartolum in litem in potestate. nu. 6. ff. de his qui sunt sui vel alieni iuris communiter receptum ex Alex. & Ias. teste Catel. Cot. in memorabilibus, verbo Episcopalis dignitas. Couarr. in cap. quia nos. num. 5. de testamen. Mérez de Maioratibus Hispaniæ 4. p. q. 23. num. 56. & licet in puncto iuris hæc opinio dubia sit, ut pungit Catel. Cot. ubi supra. tamen ab Ordinatione Regia potuit recipi: tum quia communiter recipitur a doctoribus

bus : tum etiam quia quando lex inducit emancipationem in fauorem alicuius, videtur solum eo casu inducere, quo ipsimet emancipatio est proficua, non quando est nociua, ne id, quod in eius fauorē fuit introductum, in eius odium retorqueatur, contra regulam quod ob gratiam. de regulis iur. in 6. capit. in his de priuile. l. quod fauore. C. de leg. Aduertit Catel. Cot. vbi supra.

SVMMARIVM EX CAP. SEQ.

- 1 Propomuntur verba Vlpiani, & Pomponij Iurisconsultorum.
- 2 Refertur opinio existimantium Iurisconsultos agere de operculis puteorum, in quibus aquæ nascuntur, & reprobat.
- 3 Catel Cotta, & Bud. referuntur ad explicationem verborum, quibus vsi sunt Iurisconsulti.
- 4 Multi alij putant putealia, & puteus significare scrinia librorum, & papyrorum, & ita legendum esse.
- 5 Vera explicatio redditur verborum Iurisconsultorum, & legendum esse putealia, & puteus auctor probat.
- 6 Explicatur locus Ciceron. ad Attic. in epistola Cum essem in Tusculano.
- 7 Venditis ædibus veniunt ornāmēta scriniorum, & librorum scrinia, quæ facta fuerunt, ut perpetuo ibi fuissent.

CAPVT IIII.

- 1  LPIANVS Iurisconsultus in l. Iulianus. §. fin. ff. de act. emp. ait in hæc verba : Distractis, vel legatis ea esse ædiū solemus dicere, quæ quasi pars ædiū, vel propter ædes habentur, vt putata putealia. subdit Pomponius Iurisconsultus hæc verba in lege sequenti idest, quo putæus operitur. Multi putant Vlpian. & Pompon. hic agere de operculis puteorum, in quibus aqua nascuntur, & significare voluisse, ædibus distractis venire etiam hæc puteorum opercula. Sed ego nescio, an aliquis legerit vsquã Romæ fuisse puteorum opercula tanti valoris, vt necessarium foret Iurisconsultos eorum meminisse.
- 2

- Secundo facit contra eandem sententiam. l. fundi 18. inf. eo. tit. ff. de act. emp. vbi ex precedentibus, & sequentibus colligitur putealia non esse opercula puteorum, in quibus aqua nascuntur. & ita Catellian. Cot. in memorabilibus verb. Epistomion, sensit dissonum esse sensum litteræ, & solū ait eam sibi videri mendosam, sed nihil ultra. Multi asserunt litteram vulgarem, idest opercula puteorum esse ex margine in textū inserta sequentes Bud. in d. l. fundi. vers. castella. sed in explicatione
verbi
- 3

verbi putealia, nihil fere docuit. non desunt qui legentes putealia, & puteus, dicant ea, verba significare tegumenta decora scrinio-
rum, in quibus libri reconduntur. Nam mul-
ti viri docti ita legūt locū Ciceronis epist. ad
Attic. quæ incipit: Cum essem in Tusculano.
sed verius dicendum est, legendum esse vtro-
bique plutealia, & pluteus, (vel si mauis cum
aliis pluteum.) Est autē pluteus, vel sicut alij
volunt pluteum, receptaculum librorum, vel
papyrorum, quod antiqui tegumentis poli-
tis, & variis simulacris decoratis tegere sole-
bant, hoc est signis, vel sigillis, teste Bud. vbi
supra. Vnde apud Ciceronem legendum est
plutealia sigillata, hoc est opercula pluteorū,
6 sigillis, id est simulacris decorata. nec cū illis
sentio, qui existimant in loco Ciceronis non
legendum esse plutealia, ne duo nomina adie-
ctiua sine substantiuo collocētur. Responde-
mus enim plutealia esse nomen substantiuum
significans opercula pluteorum, vt Pompo-
nius Iurisconsultus declarat in d.l. id est: in
qua legendum est pluteus, vel pluteum con-
sonat illud Iuuenalis.

Et iubet Archetypos pluteum seruare cleantas.
In quo sensu eo verbo vtitur aliquādo Petrus
Martyr vir eximie eruditionis lib. 25. epist.
Apud me (inquit) adhuc iacebat in pluteo
superior Epistola intendit Ioan. Bapt. in expo-
sitione dictæ Epist. ad Attic. Inquit igitur VI-

pianus: Venditis ædibus venire plutealia, id est opercula pluteorum. Cum enim scrinia, librorum decore, & eleganter ab antiquis simulacris operirētur, quæ opercula plutealia dicebantur, ait Iurisconsultus hæc opercula, id est plutealia (est autem Iurisconsultus Vlpianus proprietatis, & elegantix studiosissimus teste Bud. in d. l. Iulianus. §. quod autem diximus) distractis ædibus venire, cum ad ornatum pluteorum plutealia sint facta, & plutea regulariter facta sint, vt perpetuo ibi sint d. verſ. castella, & quasi pars ædium sint. d. §. fin. præsertim si parieti infixæ sunt, argum. l. si supra. l. Titius. per argumentum ab speciali. ff. de acquiren. rerum dom. Vnde tamquam accessoria inseparabilia principale sequuntur, iuxta regulam accessorium. de regul. iur. in 6. cum aliis similibus.

SVMMARIVM EX CAP. SEQ.

- 1 Magna est controuersia inter doctores, an summus Pontifex possit dispensare in matrimonio rato.
- 2 Referuntur argumenta illorum, qui existimant summum Pontificem non posse dispensare in matrimonio rato.
- 3 Referuntur argumenta eorum, qui existimant summum pontificem posse dispensare in matrimonio-

trimonio rato.

- 4 Discutitur late ratio, ob quam summi Pontifices constituerunt matrimonium ratum dissolui per ingressum religionis, & omnes reprobantur.
- 5 Matrimonium est in triplici differentia.
- 6 Explicatur cap. gaudemus. de diuort. cum alijs iuribus asserentibus, matrimonium inter infideles esse sacramentum.
- 6 Explicatur, quid sit matrimonium ratum, & quid consummatum, & traditur differentia inter utrumque.
- 7 Matrimonium ratum significat coniunctionem Christi cum anima iusta; matrimonium vero consummatum coniunctionem Christi cum Ecclesia.
- 8 Matrimonium bigami significat coniunctionem Christi cum Ecclesia, sed non complete.
- 9 Matrimonium ratum, & consummatum reseruat fuit à Christo, & matrimonium spirituale, & declaratur text. in cap. inter corporalia, & cap. quanto, de transl. episc.
- 10 Summus Pontifex tamquam Vicarius Christi potest dispensare in his, quæ Christo sunt reseruata, nisi talia sint, quæ propter materiæ grauitatem illi denegata censeantur, & soli Christo censeantur competere.
- 11 Christus reseruauit sibi tam matrimonium ratum, quam consummatum in illis verbis, quos Deus, &c.

- 12 *Summus Pontifex potest dissolvere matrimonium ratum inter fideles non consummatum.*
- 13 *Licet opinio Canonistarum realiter esset falsa, cum sit probabilis, & summi Pontifices secundum eam dispensassent, iam de ea non est dubitandum.*
- 14 *Matrimonium consummatum non potest summus Pontifex dissolvere, & ibi assignatur vera ratio.*

CAPVT V.

I VIT olim inter sacrae Theologiae, & iuris Canonici peritos quaestio nimis agitata, an summus Pontifex posset dispensare in matrimonio rato, nec desunt nouiores, qui vel illos, vel hos sequantur. sunt enim plerique, qui approbent sententiam Theologorum existimantium summum pontificem non posse dispensare in matrimonio rato inter fideles (de eo enim est dubitatio.) alij vero eam reiiciunt adhaerentes iuris Canonici peritis asserentibus summo Pontifici illud licere: illud tamen sciendum est, nec omnes Theologos approbare sacrae Theologiae peritos, nec omnes canonistas, omnes iuris Canonici prudentes sequi: sunt enim aliqui Theologi, qui in hac re à suis deficiunt existimantes probabilem esse Canonistarum opinionem

nionem: e contrario vero plerique Canonistę opinioni Theologorum adhærent. tanta est humani ingenij dissensio. Porro Auctores asserentes summum Pontificem non posse dispensare in matrimonio rato inter fideles, duo afferunt potiora argumenta.

2. Primum est, nam matrimonium est contractus vltro, citroque obligatorius, qui matrimonialis contractus obligat de iure naturæ. cap. de infidelibus. de consanguinit. & affinit. capit. gaudemus. de diuort. l. adoptiuus. ibi, naturale ius. ff. de ritu nuptar. At iura naturalia non possunt auferri ab aliquo Principe humano, & sunt immutabilia. l. eas obligationes. ibi, quia ciuilis ratio naturalia iura corrumpere non potest. ff. de capit. diminutione. §. sed naturalia. Inst. de iure naturali gent. & ciuil. ergo ius ex matrimoniali contractu ortum, non potest summus Pontifex dissolvere.

Secundo pro se afferūt illam auctoritatem Christi Opt. & Max. Matth. 19. vbi interrogatus a Iudæis, an posset dissolui matrimonium contractum, respondit non posse: Quos Deus (inquit Christus) coniunxit, homo non separet. ergo nullus homo, nec Princeps, nec papa, potest dissoluendo matrimonium in eo dispensare. Etenim Iudæi sine vlla distinctione Christum Opt. & Maximum interrogaerunt, an matrimonium posset dissolui, qui-

bus Christus absque vlla distinctione respondit, non posse: appellatione autem matrimonij non solum venit matrimonium cōsummatum, sed etiam ratum. cap. 1. cum sequ. 27. q. 2. l. denique. cum l. sequenti. ff. de ritu nupt. & ita hāc opinionem tenuit communis schola Theologorum in quarto Senten. distinct. 27. vbi late Sot. q. 1. ar. 4. Conar. de sponsal. 2. par. cap. 7. §. 4. a nu. 6. Frater Anton. Cordub. lib. 1. quæst. 25. multos alios refert, & sequitur Ioā. Gutierr. in canon. quæst. cap. 17. Contrariam sententiam, immo summum Pontificem posse dispensare, & vinculum matrimonij rati inter fideles tollere ex causa, tenuit communis schola Canonistarum in capit. 2. & in cap. ex publico. de conuers. coniug. vbi glo. vlt. glo. in cap. 1. verb. sacri ordinis. de uoto in 6. quas glossas communiter nostri receperunt, comprobant Caiet. in opusc. 27. quæst. 25. Ledesm. in 4. q. 63. ar. 3. Siluest. verbo diuortium. 4. Cathar. contra Caiet. lib. 6. c. 3. Nauar. in Man. cap. 22. num. 21. pro qua sententia duo etiam afferuntur fundamenta.

Primum est, quòd de fide sit matrimonium ratum inter fideles dissolui per ingressum religionis. c. 2. & d. cap. ex publico. de conuers. coniug. sacrosanct. Concil. Trid. sess. 24. cap. 6. de matrimo. canone 6. ergo cum summi Pontifices ex causa religionis id effecerint, poterunt sane ex alia simili causa id ipsum effice-

re, iuxta l. non possunt. ff. de legib. neque enim exempla coarctant regulam clem. i. de relig. domib. l. i. ff. de aleæ lusu, & aleator.

Secundo pro eadem sententia facit auctoritas summi Pontificis in cap. inter corporalia. & cap. quanto. de translatione Episc. in quibus iuribus probatur facta reservatione matrimonij a Christo Opt. & Maximo, adhuc summum Pontificem illud dissolvere posse, cum tunc verum sit, Christum dissolvere, cuius Vicarius ipse summus Pontifex est in terris. ergo licet Christus Opt. & Max. Matth. 19. reservasset matrimonium etiam ratum adhuc summus Pontifex poterit dissolvere ipsum matrimonium.

- 4 Antequam ad resolutionem huius questionis accedamus, oportet diligenter inquirere quo iure, quave ratione summi Pontifices statuerunt matrimonium ratum dissolui per ingressum religionis: nam huius dubij resolutione multum conducit ad explicationem istius materiæ. enimvero Paludan. in 4. distinct. 27. quæst. 3. vers. tota autem causa existimat; ideo summos Pontifices statuuisse matrimonium ratum dissolui per ingressum religionis, quia si per mortem carnalem dissolvitur matrimonium commistione carnis consummatum. cap. pen. & ult. de secund. nupt. ita per mortem spirituales (quæ reperitur in voto solemnium religionis, cap. placuit. in 2. ad fin. 6. q. 1.) tol-

litur matrimonium spirituale, ratum scilicet, quod constat solo vinculo spirituali: sed profecto hæc ratio non satisfacit, cum matrimonium ratum constet etiam vinculo temporali, nempe obligatione naturali, ut infra latius dicemus: tum etiam quia iura, & actiones, quæ aduersus aliquem competunt non dissoluantur per ingressum religionis, ut patet. ergo nec vinculum matrimoniale, quod fortissimum est. quapropter alij asserunt, summos Pontifices id statuisse, quia Christus Optimus, & Maximus in illo particulari casu religionis præcepit, ut matrimonium dissolueretur. cū certum sit aliquos sanctos per reuelationē de matrimonio rato ad religionem conuolasse. cap. scripsit nobis. 27. q. 2. & ita per præceptum diuinum particulare ex facto sanctorum desumptum, summi Pontifices statuerunt matrimonium ratum dissolui per ingressum religionis. iuuat d. cap. 2. d. cap. ex publico. de conuers. coniug. ibi, sicut quidam Sancti de nuptiis vocati fuerunt. intendit Maior in 4. dist. 27. q. 2. Almain de potest. Eccles. cap. 15. Abb. in d. cap. ex publico. ad fin. Couar. de sponsal. 2. par. cap. 7. §. 7. nu. 6. Ioan. Guttier. vbi supra nu. 26. sed nec horum patrum sententia videtur probabilis. Etenim ea, quæ per reuelationem sancti fecerunt, non possunt trahi in exemplum, ita, ut idem regulariter sit faciendum, (si aliàs illicita sunt) argumentum.

gumento, leg. ius singulare, ff. de legib. opt. tex. in specie in cap. gaudemus, vers. nec vlli de diuort. sic sane licet Sampson, se occidisset, & ab homicidio excusetur, cum per reuelationem occisionem fecerit, non poterit summus Pontifex in Ecclesia constitui, vt Innocens iuste occidatur, sic sane, licet multi sancti martyrium summe exoptantes, vltro semorti offerrent, in ignem se coniicientes, vel alias mortem sibi conscissent, tamen non ob id poterit summus Pontifex in Ecclesia statuere, vt qui martyrium exoptauerint, in ignem se coniiciant, vel alias mortem, sibi consciscant, sic olim, licet concessum fuisset antiquis patribus, vt plures simul ducerent vxores, idque per reuelationem fecerint legitime, tamen hodie nō poterit summus Pontifex id efficere, cap. gaudemus de diuort.

Secundo facit contra eandem doctorum sententiam, nam si Alex. III. summus Pontifex intelligeret, Ideo a summis Pontificibus statutum fuisse, vt matrimonium ratum dissolueretur per ingressum religionis, quia scilicet Christus id speciatim præcipisset in ingressu religionis, concluderet sane, in d. cap. 2. & in d. cap. ex publico ex præcepto Christi matrimonium ratū dissolui per ingressum religionis, cum tunc omnis, cessaret difficultas, & cum esset res scitu digna, & notabilis

exprimenda foret, l. item apud Labeonem, §. ait Prætor. vers. ea enim, ff. de iniur. neque necessarium foret summum Pontificem, tam anxie respondere locis sacre scripturæ, cum facilis esset solutio, nempe Christum optimum Maximum generaliter prohibuisse dissolutionem coniugij, ac specialiter eam concessisse dato religionis ingressu: plane, cum summus Pontifex id in d. cap. 2. & in d. cap. ex publico non respondisset. probabile est supra dictam rationem doctorum non esse amplectendam ex mente Pontificis, in dictis Iuribus, sed aliam fore excogitandam. quapropter non defuerunt Iuris canonici interpretes existimantes, id factum fuisse, quia ex illo contractu matrimoniali nascitur, quoddam ius coniugibus ad mutuam corporum traditionem argumento, cap. 1. de ord. cognit. Vnde cum sit ius, neutri acquiritur, absque actuali traditione, quæ in usu illius iuris consistit, hoc est in consumatione matrimonij, & corporum coniunctione, l. penult. ff. de seruit. l. 3. §. si inter, ff. de act. empt. Vnde ante usum, & exercitium illius iuris, hoc est, ante consumationem matrimonij; & corporum coniunctionem, neutri quæritur ius, & ita ante consumationem matrimonij, quilibet cõiux potest se obligare Monasterio transfèrendo illud ius in alium, iuxta l. quoties, & ibi not. C. de rei vendicat. sed nec hæc resolu-

tio placet, nam etsi matrimonium sit contractus, attamen in multis non sequitur ordinariam naturam contractuum, in his videlicet, in quibus repugnat specialis natura matrimonij. sic sane in omnibus contractibus data partium voluntate possunt contrahentes a conventionione resilire, cap. 1. de reg. iur. in antiquis: nihil tam naturale, ff. de reg. iur. & tamen in matrimonio non possunt (etiam antequam matrimonium esset sacramentum) cum id speciali naturæ matrimonij repugnet, quæ omnimodam in dissobilitatem expostulat, iuxta eius definitionem, ibi individuum consuetudinem retinens principium instit. de patria potest.

Secundo facit contra eandem sententiam, quod regula, d. l. quoties non procedit in actibus legitimis, in illis enim, absque vlla traditione alioue actu extraneo, dominiū, vel quasi dominium acquiritur, vel quicumque alius effectus nascitur, regula actus legitimi de regulis in 6. l. actus legitimi, ff. eodem titulo, ff. de reg. iur. At matrimonium (sicut, & alia sacramenta) est actus legitimus, quippe quod absque vlllo ministerio hominis suos effectus producit, vt resoluit, Sot. in 4. dist. 27. quæst. 1. art. 4. col. 3. Couar. de sponsal. 2. par. cap. 3. in princip. num. 3. ergo sine vlla traditione extrinseca, nec usu iuris matrimonialis, acquiritur quasi dominium ipsius

sius iuris matrimonialis .

Tertio tandem obstat , cap. penul. de spon-
sal.vbi vxor de præsenti ante matrimonij cō-
sumationem, non pōtest se alij marito trade-
re, quamuis cum eo copulam habuisset . Alij
plerique putant summum Pontificem non
dispensare in matrimonio rato vere, sed se-
cundum quid, idest declarare interpretatio-
ne quadam iurisdictionali, illi solum compe-
tente, obligationem, seu ius matrimoniale
acquisitum coniugi dissolutum, esse propter
maius bonum, nempe propter religionem.
sed hæc sententia nō est vera, nam si illa in-
terpretatio nihil magis operaretur, quā ostē-
dere suapte natura ius competens coniugi-
bus dissolui propter maius bonum, sequere-
tur quemlibet doctore potuisse facere illam
interpretationem, quod nemo concedet : si
vero responderint eam interpretationē, non
esse scientificam, & ita non competere cui-
bet doctori, sed esse iurisdictionalem, & ideo
soli summo Pontifici competere, dubium est,
An a dispensatione propria, & vera differat :
sed iam illis id conniuentibus oculis conce-
damus . plane falsum est ex natura rei ius ali-
cui competens, propter maius bonum dissol-
ui, licet causa publica versetur . nam id quod
meum est, sine facto meo auferri a me. non
potest, l. Id quod nostrum, ff. de reg. iur. er-
go ius competens coniugibus ab illis auferri
non

non potest nisi princeps ob iustam causam id percipiat non interpretando, sed constituendo necessarium esse ad bonum commune, coniuges priuari illo iure, tunc enim cum princeps possit disponere de rebus, & iuribus priuatorum in bonum commune, clem. dudum. §. nos etenim, de sepult. l. item verberatum. §. fin. ibi militibus assignatus, ff. de rei vendic. merito de hoc iure matrimoniali competenti coniugibus, disponet, id tamen non per interpretationem principis, sed per præceptum nouum, faciendum est. Nam interpretatio denotat illud a parte rei esse, & nūc declarari, quod in hac specie negamus: præceptum vero nouum, denotat principem id de se constituere propter rationem boni communis. tandē sunt, qui per supradictam rationem affirmant summos Pontifices id statuisse: auferentes ius illud coniugibus, propter bonum publicum, quod in fauorem religionis consistit, necessariumque fuisse, vt lege lata præcepissent, ius competens coniugibus ex matrimonio rato dissolui per ingressum religionis, idque iustissime factum fuisse, tum ex ratione publica, quæ in religionibus versatur, tum quia id a multis sanctis factum fuerit, vt intendit Pontifex in dict. cap. 2. & in dict. cap. ex publico, quæ omnia summos Pontifices commouerunt, vt per constitutiones latas, illud ius coniugibus auferrent:

quæ

quæ sententia ad veritatem aliquantulum accedit, sed non omnimodo materiæ resolutionem attingit, & difficultatem resoluit; adhuc enim vrget, quod matrimonium ratum iure diuino positum est indissolubile, & fuit etiam reseruatam soli Christo ex illis verbis Matth. 19. quos Deus coniunxit, homo non separat, ex quibus constat matrimoniū carnale, & ita tam ratum, quam consumatum inter fideles reseruatam fuisse soli Christo, text. expressus in dicto capitulo, inter corporalia, cap. quanto de translatione Episcopi, & reuera intentio Christi Optimi, & Maximi, illa fuisse videtur, vt supra diximus: in qua re maxime nititur cōmunis opinio Theologorum, Theologi in 4. vbi Sot. & alij vbi supra citati: quapropter, vt resolutio huius dubij percipiatur, nōnulla sunt præmittenda, quæ ad illius explicationem nimis conducere videntur.

- 5 Primo, præmittendum est matrimonium in triplici esse differentia, scilicet matrimonium attento iure naturali, vel nunc inter infideles, vel in lege veteri, antequam scilicet esset sacramentum nouæ legis: rursus est matrimonium ratum inter fideles, tandem est matrimonium consumatum inter ipsos, & vtrumque sacramentum. matrimonium antequam esset sacramentum nouæ legis, vel nunc apud infideles est contractus, per quem alter

alter coniux, alteri obligatur, nec dicas tale matrimonium esse sacramentum, cum sacramenta propria, & vera solum in lege noua reperiantur, quorum ianua baptismus est c. præter, §. verum, 22. distinct. cap. veniens de presbyter. non baptis. Sot. in 4. distinct. 26. quæst. 2. art. 7. col. penul. vers. ad quartum. Nec obstat, cap. gaudemus de diuort. cum alijs. vbi matrimonium inter infideles dicitur sacramentum, cui difficultati multi respondent, id quod est sacramentum apud fideles, esse matrimonium apud infideles, sed hæc interpretatio non placet, quippe quæ a mente, & verbis illorum iurium aliena est. Vnde Couar. de sponsal. 2. par. cap. 1. §. vn. num. 4. intelligit appellari in dictis iuribus sacramentum habitu, non actu. quasi dicat, illud matrimonium posse esse sacramentum, si a fidelibus contraheretur; sed nec hæc intelligentia satisfacit, superuacanea enim est potentia, quæ numquam reducitur ad actum; & vere illud verbum sacramentum, eo modo acceptum, insulse a summis Pontificibus ibi collocaretur, cum nihil ad rem, de qua agebant, pertineret, qua propter aliquando cogitavi, sacramentum, ibi significare obligationē, Corn. Tacit. de moribus germanor. Illum (scilicet Principem) defendere, tueri, sua quoque fortia facta gloriæ eius assignare præcipuum sacramentum est. Lactan. Firmin. de Inst.

Inst. Cathol. cap. 8. Calepin. verb. sacramen-
tum, vnde summus Pontifex ait apud infide-
les esse sacramentum coniugij, idest obliga-
tionem coniugij, sed non est vero simile sum-
mum Pontificem verbis insuetis vsum esse.
quapropter dicendum est, sacramentum si-
gnificare etiam misterium, & rem designan-
tem aliquid sanctum Lact. de vera sapientia
7 lib. 4. cap. 17. in quibus rebus, inquit, iudai-
cæ religionis sacramenta consistunt, notat
Couar. in cap. quamuis pactum 1. par. §. 1.
num. 2. Vnde cum matrimonium antequam
fieret sacramentum, & nunc etiam apud infi-
deles, significet etiam coniunctionem Dei cū
anima iusta, per gratiam virtutum, quæ in
omni lege semper fuit. Item significauerit fu-
turum Christi aduentum, Colonienſe Conci-
lium, titulo de sacramentis, fol. 53. & de ma-
trimonio, in vers. est autem matrimoniū. me-
rito propter illud mysterium, recte matri-
monium etiam antequam esset sacramentū,
& nunc inter infideles sacramentum dici po-
test, & ex eo, ratione illius significationis obli-
gationem aliquātulum maiorem oriri, quam
si fuisset contractus purus absque alicuius
mysterij significatione, quod summus Ponti-
fex in dictis iuribus intendebat. Matrimo-
nium ratum inter fideles est sacramentum,
ex quo obligantur coniuges vi contractus, &
sacramenti significantis vnionē inter Deum,
& iu-

& iustam animam per gratiam virtutum, quæ omni tempore fuit, cap. debitum de bigam. matrimoniū autem consummatum inter fideles est, quando post matrimonium ratum coniuges maritalem copulam habent. Ideoque matrimoniū consummatum dicitur significans vnionem inter Christum, & Ecclesiam, d. cap. debitum de bigam. Colliguntur hæc ex cap. vbi 28. quæst. 1. d. cap. debitum de bigam. Archid. in cap. ius naturale, num. 4. dist. 1. Pan. in cap. 2. & in cap. ex publico de conuers. coniug. Caiet. in opusc. 27. quæst. quæst. 25. vers. quoad primum.

Secundo præmittendū est matrimoniū ratū, & consummatū solum differre in eo, quia matrimonium ratum solo consensu contrahitur; & matrimoniū consummatū ultra consensum animorum habet etiam commixtionem corporum, propter quam commixtionem manet omnino indissolubile, & est completum matrimonium; cap. debitum de bigam. cap. cum societas 27. q. 2. Ratio huius rei est, quia matrimonium ratum significat vnionem Christi cum iusta anima, d. cap. debitū bigam. (quæ vnio non semper est perpetua) ideo matrimonium ratum dissolubile est. Nō sic matrimonium consummatum, cum significet coniunctionem Christi cum Ecclesia, (quæ vnio perpetua est) & ideo matrimoniū consummatū manet indissolubile ratione si-

8 gnificationis. Adde omne matrimonium consummatū significare illam vnionem Christi cum Ecclesia, sed diuersimode: nam matrimonium consummatū vnus cum vna complete significat illam vnionem, cum sit vnus ad vnā: quemadmodū fuit vnio vnus Christi ad vnā Ecclesiā: non sic matrimonium consummatū bigami, quia non tam complete id significat, cum illa figura non per omnia respondeat figurato. licet enim detur cōiunctio carnis, non tamen vnus ad vnā, quemadmodum fuit coniunctio vnus Christi ad vnā Ecclesiam: ideoque illud sacramentum defectum patitur in ea significatione, dict. cap. debitum de bigam. sed non inde inferas vnum esse dissolubile, & alterum non; vis namque significationis, quæ matrimoniū consummatum facit indissolubile, consistit in corporum commixtione, quæ significat coniunctionem Christi cū Ecclesia, quæ cum detur in vtroque matrimonio, merito vtrūque est indissolubile; licet vnum matrimonium quoad perfectionem significationis sit præstantius altero. Ideoque summus Pontifex in d. cap. debitum, non dixit matrimonium bigami esse minus perfectum, sed pati defectum, id est non habere omnimodam, & completam significationem vnionis Christi cum Ecclesia.

9 Tertio præmitte, matrimoniū tam ratum, quam

quàm consummatū iure diuino attento esse, indissolubile, & a Christo opt. & max. fuisse reſeruatū per illa verba, Quos Deus coniunxit, homo non ſeparat, & cetera; vbi Chriſtus fuit interrogatus ſimpliciter a Iudæis de matrimonio; quibus Chriſtus reſpondit etiam ſimpliciter; alius tamen materiam repetens agit de matrimonio in communi, & agit de matrimonio antequam fuiſſet ſacramentum, declarans eius vinculum naturale, vſque ad illa verba, Sed vna caro, & cetera.

Idèoque in vtròque loco, tam de matrimonio rato, quàm de consummato agens, totū ſibi reſeruauit, cap. inter corporalia, cap. quantō, de tranſlat. Episcop. intendit communis ſchola Theologorum in 4. vbi Sot. diſtinct. 26. quæſt. 2. art. 2. colum. vlt. Nec dicas ſummum Pontificem in d. cap. inter corporalia agere ſolum de cōiugio carnali, id eſt, consummato; id enim falſum eſt, vt conſtat ex d. cap. inter corporalia, & ex dict. cap. quantō, etenim multo magis reſeruatū erat matrimonium ratum, quàm matrimonium ſpirituale, quod ſcilicet contrahitur inter Episcopum & Eccleſiam; cum matrimonium ratum & ſacramentum ſit, & fortius vinculum naturale contineat. glōſ. in d. cap. inter corporalia verb. fortius ad fin. Caietan. 22. quæſt. 3. verſ. ad ſecundum dubium, & tamen matrimonium ſpirituale etiam fuit re-

seruatum Christo, d. cap. inter corporalia .
 ergo multo magis matrimonium ratum re-
 seruatum censebitur. Idque sine dubio inten-
 dit summus Pontifex in d. cap. inter corpo-
 ralia; quem sic intellige; arguit enim fortio-
 ra esse vincula spiritualia, quàm carnalia. vn-
 de non esse dubitandum, quin Omnipotens
 Deus spirituale coniugium, quod est inter E-
 piscopum, & Ecclesiam, suo tantum iudicio
 reseruauerit dissoluendum, qui dissolutionem
 & carnalis coniugij, quod est inter virum,
 & feminam suo tantum iudicio reseruauit. li-
 cet enim matrimonium etiam ratum fortius
 vinculum inijciat, quàm matrimonium spi-
 rituale, quod est inter Episcopum, & Eccle-
 siam, vt supra diximus, tamen non inargute
 dici potest, Christum optimū, & maximum,
 reseruantem coniugium carnale, censeri etiā
 reseruasse (ex mente Christi, quæ colligitur
 ex maioriute rationis) coniugium spiritua-
 le: cum generaliter verum sit, spiritualia for-
 tiora esse carnalibus; quamuis in particula-
 ri, matrimonium ratum fortius sit matri-
 monio spirituali Episcopi cum sua Ecclesia:
 dicta gl. verb. fortius Caiet. vbi supra, quid-
 quid hunc tex. alij dicant intelligendum esse
 in sensu morali, alij asserant summum Ponti-
 ficem in eo tamquam doctorem loquutum
 fuisse, quæ interpretationes non mihi arridēt;
 tum quia clare summus Pontifex asserit le-

ge diuina reſeruatum eſſe coniugium ſpirituale, & ob id diſſolvente ſummo Pontifice cenſeri Chriſtum ipſum diſſoluere: tum quia recedere a mente ſummi Pontificis in interpretatione ſacræ ſcripturæ, non exiſtimo tutum eſſe.

- 10 Quarto præmittendum eſt ſummum Pontificem Vicarium eſſe Chriſti Optimi, & Maximi in terris, cum libera adminiſtratione faciendi omnia, quæ viderit expedire ad rectam Eccleſiæ gubernationem, iuxta regulam cap. præterea de offic. deleg. l. ad rem mobilem, ff. de procurat. & ita etiam reſeruata, absolute Chriſto Opt. & Max. ipſi ſummo Pontifici cenſentur reſeruata, dict. cap. inter corporalia, cum enim certum ſit propter varias circumſtantias neceſſarium eſſe, vt prohibita ſimpliciter, aliquando concedantur, oportebat etiam reſeruata Chriſto, ſub eſſe eius Vicario, ne vrgente neceſſitate deeſſet in terris aliquis, qui de illis etiam reſeruatis poſſet agere, & ita ſummo Pontifice in illis reſeruatis diſpenſante, cēſetur ipſemet Chriſtus Opt. & Max. diſpenſare, non enim humana, ſed diuina potius poteſtate illud facit, vt indiſſolutione coniugij ſpiritualis probat text. in dict. cap. inter corporalia, ibi non enim homo, ſed Deus ſeparat quos Romanus Pontifex (qui non puri hominis, ſed veri Dei vicem gerit in terris) Eccleſiarum neceſſita-

te, vel vtilitate pensata, non humana, sed diuina potius auctoritate dissoluit, c. quanto eod. tit. intendit S. Th. 1. 2. q. 10. ad tertiū argumentum. Vnde affirmandū est, Christum opt. & max. tāquam caput Ecclesiæ, omnem fere iurisdictionē in summū Pontificem contulisse, & reservata absolute Christo, censi etiam reservata in certis casibus summo Pontifici, d. cap. inter corporalia, vbi summus Pontifex in principio præmiserat Christum reservasse coniugium carnale, & per consequens spirituale, & ex eo infert idem matrimonium spirituale censi reservatum summo Pontifici ibi. Et ideo tria hæc, scilicet translatio, depositio, aut cessio, quæ præmissimus, non tā constitutione canonica, quā institutione diuina soli sunt Romano Pontifici reservata. idque ea ratione confirmatur; quia oportebat reservata Christo subesse potestati eius vicarij, ne urgente necessitate in multis casibus, deesset in terris aliquis, qui de illis etiam reservatis posset agere: præsertim quòd ex mente Christi Opt. & Max. constabat necessariam potestatem etiam quoad casus reservados in summum Pontificem contulisse; quippe qui peregre proficiscens generalem, & absolutam iurisdictionem ad pascendum vniuersum fidelium gregem in suū vicarium conferre videbatur, ac fere omnē potestatem, quam habebat, illi demādere. Diximus fere omnem potestatem,

quia

quia aliquā non contulit, illā scilicet, quæ ad gubernationem Ecclesiæ nō erat necessaria; verbi gratia, potestas excellentiæ: vel etiam illam non dedit, quæ propter gravitatē materiæ probabiliter ab ipso Christo denegata censetur. sic sane summus Pōtifex materiam sacramentorum non poterit immutare, nec in matrimonio consummato dispensabit, cū habeat significationem inseparabilis vnionis diuini Verbi cum natura humana. hæc enim omnia ita soli Christo reseruata cēseantur, vt de illis solus ipse disponere possit. Licet enim summi pontifices ex iurisdictione sibi commissa cū libera potestate possint etiā disponere de reseruatis, non tamen de illis, in quibus propter materiæ gravitatem videtur illis potestas denegata ab ipsomet Christo. sic licet in renunciatione generali casuū fortuatorum veniant aliqui casus insoliti, non tamen veniunt omnino insoliti, Bart. cōm. receptus in l. sedet si quis, §. quæsitū, ff. si quis caution. & in l. fistulas, §. frumenta, ff. de contrah. empt. quo pacto facile conciliantur opiniones diuersæ, de quibus Pinel. in l. 2. C. de rescind. vendit. 1. par. cap. 3. a num. 29. sic licet procurator datus ad negotia, quæ mandatum exigunt speciale, expressis aliquibus nominatim, possit facere omnia negotia domini etiam requirentia mandatum speciale, non tamen poterit matrimonium

contrahere sine speciali mandato domini ad contrahendum matrimonium, propter materiæ gravitatem, glos. in cap. qui ad agendum verb. non expressos, glos. in cap. si. verb. speciale de procur. in 6. cōmuniter receptus ut p̄r Andr. Tiraquell. de iur. mariti, gl. 8. num. 111. Couar. de sponsal. 2. par. cap. 4. in princ. num. 8. sic committente Episcopo Vicario omnes casus etiam reseruatōs, & nominatim exprimente aliquos, poterit Vicarius de expressis tractare, & de equalibus, vel minoribus, non tamen de maioribus, gl. in dict. cap. 2. de offic. Vic. lib. 6. vbi additio Margin. intendit Anchar. ibidem ad fin. Dominic. num. 8. facit cap. quod translationem, & ibi gloss. verb. reseruata, de offic. legat. Non aliter Christus Opt. & Max. in concessione generali facta Petro, & eius successoribus commisit etiam sibi reseruata dict. cap. inter corporalia, d. c. quanto de transl. Episcop. sed id intelligendum est de reseruatis, quæ verosimiliter sunt concessa, non de illis, quæ ob materiæ gravitatem denegata censentur, e quorum numero est dissolutio matrimonij cōsumati inter fideles, quæ propter typum ineffabilis mysterij incarnationis, nulli conueniebat, nisi ipsimet Christo tanti mysterij auctori, idque videtur docere Christus Optim. & Max. Matth. 5. dum ait non licere viro dimittere vxorem, id est non esse

esse conueniens, virum dimittere cognitam vxorem auctoritate sua, vel mandato alicuius, cum in ea re perpetua vnio Christi cū Ecclesia figuraretur. quæ verba de matrimonio consummato intelligenda esse docet pontifex in d. cap. ex publico ad fin. Caue tamen ne dicas illa verba Matth. 19. quos Deus coniunxit homo non separat, esse intelligenda de matrimonio consummato solum, tum quia summus Pontifex in d. cap. ex publico id solum interpretatus est procedere in illis verbis, quibus Christus significauit nō licere viro dimittere vxorem suam; tum etiam quia illa verba, quos Deus coniunxit, &c. tam de matrimonio consummato, quàm de rato sunt intelligenda, iuxta cap. inter corporalia, de translat. Episcop. communis doctorum schola in 4. distinct. 27. vt supra diximus.

11 His sic iactis fundamētis hæc materia duabus conclusionibus resoluitur, quarum prima est: Christus Opt. & Maximus reseruauit sibi tam matrimonium ratū, quàm consummatū, vt patet ex illis verbis Matth. 19. Quos Deus coniunxit, homo non separat. cap. inter corporalia, de translat. episcop. & est communis sententia Theologorum, vt supra diximus, quibus in expositione sacræ scripturæ credendum est.

12 Secunda conclusio: Summus Pontifex potest

test ex causa dissolvere matrimonium ratum, non vero consummatum inter fideles. De rato patet in cap. 2. & in cap. ex publico. de conuersione coniug. quod late probauimus in 3. & 4. præmissis, & in causis priuatorum ob bonum publicum summos Pontifices aliquando dispēssasse in matrimonio rato, testātur, quos citat Ioan. Guter. vbi supra cap. 17. num. 12.

- 13 Plane si summi Pontifices id fecerunt, vt testantur prædicti Doctores, iam non relinquitur locus ullus prædictæ dubitationi, saltem in actu practico. Etsi enim hæc opinio in se non fuisset vera, cum tamen sit opinio probabilis, & vera secundum sententiam tot & tantorum Patrum, qua moti summi Pontifices in matrimonio rato dispensarunt, absque dubio tenendum est, id iam licite fieri posse, cū in praxi sit receptum. iuxta tex. in cap. quam sit. & ibi glo. verb. Magistra. de elect. in 6. §. penult. ibi, quotidiano iur. inst. de ind. post alios notat Pinel. in l. 2. Cod. de rescind. vend. 2. par. in 2. Anton. à Gam. decis. 6. à num. 7. ideoque insignis Nauar. in Man. cap. 22. nu. 21. asserit in hoc casu non esse faciendum scrupulum.

- 14 Consummatum autem matrimonium inter fideles non potest Papa dissolvere, quia etsi vtrumque reservatum fuisset à Christo Opt. & Max. & reservata ipsimet Christo subiiciantur potestati summi Pontificis eius vicarij. d. cap. inter corporalia. d. c. quanto. de translat.

Episcop.

Episcop. non tamen potest summus Pontifex propter illam generalem casuum referuatorum concessionem, de illis referuatis agere, quæ propter materiæ gravitatem aliàs ipsi denegata censentur. verbi gratia, super materia, & forma sacramentorum, super dispensatione matrimonij consummati, quod cum significet perpetuam illam unionem, tam diuinitatis cum humanitate in vnitatem personæ filij Dei, quam ipsius Christi cū Ecclesia, vt figura cōueniat figurato, indissolubile manere debet tale matrimoniū. nō enim conueniens erat, vt matrimonium, quod præfigurabat quidpiam indissolubile, per aliquem dissolueretur: idque est, (vt Interpretator) quod Christus Matth. 5. docuit, vt paulo ante diximus; & ideo verosimiliter in illa generali cōcessione referuatorum, non venit dissolutio matrimonij consummati inter fideles. Nec his obstabunt tria argumenta, quæ in contrarium adduci poterant: primum est, quod ea, quæ sunt iuris naturalis, nō possunt tolli. l. eas obligationes 8. ff. de cap. diminut. 6. sed naturalia. instit. de iur. nat. gent. & ciui. cum igitur in quolibet matrimonio obligatio reperiatur, non potest per summum Pontificem tolli.

Secundo quia Christus Opt. & Max. Matt. 19. seruauit tam matrimoniū ratum, quàm consummatum. ergo non potest summus Pontifex in eo dispensare, siue sit matrimonium

con-

consummatum, siue ratum.

Tertio vrget, quia si matrimonium consummatū esset indissolubile propter significationem vnionis, aut hypostaticæ, aut Christi cum Ecclesia, sequeretur matrimonium consummatū bigami posse dissolui per summum Pontificem, cum in ea significatione defectum patiat, quippe quod non significet cōiunctionem vnus Christi cum vna Ecclesia. cap. debitum. de bigam. & tamen summus Pontifex non potest dispensare in quocumque matrimonio consummato inter fideles, adstipulante omnium fere sententia. ergo non ob id matrimonium consummatum est indissolubile, quia significet vnionem, aut hypostaticam, aut Christi cum Ecclesia.

- 15 Non inquam obstant illa tria argumenta, quia ad primum respondemus: ius naturale non infringi quando propter aliquam circumstantiam ipsum ius naturale cessat, vt aliàs probat eleganter Iuriscōsultus (quem sic intelligas) in l. bona fides. ff. de positi. Tunc enim mutatio non est in ipso iure naturali, sed in casibus superuenientibus, in quibus ob aliquam vrgentem rationem illud ius naturale cessat, cum in casu ius naturale obseruare esset iniquitas, quam ius naturale omnino respuit, vt ex Aristot. lib. 5. Ethic. deducit Sor. lib. 1. de iust. quæst. 4. ar. vlt. sic videmus in rebus ipsis naturalibus cuiuscūque rei natura-
- les

les inclinationes cessare, ne aliæ principaliores, & magis vn̄uersales cessent, vt in dolio aqua pleno, nimisque clauso, ita vt aer ingredi non possit, cernimus. eo enim perforato, aqua non exit contra illam aquæ inclinationem, seu (vt proprius loquar) motum, quo deorsum fertur, & ita cessat ille motus aquæ naturalis, ne cesset illud principium naturale fortius, & principalius, quo omne vacuum negatur, præsertim cum in hac specie non tollatur ius naturale, nec cesset, sed ius parti acquisitum ex iure naturali, & diuino, summus Pontifex tollat ex causa, quod potest facere quando id Reipublicæ necessarium fuerit. clem. dudum. §. nos etenim. ibi, conuentiones, & pacta. de sepult. l. item verberatum. ibi, militibus assignatus. ff. de rei vindicatione.

Non obstat secundum argumentum; respondemus enim omnia vera esse, quæ in eo argumento in antecedenti præmittuntur; negamus tamen consequentiã: ex eo enim summus Pontifex non potest dispensare in matrimonio consummato, quia est de reseruatis, quæ ex materiæ grauitate, & ex mente Christi Opt. & Max. denegata censentur, vt ex illo loco Matth. 5. colligitur, intenditque summus Pontifex in d. cap. ex publico.

Non obstat tertium argumentum; respondemus enim negando sequelam, nam matri-

monium bigami vere significat coniunctionem Christi cum Ecclesia, ideoque indissolubile est, licet non ita cōplete significet prædictam coniunctionem: cum in ea non per omnia figura illius matrimonij respondeat figurato, idest vnioni hypostaticæ vnus naturæ diuinæ, & humanæ, neque coniunctioni Christi cum Ecclesia; non enim in eo matrimonio vnus coniungitur vni, quemadmodum vnus Christus coniunctus est vni Ecclesiæ; propter quod in eo matrimonio datur defectus, d. cap. debitum de bigam. non tamen per hoc matrimonium consummatum bigami expers est illius significationis, cum re vera in prædicto matrimonio detur carnis coniunctio significans illud ineffabile misterium incarnationis, propter quod est indissolubile vt supra diximus.

SVMMARIVM EX CAP. SEQ.

- 1 Referuntur verba Iurisconsulti Modestini in l. pen. ff. ad l. pomp. de parricid.
- 2 Explicatur quid sit virga sanguinea reiecta, Corras, interpretatione.
- 3 Explicatur quid significet Cullens in dicta lege penultima.
- 4 Pœna parricidæ, de qua agit Iurisconsultus Modestinus, in dissuetudinem abiit.

- 5 In regione illa, in qua pœna, d. l. penult. non abijt in dissuetudinem, non poterit parricida puniri prædicta pœna, nisi crimen confessus fuerit.
- 6 Citatur locus Suetonij Tranquilli, ex quo colligitur parricidas non puniri pœna de qua in d. l. penult. ff. de parricid. nisi crimen confiterentur.

CAPVT VI.

1 **M**ODESTINVS Iurisconsultus in l. penult. ff. ad l. pompeiam de parricid. ait in hunc modũ: Pœna parricidij more maiorũ instituta est, vt parricida virgis sanguineis verberetur, deinde culleo inuatur cum cane, & gallo gallinaceo, & vipera, & simia: deinde in mare profundum culleus iactetur, hoc ita si mare proximum sit, alioquin bestiis subijcitur secundum Adriani constitutionem. Hactenus Iurisconsultus Modestinus.

- 2 Dubiũ est in hac lege quid significet illa verba virgis sanguineis. & imprimis his tenebris accurrens noster Accurtius, verb. sanguineis interpretatur virgas debere esse alicuius ligni, vel de quocumque ligno, dummodo sanguis exeat, sed Accurt. non placet Corrafi. qui lib. 1. Miscellaneor cap. 5. ait esse

se legendum virgis sagmineis. Sagmen autem herba est, quam vocant verbenam, Plin. lib. 22. cap. 2. sed non est probabile parricidas verberatos fuisse virgis verbenæ, cuius natura mollis est non rigida: quapropter re-tenta littera vulgari (a qua recedere mihi re-ligio est) dicendum est virgas sanguineas esse cuiusdam ligni, cuius cortex interior eius est naturæ, vt si aliquem tangat, vulnera, quæ iam subsanata sunt, & cicatricem reli-querunt recrudescant, & sanguinem emit-tant, Plin. lib. 24. c. 10. Nec virga sanguinea (inquit Plinius) felicior habetur cortex eius interior, vulnera quæ præsanauere aperit. Meminit huius loci Cou. in clem. si furiosus, 2. part. in initio, num. 12. his igitur virgis cruentis, & infelicibus veteres tantum sce-lus committentem primo verberabant, dein

3 de culleo insuebatur. quid sit culleus expli-cat Ant. Aug. lib. 2. emendation. cap. 11. af-ferens culleum esse vasis genus capacissimū, in quo vase parricida insuebatur, vt ibidem Ant. Aug. notat. Ego etiam acciperē hic cul-leum pro quolibet sacco coriaceo, neque enim ad vnum hominem includendum neces-sarium erat vas tam capax. Illud maxime notabis parricidas iam hodie hac pœna non puniri, sed vel decapitantur, vel decapitati in mare, aut fluiuium proijciuntur. Bal. & Sa-lis. in l. vnic. C. de his qui parentes vel libe-

ros occiderunt, Couar. vbi proxime, Iul. Clar. in pract. crim. §. parricidium, num. 5. si tamen in aliqua regione vsu forenfi recepta fuerit pœna, de qua Iurifconsultus Modestinus loquitur in d. l. penult. iudex caute aduertet si
 4 kim irrogandam esse illi, qui crimen parricidij confessus fuerit, id enim more maiorum receptum fuerat. quod etsi veterum Iurifconsultorum testimonio haud probare possumus, attamen id suadebimus testimonio gra-
 6 uissimi auctoris Suetonij Tranquilli in Cæsarem Augustum, cap. de modo, & more in iure dicendo. Ipse ius, inquit Suetonius Tranquillus loquens de Cæsare Augusto, dixit as-
 fidue, & in nocte nonnumquam, si parum corpore valeret, lectica pro tribunali collocata, vel etiam domi cubans: dixit autem ius non diligentia modo summa, sed & lenitate, si quidem manifesti parricidij reum, ne culleo infueretur, quod non nisi confessi afficiebantur hac pœna, ita fertur interrogasse, certe patrem tuum non occidisti. Hactenus Sueton. Tranquillus, quem in hanc sententiam prius adduxit Couar. vbi proxime.

SUMMARIVM EX CAPITE SEQ.

- 1 Difficilis est quæstio patrui, & nepotis.
- 2 Referuntur argumenta eorum, qui pro ne-
 li pote

- pote tenuerunt .
- 3 Referuntur argumenta eorum , qui pro patruo tenuerunt .
 - 4 Assignatur concordia , quæ aliquando in praxi recipi solet .
 - 5 In causa patruī, & nepotis, etiam qualibet minima circumstantia pietatis , vel voluntatis testatoris faciet iudicem vni , vel alteri parti adherere; & esset vtile legem de ea re promulgari .
 - 6 Lex 12. Tabul. primo ad hereditatem in testatorum proximum vocabat .
 - 7 Postea lex ipsa 12. Tabul. in hereditate ascendentium admisit cum patruis nepotes , & posteros .
 - 8 Lex numquam fingit, nisi æquitate subsistente.
 - 9 Representatio solum datur in successione ab intestato , & in bonis diuisibilibus , nec extenditur , cum sit priuilegium , & fictio .
 - 10 Ostendit auctor representationem non fuisse inductam , nisi in successione ab intestato , & in bonis diuisibilibus .
 - 11 In maioratibus in testamento factis non datur representatio .
 - 12 Expenditur l. cum auus , ff. de condit. & demonstr. in fauorem patruī .
 - 13 In successione regni non datur representatio .
 - 14 In feudis indiuisibilibus non datur representatio, secus in diuisibilibus .
 - 15 In emphyteusi indiuisibili non datur representatio .

tatio, secus in diuisibili, saltem per aestimationem, in qua ad modum hereditatis succeditur.

- 16 In iure patronatus indiuisibili non datur representatio, secus in diuisibili; at in iure patronatus libertorum omnino reperitur.
- 17 Discutitur questio, an in maioratibus factis in contractibus transmissio detur.
- 18 Traditur intellectus, l. quoties, C. de donat. qua sub modo.
- 19 Solum datur representatio quoad gradum, non uero quoad alias qualitates.
- 20 Traditur intellectus, l. 1. §. si impuberi, ff. de collat. bon.
- 21 Traditur intellectus, l. 1. §. si filius, ff. de suis, & legit. hered. & §. cum filius, inst. de hered. que ab intestato deferuntur.
- 22 Traditur intellectus authent. de hered. ab intestato, ven. §. si igitur, in 2. versic. collatione 9.
- 23 Discutitur late articulus ille, an patruus excludatur a nepote, si pater in Ariebelli perijt: & probatur late negatiua pars.
- 24 An filij fratrum succedant in capita, an in stirpes.
- 25 In ascendentibus, & descendantibus datur in infinitum representatio, qui succedunt in stirpes, & non in capita.
- 26 Afferuntur opiniones doctorum in illo articulo, an succedentes filij fratrum solum succedant

- in stirpes, an in capita.
- 27 Approbatur opinio Azin, qui existimauit filios fratrum solum per se succedentes, in capita succedere, non in stirpes.
- 28 Traditur responsio ad argumenta doctorum, qui contrarium asserebant.

CAPVT VII.

- I**NTER eas quæstiones, quæ omnium consensu difficultatem, & vtilitatem habent, illa præstantissimum locum obtinet, quæ materiam representationis continet: in qua nostri iurisperdentes tam diuersi reperiuntur, quando præcipue de patruī, & nepotis lite agunt, vt post tot commentarios, totque volumina, adhuc dubium sit, quænam magis communis opinio sit, quæve in praxi debeat obseruari. Sunt enim qui existiment causam nepotis meliorem esse. Quæ sententia (multis relictis, quæ breuitatis causa omittenda esse sentio) duobus præcipue innititur fundamentis. Primum est, quòd instituentes maioratum videntur se conformare cum dispositione iuris communis, l. si duos, ff. de acq. heredit. l. fin. C. de verbor. signific. Cum igitur ius commune dictet in successionibus ab intestato representationem locum obtinere, §. cum filius, §. fin. instit.

instit. de hered. quæ ab intest. defer. authen. post fratres in 2. C. de legit. hered. dicendum videtur, in specie maioratus, in qua deficientibus vocatis in testamēto succedentes quodāmodo ab intestato videntur capere repræsentationem, locum obtinere, & ita nepotem, qui subintrat locum patris, l. 1. §. si filius, ff. de suis, & legitim. hered. excludere patrum a successione primogenij, seu maioratus.

Secundo pro eodem nepote facit, l. cum avus, ff. de condit. & demonstr. l. generaliter, §. fin. C. de instit. & subst. l. cum acutissimi, C. de fideicom. in quibus probatur nunquam testatores censerī repellere nepotes, etiā si filij adsint. idque ex coniecturata mente aui in celebri specie docuit subtilis Papi- nianus in d.l. cum avus; cuius sententiam postea Imperatores Augusti cœperunt approbare in d.l. generaliter, & in d.l. cum acutissimi. & ita hanc opinionem in fauorem nepotis tenuit gloss. in l. cum ita, §. in fideicom- misso, verb. proximo, ff. de leg. 2. noster Lu- sitanus Iacobus de Saa in peculiari tractatu de primogenitura sequitur, multos referens in eandem sententiam, Couar. pract. cap. fin. num. 2. vers. ipse vero, Ludouicus Molin. lib. 3. de primog. cap. 6. & seq. Anton. Gabriel. lib. 4. communium, tit. de fideicommissio. conclus. 3. num. 3. Meres. de maiorat. Hisp.

2. par. quæst. 6. num. 11. quam sententiam ap-
probavit apud Baticos, l. Taur. 40. ubi late
de hac materia tractat Anton. Gomez vir sa-
tis peritus.

3. Contrariam opinionem, immo patrum
in successione maioratus excludere nepotē,
multi amplectuntur; quorum sententia (vl-
tra alia minus efficacia) duo etiam habet fun-
damenta: primum est, quod repræsentatio est
fictio, cum nepos fingatur obtinere locum pa-
tris iam defuncti: & ita non debet extendi, l.
si forte, ff. de Castr. pecul. authen. de hered.
ab intest. venient, §. huiusmodi collatione 9.
Item repræsentatio est privilegium nepoti-
bus, vel alijs personis concessum d. authen.
de hered. ab intestat. venien. §. si autem de-
functi, collat. 9. privilegium autem non extē-
ditur ultra casum, vel personam reg. quæ a
iure de reg. iur. in 6. cap. in his de priuil. l.
quod vero, ff. de leg. ergo repræsentatio, quæ
fuit inducta in successione ab intestato,
minime extenditur ad successiones testamen-
tarias, verbi gratia, illas, in quibus maiora-
tus instituitur.

Secundo pro eadem sententia facit text. in
l. si libertus præterito, §. si libertus, ff. de
bon. liber. ubi probatur liberto intestato de-
cedente non admitti nepotes patroni ad eius
hereditatem, sed filium tantum, quia scili-
cet ad hereditatē liberti proximus vocatur.

Cum

Cum igitur in maioratibus ab instituyente
semper proximi vocentur, non venient nepo-
tes ad maioratum, sed patruī. & ita hanc opi-
nionem tenent multi citati a Valasc. de iur.
emphyt. q. 50. nu. 30. Gam. decis. 306. nu. 6.
Cost. de success. regni 2. par. num. 9.

- 4 Inter has sentētias in praxi ea cōcordia ali-
quibus placet, vt in bonis patrimonialibus
ex testamēto veniētibus per viā maioratus,
melior sit causa nepotis (nisi contrarium
aliunde colligatur) at in bonis venientibus
ex contractu, verbi gratia, bonis regiē coro-
næ, & donatione inter viuos potior sit cau-
sa patruī; in illis enim facilius representatio
admitti potest, in his vero nequaquam, vt
colligitur ex notat. per Costam de successio-
ne regni num. 21. intendit Gam. decis. 307.
5 num. 26. Ego sane existimo dubiam esse hanc
quæstionem, & in qua inspectis doctorum no-
strorum altercationibus, quælibet minima
circumstantia, vel voluntatis instituentis ma-
ioratum, vel pietatis, faciet iudicem adhe-
rere vni sententiæ, vel alteri; sentioque mul-
tum fore è Republica cum iudicio peritorū
iam legē promulgari, quæ hanc materiā per
omnes fere casus decidat: auferentur enim
multæ letigij, & discordiæ causæ, quæ ob hanc
rem inter priuatos oriri solent, non sine ma-
gno detrimento ipsius Reipub. Libet tamen
mecum quale quale interponere iudiciū, &

quid sentiam proferre, non adhiarens magis receptis opinionibus (quas scio in iudicando, & consulendo iure optimo fore recipiendas) sed quæ iuris principiis, ac prudentiæ legalis rationibus magis consonæ videbuntur.

- 6 Primo igitur, ut hæc materia radicitus intelligatur, præmittendum est à principio legem 12. tabular. ad hereditatē intestati proximum vocasse; & ita patruum admiserat exclusis nepotibus, quippe qui defuncto proximi non erant. Quod quidem ratione, & auctoritate probatur: etenim lex 12. tabular. proximum vocavit ad hereditatem intestati, ut ex ipsius tenore constat: at quando lex proximum vocat, nepos excluditur a patruo l. si libertus intestatus, ibi, quia proximum quemquam ad hereditatem liberti vocari manifestum, l. tutela, §. si duo, ff. de legit. tutel. ergo ex l. duodecim tabular. patruus præfertur exclusis nepotibus. Auctoritate probatur ex l. 1. §. si filius, ibi, quod naturali æquitate contingit, ff. de suis, & legitim. heredib. §. cum filius, ibi, Aequum enim esse videtur nepotesque in patris sui locum succedere instit. de hered. quæ ab intestat. deferuntur. plane si ex mero iure, verbis, & mente legis duodecim tabular. quæ primo proximos ad hereditatem vocauerat, nepotes admitterentur, non foret necessarium æquitatem ullam in hoc considerare, sed ipsius legis duodecim

decim tabularum voluntatem, & meram dispositionē. Cum igitur in eo equitas ab imperat. & Iurisc. expendatur, absq; dubio dicendū est, ex verbis ipsius legis duodecim tabularū primo patruos mero iure nepotes exclusisse. idque efficaci ratione comprobatur. Nam certum est, filium esse proximiorē parentibus quā nepotem, l. 1. ff. de gradibus aff. §. 1. instit. de grad. cognation. ideoque lex duodecim tabular. vocans ad successionē intestati proximiores, patruos admittebat exclusis nepotibus. benignius postea hæc intuentes conditores ipsius legis duodecim tabular. attendentesque filios in vita patris quasi dominos esse, l. in suis, ff. de lib. & posthum. & patrem filiumque eandem personam censeri l. scimus, C. de agricol. & censit. lib. 11. l. fin. C. de impub. & alijs substit. in ciuileque videri nepotes excludi ab illa hereditate, in qua parentes fere domini erant, & deberent succedere, inhumanūque esse nepotes excludi a patruis propter solam gradus prærogatiuam, & patrem, auum, & maiores simul cū hereditate amittere, constituerunt in successione patris intestati filium, & nepotem simul vocare ad hereditatem, quasi nepos fingatur habere gradum patris sui, d. §. cum filius, & d. §. fin. ne propter gradus prærogatiuam nepotes a patruis excluderentur: idque absque dubio in nepotibus, & descenden-

tibus

tibus procedit nomine contradicente, d. l. 1. §. si filius, ff. de suis, & legitim. hered. d. §. cum filius, & §. fin. instit. de hereditatibus, quæ ab intestat. deferuntur. quod postea ad fratres filiosque fratrum extendit Imperator in authent. post fratres in 2. C. de suis, & legit. hered.

- 8 Secundo præmittendum est: legem nūquam inducere fictionem, nisi ubi adest æquitas, l. nec utilem, l. denique ff. ex quibus causis maior, l. post liminium 19. ibi, idque naturali æquitate introductum est, ut qui per iniuriam ab extraneis detineatur, is ubi in fines suos rediisset, pristinū ius recuperet, ff. de capt. & post lim. reuersis. intendit Imperator in d. §. cum filius, ibi, æquum enim esse videtur. Cuius rei ratio est; quia fingere est id facere, aut dicere, quod non est: plane iniusta foret lex, quæ id faceret absque vlla æquitate: vnde cessante æquitate, iam ex mente legis cessat fictio, nam irrationabilis esset lex notorie, & ita non esset lex cap. erit autem lex 4. distinct. quæ voluisset fictionem durare absque æquitate, propter quam illam solum induxit, d. l. nec utilem d. l. denique d. l. postliminium.
- 9 His ita præmissis sit conclusio. In successione ab intestato, vel dispositione habente naturam ipsius circa res quoquomodo diuisibiles, & quæ ad plures pertinere possunt, melior est causa nepotis; in illis enim nepos re-
presen-

presentabit patrem suum, secundum regu-
 las Iurisciuiilis: in alijs omnibus patrui cau-
 sa præualeat, nisi contrarium ex mente dispo-
 nentis, vel aliunde apparuerit. Quæ conclu-
 10 sio probatur manifeste. Diximus supra legem
 duodecim tabularum primo generaliter ex-
 cluisse nepotes vocando proximiores in suc-
 cessione intestati; postea æquitate suadente
 contra illam dispositionem generalem indu-
 xisse fictionem, qua constituit filium in locū
 patris succedere. ergo hæc fictio non debet
 obtinere, nisi in casu in quo fuit inducta: tum
 quia est exorbitans a iure antiquiore: tum
 quia est fictio, quæ non extenditur, l. quod
 fauore, ff. de leg. l. si forte, ff. de Castr. pec-
 cul. intendunt supracitati, post alios Valasc.
 dict. quæst. 50. num. 6. vers. & cum ius: plane
 casus, in quo lex duodecim tabularum indu-
 xit prædictam fictionem, erat, quando tracta-
 retur de successione vniuersali intestati, &
 de rebus diuisibilibus, & quæ ad plures per-
 tinere poterant, & quando patruus omnino
 suam portionem consequuturus erat, vt col-
 ligitur ex iuribus supracitatis, d. 9. cum filius,
 ibi, pariter ad hereditatem aui vocantur: nec
 qui gradu proximior est, vltiorem excludit
 adiuncto titulo sub quo collocatur, nempe
 de heredit. quæ ab intestato deferunt. Vnde
 cū hæc fictio repræsentationis fuerit inducta
 in causa intestati, ad causam testati nō recte
 exten-

extenditur, vt notauit post Dyn. & Alberic. quem refert, & sequitur Cost. de succes. regni 2. par. num. 15. Quod autem fictio inducta fuerit, quando tractatur de successione vniuersali, & de rebus diuisibilibus, & quæ ad plures pertinere possunt, patet in d. s. cum filius, ibi, Vt filius partem dimidiam hereditatis habeat, & ex altero filio duo pluresue nepotes alteram dimidiam. ex quibus verbis etiam colligitur tunc illam repræsentationem inductam esse, quando filius, qui proximior est, sine dubio suam portionem consequeretur; alias iniquum foret, vt nepos, qui ex æquitate simul cum patruo fuit admissus, nunc ipsummet patruum crudeliter excluderet in totum a successione. Igitur extra casus, de quibus loquitur, d. s. cum filius, illa fictio, per quam nepos subintrare intelligitur gradum patris, non admittitur, cum sit exorbitans, & fictio non extendatur, vt paulo ante diximus. Ex his omnibus inferitur primo, in omnibus maioratibus in testamento factis (cessante mente disponentis) potiorē esse causam patruī. Diximus supra repræsentationem non admitti, nisi in casibus expressis, cum sit exorbitans a iure antiquissimo

II mo, fictio, & priuilegiū. sed in maioratu facto in testamento non datur casus expressus, in quo repræsentatio inducta sit. ergo, &c. Maior supra probata est: minor vero patet.

Primo,

Primo, quia repræsentatio fuit inducta in successione ab intestato, vt supra diximus: at in hac specie datur successio testamentaria, cum ex vi testamenti primi instituentis in maioratu succedatur, etsi enim vocati expressè à primo instituyente deficiant, non tamen definit esse successio testamentaria, cū reuera successores maioratum ex testamento à primo instituyente maioratum capiant. l. vnum ex familia. ff. de leg. 2. ergo illa fictio, hoc est repræsentatio, quæ inducta fuit contra primas, & generales regulas legis duodecim tabularum, non debet extendi ad hanc successione testamentariam, ex qua noui possessores in ipso maioratu succedunt. intendunt Dy. Alber. & Cost. vbi supra.

Secundo, quia illa fictio, id est, repræsentatio inducta fuit in successione vniuersali parentū, & maioratus regulariter relinquuntur in successione particulari, quæ nō est propria successio. l. id tempus. §. vn. ff. de vsucap. intendit Valasc. vbi supra num. 35. dum negat argum. glo. in d. §. in fideicommissio loquentis in fideicommissio diuiduo inter plures obtinere in successione primogenij, quæ vni tantum defertur, & longe differt, & est irregularis, & extraordinaria successio.

Tertiò facit, quòd verbum, proximus, prolatum à lege de solo patruo intelligitur, reiectis nepotibus. d. l. si libertus. §. si libertus. ff. de

ff. de bon. libert. ergo multo magis idipsum, operabitur idem verbum prolatum ab homine in constitutione maioratus, qui semper vere, & proprie loqui præsumitur; & ita eius verba non fictæ sunt accipienda in dubio . l. si ita quis 53. leg. cum pater. §. hereditatem. ff. de leg. 2. l. vltima, C. de his qui veniam ætat. impetrauerunt.

Quarto facit, nam certum est illam extensionem non posse fieri, nisi a lege: etenim iure antiquo inducta fuit representatio inter ascendentes, & descendentes. d. §. si. instit. de hered. quæ ab intestato deferuntur, & eo tempore non poterat admitti representatio in aliis personis, adeo vt ad inducendam representationem inter fratres, filiosque fratrum, opus esset noua constitutione Imperatoris, de qua in d. authen. post fratres. ergo idem dicendum de casu ad casum. Cum enim iure antiquo representatio solum induceretur in successione ab intestato, & in bonis diuisibilibus, sine lege id inducente non potest extendi de successione ab intestato, & bonis diuisibilibus ad successiones ex testamento, & bona indiuisibilia. valet enim regulariter argumentum de casu ad personas argumento text. & eorum quæ ibi notat in cap. P. & G. de off. deleg.

Quinto tandem facit, quia in specie bonorum indiuisibilium, in quibus representatio indu-

inducta fuit, æquitas vigeat, qua moti conditores legum duodecim tabularum representationem induxerunt in hereditate ascendentium: at in bonis indivisibilibus datur iniquitas. Idque patet: nam lex duodecim tabularum præcipue vocavit patrum ad hereditatem ascendentium, cui & verba legis, & æquitas fauebant: postea, ne nepos à successionem excluderetur, induxit representationem, qua finxit nepotem subintrare locum patris, ita ramen, ut patruus suam portionem haberet. nunc vero in bonis indivisibilibus fieri potest (si in illis representatio admittatur) ut patruus omnino à successionem excludatur, quod quidem contra mentem conditorum legis duodecim tabularum esset, qui propter misericordiam, & æquitatem induxerunt representationem in fauorem nepotis, ne omnino à successionem maiorum excluderetur, magna certe nunc insurgeret iniquitas, dum patruus, quem lex duodecim tabularum primo vocauerat, & quem inducta representatione portione aliqua priuauerat, nunc à successionem in totum excluderetur, contra eiusdem legis intentionem, & regulam tex. in l. 3. ibi, ut in hoc casu deteriores esse nepotibus filij non sinantur. C. de bon. mater. Pro qua sententia nimis facit d. l. cum auus. ff. de cōdit. & demonstr. adiuncta communi doctrina sententia, quos refert, & sequitur Emma-
nuel

nuel à Cost. de success. regni. 2. p. nu. 20. vers.
 12 2. etenim testator in specie d. l. cum auus. ff. de
 condit. & demonstr. habebat filium, & nepo-
 tem ex filio præmortuo, cumque testamen-
 tum fecisset, dimidiam hereditatem reliquit
 filio, & dimidiam reliquit nepoti, adiecitq;
 hæc verba, Si o nepos intra trigessimū annum
 mortuus fueris, restitues dimidiam heredi-
 tatem, quam tibi reliqui, tuo patruo. Acci-
 dit, quod nepos liberos susceperat, quæreba-
 tur, an dimidium hereditatis ad filios nepo-
 tis, an ad patruum pertineret. respondit Pa-
 pinianus; Coniectura pietatis ad filios nepo-
 tis pertinere. d. l. generaliter, d. l. cum acutis-
 simi. Attamen fingamus nihil patruo relictū
 fuisse, sed auum totam hereditatem reliquisse
 nepoti, & adiecissee eadem verba, scilicet, Si
 o nepos intra trigessimum annū mortuus fue-
 ris, restitues hereditatem, quam tibi reliqui,
 patruo: dubium est, an in hoc casu heredi-
 tas ad filios nepotis, an ad patruum perti-
 neat. Plane communis sententia teste Cost.
 ubi supra, tenet, quòd in hoc ultimo casu he-
 reditas ad patruum pertinebit; agnoscens
 quòd in priori casu ex cōiectura pietatis se-
 cundum Papinianū nepotes admittendi sunt,
 nunc in posteriori ex eiusdem æquitatis re-
 gula reiiciendi sunt, ne patruus omnino ex-
 cludatur à successione paterna.

13 - Secundo inferitur in regni successione (at-
 tentis

tentis iuris principiis) repræsentationem non admitti, ex ea solū ratione (relictis aliis, quæ non parum hanc sententiam corroborant) quia Regnū est indiuisibile, & ad vnum tantum peruenire debet. cap. in apibus. 7. q. 1. nec est successio ab intestato, quæ ad plures pertinere possit, ideo in ea non datur repræsentatio, quidquid multi ex supra dictis repugnent.

Tertio infertur resolutio ad illā quæstionem, An in feudis nepos patruusve præferatur: etenim in feudis meliorem esse causam patruī, cum veniant ex concessione dominica, non ab intestato. tenuit Bart. in d. authē. post fratres in 2. C. de suis, & legit. hered. Bal. cons. 395. ad fi. lib. 2. Corn. cons. 131. lib. 2. Rol. a Vallē consil. 68. nu. 52. Contrariam tamen opinionem, immo in feudis meliorem esse causam nepotis, cum in eis succedatur ad instar successionis ab intestato, in qua certum est repræsentationem locum habere, tenent multi citati ab Andr. Tiraquel. de primog. q. 40. num. 20. Cost. de success. Regni prima par. nu. 19. Couar. pract. quæst. 38. nu. 13. Valasc. de de emphyt. quæst. 50. à princ. Ego sane nego feudū ad instar successionis ab intestato deferri, cum magis ex concessione dominica pertineat, vt bene docuit Bart. vbi proxime, & in multis successionem ab intestato minime imitetur, cum ad feminas non veniat cap.

i. de successione feud. nec ascendentes succedant. cap. vnico. de successione fratrum, vel
 14 gradibus descendantium in feudis; assero tamen in feudis (quæ diuiduntur) dari repræsentationem propter iura specialia feudorū. nec valet consequentia in feudis succedunt fratres cum fratrum præmortuorum filiis: ergo successio feudi est ad instar successionis ab intestato. Est enim argumentū de particulari ad vniuersale, quod non valet: nam & eo modo possemus dicere, non succedunt feminæ, nec ascendentes in feudis; ergo successio in feudis nō est ad instar successionum ab intestato, sed rectius id deducere oportet a prima feudorum origine, quæ in concessione dominica consistit, aliquando imitādo naturam successionis ab intestato, aliquando ab ea deuiando, secundum leges particulares feudorum, & consuetudines a quibus dependet cap. i. de feud. cognit. in vsib. feud.

Quapropter cum Bart. vbi supra, verius existimamus, in feudis regnorum primogenituræ, & aliorum indiuisibilium meliorem esse causam patruī, nec dari repræsentationē: tum quia ex concessione dominica, non iure hereditario veniunt, in quo solum repræsentatio inducta fuit: tum etiam quia ad vnum peruenire debent.

Nec obstat dictum c. i. de success. feud. cum aliis; quia procedunt in feudis diuisibilibus, in qui-

in quibus repræsentatio datur propter speciales leges feudorum, vt mox ante diximus. feuda enim regulariter sunt diuisibilia. c. omnes si de feud. fuer. controu. cap. vn. de natur. success. feud. ad med. nisi aliqua ratione contrarium fiat Iacob Aluarot. in cap. 1. §. Item si fuerint. num. 3. quibusmodis feudum amittatur in vñs feudorum.

- 15 **Quarto** infertur ex eadem ratione (reliq̃a longiori disputatione, quam in hac materia præmitto) in quacumque emphyteusi indiuisibili potiore esse causam patruī, vt exp̃ssit ordinatio nostra lib. 4. tit. 62. intendū per alia fundamēta Valasc. d. q. 50. nu. 6. vers. & cum ius Cald. de nominat. emphit. q. 17. nu. 26. secus in diuisibili quoquomodo hereditaria, in qua ad modum hereditatis succeditur.
- 16 **Quinto** infertur potiore esse causam patruī in iure patronatus ecclesiastico, quod iure primogenituræ, vel alias ad vnū debet pertinere. De alio vero, quod potest diuidi cum sit hereditarium, tamquam de re hereditaria iudicandum est, & in dicto iure patronatus ne pos cum patruo admittetur. Costa de success. regni 1. par. num. 23. At in iure patronatus, quod ex libertis prouenit, patruus præfertur exclusis nepotibus. l. si libertus præterito. §. si libertus. ff. de bon. libert. cum illud ius patronatus ex edicto prætoris descendat. l. 1. §. fin. ff. de bon. libert.

Sexto inferitur in omnibus maioratibus factis in contractibus, potiorē esse causam patrui. diximus supra representationem non dari, nisi in casibus expressis, verbi gratia, in hereditatibus ab intestato, & bonis, quę ad plures pertinere possunt: sed maioratus factus in contractu, nec est hereditas ab intestato, nec ad plures pertinere potest, ut patet. ergo, &c. intendunt ultra alios Costa, & Valasc. ubi supra. Sed non leue dubium est, an in prædictis maioratibus ex vi saltem transmissionis nepos patruo præferatur, etenim meliorem esse causam nepotis in maioratu in contractu factō, quā in vltima voluntate multi existimauerunt, ut Ioan. And. & Abb. quos refert, & sequitur Valasc. d. q. 50. num. 44. ex eo, quia primogenitus habet ex cōtractu spē quandam transmissibilem. §. ex conditionali. Instit. de verb. quā in filium, & posteros transmittit; & ideo cōcludunt causam nepotis meliorem esse in maioratu factō in contractu, quā in vltima voluntate, in qua spes non transmittitur. l. vnica. §. sin autem. C. de cadu. tollen. Sed probabilius est meliorem esse causam nepotis in maioratu factō in vltima voluntate quā in contractu, cū hę transmissiones non competant filiis, & nepotibus tamquam successoribus in maioratu, sed tamquam heredibus. argumento l. heres 37. ff. de acquir. hered. l. cum heredes. ff. de acquir. poss. & ita
si trans-

si transmissio competeret non filio maiori, sed filio heredi competeret, iuxta supradicta iura. Constat autem maioratum competere primogenito, non tamquam heredi, sed tamquam singulari successori. cap. licet. & ibi notatur de voto. l. vnum ex familia. ff. de leg. 2. tū etiam quia verius videtur regulariter in maioratibus non dari dispositiones conditionales, sed puras factas sub modo, vt statim dicemus.

Tertio facit, quia etsi consideremus in contractibus regulariter interuenire dispositiones conditionales, semper ita fere concipiuntur, vt deueniant ad filium primogenitum, qui tempore mortis repertus fuerit: & ita subintelligitur illa clausula, Si primogenitus superuixerit. Vnde eo prius mortuo defuit conditio, & ita nihil transmittitur argumento l. vnica. C. de caduc. tollen. Cost. de success. regni. 2. p. d. nu. 13. Valasc. vbi supra d. n. 27. id enim clare denotant illa verba, qui tempore mortis repertus fuerit, id est, si post maioratus possessorem vltimum primogenitus, seu maior natus extiterit. in aliis vero maioratibus verosimilius est nullum contractum vere conditionalem reperiri, sed quendam donationis modum, de quo in l. quoties. C. de donat. quæ sub modo, vt aliis omissis notauit Soares in materia maioratus nu. 21. multos citat Valasc. vbi supra num. 44. ex qua dona-

tione statim queritur actio utilis persone, cui
 restitutio facienda est, si certa est, & constat
 illi sine dubio donationem factam esse, iuxta
 d.l.quoties. verbi gratia, si Petrus donet per
 viam maioratus alicui multa bona, adiciatq.
 vt post mortem ipsius maioratus deueniat ad
 Franciscum, & mortuo Francisco deueniat
 ad Antonium: nam Francisco, & Antonio
 actio utilis, queritur iuxta d.l.quoties. non
 sic dicas, si nulla persona nominatur, sed re-
 stitutio facienda est incertae personae, & ha-
 benti certam qualitatem in certo tempore,
 quia tunc nulla illi personae queritur actio,
 nec spes notabilis, sed tunc acquireretur illi,
 quando modus à testatore relictus adimple-
 tus fuerit; verbi gratia quando tempore mor-
 tis ultimi possessoris maior natus repertus fue-
 rit; si enim via regia in hac materia inceden-
 dum est, id nobis occurreret nullam speciem in
 huiusmodi maioratibus transmitti: nam re-
 gulariter fiunt per dispositiones modales, non
 conditionales; & ita ex illis statim oritur a-
 ctio, debent tamen observari modi apppositi
 l.à testatore. & ibi gloss. verb. conditio. ff. de
 cond. & demonstr. l. Maevia 44. ff. de manumif.
 testam. nec vlla spes transmittitur, cum nul-
 la detur conditio suspendens, & ita non ha-
 bet locum regula d. s. ex condicionali. Instit.
 de verb. iuxta not. in rub. de condit. appos. &
 in rub. ff. de condit. & demonstr.

Nec

18 Nec obstat d.l.quoties. C. de donat. quæ sub modo, in qua probatur quæri actionem vtilē secundæ donatariæ; quia procedit quando donatio fuit facta eo modo, vt res fuisset restituenda certæ personæ, non vero procedit in nostro casu, in quo res non est restituenda certæ personæ, sed incertæ, scilicet maiori natu, & illi, qui tempore mortis vltimi possessoris proximior fuerit, iuxta supradicta.

Nec etiam obstat, quòd nemo alteri stipulari potest. §. alteri, instit. de inutil. stipul. l. stipulatio ista. §. alteri. ff. de de ver. oblig. nam regula dictorum iurium limitatur in specie, d.l.quoties, & ibi notatur, & cum de iure canonico receptum sit valere stipulationem alteri factam. glos. in cap. quoties cordis oculus, verb. & per te. 1. q. 7. Abb. in cap. constitutis. num. 8. de procur. Iam in praxi indistincte recipitur posse quempiam alteri stipulari. Couar. in cap. quamuis pactum, de pact. in 6. 19 2. par. §. 4. nu. 9. vers. decimo. Septimo infer-
tur, in hereditatibus ab intestato venientibus, & quæ ad vnum pertinere possunt dari solum representationem, quo ad gradum, non autem quoad aliud: etenim in quacumque materia falsum est representationem admitti vltra gradum.

Diximus supra, representationem esse fictionem, & priuilegium, & ob id non extendi de casu ad casum: sed representatio solum

inducta fuit ad gradus prærogatiuā. d. §. cum filius. d. §. fin. Instit. de heredit. quæ ab intest. deferunt. ergo ad alias qualitates, nempe ætatem maiorem, masculinitatem non est extendenda. Pro qua sententia facit, quod inciuile videtur, id quod inductum est ex æquitate in fauorem nepotum, & descendantium contra regulas generales, & antiquiores leges duodecim tabularum ita extendere, vt patrui proximiores excludantur à remotioribus, id est, nepotibus, contra mentem conditorum dictæ legis duodecim tabularum.

Nec his obstabunt quattuor fundamenta, quæ in contrarium adduci solent. non primū quod scilicet nepos repræsentet patrē suum
 21 cum omnibus qualitatibus. l. i. §. si filius. ff. de suis & legit. hered. d. §. cum filius. respōdemus enim nepotem repræsentare patrem suum solum cū qualitate gradus proximioris in successione ab intestato, & in bonis diuisibilibus iuxta d. l. primam. §. si filius. d. §. cum filius. non autem in hac specie maioratus, in qua successio est testamentaria, & bona sunt indiuisibilia.

Non obstat secundum fundamētum, quod scilicet, si non transmitteretur ius primogenituræ de filio in nepotem, nō posset iure primogenituræ quispiam succedere in maiortu, vt arguit Molin. vbi supra nu. 41. respondemus enim facillimo negotio id fieri posse,

si de-

si demus maioratum ad natu maiorem deferri, iuxta verba primi instituentis: nec enim, vt diximus, transmissiones illæ secundum iuris principia in nepotes transferri possunt, tanquam in singulares successores maioratus, sed in heredes vltimi possessoris, iuxta supradicta, quod maxime aduersatur his quæ docuit Molin. vbi proxime.

- 20 Non obstat tertium fundamentum ex l. 1. §. si impuberi, ff. de collat. bonorum; quia, ibi impubes non transmittit actionem quartæ in suum heredem, nisi casu quo iam nata esset actio ibi; sed hoc ita demum, si iam nata est quartæ petitio, quod in specie nepotis in nostra materia non reperitur, vt notauit Cost. de success. regni, 1. par. num. 12. vers. 3. non obstat. Adde quod in d. §. si impuberi, transmissio competebat impuberi tamquam heredi; at in nostra specie non succedit in maioratu tamquam heres, sed tamquam singularis successor, & ita non habet transmissionem, vt paulo ante tetigimus.

- 22 Non obstat quartum fundamentum, ex authent. de heredibus ab intestato, §. si igitur in 2. vers. Consequens, collatione 9. vbi filius fratris defuncti ex utroque latere excludit patrum, fratrem scilicet defuncti ex vno latere tantum, idque ex eo quia filius fratris defuncti representat patrem non solum quoad gradum, sed etiam quoad illam

qualitatem coniunctionis ex utroque latere : respondemus enim id verum esse , & ita in omnibus dispositionibus, in quibus representatio admittitur, id ipsum faciendum esse . Cum enim representet gradum , & illā qualitatem coniunctionis debet representare : gradus enim nihil aliud est , quā habitudo distantium personarum, quā cognoscitur quōta agnationis seu cognationis l. Iurisconsultus , §. gradus, ff. de gradib. Hostien. in summa , tit. de consang. §. quid sit gradus , Oliver. in tract. de gradibus , quæst. 10. num. 1. Couar. de sponsal. cap. 6. §. 6. num. 6. Ergo quando representatur gradus, debet etiam representari qualitas , & quōta agnationis, 23 vel cognationis . Nec prætereundus est ille casus, in quo omnium fere consensu nepos in omnibus maioratibus patruo præfertur, quādo scilicet pater in acie belli perijt ; tunc enim nepos patrum excludet, ex eo quia eius pater in acie belli occisus, per gloriam vivere intelligatur , l. bello amissi, ff. de excusat. Tut. §. sed si in bello instit. eod. intendit, gl. in l. quā actione , §. si quis in colluctatione, verb. gloria, ff. ad leg. Aquiliam, Oldrad. & alij, quos refert, & sequitur Costa in l. qui duos, §. in bello, ff. de reb. dub. verb. perijisset, num. 2. idem Cost. de success. regni, prima par. num. 34. & ita olim fuisse iudicatum testatur Gam. decisio. 307. num. 5. id

5. id ipsum proximis diebus vidimus indicatum in causa Comitis de Sortella: etenim Iudices merito sequuntur communem doctorum sententiam, quæ adeo recepta est, ut contra illam vix vnquam inuenerim auctorem? Attamen Gonçallus Vaz olim professor primarius in academia Conimbricensi, & Iuris civilis scientia admodum insignis opinionem contrariam magis probabat, prout refert, & sequitur, Gam. decis. 174. num. 9.

In quo duę proponendę sunt cõclusiones: In hoc regno Lusitaniæ nepos, cuius pater in acie belli perijt, patruū excludet in successione maioratus, ex eo quia sententiæ latæ sunt in fauorẽ nepotum per regem Alphõsum, & regem Ioannem tertium, ut testatur Gam. vbi proxime. plane sententiæ regis habent legis vigorem cap. in causis, vbi Abb. nu. 4. de re iud. l. fin. C. de legib. l. nemo, C. de sententijs, & interloquit. omn. Iud. 9. sed quod principi, ibi, vel cognoscens decreuit insti. de iur. nat. & ciu. ergo in hoc regno Lusitaniæ pro nepote iudicandum est, casu quo eius pater in acie belli periisset. Sit secunda conclusio: In alijs regnis, & rebus publicis, in quibus reges vel respublica idem per legem, vel sententiam non decreuerunt, nepos minime excludet patrum, ea ratione, quia eius pater in bello periisset: adeo quod licet communis sententia in iudicando, & consulendo maxime

gnam

gnam habeat vim, & auctoritatem, tamen hæc opinio doctorum existimantium nepotem excludere patrum, quia pater eius in bello periisset, a iudicibus omnino reiicienda sit (in illis regnis in quibus lege Principum, sententia, vel praxi iudiciali contrarium non est receptum) cum a principiis iuris longe sit aliena. primo quia, ut supra, diximus fictio non extenditur de casu ad casum; at fictio de qua in d. l. bello amisi, solum inducta fuit ad excusandum patrem a tutela; ergo non recte extenditur ad casum tam diuersum, nempe ad succedendum.

Secundo facit contra eandem sententiam; nam si pater nepotis per fictionem censeretur viuere, non posset nepos succedere (ut pungebat doctor Gonçallus Vaz) cum non succedat nisi post mortem patris, unde cum nepos contendat patrem esse viuum, allegat contra se, & ita nec maioratus nec fructus eius ad ipsum nepotem debent pertinere; quia, si eius pater viueret ad ipsum non deberent pertinere. Nec obstabit si replices, quod illa fictio est inducta in fauorem succedentium, & ita illi soli iuuandi sunt. Nam respondeo fictionem, de qua in d. l. bello amisi, simpliciter fuisse inductam, nec respicere successionem filiorum, sed ad casum de quo loquitur indistincte fuisse traditam a Iureconsulto: Insuper demus filios minores contra filiū

maio-

maiolem dicere, quod ipse filius maior non debet obtinere maioratū, nec fructus illius cum pater eorum viuere fingatur, quod si realiter viueret fructus ad patrem pertinerent, ex quibus æqualiter alerentur. igitur cū per gloriam viuere intelligatur, fructus maioratus inter ipsosmet filios diuidendi sunt. plane si fictio admitteretur in fauorem filiorum, in hoc casu sine dubio admittenda esset. atqui nemo hoc probabit, nec vmquam praxis recepit; ergo falsum est asserere mortuum in acie belli censerī viuū quoad successionem filiorum.

Tertio vrget contra eandem sententiam, quod si pater nepotis, qui in acie belli periit, viuere fingeretur, deberet etiam illa fictio procedere quoad panes ciuiles a Rege concessos (vulgo *tenças*) quoad commendas: atqui hæc omnia statim vacant, nec in illis mortuus in acie belli viuere fingitur; ergo nec in successionē maioratus. Etenim fictio dictæ l. bello amisi, ex qua id doctores collegerunt, non magis inducta fuit in hac successionē maioratus, quā in commendis, & alijs; ergo si in his non admittitur, nec in successionē maioratus admittenda est. quod si aliquis exclamauerit maxime reipublicæ vtile esse, vt primo genitus mortuus in bello ius quod habuit aliquo modo ad filium transferat, & ad id oportere fingere viuū illum, qui pro re-
publica

publica decertando vitam tam libenter profudit. id etiam obtinet in commendis, & alijs rebus, & tamen in eis ea ratio, & æquitas non attenditur: ergo nec est attendenda in successione maioratus. Nec inficias irem æquum fore, vt id lege aliqua constitueretur, attamen id egi, vt ostenderem (intra lites iuris prudentiæ) non posse secundum iuris principia patrum a nepote ea ratione excludi.

- 4 Alterum dubiū in materia repræsentationis est, An filij fratrum (quando soli succedūt, & absque patruis) succedant in capita an in stirpes. nam si ij filij fratrum cum patruis simul succedant, tunc absque dubio in stirpes succederent, vt nullo contradicente probat authen. cessante, C. de legitim. hered. Aduertendum igitur est in hac materia semper dari repræsentationem in ascendentibus, & descendantibus, & filios ac nepotes in stirpes succedere d. §. cum filius authent. in successione, C. de suis, & legitim. hered. In successione vero collateralium, quando patruus succedunt in simul cum filiis fratrum, dari etiam repræsentationem, & filios fratrum in simul succedere cum patruis in stirpes. probat authen. post fratres in secunda, C. de legitimis hered. Quando vero soli filij fratrum succedunt, tunc ingens dubium est, an ipsi succedant in stirpes, an vero in capita. In quo dubio Accurt. in d. authen. cessante, verb. in stirpes,

stirpes, tenet, etiam eo casu filios fratrum succedere in stirpes, & in multis alijs locis obseruat; quem sequitur Bart. ibidem & in l. liberorum, num. 15. ff. de verborum signif. dicit communem sententiam Fab. in §. ceterum, num. 1. instit. de success. cognat. multi citati per Tiraquell. lib. primo retract. §. ij. gloss. 2. nu. 166. comprobant eorundem sententiam multis citatis Valasc. de iur. emph. 25 1. par. quæst. 50. num. 3. Pro qua sententia primo adducitur, quod inter ascendentes in infinitum repræsentatio datur, & in stirpes succedunt etiam si æquales succedant d. §. cū filius d. authen. in successione, Fab. & Valasc. vbi proxime. plane ad eorum similitudinem procedit successio collateralium. ergo quæadmodum in illa descendentes licet æquales in gradu succedunt in stirpes, ita etiam in hac debent succedere in stirpes. nam inter vtrūque casum non potest dari congrua differentia ratio Valasc. vbi supra.

Secundo facit authen. post fratres in 1. C. de legitim. heredibus adiuncto authent. de hered. ab intestat. §. huiusmodi collatione 9.

Contrariam tamen sententiā sequutus est Azon. quæ nouiores crebrius approbant prout refert Valasc. vbi supra, Baldoin. ad leges 12. tabular. l. 27. & sequenti Ludouicus Charond. & Iacob. Cuiac. ad Vlpian. tit. 26. Fortun. in l. gallus, §. idem credendum, nu. 47. ff. de

ff. de liber. & posthum. Couar. de succession. ab intestato, num. 8. Menchac de successionum resolutione, §. 13. num. 13. Lorient. lib. 1. de gradibus axioma 34. Ioannes Corras. in l. heres, num. 12. C. de impub. & alijs substit. Molin. de primogen. lib. 3. cap. 7. nu. 22. asserens hanc opinionem lege Batrica comprobari. Ego video in nostro regno difficile esse in praxi aduersus Accurt. & Bart. obtinere. Sentio tamen hanc secundam opinionem aduersus illos probabiliorem esse. Diximus supra repræsentationem esse priuilegium, & fictionem, ideoque restringendam esse, non ampliandam. ergo cum repræsentatio fuisset inducta ne proximiores filios æqualium propter gradus prærogatiuam excluderent, non debent extendi ad illum casum, in quo nulla necessitas subest, & omnis fauor abest, quando scilicet consobrini, idest, filij fratrum succedunt sine patris.

Secundo facit authen. cessante, & authent. post fratres in 2. C. de legitim. heredibus, ubi clare imperator inquit post fratres filiosque fratrum non dari repræsentationem. ergo cum filij fratrum soli succedentes non sint fratres, filijque fratrum in quibus solum imperator, repræsentationem induxit, voluitque ut in stirpes non in capita succederent, repræsentatio minime erit, non enim existimes illa verba d. authent. post fratres, fratrumque filios.

lios, esse disiunctive accipienda, sed coniunctive. Etenim si prædicta verba disiunctive acciperentur, efficerent absonum sensum, non enim recte constitueret Imperator non reperiri repræsentationem post fratres, & post filios fratrum; nam inter fratres non datur repræsentatio, cum nullus possit repræsentari, omnes enim ex sua persona succedunt, ut patet. ut igitur sensus legitimus sit, debent coniungi illa verba post fratres, filiosque fratrum, idest, post successionem fratrum, filiorumque fratrum, quando scilicet simul succedunt, & ita non datur in alio casu repræsentatio.

Tertio facit pro eadem sententia anthent. de heredit. ab intestat. venientibus, §. huiusmodi collatione §. ibi, sed & ipsis fratrum filiis, tunc hoc beneficiū conferimus, quando cum proprijs vocantur Teois, idest masculis, & feminis, siue paterni, siue materni sint. Etenim si filij fratrum soli inter se succedentes repræsentarent parentum gradum, deberent in hoc casu patrum ex vno latere coniunctum excludere, cum repræsentarent gradum patris, qui illum patrum absque dubio debebat excludere. nam repræsentare gradum nihil aliud est, quam per fictionem tenere proximitatem, præcipuam agnationis, vel cognationis quotam, ut proxime diximus. ergo cum Imperator in d. §. huiusmodi dicat consobrinos, id non facere, nisi quando concurrunt cum,

LI patris

patruis, sentit profecto illos in alio casu repræsentare patres suos.

Quarto tandem facit pro eadem opinione expressa nouella Cæsaris Athanasij Patriarchæ relata in Epitome iuris ciuilibis lib. 1. in qua ipse Athanasius ex consilio iurisperitorum illius temporis id constituit: qui iurisperiti cum proximi fuissent temporibus Iustiniani, vero simile est illius mentem consequutos fuisse, & id quasi per manus ad illos deuenisse, quod scilicet d. authent. post fratres non intelligeretur casu, quo filij fratrum solum succederent, sed in ea specie, in qua patruum simul cum consobrinis succederent. Nec obstat primum argumentum, quo maxime nitebatur Valasc. vbi supra; respondemus enim longam esse differentiam inter vtraque repræsentationem. Nam in repræsentatione ascendentium, & descendantium lex 12. tabularum considerauit filios in vita parentum quasi dominos esse, ideoque inducens repræsentationem voluit, vt filij descendentesve hereditatem caperent, ac si parentes eorum viuerent, nec maiorem, nec minorem. Cum enim filij quasi domini sint in vita parentum, l. in suis, ff. de liber. & posthum. l. ex inducens repræsentationem voluit, vt licet filius moreretur, tamen nepotes succedentes intrarent gradum patris, & in omnibus & per omnia succederent, vt patres eorum:

non

non sic in successione collateralium, quippe qui non sunt domini in vita bonorum collateralis defuncti, & ita non constituit, ut in omnibus, & per omnia succederent, quemadmodum patres successuri erant; sed id solum induxit casu quo consobrini cum patruis successuri erant: & ad id efficiendum representatio solum inducta fuit, ne consobrini à patruis propter gradus prerogatiuam ab hereditate expellerentur. quod si soli consobrini inter se succederent, cum patres eorum non fuerint domini in vita collateralis defuncti, & representatio non fuisset necessaria, cum consobrini æqualiter succederent, merito inducta non fuit, proinde non in stirpes, sed in capita succedent. Non obstat secundum argumentum deductum ex authen. post fratres in l. C. de legitim. hered. adiuncto authent. de hered. ab intest. venient. §. huiusmodi collatione 9. In quibus iuribus probatur filios fratrum succedere in locum suorum parentum, id enim intelligendum est casu quo succedunt in simul cum patruis, ut Imperator declarauit in dict. authent. de hered. ab intestat. venient. §. huiusmodi, & in §. si autem & in §. si vero.

SVMMARIVM EX CAP. SEQ.

- 1 *Auctor consultus fuit a quodam magno Theologo de re maxime scitu digna.*
- 2 *Proponitur facti contingentia.*
- 3 *Contra regem datur actio ad servitia vassallorum remuneranda.*
- 4 *Respublica, rexve tenetur servitia impensa a vassallis remunerare.*
- 5 *Donatio remuneratoria importat satisfactionem obligationis.*
- 6 *Habens actionem ad aliquam rem, eam alteri legare potest.*
- 7 *Proponitur dubium in hac materia.*
- 8 *Si respublica vel rex praestiterit competens salarium vassallis, non tenetur eis servitia remunerare, nisi aliud consuetudine sit obtentum.*
- 9 *Apud Lusitanos ducibus, & militibus praesertim nobilibus non solent reges praebere salarium competens, & ideo rex tenetur servitia impensa remunerare.*
- 10 *Praesertim cum id consuetudine sit receptum, est visitatum in Lusitania servitia a vassallis impensa commendis, capitanijs, officijs, & pecunia remunerare.*
- 11 *Proponitur casus, qui in praxi accidit.*

CAPVT VIII.

- 1 **M**AGNVS sane Theologus, & scien-
tia, & religione præclarus me
aliquando consuluit de re ma-
xime scitu digna, & quæ in pra-
xi sæpius continget; de ea ta-
men forsitan pauci doctores
- 2 reperientur mentionem facientes. factum
tale est. Quidam vir nobilis in India per mul-
tos annos fuit in seruitio regis bella gessit
aduersus hostes reipublicæ Lusitaniæ, para-
tus erat omnia facere, quæ vicerex Indiæ illi
imperasset; tamen cum in fatum fuisset iam
concessurus, testamentum fecit legauitque
seruitia, quæ in India regi fecerat, Petro.
quærebatur an Petrus haberet actionem ad-
uersus regem, vt illa seruitia satisfaceret.
- 3 Respondi iure potuisse aduersus regē illam
actionem intentare: quia quando vassallus
- 4 seruit reipublicæ regive; tenetur respubli-
ca rexve illa seruitia remunerare, & id quod
illi donatur, verbi gratia commenda, terræ
coronæ, pecuniæ, non est proprie donatio,
sed debiti solutio, & vere dicitur donatio re-
muneratoria, quæ in effectū obligationis sa-
tisfactionem importat, l. hoc iure vtimur, §. 1.
§. habeo, ff. de donat. l. si pater, §. final. ibi,
merces enim laboris eximij appellanda est;

- ff. de donat. Idque multū adiuuat doctrina Bald loquentis in terminis ptiūlegiorum, concessorum a Republica propter seruitia, in l. si cum mihi, ff. de dolo, qui iura supra adducta citat, Paris. 1. parte, consil. num. 48. consil. 11. citat alios id ipsum approbans Melchior Pelaez a Meres (vir maximi iudicij)
- 6 de Maiorat. Hispan. 1. par. quæst. 26. num. 6. Vnde cum seruiens regi, vel reipublicæ habeat actionem, eam legare potest cuicunque, quemadmodum & alia sua bona. Nam inter bona cuiusque & actiones continentur;
- 7 l. bonorum 49. ff. de verb. significatione. Illud tamen aliquod mouet dubium, quod respublica vel rex præbet salaria ducibus, & similibus uiris, vt aduersus hostes pugnent: & ideo cum ex tacita conuentione inter eos id actum sit, vt pro seruitio impenso salariū præstetur, videtur respublica rexve ab obligatione amplius remunerandi solutus. In quo dubio assero Rempubicam Regemve præbentem salarium sufficiens pro seruitio impenso, non tenere seruitia remunerare, nisi ubi
- 8 consuetudine aliud esset receptum. At vero apud nos contrarium respondendum fore arbitror; quia ducibus, & militibus præsertim nobilibus non solent reges præbere salaria sufficientia, & consuetudine inueterata receptum est, eorum seruitia commendis, capitanijs, officijs, & pecunijs remunerari, vi-
- dique

dique a fratre seu itia fratris occisi in bello postulari, ac merito a regibus præstari, & muneribus, donisque sufficienter remuneratum fuisse.

- II. Illud tamen aduerteres, quòd officia concessa propter seruitia, aut capitania morte illorum quibus donata sunt vacare, etsi rex soleat ea filijs demortui iterum concedere. Cum enim sint officia, ad heredes non transeunt regulariter, l. tutela, 16. ff. de tutel. l. 1. ff. de fideiussor. & nominatoribus, & hered. tut. l. in compromissis, ff. de arbitr. notauimus in secundo libro Diuersorum iuris argumentorum, cap. 13. nu. 6. Vnde cum vir nobilissimus haberet a rege capitaniam in India, quam statim debebat consequi, & in eam ingredi, mortuus est: eo defuncto Rex alij capitaniam concessit, quam ex donatione regis statim ingressurus erat: postea filio defuncti petenti rex eandem capitaniam concessit; dubium fuit an censeretur rex eam dare filio defuncti quemadmodum pater eam tenuerat, ita ut eam statim posset ingredi, an vero in tempore præferendus esset ille, cui rex post defunctum concessit: nam filius defuncti allegabat, quod pater eius statim fuisset ingressurus capitaniam, ideoque cū Rex eam sibi concessisset, videri concessisse pro tempore etiam quo pater eius eam fuisset consequutus. Contrarium tamen recte sa-

ctum est. Cū enim capitania expirasset morte defuncti, vt supra diximus, & postea alij fuisset concessa, vt statim in eam ingrederetur, non potuit illud ius auferri per nouam concessionem capitaniæ factam filio defuncti. iuxta regulam cap. si pro te 13. c. quamuis 8. de rescript. in 6. l. ex facto, ff. de vulg. l. 2. & fin. ff. de natalibus restituend.

SVMMARIVM EX CAP. SEQ.

- 1 Referuntur duo Iurisconsulti responsa, sibi ad inuicem aduersantia.
- 2 Traditur intellectus Accurtij.
- 3 Traditur intellectus Alciat. & aliorum.
- 4 Assignatur vera concordia ad l. ob pecuniam, ff. de furt. & ad l. 4. ff. ad l. Iuliam pecul.
- 5 Ad crimen peculatus perpetrandum necessarium erat publicam rem furto esse subtractā, quæ publica res propriè solum Romana erat.
- 6 Imperatorum constitutionibus, & stylo iudiciali crimen peculatus committebatur, si res cuiuslibet ciuitatis surripiebatur.
- 7 Iurisconsultorum quidam respondebant secundum iuris principia, quidam secundum praxim.

CAPVT IX.



Quod pecuniam ciuitati subtrahā
(inquit Papinianus) actione
furti, non crimine peculatus
tenetur. l. ob pecun. ff. de furt.
Contrarium docet Martianus
iureconsultus (aliās Marcellus

secundum Alciat. lib. 1. disputa. c. 3.) in l. 4. ad
fi. ff. ad leg. Iul. peculatus. Sed etsi (inquit Iuris
consultus quisquis ille fuerit) de re ciuitatis
aliquid surripiatur, constitutionibus princi-
pum duorum Traiani, & Adriani cauetur pe-
culatus crimē committi, & hoc iure vtimur.

- 2 Accurtius intelligit pecunia subtrahā ciuita-
ti Romanæ, committi crimen peculatus se-
cundum d. l. 4. in fin. Alij vero ciuitati nō com-
mitti secundum d. l. ob pecuniam. Alciat. ve-
ro vbi proxime, Franciscus Duaren. lib. 2. di-
sputat. anniuers. c. 27. Ant. Aug. lib. 1. emend.
c. 3. existimant in d. l. ob pecuniam, legendum
esse, necnon crimine peculatus tenetur, vt
omnino cesset difficultas, & in antiquis codi-
cibus ita fuisse scriptū asserunt prædicti pā-
3 tres. Ego illorum dictis magnam fidem habe-
4 re soleo: attamen video hic absque vlla littē-
ræ mutatione posse hæc iura ad concordiam
reduci. Nam Papinianus in d. l. ob pecuniam,
loquutus est secundum principia iuris, secun-

dum

dum quæ non cōmittebatur crimen peculatus ob pecuniã ciuitati alij, præter Romanæ
 5 subtractã: quod manifeste probatur. Nam crimen peculatus non cōmittebatur, quãdo non surripiebatur pecunia publica. l. 1. ff. ad leg. Iul. peculatus. at pecunia ciuitatis, præter Romanam, non est publica proprie, sed abusive. l. bona ciuitatis. l. eum qui. ff. de verb. signific. ergo propter pecuniam ciuitati subtractam, non cōmittitur crimen peculatus, cum in pœnalibus verba proprie sint accipienda. c. intelligentia. de verb. significat. l. non aliter. ff. de leg. 3. At præter regulas iuris ex constitutionibus principum, & præxi iudiciali inducitur, ut est, vt crimen peculatus committeretur propter pecuniam subtractam cuilibet ciuitati, idque declarauit Martianus, seu Marcellus in d. l. ob pecuniam. in illis verbis, Constitutionibus principum diuorum Traiani, & Adriani cauetur peculatus crimen committi, & hoc iure utimur, quibus verbis uti solent iurisconsulti sæpius, quando aliquid asserunt contra, vel præter iuris regulas.

Nec obstat, quod Papinianus, Marcellus, & Martianus fere eodem tempore floruerunt, vel non multo post, ideoque nõ videtur probabile alium iurisconsultum simpliciter dixisse propter pecuniam ciuitati subtractam non committi crimen peculatus, alium vero dixisse committi. Respondemus enim iuriscon-

risconsultorum aliquos solitos fuisse asserere
 aliquid secundum iuris principia. Alios ve-
 ro secundum praxim, & stylum, vel quia de
 praxi nesciebant, ut videbis apud Iuriscon-
 sultos, qui fere eodē tempore floruerunt Pau-
 lum scilicet, & Ulpianum in l. 1. §. fi. & in l. 2.
 ff. de acquir. poss. ubi Paulus docet municipales
 nihil possidere secundum iuris principia, Ul-
 pianus vero secundum praxim ait eos possi-
 dere. sic Papinianus in dict. l. ob pecuniam
 secundum iuris principia docuit, non com-
 mitti crimen peculatus ob pecuniam ciui-
 tati subtractam, cum non esset publica: at
 Marcellus, seu Martianus responderunt com-
 mitti, iuxta constitutiones Imperatorum, &
 praxim iudicalem. d. l. 4. in fi. Nec te moueat
 id, quod superius dixi, Iurisconsultos aliquos
 praxim potuisse ignorare: facile enim posset
 contingere, quod veluti doctores nostri qui-
 dam scribunt ea, quæ secundum iuris princi-
 pia procedunt; alij vero magis practici lo-
 quuntur de iis, quæ in praxi approbantur;
 ita etiam Papinianus dicere potuit actionem
 furti dari pro re ciuitati subtracta non cri-
 men peculatus: Marcellus vero, vel Martia-
 nus magni practici asserere potuerunt praxi
 attentæ, non solum dandam esse actionem
 furti, sed etiam vere committi crimen pe-
 culatus praxi attentæ & stylo iudiciali.

SVMMARIVM EX CAP. SEQ.

1. Proponitur casus, de quo in presenti capite agitur.
2. Alimenta non transeunt in heredes.
3. Maioratus, & Capella non possunt pertinere ad extraneos.
4. Proponuntur dubia, quæ in hac materia occurrunt.
5. Commoditas bonorum Maioratus data in dotem, transit in heredes mulieris.
6. Ille, qui non est vere dominus, non potest constituere usumfructum.
7. Traditur responsio ad aliqua argumenta, quæ afferuntur.
8. Titulus dotis est onerosus.
9. Regulariter bona fidei possessor non debet compensare fructus, quos percepit, cum sumptibus factis in re melioranda.
10. Aliquando bona fidei possessor compensat fructus, quos facit in re melioranda: id tamen procedit in casibus expressis a iure.
11. Maritus faciens sumptus in melioranda re dotali eos repetit, si ab eo res auferatur.

CAPVT X.

- 1 **M**ARITVS, & vxor genero in dotem dederunt vineas quasdam maioratus, seu capellæ; moritur filia relictis filiis; agunt maritus, & vxor aduersus generum, vt sibi vineæ datæ in dotem restituerentur, & impensas factas in eisdē vineis cum fructibus perceptis compensaret. pro quibus allegabatur, quòd vineæ fuerunt datæ pro alimentis filiæ, & genero: at alimenta nō transeunt in heredes. l. cum ij. §. modus. ibi, cōstat enim alimenta cum vita finiri. ff. de transact. Bart. in l. si. nu. 7. ff. de his, quib. vt indign. Lara. in l. si quis à liberis. §. idē rescriptit. nu. 72. ff. de liber. agnosc.
- 2
- 3
- 4

Secundo facit, quòd maioratus, seu capella non potest pertinere ad extraneos: at maritus est extraneus: ergo ad ipsum pertinere non poterat, immo debet ab eodem vendicari. Dicebam in hoc dubiō duo dubia esse decidenda.

Primum, an si possessor maioratus det in dotem commoditatem maioratus, vel capellæ filiæ; transeat illa commoditas ad filios heredes filiæ.

Secundum dubium est, an casu, quo non transeat prædicta commoditas ad heredes, gener

- gener teneatur compensare impensas factas in rebus maioratus, seu capellæ cum fructibus perceptis. Quantum ad primum dubium attinet, dicendum videtur commoditatem bonorum maioratus datorum in dotem ad heredes transire, durante vita possessoris maioratus, qui dotem fecerat. Ratio est, quia commoditas data in dotem est patrimonium mulieris, & ita transit in suos hæredes. l. 3. ff. de minor. l. Pomponius Philadelphus. ff. fami. Erciscund. per quæ iura id expressit Abb. consil. 115. nu. 19. & reuera si commoditas data est in dotem, sine dubio transit ad heredes in vita eius, qui dedit. l. usufructu in dotem dato 58. ff. solu. matrimo. quod si usufructus datus est, idem dicere oportet ex ratione Bart. & Fulg. ibi nu. 2. & verius sane est non vsumfructum, sed commoditatem à possessore maioratus in dotem tradi: nam ut certius est possessores maioratus non sunt domini absolute, nec plene, ut colliges ex multis notatis per Pinel. in l. 1. C. de bon. mater. 2. par. nu. 5. qui autem non est vere dominus, non potest constituere vsumfructum. l. 3. §. dare. ff. de usufruct. prout eam expendit Fulgos. ubi proxime nu. 1. Facit etiam, quia verus usufructus inheret personæ eum habentis, non alterius: at in hac specie ius translatum pendet à vita possessoris maioratus, qui illud ius dedit. intendit Pinel. ubi supra 3. par. nu. 71. unde cum posses-

possessores capellæ in specie, quam tractamus, fecerint dotem, sine dubio affirmandum est, non vsumfructum, sed commoditatem vinearum dedisse, vel aliam similem concessionem fecisse, & ita ad heredes mulieris demortuæ, hoc est ad filios superstites transiisse, iuxta dictam l. vsumfructu in dotem dato.

7 Nec obstat, quod vineæ fuerunt datæ in dotem pro alimentis: alimenta autem morte extinguuntur, vt supra probatū est ex l. cum ij. §. modus. ff. de transact. cum aliis. Respondemus enim, primo in hac specie comoditatem non fuisse datam in alimenta propriæ, sed fuisse simpliciter datā in dotem, & factam esse mentionem alimentorum, quia dos succedit loco alimentorum: nam ex bonis dotalibus alimenta mulieribus parantur. illud enim, quod pater & mater filiæ donant, licet id non exprimant, cēsentur in dotem dare. argumeto. l. qui liberos. ff. de ritu nupt. tex. op. in l. quod autem 24. ff. de iur. dot. prout eum intelligit Bal. in l. nulla. nu. 2. C. de iur. dot. Idque manifeste colligitur ex testibus asserentibus in hac specie patrem, & matrem dedisse commoditatem vinearum filiæ dum viuerēt, vnde censentur dedisse commoditatem vinearum in dotem, non in alimenta, cum hæc per mortem alimentarij finiantur.

Secundo, quia non conuenit æquitati (secundum) quam materia dotis tractanda est. l.

iure

- iure succursum. ff. de iur. dot.) vt pater, & mater dent solum alimenta filię in eiusdem vita, miserique nepotes mortem matris, & amissionem bonorum cogantur deplorare. d. l. iure succursum. eo maxime, quia postquam hec commoditas vinearũ fuit data in dotem marito, ab eo auferri non potest, cum per titulum dotis, qui onerosus est, translata fuerit. l. ex promissione. ff. de action. & oblig. Bar. in l. vltima. §. si à socero. ff. quæ in fraud. credi. Zaz. in §. si quis. num. 26. instit. de action. Abb. vbi supra.

Quantum vero attinet ad secundum dubium, asserendum est, regulariter bonæ fidei possessorem non debere compensare fructus, quos fecit in tali melioratione. l. domos. ff. de leg. 1. glo. notabilis in l. emptor. verb. eos. ff. de rei vendic. ibi, & regulariter contra, id ipsum, tradit Afflict. decis. 87. & hæc est sententia, quæ magis in praxi obseruatur, vt testatur Gam. decis. 364.


- 10 Nec obstat, quòd aliquando bonæ fidei possessor, compensat fructus cum impensis factis. id enim procedit in casibus à iure, vel statuto expressis. glo. in d. l. emptor. verb. eos. Gama. decis. 310. ita intelligens procedere ordinationes nostras, quæ id ipsum disponunt, nempe in aliquo casu bonæ fidei possessorem compensare fructus cum impensis, & absque dubio maritus faciens impensas, & meliora-
- menta

mēta in re dotali, si res ab eo aufertur, repetit
sumptus, quos fecit in illius melioratione .l.
diuortio. §. impendi. vers. plane, & ibi gl. verb.
actionem. ff. sol. matr. Ioan. Garcia Gallecus
de expens. & melioration. c. 13. à nu. 57.

SVMMARIVM EX CAP. SEQ.

- 1 Explicatur quid significet illud verbum, lubricum, de quo in l. in fideicommiss. §. non unquam. ff. de vsuris. & in l. verum 12. ff. de minorib.
- 2 Declaratur quid significant hæc verba, Procliuior sum.
- 3 Taxatur loquentio eorum, qui dicunt, procliuius est, pro, verius est.
- 4 Auctor putat errorem Typographi non Auctoris esse in illis verbis Emmanuelis à Costa citatis in hoc capite.

CAPVT XI.

- 1  XTAT Vlpiani responsum in l. in fideicommissi 3. in ordine. §. nonnumquam. ff. de vsuris, hæc verba continens, Siue quod lubrico tutelæ fideicommissi remedium mater prætulera, lubricum significat proprie (vt ita dixerim) nō
Mm consi-

consistentiam, Corn. Tacit. lib. 1. illi sanguine suo, & lubrico paludum lapsantes, excussis rectoribus, &c. idem Cornel. Tacit. lib. 19. per angusta, & lubrica viarum flexerunt. In quo sensu accipitur & illud psalm. 34. Fiant viæ illorum tenebræ, & lubricum. per translationem inconstantiam, & parvam sinceritatem appellamus, & de quo minime fidere possumus. M. Tullius Philipp. 2. lubrico in bello versatus est. Vnde Iureconsultus hic ait, Prætulit remedium fideicommissi lubrico tutelæ, id est, parvæ sinceritati tutorum; idque Accurt. noster significauit, dum explicauit illa verba, lubrico tutelæ, id est lubricis tutoribus. l. verum 12. §. sciendum, ibi, lubrico ætatis. ff. de minor. in cuius sententiam procliuior sum. Adde supradictis vnum, quod mihi dum hæc scriberem in mentem venit, licet ad propositum rei, de qua egimus, nihil faciat, sed aliquântulum inseruiet ad explicationem aliquarum legum. Etenim quando dubij de veritate diuersarum opinionum alteri assentimur, solemus dicere. Ego in id procliuior sum, quod vulgo dicere solemus (*A isto me inclino*) nam id significat illud verbum procliuus, & procliuior: & ita Iurisconsulti sapius

3 vtuntur hoc modo loquendi, procliuior sum. Vnde apparet illos errasse, qui dum volunt dicere, hoc est verius, vel hoc probabilius apparet, dicunt, procliuius est, vt eo verbo in-

hunc

hunc sensum vsus est Emmanuel à Costa (vir alias, & iuris & sermonis Latini peritissimus) de success. regni Portug. nu. 66. vers. in regni. ⁱ melius enim dixisset, in regni autem successionem procliuior sum nepotem ex primogenito conceptum aduersus patrum defendere, adeo vt in eorum sententiam procliuior sim, qui existimant illud magis esse vitium typographi, quam auctoris.

SUMMARIVM EX CAP. SEQ.

- 1 Lectoribus aliquibus magis placent quæstiones, quas de pane lucrando vocant.
- 2 Proponitur casus circa statum Ecclesiæ metropolitanæ Eborensis.
- 3 Regulariter omnia dicta de Prælato, intelliguntur de Gubernatore Episcopatus relicto à Prælato.
- 4 Proponitur secundus casus circa denegationem beneficij soliti fieri.
- 5 Donatio nullo iure cogente fit.
- 6 Beneficia solita præstari non possunt administratores denegare.
- 7 Si administrator fabricæ ecclesiæ Eborensis denegauerit cantori beneficia solita præstari, poterit spoliatus interdicto, vnde ui, agere.

1



VNT aliqui nostrorum, quibus maxime displicent quæstiones circa verborum interpretationes, asserentes id parum prodesse illis, qui pecuniam, & corporis vires in studio litterarum consumpserunt, ut tandem aliquod commodum consequi potuissent, & solum illas quæstiones desiderant, quas eleganti vocabulo de pane lucrando vocant; his ergo paulo ante displicui, nunc vero in hoc capite placere studeo. Proponam enim duos casus, qui in praxim deducti fuerunt.

2

Primus est; Extat apud nos statutum, posse capitulum huius insignis ecclesiæ Eborensis dare dies recreationis canonico, id est, post morbum concedere canonico, ut per ciuitatem, vel extra ciuitatem ambulet, recreandi animi gratia, sitque tunc temporis habitus, ac si diuinis interesset; & hanc licentiam dicit statutum capitulum posse dare prælato absente. Accidit Prælatum esse absentem, sed præsentem fuisse gubernatorem ab eo relictum; quærebatur, an in hoc casu posset capitulum dare eam licentiam. Dixi, capitulum non posse dare licentiam, quia gubernator à Prælato relictus requirendus erat,

3

cum regulariter omnia dicta de prælato intelli-

telligentur de gubernatore suo. substitutus enim sapit conditionem eius, in cuius locum substitutus est. l. si cum eo. §. qui iniuriarum. ff. si quis caution. §. fuerat. instit. de act. idque colligitur ex dictis per Archid. in cap. Reatina Ecclesia. 63. distinct. Ang. (id negans in vicario, affirmans autem procedere in procuratore) in leg. adoptio numero 6. ff. de adopt. Bal. in cap. cum venerabilis. de consuetudine. Palat. repetitione rub. de donat. inter vir. & uxorem. §. 9. nu. 6.

Alter casus talis est; Ultra salaria constituta cantoribus huius metropolitanæ Ecclesiæ Eborensis solent prælati, tamquam administratores fabricæ eiusdem Ecclesiæ, concedere eisdem cantoribus certam pecuniæ quantitatem, vel tritici, idque apud nos vocatur (*Merce*) denegatum est hoc beneficium (vulgo *Merce*) cuidam cantori, quærebatur, an prælatus esset obligatus ad id concedendū. Et primo videbatur quòd non: quia illud beneficiū (vulgo *Merce*) donatio est, ut patet ad sensum, & ideo apud nos appellatur (*Merce*) distinguiturque a salario, quod omnino debetur; beneficium vero illud non omnino debetur; immo nullo iure cogente præstatur. l. munus. ff. de verb. significat. In cōtrarium est veritas, quia huiusmodi beneficia (vulgo *Mercēs*) sunt solita præstari à prælatis tamquam administratoribus fabricæ, & ita nullus prælatus ea be-


- beneficia poterit denegare. arg. text. opt. in l. cū
 plures. §. cum tutor. l. tutor secundum digni-
 tatem. §. fin. ff. de administr. tutor. glos. in cap.
 grandi. verb. liberam. de supplen. neglig. præl.
 in 6. intendit Bar. in l. 1. §. de seruis. ff. de tutel.
 idem Bart. in d. §. cum tutor. Palat. in repeti-
 tione rubr. de donat. inter virum & vxor. §. 9.
 num. 5. Vincent. Caroc. in regulam. cum quid.
 1. parte, limitatione 2. num. 21. citans in
 hanc sententiam Roland. à Vall. consil. 18. nu.
 7 65. Vnde cum in specie proposita cātor agat
 de spolio beneficij (vulgo Merce) debiti, &
 soliti præstari, vti potest interdicto, vnde vi,
 iuxta vulgares iuris regulas.

SUMMARIVM EX CAP. SEQ.

- 1 Communitè scribentes existimant non posse v-
 suram dari, nisi in mutuo.
 - 2 Proponuntur argumenta, quæ suadent vsuram
 extra mutuum non versari.
 - 3 Contraria sententia suadet, & probatur in
 omnibus contractibus posse vsuram versari.
 - 4 Iurisconsulti in omnibus contractibus vsuram
 versari docuerunt.
 - 5 Mutuum paleatum dicere, est Doctorum opinio.
 - 6 Proponitur casus, in quo vsura datur, & ta-
 men locatio est, nec mutuum interuenit.
 - 7 Traditur respōsio ad argumēta superius allata.
- Vsura

- 8 *Vsura significat vsum cuiusque rei.*
- 9 *Triplex est ratio malitiæ usurariæ.*
- 10 *Licet Iurisconsulti errassent in approbatione, usuræ, vel permissione, tamen optime novant naturam usuræ.*
- 11 *Iurisconsulti secure docuerunt usuram versari in aliis contractibus præter mutuum.*
- 12 *Doctores communiter asserunt in alijs contractibus (præter mutuum) in quibus versatur usura, dari mutuum paleatum, quod tamen mutuum nullum ius induxit.*
- 13 *Opinio communis Doctorum approbatur, & traditur vera diffinitio usuræ, quæ ex traditis per Doctores colligitur.*
- 14 *Proponitur casus practicabilis.*

CAPVT XIII.

1  OCTORES nostri cōmuniter existimant usuram non posse consistere, nisi in mutuo vero, vel paleato: vnde in definitione usuræ apponūt verbum mutui, ex eo deducentes usuræ crimen extra mutuum non committi; ita post antiquiores Abb. in rub. de usur. Navar. in c. 1. 14. q. 3. Couarr. lib. 3. resolut. c. 1. nu. 1. vers. usura igitur, vt alios quoque infinitos omittamus, qui hoc secure docent, quorum sententia ita omnium consensu recepta est, vt nec

in lectione auctorum, nec in scholis inuenerim aliquem, qui eam non sequeretur. Pro qua sententia primo adducitur illud Luc. 6. mutuum dantes, nihil inde sperantes: etenim videtur Christus Opt. & Max. reprobans usuram solū de usura in mutuo loqui: quasi extra mutuum usura non reperiatur.

Secundo facit cap. eiiciens, vers. dicit aliquis. 88. dist. vbi ex eo reprobatur usura, quia mutuando pecuniam fenerator vult ex usu pecuniæ (qui nullus est, nec ab ipsa pecunia seorsum æstimari potest. l. 2. ff. de usufr. earū rerū, quæ usu consummuntur) aliquod lucrū capere.

Tertio facit, quod licet concederemus usum pecuniæ nos considerare posse, & illum vendere; illum tamen in mutuo vendere nequaquam licebit: quia cum mutuatarius rei mutuatae dominus fiat. l. 2. §. appellata cum aliis. ff. si cert. pet. non poterit quispiam cui libet vendere, quod suum non est: quod si lucrū voluerit acquirere ex usu rei mutuatae, quæ iam sua non est, usuram committit. His fundamentis doctores cōmuniter existimant extra contractū mutui usuram nō committi, quæ tamē solum euincunt usurā in mutuo cōmitti, nō tamē euincere videtur extra mutuū, nō posse exerceri. At ingeniose tētare potest

3 aliquis in omnibus contractibus usurā posse exerceri, nec ita esse angustis terminis usuræ crimē concludendū, vt solū in mutuo versari

asse-

- 4 asseramus. Primo Iuriscōsulti in omnibus cōtractibus indistincte vsurā agnoscebāt, vt passim videre est, & in pollicitatione probat, l. 1. ff. de pollicit. & in negotiorū gestorū actione, l. qui aliena in princip. ff. neg. gest. Nec obstat, quod ibi mutuum paleatum interuenit, quia id nullo iure probatur. etenim si Iuriscōsulti intelligerēt ad vsuram exercendam necessarium esse mutuum verum, vel fictum aut paleatum, id aliquando expressissent, (quod nusquam fecerunt; rem enim notabilem, & ad cognoscendam naturam vsuræ necessariam, debuerant omnino edocere argumento, l. item §. ait prætor vers. ea enim, ff. de iniur.) Facit item, quia ad fisiones, & præsumptiones iuris, aut iuris & de iure non est recurrendum nisi lege iubente, vel necessitate urgente, l. si forte, ff. de Castrensi peculio, l. quia ratio, ff. de condit. institut. Bart. in l. non dubium C. de legib. nu. 15. Ias. in l. si is qui pro emptore num. 216. ff. de vsucap. Cum igitur vt ostēdemus, nec lex iubeat has fisiones, & præsumptiones inducere, nec necessitas urgeat, non debent similes fisiones præsumptionesve admitti. Facit rursus, quod nemo negabit vsuram committi in hoc casu; Debitor viginti ex domo locata cōuenit cū creditore, vt pro singulis annis, quibus non solueret, duo daret, nec de mutuo cogitauit, idque in foro pœnitentiali, in quo

illi omnino credendum est, declaravit, & tamen absque dubio usurarius est. ergo usura committitur absque mutuo. Nec obstat quod in specie proposita vel datur mutuum paleatum, vel præsumptum, vel fictum a lege. nã de paleato, & præsumpto non potest dubitari, cum creditor id declaret in confessione, cui credendum est. de ficto patet, quia numquam lex id finxit, nec mutuum verum potest dari in casu, in quo non datur intentio contrahentium, l. non omnis, ff. si cert. pet. & necesse est (vt mutuum fiat) quod partes conueniant, vt pecunia debita ex aliquo contractu mutuataris utatur, l. singularia, leg. certi conditio, l. rogasti, 11. ff. de eod. tit. si cert. petat. quinimmo & si aliquis intendat facere mutuum, si id non expressit aliquo modo, non erit contractus mutui, l. 3. ff. de reb. dub. Cum igitur in casu proposito hæc omnia deficient, & mutuum defecisse nemo inficiabitur. idque probat apud nos ord. lib. 4. tit. 14. in princip.

- 7 Nec obstabunt argumenta superius allata: illa enim recte concludunt in mutuo plerumque usuram versari, non tamen euincunt extra mutuum non committi usuram. neque enim Christus opt. & max. voluit ostendere naturam usuræ, nec in quibus contractibus versaretur, sed admonens Iudæos, docebat non esse usuram extorquendam a miseris debitori-

bitoribus, quibus pecunia mutuata erat. nam in contractu mutui, vt plurimum crimen illud versatur; non vero ex eo loco colligendum videtur solum in mutuo posse exerceri vsuram. Quapropter, vt id clarius proponatur, præmitere oportet, vsuram inter alias significationes quemlibet vsum rei significare; verbi gratia, dicimus vsuram lucis nempe vitæ, in qua vtimur hac externa luce, M. Tullius pro Rabirio, Obsecro iudices, vt huic viro, quo nemo melior vniquam fuit, nomen Equitis Romani, & vsuram huius lucis, & vestrum conspectum ne eripiat. hinc factum est, vt lucrum ex vsu alicuius rei cōstantis numero, pondere, vel mensura vsura dicatur, de qua nobis est sermo.

Secundo præmittendum est triplicem esse rationem mali, quod iure naturali attento cernitur, propter quod vsura prohibita est, c. eijciens 88. dis. Prima est ea quam supra tetigimus, quia scilicet ex vsu pecuniæ, quæ mea non est, accipio lucrum aliquod pecunia æstimabile; quam rationem reddunt fere omnes supra citati, si ergo ex pecunia, quæ mea non est, debita ex locatione domus accipiam aliquod lucrum æstimabile pecunia propter vsum illius, erit vsuraria iniustitia.

Secunda ratio est; quia scilicet vsurarius accipit fœtū ex pecunia, re quidem nō apta fœtum edere, vnde isti vsurarij fœneratores dicti

dicti sunt, & græce dicitur, τέκος, & τοκίζειν, quasi partus, & parere, vt explicat post Nauar. in dict. cap. 1. Couar. lib. 3. resol. cap. 1. num. 5. optimus text. per locum ab speciali in l. debitor, ibi, steriles nummi, ff. de vsur. Igitur accipere lucrum aliquod pecunia æstimabile propter fætum, & partum pecuniæ, qui in pecunia nullus est, vsura est. Si igitur aliquis voluerit ex pecunia sibi quomodo debita, lucrum accipere, quasi fætum partumve suæ pecuniæ, vsurarius est censendus. nec videtur præcise necessarium mutuū, cum extra mutuū rationes, quibus doctores supradicti vsuram prohibitam esse iure naturali attento dicunt, expresse vigeant.

Tertia ratio est, quia ob contractum mutui (qui contractus gratuitus est sua natura) aliquod lucrum volunt accipere. Plane hæc vltima ratio solum in contractu mutui cernitur, duæ priores etiam in alijs versantur. Vnde licet, vt plurimum vsurarij propter contractum mutui lucrum pecunia æstimabile consequantur, & ita regulariter in mutuo vsura versetur, tamen aliquando vsurarij lucrum pecunia æstimabile capiūt propter vsum pecuniæ (quæ sua non est) vel propter illius fætum, aut partum, & ita vsuram committunt extra mutuū. Quod probari videtur ex eo, quia licet Iurisconsulti allucinati fuerint, dum vsuram vel approbarunt,
vel

vel permiserunt, existimantes id e republica
fuisse, tamen non ignorabant veram vsuræ na-
turam, & in quibus contractibus versaretur.

- 11 At ipsimet Iurisconsulti secure docebant vsu-
ras versari in cōtractu locationis, in actione
negotiorum gestorum. ergo extra mutuum
versari sine dubio intelligebāt. Scio doctores
12 communiter respondere in alijs cōtractibus
(extra contractum mutui) in quibus vsura
cernitur, mutuum paleatum, vel fictum ver-
sari. sed non adest textus summi Pontifi-
cis, Imperatoris, aut Iurisconsulti, qui de
hac paleatione, vel fictione mentionem fa-
ciat. Video in alijs contractibus (vt paulo an-
te diximus) etiam vsuræ malum grassari, &
rationem mali vigere, & non datur vllum in-
conueniens si fateamur, extra contractū mu-
tui versari vsuram. quis nos cogit, deuiādo a
doctrina summorum Pontificum, Imperato-
rum, & Iurisconsultorum, paleationes, & fi-
ctiones tradere contra l. si forte, ff. de Castr.
pecul. & supra notata. Nec obstant argumēta
supra allata, vt enim iam tetigimus solum
probant in mutuo versari vsuram, non tamen
concludunt in solo mutuo eam versari; tan-
tum enim probatur non posse mutuantes vl-
tra res mutuatas aliquod lucrum pecunia æ-
stimabile accipere, quod nemo negat.

Ad locū Lucæ 6. Responderi potest Christū
opt. & max. noluisse eo in loco declarare na-
turam

- turam vsuræ, nec in quibus casibus daretur, sed cum videret Iudæos turpi quæstui feneratori deditos, illos admonens ait: Mutuum dantes nihil inde sperantes, non tamen ex eo loco conuincitur in alijs contractibus non posse vsuras exercerceri, in quibus ex rebus debitis, quæ numero, pondere, vel mensura constant, aliquod lucrum caperetur, sed nõ est recedendum a doctrina communi, cum negari non possit in prædictis casibus quoquomodo mutuum implicitum interuenire; & ita vsuræ definitio meo iudicio constituenda est hoc modo: Vsuræ est cõtrectatio lucri veri sorti accedētis ratione mutui veri aut impliciti: in quibus verbis omnis iniquitas vsuræ comprehenditur, vt colliges ex supra notatis. & auctoritate Euangelij ita a doctoribus intellecta, vnum in practica notabile aduerte, quod contractus hic non est vsurarius; nempe obligatur quis ad dandas carnes, vel pisces accepto aliquo pretio ab academia, vel capitulo, ea conditione, vt mutuo illi dentur centum: nam principaliter est contractus do ut facias, & mutuum minus principaliter, immo est tantum obligatio mutuandi, & ita cum non accipiat lucrum propter mutuũ verum, vel implicitum, vsura non est. intendit Pan. in consil. 15. num. 2.


SYMMARIVM EX CAPITE SEQ.

- 1 Proponitur casus.
- 2 Motus Pij Quinti omnes contractus, in quibus census imponitur non numerata pecunia coram tabellione, & testibus, tamquam fœnerationis condemnat.
- 3 In nostra Lusitania recipitur in praxi decisio Motus proprij Pij Quinti, licet in regno Castellæ aliud sit propter supplicationem regis Philippi.
- 4 Refertur opinio meritissimi aduocati Salazar, & reprobatur.
- 5 Præsumptionum alia est definitiua, alia suppositiua, & vtraque explicatur.
- 6 Præsumptio definitiua vel datur in bonum publicum, vel in priuatum principaliter.
- 7 In specie cap. is qui fidem, de sponsal. licet sponsi fateantur se animo fornicario non coniugali accessisse, sponsalia fecisse iudicabuntur.
- 8 Declaratur præsumptio suppositiua.
- 9 Præsumere definitiuè de aliquo malum temerarie vel reiecta in contrarium omni probatione peccatum est: præsumere autem suppositiue non est peccatum.
- 10 Licet contractus, in quibus imponitur census sit alius iustus, si tamen non fiat coram tabellione.

*bellione, & testibus, vsurarius est iudican-
dus.*

- 11 *In specie proposita probat auctor contractum
fuisse feneratitium, negat tamen pœnas in
vsurarios inflictas esse imponēdas monachis,
nec esse compensandam sortem principalem
cum fructibus.*
- 12 *Minor, & Ecclesia non restituuntur in delictis
veris, secus est in præsumptis.*
- 13 *Quando Ecclesia non restituitur in delictis, oportet
ut tota delinquat, non vero quod solus præ-
latus.*
- 14 *Quando contractus licite communiter reputan-
tur, licet sit vsurarius, tamen excusatur con-
trahens a pœnis vsurarij.*
- 15 *Consuetudo etiam irrationabilis (si tamen ra-
tionabilis communiter a peritis reputabatur)
excusat a pœna in foro exteriori.*
- 16 *Monachi excusantur a scientia iurisforensis
vel alias a sua professione nimium remoti.*

C A P V T X I I I I .

- 1  **ONVENTVS** aliquis Mona-
chorum possidebat certam do-
mum in oppido de Moura iux-
ta forum, decuriones ciuitatis
impetrarunt a rege, ut domus
prædicta iusto pretio venderetur eidem op-
pido de Moura, ut destrueretur, & ita forum
amplia-

ampliari possit, vendita domo triginta millibus regalium, apud quendam probum virum deposita fuerunt, ut ex illis alia proprietas conuentui monachorum emeretur, sic enim Rex dederat in mādatis vulgo (na prouisam.) His ita constitutis, obtulit se Ioannes venditque monasterio triginta modios tritici sub annuo censu, quem in fructifero fundo suo cōstituit, idque per triginta millia regalium, quæ apud depositarium seruabantur: & ita in scriptura venditionis cauebatur, quod scilicet dictus Ioannes vēdebat triginta modios tritici sub annuo censu in suo agro pro triginta millibus regalium, quæ deposita erant. Moritur Ioannes, successit ei filius Frāciscus, qui mouet litem conuentui monachorū, contendens illum contractum fuisse vsurarium, ideoque iudicandum esse nullum, & sortem principalē, hoc est, triginta millia regalium esse compēsanda cum fructibus perceptis, asserens pro se Motum proprium summi Pontificis Pij Quinti, qui omnes contractus in quibus census imponitur, & in quibus pecunia non numeratur coram tabellione, & testibus, tanquam fœneratitios cōdemnat: plane in confesso erat pecuniam non fuisse numeratam coram tabellione: ergo contractus fœneratitius iudicandus erat, & per consequens fors principalis cum fructibus perceptis compēsanda erat, iuxta petitionem.

- 3 Francisci. In quo dubio cogitavi an hic contractus excusandus foret a crimine vsuræ ex eo, quia ille Motus summi Pontificis Pij Quinti non seruaretur in hac nostra Lusitania, vt alias in Regno Castellæ non seruari ex præcepto Regis de ea re summum Pontificē consulētis, tradit Salzedo in practicam Bernard. cap. 88. vers. potuerunt, F. Emmanuel Rodriguez in tract. de censib. quia id apud nos minime obtinet: nam in hoc Regno passim in praxi admittitur decisio Motus proprii, & secundum illum contractus fœneratitij iudicantur. veniebat etiam in mentem an prædictus contractus excusari posset ex eo, quia cū motus proprius in eo vsuram præsumat, poterit contrarium probari, nam contra præsumptiones probationes admittuntur cap. litteras de præsumpt. l. cum de indebito, ff. prob. & sine dubio facile assererent monachi probari posse vsuram abesse, allegantes pro se legem fundatam in præsumptione non obligare, si veritas est in contrarium, gloss. verb. nullo modo in l. in cōtractibus, C. de non numer. pecun. communiter recep. ex multis citat. per Couar. de sponsal. 1. par. cap. 4. §. 1. num. 9. iuuat cap. is qui fidem, & ibi not. de sponsal. Propter quæ fundamenta meritissimus aduocatus Petrus de Salazar in tract. de vsu, & consuetud. cap. 8. num. 45. existimauit omnino fore admittendam præsum-
- ptio-

ptionem, qua tolleretur suspicio vsuræ, de qua in d. Motuproprio intendit F. Emmanuel Rodriguez vbi supra. Sed hæc opinio non admittitur in praxi, & contractus vsurarius censeatur (si non probetur numeratio pecunię coram tabellione) absque vlla probatione, qua partes contendant vsuram abfuisse, & sanctum id magis consonat iuris principijs. Quod ut intelligas præmitte, in hac materia duplex reperiri genus præsumptionis: namque alia præsumptio est definitiua, alia suppositiua. definitiua præsumptio est quando factum dubium in hanc vel illam partem definiendo accipimus. Porro huius præsumptionis alia datur in fauorem publicum principaliter, alia in priuatum: verbi gratia, in fauorem publicum est illa, de qua in cap. is qui fidem, de sponsal. in priuatum est illa, de qua in l. si ex cautione l. generaliter, C. de non numer. pecun. illa, quæ in fauorem publicum inducta est, non admittit probationem, nec confessionem partis, cum pars non possit renunciare his, quæ sunt inducta in fauorem publicum, c. si diligenti de for. compet. l. si quis in conscribendo, C. de pact. sic in specie, de cap. is qui fidem, licet sponsi confiteantur se non accessisse animo coniugali, sed fornicario, tamen sponsalia fecisse iudicabuntur. Non sic in specie d. l. si ex cautione, & d. l. generaliter, quia confessio partis in his casibus

8 admittitur. Alia rursus est præsumptio suppositiua, quando scilicet præsumimus posse aliquid cōtingere, & ex eo aliquid præcauēdo facimus, vel legislator aliquid præcipit, vel prohibet: verbi gratia, prohibet lex beneficia conferri in vita possidentium, ne alijs detur occasio captandæ mortis, quam supponit posse contingere capit. 2. de concess. præben. Sic sane lex prohibens emere a minore rem immobilem sine debita solemnitate, præsumit suppositiue, namque id prohibet ex eo, quia supponit minores posse circumueniri. sic summus Pontifex prohibens contractus, in quibus census imponitur absque numeratione facta coram tabellione, & testibus, præsumit eos usurarios: supponit namque posse in eis vt plurimum usuræ crimen latere. Inter has præsumptiones maxima est differentia, nam præsumere diffinitiuè temere, vel reiecta in contrarium omni probatione aliquod malum de aliquo peccatum est, regula estote de reg. iuris, l. merito, ff. de pro soc. & ideo lex eo modo præsumens admittit probationem: at præsumere aliquando simpliciter, & reiecta in contrarium omni probatione suppositiue est actus prudentiæ, dum supponimus aliquid posse contingere, & ita nobis, vel proximo cauemus, aut legislator reipublicæ, intendit S. Thom. vbi Caictan. explicat 2, 2. q. 60. art. 4. ad 2.

Sor.

Sot. lib. 3. de iust. quæst. 4. art. 3. col. vltim. & licet ea præsumptio sit falsa, nihil interest, quia ei, contra quem supponimus, non nocemus, & nobis consulimus. Vnde licet contractus alias esset iustus, tamen vsurarius debet iudicari, cum summus Pontifex per legem statuerit contractus, in quibus census imponitur, sceleraticios, esse quando pecunia numerata non solueretur coram tabellione, & testibus; suppositiue enim præsumpsit in similibus contractibus absque numeratione pecuniæ vsuram posse exerceri, ideoque absolute vetuit illos contractus. vnde licet contractus iustus, & æquus alias esset, tamen tanquam vsurarius in foro exteriori omnino iudicabitur, iuxta notata in cap. fin. de vsur. Adde quod licet hic contractus census esset perpetuus, adhuc vsurarius præsumeretur.

Primo, quia Motus, proprius indistincte in omnibus contractibus census communiter id disponit, in quibus licet minor detur præsumptio vsuræ, tamen aliqua cernitur, & propterea aliquando dubium fuit, an hi contractus census essent liciti, vt colliges ab extravagant. 1. & 2. de empt. & vendit. inter cōes.

Secundo, quia verius est omnes cēsus perpetuos posse redimi, & cēseri temporales, vt in Motu proprio declaratur, quidquid mul ti contrarium sentiant: attamen in specie proposita dixi contractum quidem scelerati-

tium esse iudicandum, & ex eo amplius non posse quemquā agere, pronunciandūq. fore talem contractum nullum esse, pœnas tamen vsurariorum non esse monachis infligendas, nec sortem principalem cum fructibus bona fide perceptis esse compensandam. Cum in vsura præsumpta, sit pœna, quæ in foro exteriori nō debetur, iuxta communes traditiones, de quibus alibi latius dicemus.

- Primo ex eo, quia monachi petebant restitutionem aduersus contractum emptionis, qua obtenta vsura præsumpta cessabat, quæ in contractu census venditi, vel empti solum inducta fuit. Nec obstat quod minor, & Ecclesia non restituuntur in delictis, l. auxilium §. in delictis, ff. de minor, leg. si ex causa §. nunc videndum, ff. eod. l. 1. C. si aduersus delictum: respondemus enim id procedere in delictis, quæ sunt cum dolo, non quæ committuntur a minoribus per ignorantiam, d. §. nunc videndum, vbi Bart. procedit item in delicto vero, non in præsumpto argumento, l. minor, 9. ff. de minor Abb. in cap. auditis, num. 14. de in integrum restitutione.
- 12 Item vt Ecclesia non restituatur in delictis, oportet vt tota delinquat, non vero vt solus Prælatus Abb. vbi supra, num. 15. not. in c. 1. de dol. & contum. & in cap. dilectus de symon. & in cap. fin. de donat. at hæc omnia cessabant in hac specie, nam & dolus aberat, cum

cum publice venditio facta fuerit, & nominatim in scriptura diceretur pretium depositum esse apud probum virum: ea autem, quę publice fiunt, dolo carere præsumuntur, l. ult. ff. de rit. nupt. & solus Prælatus cum procuratore venditionem fecerant, delictum autem non erat usura vera, sed præsumpta, de qua in dicto Motu proprio. ergo monasteriũ recte petebat restitutionem.

- 14 Secundo, & pro parte monachorum allegabam dictum Bart. in l. qui sit fugitiuus, §. apud Labeonem, ff. de ædil. edict. existimantis facientem contractum, qui ab omnibus censetur licitus, licet a parte rei esset usurarius, excusari a pœnis latis contra usurarios quod communiter receptum esse colliges ex not. per Cepolam de simulatione contractuum colum. 4. Couar. de spons. 2. par. cap. 7. nu. 5. Nec obstat, quod Motus proprius fuit solemniter promulgatus, & ita non posset allegari ignorantia, authen. vt factę nouę constitutiones collat. 5. not. in cap. 1. de constit.

- 15 Respondemus enim primo, consuetudinem etiam irrationabilem (si tamen rationalis communiter a peritis reputabatur) excusare à pœna in foro exteriori, glo. 1. in cap. cum venerabilis de consuetud. recept. per Couar. vbi supra.

Secundo respondemus, in hac specie monasterium excusari a scientia Motus proprii,

16 nam privilegium concessum militibus armatæ militiæ, vt non teneantur scire iura, de quo in l. 1. C. de iur. & fact. ignorat. l. fin. in principio, C. de iur. deliber. authen. quibus modis natur. efficiant. legitimi, §. quisquis collat. 7. extēditur ad clericos, & monachos, iuxta not. in l. Miles, ff. de re iud. & quamuis multi contrarium teneant, tamen in illis iuribus mere forensibus, & quæ ab officio monachali longe sunt remoti, verius est monachos posse ignorantiam allegare argumento, l. repetita, & ibi gloss. verb. peritos, C. de Episcop. & cleric. intendit Padilla in l. 1. nu. 8. & in l. constitutiones. nu. 10. C. de iur. & fact. ignor. faciunt etiam in fauorem monachorum, dicta per Pan. in consil. 35. lib. 1.

SUMMARIVM EX CAP. SEQ.

- 1 Accurtius, & Ias. explicant, quid sit insula, de qua in l. si insulam. ff. de verb.
- 2 Reprobatur eorum opinio.
- 3 Declaratur quid sit insula, de qua in l. si insulam. ff. de verb.
- 4 Hodie Romæ coguntur domini minorum ædium eas vendere iis, qui volunt insulas ædificare.

CAPVT XV.

- 1 **N**ITITVR explicare Accurtius
 2 in l. si insulam. ff. de verbor. vbi
 Iason num. 93. quid sit insula, &
 3 asserit, insulam esse domum in
 mari. Sed id falsum est: nā Ro-
 mæ maria non sunt. Iuriscon-
 sulti autē omnia sua verba fere ad ea, quæ in
 ciuitate Romana erāt, referebāt. At fortassis
 erit insula, quæ in fluuio existit: sed & id ve-
 rum non videtur: etenim vix credendum est,
 4 trecentas insulas fuisse in fluuio, quas Spar-
 tianus vno incendio consumptas fuisse affir-
 mat. Insula igitur, vt intelligas Iurisconsul-
 tos quando de insula loquuntur, est domus
 ampla, nullis (vt plurimum) connexa ædifi-
 ciis cohærentibus, & vt plerumque vicos ha-
 bentes, per quos communiter iter sit. M. Tul-
 lius, intelligo Clodij insulam esse venalem.
 Aul. gell. conspiciamus insulam quandam oc-
 cupatam igni multis, arduisque tabulatis edi-
 tam, Sueton. in vita Cæsaris, nec loco solito,
 sed viciatim per dominos insularum egit. Ho-
 die, qui Romæ insulam vult construere, coge-
 re potest dominos ædium minorum, vt sibi
 vendantur, idque sancitum est lege à summo
 Pontifice condita.

SYMMARIVM EX CAP. SEQ.

- 1 Proponitur examinanda quæstio, an ciuis Lusitanus possit instituere heredem ciuem Italem, Gallum, exterumve aliquem.
- 2 Explicatur verbum Peregrinus positum in l. 1. C. de hered. instit.
- 3 Reiectis aliquot explicationibus verbi Peregrinus, vera traditur.
- 4 Non poterat olim ciuis Romanus instituere heredem ciuem alterius ciuitatis.
- 5 Expenditur l. Sed & conditioni. §. solemus. ff. de hered. instit.
- 6 Traditur ratio, quare ciuis Romanus non poterat instituere heredem alterius ciuitatis.
- 7 Poterat ciuis Romanus per fideicommissum aliquid ciui alterius ciuitatis relinquere.
- 8 In praxi apud nos non recipitur illud ius antiquum, quo tantum erat, vt ciuis alicuius ciuitatis non posset heredem instituere exterum.
- 9 Declaratur ratio, quare praxis nostra non admiserit iuris antiqui censuram, nec admittuntur aliquæ, quæ ab aliquibus assignari solent.
- 10 Explicatur tex. in l. in orbe Romano. ff. de statu hom.
- 12 Traditur verus intellectus, & littera huius vrbe Romana. ff. de statu hom.

CAPVT XVI.



CUM in scholis inclitæ achadem-
 iæ Conimbricensis publice
 iura interpretarer, incidit
 quæstio, an ciuis Lusitanus ho-
 minem Italum, Gallumue pos-
 set heredem instituere. Licet autem in praxi
 numquam de ea re dubium esse possit, quin
 vnusquisque possit indigenam, & exterum ho-
 minem heredem instituere adiuvante regula
 tex. in §. & vnum hominem. insti. de hered. insti.
 adiunctis his, quæ ibi resoluunt doctores,
 notat in §. seruus plurium. insti. eod. tit. de he-
 red. insti. attamen attentis principiis iuris,
 & reipublicæ Romanæ consuetudine, con-
 trarium verius esse respondi. Pro qua senten-
 tia primo adducitur l. 1. C. de hered. insti.
 vbi deportatū æquiparat peregrino, qui ciuis
 Romanus non est, & ita exterus, vel alienige-
 na. Quod vt clare perspicias, necessarium du-
 xi aliquorum opiniones referre circa hoc no-
 men Peregrinus, de quo agit d. l. 1. C. de he-
 red. insti. Accurtius namque noster in d. l. 1.
 existimauit peregrinum significare pereгри-
 nantem. Sed ea interpretatio minime est reci-
 pienda: nam peregrinantes posse institui he-
 redes probat. tex. in §. fin. insti. de hered. insti.
 tum etiam quia verbum Peregrinus, aliud si-
 gnificat,

gnificat, vt statim ostendemus. Alij per peregrinum in d. l. 2. intelligūt hostem populi Romani, sequentes glos. in l. nec apud. C. de hered. insti. in qua significatione licet aliquando hoc verbum Peregrinus, sumatur: tamen ea non est propria, nec tam frequens, neque enim aliquis semidoctus affirmabit in d. l. 1. verbū Peregrinus, significare hostem Populi Romani: quis enim sanæ mentis (si ciuis Romanus esset) hostem Populi Romani institueret heredem? quis hostem Populi Romani per adoptionem in fratrem ascisceret? de quo in d. l. nec apud. C. de hered. insti. Quapropter his reiectis dicendum est, in dicta l. 1. Peregrinum significare eum, qui non est ciuis Romanus; idque primo colligitur ex l. sed si hac lege. §. liberos. ff. de in ius vocando, vbi deportatos Peregrinos vocat, id est, non ciues, cum deportati ciuitatē amiserint. l. 2. ff. de orig. iur. ibi, quod multa turba etiam peregrinorum in ciuitatē veniret. Cuius rei meminit Corn. Tacit. lib. 1. mihi fol. 30. Mox (inquit) celebratio annuum ad prætorem translata, cui inter ciues, & peregrinos iurisdictio euenisset. Caius Iurisconsultus lib. 1. insti. tit. de statu hom. parum post principium: Sueton. in vitam Claudij Imperatoris folio 204. cap. de varietate eius in cognoscendo, & discernendo: Peregrinatis reum (inquit) orta inter Aduocatos leui contentione, rogatum ne, an palleatum dicere

dicere causam oporteret, &c. nunc togam, nunc pallium assumere iussit.

4 Hos igitur peregrinos (id est non ciues Romanos) non poterat ciuis Romanus heredes instituere, quod d. l. 1. C. de hered. insti. manifeste probat.

5 Secundo id ipsum voluit iurisconsultus in l. sed & si conditioni. §. solemus. ff. de hered. insti. Solemus (inquit) dicere media tempora non nocere, ut puta ciuis Romanus scriptus heres viuo testatore factus est peregrinus, mox ad ciuitatem Romanam peruenit, media tempora non nocēt, quidquid Accur. ibi, solum de deportato intelligat: notat Vlpian. Iurisconsult. in fragment. tit. 22. vers. deditio- rum, ibi, heres institui non potest, quia peregrinus est. apertius declarauit M. Tullius in in oratione pro Aullo Cecina: Deinde (inquit) quod Sylla ipse ita tulit de ciuitate, vt non sustulerit horum nexa, atque hereditates: iubet enim eodem iure esse, quo fuerint Ariminenses, quos quis ignorat duodecim coloniarum fuisse, & à Populo Romano hereditates capere potuisse. idem Marcus Tullius pro Archia Poeta: Sed quoniam (inquit) census nō ius ciuitatis confirmat, ac tantummodo indicat eum, qui sit census, ita se- iam tunc gessisse pro ciue iis temporibus, quem tu criminaris, ne ipsius quidem iudicio in ciuium Romanorū iure esse versatum,

& te-

& testamentum facit nostris legibus, & adiit hereditates ciuium Romanorum. hætenus Marcus Tullius, ex cuius dictis constat, adire hereditatem ciuium Romanorum non posse nisi ciuis Romanus fuisset. intendit Alcia. lib. 1. Parerg. cap. 15. Cuiac. in paratitlis ad cap. 22. vers. deditiõem, verb. quia peregrinus. Vigl. in §. heredes. nu. 6. insti. de hered. inst. qui ciuis Romanus non erat, particeps esse non poterat iuris ciuiliis Romanorum, argumento l. 1. ibi, recepti in ciuitatem, vt munera nobiscum facerent. ff. ad municipal. ideoque non poterat capere hereditates ciuium Romanorum absque illo iure ciuili, quo mediante hereditates capiebantur d. l. obuenire, cum illius iuris non esset particeps. vnde absque dubio ex principiis iuris Romani concludendum erat, non ciues alicuius ciuitatis, id est peregrinos, aliorum ciuium hereditates, legatane non potuisse capere iuxta supradicta; præsertim cum id aliquantulum bono publico inserviat, & ciuium vtilitati, quæ in eo versatur, vt bona ciuium non deueniant ad externos. idque adeo verum est, vt Viglius vbi supra testetur, id hodie apud aliquos populos obseruari; & ita in Gallia obseruari testatur quidam doctor Parisiensis. Cum igitur leges & cõsuetudines scriptæ Romanorum in hoc regno Lusitaniæ recipiantur, idque legibus, & consuetudine Romana receptum esse sciamus, merito

merito asserendum est, ex iuris principiis, nō posse ciuem Lusitanum (vulgo *Morador*, ou *natural*) heredem instituere exterum hominem, 7 vel ei legare. poterit tamen ciuis Lusitanus extero relinquere quidquid velit per viā fideicommissi: fideicommissa enim inuenta fuerunt, vt peregrinis, id est non ciuibus, possint ciues de suis bonis relinquere principiū insti. de fideicommissariis hereditatibus, ibi, quibus enim non poterant hereditatem, vel legata relinquere; si relinquebant, fideicommitterebant eorum, qui capere ex testamento poterant hereditatem. haecenus Iustinianus Imperator. Constat autem illos, qui capere nō poterant, peregrinos fuisse, vt declarat Theophil. in d. princ. insti. de fideicommissariis heredi. 8 Sed in praxi apud nos hæc non observantur: potest enim quilibet vnus nationis exterum heredem instituere, vel ei legare, nec vquam audiui aliquem ab hereditate, vel legato repulsum fuisse eo quod non esset cōciuis: quam praxim rationi consentaneam esse dixerim.

Primo, quia inhumanū videbatur nullam nationem exteram posse capere hereditates, & legata à ciue alterius ciuitatis, cui forsan gratias referre iure optimo deberet.

Secūdo facit, quia iura l. *Corneliae* & postliminij, quæ in bellis ciuilibus non dabantur. l. si quis ingenuam 21. §. 1. ff. de captiuis, & postlim.

postlim. reuersis, non dantur etiam apud Christianos se se ad inuicem bello lacerātes, (quos Deus ad concordiam reducat) quasi cum sint omnes Christiani, & ita fratres in Christo, tamquam ciues omnes reputantur, Bart. in l. hostes. ff. de capt. & postlimi. reuers. Abb. in cap. sicut in 3. de iureiur. post alios, quos citat Couar. in regulam peccatum 2. p. §. 11. n. 6. Aduertit cum iudicio dominus Syluester Aldobrādinus generis nobilitate & iuris ciuilis scientia præclarus, ac summi Pontificis D.N. Clementis VIII. pater, in procem. Insti. nu. 27. Si igitur ciues reputātur, possunt institui hæredes, & eis legari ab aliis Christianis.

Tertio facit, quia multi existimarunt id iam hodie non procedere ex eo, quia legata, & fideicommissa iam fere exæquata erant. l. 1. ff. de legat. 1. nec vllam dari differentiam in hac re.

Quarto quia iam olim, & id in dissuetudinem abiisset, cum omnes, qui in orbe Romano fuissent, ciues Romani effecti essent ex constitutione diui Antonini, de qua in l. in orbe Romano. ff. de statu hom. Propter quæ praxis apud nos inualuit, vt quilibet ciuis Lusitanus exterum quemlibet posset heredem instituere ex rationibus supradictis. Illud tamen non omitam, praxim quidem iustissimam fore ob rationes superius adductas, cum duæ pri-

me satis persuadeant satius fore externos ab
 exteris relinqui heredes, & eis posse legare,
 quàm id negare. Postremæ autem id ipsum
 confirment, quippequæ doctorum auctori-
 te fulsiantur. Attamen d.l. i. ff. de leg. i. alios
 habet germaniores intellectus; porro d. l. in
 orbe Romano nequaquam est eo modo intel-
 ligenda: nam vera, & antiqua litera illius le-
 gis habet in vrbe Romana qui sunt, ex cõstitu-
 tione diui Antonini ciues Romani effecti sũt.
 Alciat. autem lib. 2. dispunct. cap. 21. existimat
 legendum esse in orbe Romano, quasi Antoni-
 nus omnes, qui in ditione Romanorum fuis-
 sent, ciuitate Romana donasset: sequitur Pe-
 trus Godofredus in l. vn. in prin. nu. 44. C. de
 Iustinian. Cod. confirmando. Sed profecto id
 non videtur verum, immo ostendam legendũ
 esse in vrbe Romana, & non in orbe Romano,
 solumque Antoninum Romæ habitantes ef-
 fecisse ciues, non vero habitantes in orbe Ro-
 mano. Etenim si omnes, qui fuissent in orbe
 Romano, ex præcepto Antonini fuissent ciues
 effecti, non diceret Diocletianus Imperator,
 (qui post Antoninum vixit, vt notum est iis,
 qui vel mediocriter in historijs versati sunt)
 Peregrinos (id est non ciues Romanos) non
 posse adoptari, præsupposito, quòd ille tex.
 nequaquam sit intelligendus de hoste Populi
 Romani, vt supra diximus. nam si iam ab An-

tonino omnes degentes sub Imperio Romano erant ciues, peregrini non erant.

Secundo facit, nam si ex constitutione Antonini omnes homines imperij fuisset ciues, vix possent præsides prouinciarum aliquem capitis damnare, inconsulto Populo Romano, cum id priuilegium ciuis Romanus haberet. l. 2. §. & quia. ff. de orig. iur. consentit Alcias. vbi proxime, quod vix credendum est, cum nimis præsidis iurisdictio arctaretur, idque si verum foret, declararent Iurisconsulti, qui post Antoninum floruerunt in tit. de pæn. immo potius cōtrarium colligitur ex l. ad bestias. ff. de pæn. l. inter pœnas. l. relegatorum. §. in insulam. ff. de interdict. & relegat.

Tertio id ipsum confirmat §. ult. instit. de libertin. Iustinianus enim noue libertatem Latiorum, & dedititiam expulit, omnesque libertos ciuitate Romana decorauit; quæ gratia superuacanea erat, si omnes, qui sub imperio Romano degebant, ciues Romani effecti fuissent.

Quarto, id ipsum conuincit l. prima. l. in Lusitania, aliàs in Lysitania. ff. de censib. vbi Ulpianus Iurisconsultus, qui post Antoninū Piū floruit, refert multos populos, quorum aliqui erant coloniae Populi Romani, alij iuris Italici, quod absurdum erat dicere, si per constitutionem Antonini omnes degentes sub imperio Romano ciues Romani effecti essent.

Quinto

Quinto facit per locum ab speciali .i. omnibus 26. ff. ad senat. cons. Trebell. Aptius igitur secundum litteram communem legēdum est in vrbe Romana, vt sit sensus, illos omnes
 II esse effectos ciues Romanos, qui sunt, id est, commorantur in vrbe Romana: quod Iulius Cēsar Medicis, & liberalium artium professoribus iamdiu concesserat; Sueton. Trāquil. in vita Cēsaris, Omnes (inquit) medicinam Romæ professos, & liberalium artium doctores, quo libentius & ipsi urbem incoherent, & ceteri appeterent, ciuitate donauit; cūque postea Nero omnium sēuissimus urbem Romanam depopulasset, incendioque magnam partem absumpsisset, id semper maximæ curæ fuit bonis Imperatoribus, vt iterum quoad fieri posset vrbs rexdificaretur, vt multiplures eandem habitarent, idque, vt par est credere, effecit Antoninus, quippe qui præ cæteris Reipublicæ vtilitati insudauit, vt scilicet illo nouo honore inuitasset exteros homines ad habitandum Romæ. quod videtur significare Poeta Claudianus, dum ait.

Ciuesque vocauit,

Quos domuit, nexuque pio longinqua reuinxit.

Huius pacificis debemus moribus omnes,

Quòd veluti patrijs Regionibus vtitur hospes.

& iterum.

Hæc est in gremium, victos quæ sola recepit,

Humanumque genus communi nomine fouit

O O 2 *Matris*

Matris non domina ritu.

Nec intelligenda sunt carmina, vt totum genus humanum vbique illo modo foueret, sed illos, qui Romæ habitassent, vel qui priuilegium ciuis Romani haberent: vel alludit ad id quod ait iuriscōsultus in l. Roma communis patria nostra est, ff. ad municip. & quæ ibi notantur. tunc enim poetica licentia recte dixit humanū genus. quo pacto Accurt. intellexit d. l. in vrbe, quidquid aliquantulum variet, vt pote harum rerum non tam conscius.

SVMMARIVM EX CAP. SEQ.

- 1 Referuntur verba Iuriscōsulti in l. nup̄r 43. ff. de donat. inter vir. & vxor.
- 2 Latus clauus erat genus tunicæ.
- 3 Sapius hoc verbum Latus clauus pro senatoria dignitate capiebatur.
- 4 Accurtius explicat dubius, quid sit Latus clauus: secure, & docte Budæus in l. vltima. ff. de senat.

C A P V T XVII.



SUPER (inquit Caius iuriscōsultus) ex indulgentia Principis Antonini recepta est alia causa donationis, quam dicimus honoris causa, vt ecce si vxor viro lati clauī petendi gratia donet, vel


- ut equestris ordinis fiat, vel ludorum. gratia
 l. nuper 43. ff. de donat. inter vir. & vxor. Latus
 2 clauus genus tunicæ erat, quo Senatores in-
 3 duebantur. Vnde sapius pro Senatoria digni-
 tate capiebatur, vt hic accepit iuriconsultus
 Caius Plin. Jun. in epist. Ego sextum latum cla-
 uum à Cæsare nostro, ego quæsturam impetra-
 ui. Egnatius de vita Imperatorum in Seuerū,
 Cum soror sua (inquit) Leptitana ad eū venif-
 set vix latine loquens, nec de illa multum im-
 perator erubesceret, dato filio eius lato cla-
 uo, atque ipsi multis, muneribus redire mu-
 lierem in patriam præcepit. meminit & Sueton.
 in Claud. cap. de indulgentia, & liberali-
 tate eius. sensit Accurt. verb. lati clauī, sed du-
 4 bius loquitur: secure, & doctē Budæus in l.
 ult. ff. de senator.

SYMMARIVM EX CAP. SEQ.

- 1 Religiosi olim erant subditi Episcopis, nunc
 omnes fere sunt exempti ab eorum iurisdic-
 tione.
- 2 Monachi impetrant litteras a summo Pontifice
 vt habeant Conseruatores, coram quibus pos-
 sint aliquos trahere in iudicium.
- 3 Conseruatorum alij sunt clericorum, & capitu-
 lorum, alij sunt religiosorum, & vniuer-

titatum generalium, & eorum potestas declaratur.

- 4 Declaratur quid sit manifesta iniuria.
- 5 Conseruatores possunt cognoscere de negatis debitis religiosis, quando possunt tractare de causis, quæ requirunt iudicialem indaginem.
- 6 Declaratur contra quas personas Conseruatores possint procedere.
- 7 Conseruatores religiosorum possunt tractare de omnibus causis, quæ Ecclesiastici iudices tractant iure communi attento, consuetudine, vel iure regni.
- 8 Proponitur casus, qui in praxi contigit, & sententia iudicis secularis in eo reprobatur.
- 9 Cōseruator religiosorum potest tractare de aliis causis, etiam si non sint violentiæ, & manifesta iniuriæ, assignata concludenti ratione.
- 10 Causa illa, in qua Ecclesia petit fundum emphyteuticum ex eo quod vitæ sint finitæ, debet tractari coram iudice Ecclesiastico.
- 11 Dominium directum est principalius utili.
- 12 Res debet denominari à principali.
- 13 Apud nos lege sancitum est, ut index Ecclesiasticus tractet eam causam, in qua petitur res emphyteotica, ex eo, quod vitæ sunt finitæ.



CAPVT XVIII.



DE iurisdictione cōseruatorum loquuturus , præmitto prius religiosos omnes , attento iure communi, posse conueniri corā Episcopo, tamquam Ordinario, & supremo suæ diœcesis iudice. cap. visis. 16. q. 2. cap. de persona. 11. q. 1. glo. ult. in c. quanto. de off. ord. vbi Innoc. & in cap. venerabilem. de elect. Card. in Clem. ue in agro. §. quia. nu. 9. de statu monac. Abb. in d. c. quanto. num. 5. & in cap. cum ab Ecclesiâ. nu. 10. eod. tit. de offic. ord. qui licet multipliciter distinguant, tamen id verissimum est, monachos attento iure communi regulariter coram episcopo conueniendos esse. Hodie tamen omnes fere monachi sunt exempti à iurisdictione ordinaria Episcoporum; vnde nō possunt conueniri coram Ordinariis, sed coram summo Pontifice. At ipsi religiosi debēt conuenire alios iure communi attento corā suis iudicibus ordinariis, iuxta regulam cap. cum sit generale. de foro compet. Porro ipsi monachi impetrant litteras à summo Pontifice, vt habeant cōseruatores, coram quibus possint cōuenire aliquos super certis causis; & ita non corā iudicibus ordinariis reo competentibus, sed coram illis cōseruatoribus

- 3 sæpe sapius illos conueniunt. Conseruatores autem sunt in duplici differentia, vel enim sunt Capitulorum clericorum, uel aliarum personarum: & hinc nunquam dari consueuerunt, nisi ut de uolentiis possint cognoscere, & ab iniuriis, & molestiis manifestis defendant. cap. 1. & cap. fin. de offic. deleg. in 6. concil. Trid. sess. 14. cap. 5.

Alij sunt cōseruatores Vniuersitatum generalium, & religiosorum, qui maiorem solent habere iurisdictionem: nam & de aliis causis, quæ iudicalem exigunt indaginem, se intromittunt, ut colligitur ex concil. Trid. sess. 14. cap. 5. ad finem. notauit glo. in casus positione. in d. cap. 1. Salzed. in practica Bernar. cap. 3. idque ego vidi in priuilegijs concessis monachis S. Benedicti, & S. Dominici, & ita stylus obtinuit, ut prædicti conseruatores de similibus causis etiam tractarent.

- 4 Dubitabatur primo, quæ sit manifesta iniuria: illa sane erit, quando monachi, uel alij habentes similes litteras sua possessione priuantur, eorum priuilegia, exemptiones, & immunitates uiolantur. cap. cum sit generale de foro compet. quod in qualibet oppressione locū habebit. Abb. de 2. text. ibi in cap. si clericus. de foro comp. notant Doct. in d. c. cū sit generale. ubi Soccin. nu. 18. Lopus in allegat. 58. & 72. pro quo facit cap. conquestus. de foro comp. ubi Andr. Sicul. Salzed, ubi proxime,

me, ampliat dici etiam manifestā iniuriam-
 si consuetudines alicuius Ecclesiæ, vel mona-
 sterij infringantur. Bonifac. de Vitalinijs in
 clem. cupientes. nu. 66. de pœnis. Non tamen
 poterunt prædicti conseruatores, qui tātum
 de manifestis iniurijs, & violentiis cogno-
 scunt, tractare de debitis negatis eidem mo-
 nasterio. Alciat. de præsumpt. reg. 1. præsump.
 23. nu. 5. Salzed. vbi supra. quidquid contra-
 rium teneat. Guido Pap. quæst. 18. Intellige
 conseruatores nō posse cognoscere de debi-
 tis negatis, quādo solum possunt cognoscere
 5 de violentiis, & manifestis iniuriis. si autem
 sunt conseruatores, qui possunt cognoscere
 de molestijs, & causis, quæ requirūt indaginē
 iudicalem, tunc, & de his recte se intromit-
 tent. quo casu recte defenditur Guido, vbi
 6 supra. Sed dubium est ingens contra quas
 personas poterūt hi conseruatores procede-
 re: nam aliqui asserunt indistincte posse eos
 iudicare de omnibus causis, & contra quos-
 cumque propter amplam iurisdictionem à
 summo Pontifice concessam. Alij id solum
 concedūt in manifestis iniuriis, & violentiis.
 Alij tandem asserunt eos posse iudicare inter
 Ecclesiasticos indistincte; at contra laicos id
 solum admittunt in causis Ecclesiasticis. Ego
 in hoc articulo distinguendum puto inter cō-
 seruatores: nam si sunt clericorum, vel capi-
 tulorum, quibus regulariter non datur tanta
 iuris-

iurisdicção, iuxta cap. primum, & vltimum. de offic. deleg. lib. 6. & concil. Trid. sess. 14. cap. 5. illis scilicet, qui solum cognoscunt de manifestis iniuriis, molestiis, & violentiis, possunt iudicare indistincte contra laicos, & Ecclesiasticos, cum secundum formam datam à summo Pontifice debeant tractare de sacrilegio commisso, iuxta cap. cum sit generale, de foro competen. & ita cum sit crimen Ecclesiasticum, de eo possunt tractare contra quascunque personas ex iurisdictione in literis concessa à summo Pontifice, & secundum earum tenorem, vt patet ad sensum. Si vero agamus de conseruatoribus vniuersitatũ generalium, & religiosorum, quibus ex privilegio conceditur maior iurisdicção, tractandi scilicet de his causis, quæ iudicalem indaginem exigunt, & ita de aliquibus, quæ non sunt sacrilegia notoria, vel molestiæ, aut iniuriæ manifestæ; tunc existimo eos posse procedere in omnibus causis contra personas Ecclesiasticas, cum summus Pontifex, cuius iurisdictioni subsunt, privilegium dedit vniuersitatibus, & religiosis, vt causas suas possint tractare coram illo conseruatore; & ita causas, quæ cõpetierint aduersus Ecclesiasticos sibi subditos. At contra sæculares non poterunt procedere (eis renitentibus, vel declinantibus iurisdictionem) nisi in casibus, vbi Ecclesiastici, vel de iure, vel de consuetudine,

aut

aut legibus regni possunt contra sæculares procedere. non enim intēdit summus Pontifex iurisdictioni regū derogare, c. per venerabilem. qui fil. sint leg. intēdit Salzed. vbi supra.

- Dixi, eis renitentibus, vel declinantibus iurisdictionem, quia si consentirent laici iudicari à conseruatore, valeret processus. cum prorogatio censeretur, quæ cum sit de causa ad causam, valet. cap. cum olim 32. de offic. deleg. l. de qua re 24. §. 1. ff. de iud. & sty-
 7 lud aduerte, dictos conseruatores posse iudicare inter laicos de omnibus causis ciuilibus, in quibus de iure communi, vel consuetudine, aut legibus regni, Ecclesiastici possunt iudicare inter laicos, vt iam diximus: quia summus Pontifex in litteris dat iurisdictionem ecclesiasticam plene casu, quo priuilegiati religiosi in iudicium aliquos trahant. Cum igitur in hac specie hæc iurdictio Ecclesiastica sit, & ad Ecclesiasticos pertineat, a summo Pontifice concessa intelligitur, iuxta
 8 supradicta. Ex quibus inferes non recte iudicatum fuisse in casu, quem tibi proponā.

Quidam Vicarius Episcopi erat simul conseruator monialium, agebant moniales coram eo, tamquam suo conseruatore contra laicum quendam super quadam emphyteusi, dicētes laicum emphyteusim relinquere debere

bere, eo quòd essent vitæ finitæ, quam emphyteusim renouare non erant obligatæ. Vicarius conseruator tulit sententiam contra laicum ex eo, quod moniales finitis tribus generationibus non essent obligatæ innouare: & procedens censuris, coegit laicum fundum emphyteoticû relinquere. Porro laicus adiuit iudicem regium, qui apud nos de iurisdictione regi vsurpata, & aliis ad regem pernentibus tractat, vt Vicarium conseruatorem cogeret iterum emphyteusim restituere, qui auditis hincinde partibus pro laico sententiam dixit, duobus fundamentis nixus.

Primum erat, quod procedebat tamquam conseruator, & ita non poterat procedere, nisi de violentiis, & manifestis iniuriis: plane in casu proposito ex parte laici nulla dabatur violentia, nec iniuria. ergo Vicarius vt conseruator non poterat in hac causa procedere.

Secundo, quia hæc causa erat civilis, vtpote fundi emphyteotici: ergo de eâ contra laicum non potuit tractare iudex Ecclesiasticus.

Sed hæc sententia iudicis sæcularis nō mihi placuit. Primo, quia falsum est (in quo multi perniciosè errāt) conseruatorem religiosorum non posse cognoscere, nisi de violentiis, & manifestis iniuriis, vt supra diximus. idque non inarguta ratione probatur. Etenim videmus quod

quod de stylo religiosi habentes conseruatores iudicantur tamquam rei ab ipsis conseruatoribus, quando laici eos in iudiciū trahunt, & numquam iurisdictionem conseruatorum declinant, nec declinare possunt, quod tamen facere possent si ipsi conseruatores solum de violentiis, & manifestis iniuriis possint cognoscere. Nam litteræ conseruatoriæ solum dicunt, quòd alios ad iudiciū conseruatorum trahant, & ita cum sunt actores. quod si religiosi tamquam rei possunt à suis conseruatoribus iudicari, ea est ratio, quia alios possunt in omnibus causis coram eisdem conuenire, iuxta regulam non licet, de reg. iur. in 6. l. nō debet. ff. de reg. iur. l. petendæ. C. de temp. in integ. restit. l. ult. vbi Bar. nu. 3. C. de fruct. & litium expen. gloss. & ibi not. in cap. 2. verb. eadem cōditio. de mut. petition. quod notandum est, vt possimus asserere religiosos, tamquam reos posse à suis conseruatoribus iudicari. sunt enim exempti, & à solo summo Pontifice possunt iudicari, nec summus Pontifex in litteris simpliciter dedit iurisdictionē conseruatoribus: sed in causis, in quibus actores religiosi existunt, vt patet in priuilegiis. Plane si ipsi religiosi non possent conuenire alios nisi de manifestis iniuriis, & violentiis, non possent etiam conueniri nisi de eisdem, iuxta not. proxime; at videmus, quòd ipsi tamquam rei de omnibus casibus conueniuntur.

ergo

ergo debent etiam alios conuenire. Cōfirmo etiam religiosos posse agere etiam de aliis causis, quia id ex priuilegiis summorum Pontificum apparet (quæ ego vidi) concessis monachis sancti benedicti, & sancti Dominici, & militibus S. Ioannis Hierosolymitani, & per communicationem aliis, & ita stylus iudicandi habet, vt supra diximus.

- 10 Secunda ratio, quia licet multi existiment causam rei emphiteoticæ esse sæcularē, & de ea apud iudicem sæcularem tractandum esse, considerantes dominium vtile esse laicum; tamen probabilius est (quantum ad hoc) esse causam ecclesiasticam, & in hoc casu, de quo loquimur, apud iudicem Ecclesiasticum causam renouationis tractandam esse, cum Ec-
- 11 clesia habeat dominium directum, quod est principalius. l. 3. §. si ius emphyteuticarium. ff. de reb. eorum. Bart. in l. 1. ff. si ager vectiga. Bal. in l. 1. in addit. nu. 2. C. de iure emph.
- 12 a quo dominio tamquam à principaliori res debet dici ecclesiastica, & non sæcularis, iuxta regulam c. quod in dubiis. de consecr. Eccl. vel altar. vnde tamquam de re Ecclesiæ cognitio ad Ecclesiasticum pertinere debet, iuxta cap. Ecclesia S. Mariæ. de const. cap.
- 13 2. de iud. & in hoc casu apud nos lege est sancitum in quibusdam concordatis editis, vt scilicet Ecclesia petente emphyteusim propter finitas generationes à possessore ipsius
emphy-

emphyteusis fatente rem esse emphyteusim, causa hæc apud Ecclesiasticum tractetur. Cum igitur conservator monialium posset tractare de omnibus causis ecclesiasticis, vel ad ecclesiasticos pertinētibus, in quibus moniales essent actrices, merito & de hac, quæ super emphyteusi tractabatur, poterat agere.

SUMMARIVM EX CAP. SEQ.

- 1 Proponitur casus, qui deciditur.
- 2 Fundus non est emphyteoticus, quando non transfertur vtile dominium: sed si quis dederit dominium vtile alicuius rei reservato directo, licet non sit emphyteusis, tamen est contractus regulandus ad modum emphyteusis.
- 3 Emphyteusis prohibita alienari, transibit in fiscum.
- 4 Discutitur late quæstio, an emphyteusis transeat in fiscum.
- 5 Ordinatio nostra lib. 5. tit. 3. §. 16. amplexa est opinionem Bart. quæ communior est, quod emphyteusis ecclesiastica non transeat in fiscum.
- 6 Proponitur dubium, & dissolvitur.
- 7 In dubio iudicandum est contra fiscum.

CAPVT XIX.



IVIDAM habebat fundum, ex quo debebat certum genus tributi, quod vocamus (*iugada.*) possessor istius fundi certam quantitatem tritici iussit soluere ex illo fundo Ecclesiae, transfereus in eam dominium directum, quod in fundo habebat, reseruato sibi utili, & constituit se nomine Ecclesiae possidere: moritur iste possessor, relinquens filium heredem omnium suorum bonorum, qui filius ingressus est monasterium, & in eo professionem emisit. Ecclesia petebat fundum a monasterio, dicens, fundum esse emphyteoticum, ideoque ad monasterium non posse transire, cum sit potens, & in contractu prohibitum fuerit, ne praedicta emphyteusis in monasterium transfret. iuxta l. fin. C. de iur. emphyt. not. Bar. in authen. de alienat. emphy. in prin. coll. 9. nu. 5. post alios Cald. de renouat. emphyt. quaest. 19. num. 12. Pro parte monasterij allegabat aliquis fundum non esse emphyteuticum, quia de natura emphyteusis est, ut dominium utile in emphyteotam transferatur, ut constat ex l. 1. & eorum, quae ibi not. post alios Valasc. de emph. prima par. q. 1. in princ. at in hac specie dominium utile non fuit translatum, sed dominus
 fundi

- 2 fundi illud retinuit dato dominio directo. ergo non potuit tamquam emphiteusis amitti; licet in monasterium transferretur. Allegabat etiam, quod & si fundus esset emphiteuticus, tamen in monasterium posset transire, quia non potuit quis per contraktum impedire successionem legitimam; nec dicta lex ff. Cod. de iur. emphit. præsumitur prohibere alienationem in potentiorē, quādo ea alienatio datur per successionem legitimam. Bart. in l. si quis ita 2. §. ea lege ff. de verb. n. 9. in hoc casu dixi fundum non esse emphiteuticum ex ratione supra allata; tamen regulari secundum naturam emphiteusis, quia cum sit contractus innominatus; debet regulari secundum naturam contractus; cui magis assimilatur; & ita secundum contractum emphiteuticum iuxta l. primam, §. si quis servum, ff. de posit. quem tex. in hanc sententiam citavit Ias. in l. 1. num. 2. Cod. de iur. emphit. quod est maxime notandum; cum incaute contrarium dixerit Aduendani: responso 12. nu. 13. licet autem fundus esset emphiteuticus, tamen deberet transire in monasterium: licet enim emphiteusis nec per contractum nec per testamentum possit in potentem transire, tamen per successionem legitimam potest transire; Bart. ubi supra Ias. qui late, & bene declarat in d. §. ea lege a num. 16. ubi dicit hanc esse verriorem, & communiorē sententiam. Bos-

sius in pract. crimin. titu. de publ. bonor. a. nu.
 42. licet ecclesiam intra biennium posse de-
 clarare, an velit monasterio dimittere
 eam emphyteusim, an auferre oblato pretio,
 probent A. de alienatione emphit. §. 1. colla-
 tione 9. Specul. in titu. de emphit. nu. 146. An-
 car. cōs. 165. vel saltem cogetur monasterium
 intra annū vendere, & ita observari cōsuetu-
 dine testatur Iul. Clar. ybi supra. sic licet pro-
 3 hibeatur emphyteusis alienari in potentem,
 transibit in fiscum (si est emphyteusis quæ
 transit ad hæredes extraneos) quia fiscus suc-
 cedit tamquam legitimus heres cap. cum se-
 cundum de hæret. in 6. l. 2. Cod. ad l. Iul. de vi
 publica. Est tamen aduertendum pro decla-
 ratione huius conclusionis, & eorum, quæ
 supra diximus, maximam esse apud doctores
 controuersiam an fiscus succedat in emphi-
 teusi. Etenim sunt qui existiment, fiscum
 non posse succedere in emphyteusi, siue illa
 sit Ecclesiastica siue secularis: primo quia
 emphyteusis prohibetur alienari irrequisito
 domino l. si. Cod. de iur. emphit. & regulariter
 in contractibus: id ipsum prohibetur: unde
 non potest alienari in fiscū irrequisito domi-
 no in perpetuum. Quod si dixeris non pro-
 hiberi alienationē necessariam iuxta, l. pri-
 mam, ff. de fundo dotal. l. actione, §. publica, ff.
 pro socio l. statius §. si ff. deleg. 2. l. unum ex
 familia, §. quid si talia & l. pen. §. prædium ff.

cod. cum alijs, Respondent tunc alienationem necessariam non esse prohibitam, quando alienatio fit per mortem, non vero quando fit in vita, quia tunc prohibetur, Barr. in l. peto §. Fratre ff. de legat. 2. Boss. vbi supra, Secundo corroborat hanc opinionē ex eo, quia fiscus est potens propter difficultatē solvendi, & conveniendi, ergo non potest ad ipsum emphiteusis transmitti iuxta l. fin. Cod. de iure emphit. Alij existimant emphiteusism, tam sēcularem quā ecclesiasticā in fiscum transire, si alias ad extraneos heredes transire potest. nam regula est, quod ea, quę possūt transire ad heredes extraneos, transeunt in fiscū l. 2. Grad leg. Iul. de vi publ. l. penul. vbi glos. vlt. C. de bon. libert. & ita hanc sententiam tenuit Paul. de Castr. in l. si finita, §. si de vectigalibus, n. 6. ff. de damn. infect. Curt. iun. cons. 4. nu. 21. Alciat. responso 39. nu. 3. citat alios gigas de crim. læsæ maiest. tit. de panis committentium crimen læsæ maiestatis q. 6. num. 4. Cassan. in consuetud. Burgund. rubr. 2. §. 2. num. 10, in glos. & est attendere.

Tertio facit, quia prohibitus alienare non favore sui, sed favore alterius, non potest delinquendo transferre id in aliquem, cum vero, ff. de fideicom. libertat. l. si quis in tantam, C. unde vi, Carol. Molin. in cōsuetud. Parisien. titu. 1. §. 11. num. 21. & §. 30. num. 65. Garcia Gallec. de expens. ex meliorat. cap. 10.

num. 49. sed emphiteusis prohibetur alienari eorum favore: ergo, & cetera. Alij existimant emphiteusim sæcularem confiscari, non ecclesiasticam, siue possit transire ad heredes extraneos, siue non; & hæc est verior, & communior sententia, quam tenuit Oldrad. cons. 17. nu. 2. Bar. in d. 9. si de vestigalibus nu. 6. vbi Bald. post Specul. & alios, Ancar. in cap. cum secundum de hæret. in 6. Alexan. in d. 9. si de vestigalibus nu. 34. & in cõsil. 32. lib. 1. Card. in clem. 2. vers. inquisitores, num. 4. de hæret. Bernardus Diaz vbi Salzêdo in pract. c. 104. Simanchas de cathol. Inst. titu. 9. num. 104. Quemada quæst. 12. Garzia de expen. cap. 10. num. 51. & ita id verius esse & magis communiter receptum dicit Iul. Clar. lib. 4. receptarum, §. emphiteusis, quæst. 29. pro qua opinione est text. in Authen. de alien. emph. in prin. collat. 9. cap. in quibusdam, §. fin. de pæn. cap. felicitis de pæn. in 6. Clem. 2. de hæret. ex quibus iuribus (si non retorqueantur) constat emphiteusim (si ecclesia vellit) posse auferri a fisco; & ita prædicta iura communiter intelliguntur teste Card. vbi supra, & ita hanc
 5 opinionem indistincte amplexa est ord. nostra lib. 5. tit. 3. §. 16. in hoc (vt in multis solet) sequuta opinionem Bart. in d. 9. si de vestigalibus, qui clare asserit emphiteusim Ecclesiæ (sit quæcunque) ad Ecclesiam reuerti; illam enim rationem, assignat quia a fisco repetere potest

test, ex Authen. de alienat. emphit. quæ in
 quacunque emphiteusi, & in omni Ecclesia,
 locū habet, vt per Cardinalem vbi proxime
 Alexand. in d. 9. si de vestigalibus, num. 34.
 Iul. Clar. vbi supra. Quod autem ordinatio id
 ipsum senserit, nec sit intelligenda de emphi-
 teusi, quæ non potest transire in extraneū he-
 redem, sic manifeste probatur. in primis ad-
 duco ea, quæ Iul. Clar. vbi supra dixerat, quod
 etsi verius esset de iure emphiteusim eccle-
 siasticam, quæ ad extraneos heredes transire
 potest, posse apud fiscum remanere (quod
 tamen ipse negat) tamen contrariam opinio-
 nem in praxi a iudicibus esse recipiendam, eo
 quod æquior, & ecclesijs fauorabilior esset,
 plane credendum est conditores nostrarum
 ordinationum id fecisse: & si enim existima-
 sent verius esse de iure emphiteusim ecclesia-
 sticam, quæ ad heredes extraneos peruenire
 poterat, posse apud fiscum remanere (quod
 ego nego illos existimasse) attamen id sta-
 tuisse tamquam magis æquum, & ecclesijs
 magis fauorabile: nam verba ipsius ordina-
 tionis id aperte declarant. nam in §. 14. dispo-
 nit bona feudalia maioratus, vel emphiteuti-
 ca ad descendentes pertinentia, ad fiscum
 nō pertinere, si tamen proditor viuus fuerit,
 in eius vita ait bona illa ad fiscum pertinere:
 at in §. 16. ait bona emphiteutica Ecclesiæ
 statim ad Ecclesiam redire, a qua processerunt

runt. Facit etiam, quia conditores ordinationum recte sciebant tam ex mente ordinationis lib. 4. titu. 62. quàm de consuetudine huius regni emphiteusim ecclesiasticam ad heredes extraneos transire posse, Gam. decis. 50. num. 6. ergo non poterant dispoñere emphiteusim ecclesiasticam in hoc Regno non pertinere ad fiscum, si id intelligerent in emphiteusi quæ non transiret ad extraneos heredes, cum ex consuetudine Regni omnes transeant. Nec possunt intelligi, ut loquantur in emphiteusi, quæ non potest peruenire ad heredes extraneos: non enim præsumendum est constituisse indistincte legem generalem, quæ in casu minus contingenti verificanda esset iuxta l. nam ad ea, ff. de leg.

Secundo facit quod dicta ordinatio in §. 15. disponit, bona feudalia maioratus seu emphiteutica a Rege concessa, siue in perpetuum data, siue ad generationes, debere redire ad Principem, subdit statim in §. 16. (*Et esso mesmo sendo esse feudo morgado ou foro dalguma igreja deue ser loguo tornado a igreja donde procedeo.*) quæ verba simpliciter sunt prolata, & non possunt limitari in emphiteusi, quæ potest transire in extraneos heredes, ex eo quia ordinatio procedit præsupposita natura rerum ecclesiasticarum, quæ non possunt transire nisi in descendentes accipientis, Authen. de non alienand. §. emphiteusim, collatione 2.

nam

nam princeps potest concedere, & concedit
 emphiteusim quibuscumque personis, & in
 principe ordinatio ait statim ad ipsum em-
 phiteusim reuerti commissio crimine, postea
 idem priuilegium dat ecclesijs in §. 16. ergo
 debet intelligi de quacunque emphiteusi, alias
 non bene ordinatio diceret (*E isso mesmo,*)
 peccaret enim similitudo, si ad Principem
 quæcunque emphiteusis etiam quæ ad extra-
 neos hæredes transire potest, pertineret, ad
 ecclesiam vero non. insuper id sensisse ordi-
 nationum conditores manifeste conuincitur.
 nam postquam in §. 16. dixit (*E isso mesmo sen-
 do esse feudo morgado ou foro dalguma igreja deue
 ser loguo tornado a igreja donde procedeo*) subdit
 in §. 17. (*E se o foro fosse dado per alguma pe-
 soa priuada aalgum foreiro perpetuamẽte e esse fo-
 reiro commettesse a dita maldade: se o tal foro por
 bem de seu cõtracto podesse passar a algum Erdeiro
 estranho em tal caso passará ao Rei na quella manei-
 ra que o tinha o foreiro que a dita maldade com-
 metteo ese per bem do dito Contrato o foro nam po-
 de passar a algum Erdeiro estranho entam nam pas-
 sara ao fisco, &c.*) Si igitur conditores ordina-
 tionū intelligerēt emphiteusim ecclesiasticā,
 quæ ad heredes extraneos pertinere potest,
 apud fiscum remanere posse, non fecissent
 differentiam inter Ecclesiam, & priuatum.
 imò in §. 17. dixissent: (*E se o foro fosse dado
 por igreja ou alguma pessoa priuada, &c.*) tunc

enim clarius materiam distinxissent: sed profecto cum conditores ordinationum in hac re sequuti fuissent opinionem Bart. in d. §. si de vectigalibus, cum fere ad litteram transtulerunt. clare enim Bartolus voluit emphiteusim ecclesiasticam repeti posse ab Ecclesia, privati vero tunc apud fiscum remanere, quando ex vi contractus ad heredes extraneos poterat pertinere, non vero quando ad eos non posset pertinere. Nec potest Bart. intelligi ut loquatur præsupposita natura rerum ecclesiasticarum, quæ non possunt transire nisi in descendentes accipientis, Authen. de non alienandis, §. emphiteusim collat. 2. nam Bart. citat. Authen. de alienat. emphit. §. 1. collatione 9. ubi Imperator statuit emphiteusim ecclesiasticam quamcunque posse repeti ab ecclesia: qui tex. non potest intelligi solum de emphiteusi ecclesiastica, quæ non potest transire ad extraneos heredes; quia tunc non fuisset necessaria constitutio Imperatoris, cum ex vi contractus emphiteutici non posset transire: ergo debet intelligi etiam de emphiteusi, quæ ad extraneos heredes potuit transire, & ita ad fiscum, ararium, vel civitatem; quo casu Imperator privilegium concessit Ecclesijs, ut emphiteusis ab Ecclesia repeteretur. ergo cum Bartolus allegasset illam authen. intelligendus est de quacunque emphyteusi, siue illa, quæ posset

ad

ad extraneos heredes transire, siue quæ non
 6 posset. Manet tamen hic scrupulus vnus: nam
 dicta authen. solum constituit, vt volente ec-
 clesia, possit auferri emphyteusis a fisco,
 quod intra biennium declarare tenetur: non
 vero dicit, quòd emphyteusis non transeat
 in fiscum; quod quidem diuersum est. Etenim
 emphyteusis ecclesiastica potest transire in
 fiscum ex mente Imperatoris in dicta authen.
 sed si Ecclesia velit, ab ea poterit intra bien-
 nium repetere, quo verbo vsus est Bart. in d.
 §. si de vectigalibus: vnde non desunt, qui di-
 cant, emphyteusim ecclesiasticam quamcun-
 que posse intra biennium repeti à fisco, si ad
 ipsum peruenit, iuxta d. authen. de alienat. em-
 phyt. §. 1. collat. 9. Si vero quæramus, quæ em-
 phyteusis pertineat, asserunt, si est emphy-
 teusis, quæ non trāseat ad heredes extraneos,
 non pertinet, si trāseat ad heredes extraneos,
 pertinet, licet in ea priuilegium habeat, vt
 à fisco possit repetere intra biennium,
 iuxta dictam authenticam & proxime not.
 Cardin. in clem. 2. de hæret. vers. inquisitori-
 bus. num. 4. Simanchas de cathol. instit. tit. 9.
 num. 103. Sed ego existimo primo, iure com-
 muni attento, probabilius esse indistincte
 quamcumque emphyteusim ecclesiasticam
 non transire in fiscum: tum propter poten-
 tiam fisci, tum propter dictam authenticam
 de alienatione emphyt. tum propter commu-
 nes

nes doctorum sententias: ex quibus etiam id iuribus canonicis traditum est (si non retorqueantur) cap. in quibusdam. §. fin. de pœn. in antiq. cap. felicitis de pœn. in 6. cle. 2. de hæret. Nec obstat d. auth. de alienat. emphy. quia non dixit ad ærarium, vel fiscum, propter delictum emphyteusim transiisse, sed solum privilegium dat, ut possit Ecclesia repetere à fisco: intellige tu, pro debito, vel ex eo quod dicta emphyteusis pertinuit ad fiscum ratione hereditatis, non autem ratione delicti. nam, ut diximus, probabilius est emphyteusim ecclesiasticam pro delicto non posse transire in fiscum, iuxta tex. loquentem de feudo in cap. 1. §. illud quoque. de prohib. feudi alienat. per Federic. in vñb. feudor. quod & in emphyteusi procedit: nam regulariter hæc omnia æquiparatur, ut concludunt doctores ord. ubi supra.

Secundo existimo, attento iure nostrarum Ordinationum, absque ullo dubio esse indistincte dicendum, quamlibet emphyteusim ecclesiasticam non solum posse intra biennium repeti à fisco per Ecclesiam, commisso delicto, sed ad fiscum nunquam transire, iuxta d. §. 16. in quo conditores Ordinationum id statuerunt, sequentes magis communes sententias interpretum in d. §. si de vestigalibus, & in d. cap. in quibusdam. §. si de pœn. & in d. c. felicitis. de pœn. in 6. & in d. cle. 2. de hæret. quod multum confirmat, quod omnes pœnæ latæ aduersus criminosos

nosos, & delinquentes, censentur latæ contra
 hereticos. c. vergentis. de hereticis. cum ergo
 pœna sit lata contra occidentes Cardinales,
 quod bona, quæ tenet ab Ecclesiis, redeant ad
 ipsas Ecclesias. d. c. felicis. de pœn. in 6. cū aliis
 merito idem in crimine heresis observari de-
 bet. Pro quibus omnibus supradictis facit,
 quod cum hæ opiniones fuerint dubiæ, illa eli-
 genda fuit iure optimo, quæ Ecclesiis fauebat,
 licet esset cōtra fiscū, cum in dubiis non solū
 pro Ecclesia hoc sit faciendum, sed etiam pro
 quolibet homine priuato id ipsum suadente
 Modestino Iuriconsulto in l. non puto. ff. de
 iure fisci. Non puto (inquit Modestinus)
 delinquere eum, qui contra fiscum facile re-
 sponderit. Adde, quod de filiis hæreticorum
 curandum non est, quia licet id, attento iure
 communi, aliquam habeat difficultatem, ta-
 mē apud nos id ipsum clarissime sancit Or-
 dinatio lib. 5. tit. 2. in prin. sequens in hoc opi-
 nionem Imolæ in cap. ex parte. de feud. nec in
 vita ipsorū hæreticorum cōmoditatē bono-
 rū emphyteuticorū Ecclesiæ, fiscus capiat, vt
 colligitur ex Ordinatione lib. 5. tit. 3. & 5. 14.
 intendit Alex. cons. 23. Quemada q. 17. Penia
 in Directorium 3. p. cōment. 112. fol. 722. tum
 quia Ordinatio id videtur Ecclesiæ concessis-
 se; tum etiam quia cum hæretici committant
 crimen contra vniuersalem Ecclesiam, ad ip-
 sammet Ecclesiam debent redire omnia iura
 & emo-

& emolumenta ipsorum hæreticorum, iuxta
not. in d. c. Felicis. de pœn. in 6. & supra reso-
luta.

SUMMARIVM EX CAPITULO SEQ.

1. *Proponitur casus, qui deciditur.*
2. *Quando fit mentio liberorum inter virum, & uxorem, intelligitur de liberis natis ex suo corpore.*
3. *Non solum superius dicta procedunt quando mentio liberorum fit in salute, sed etiam quando fit in articulo mortis.*
4. *Si per coniuncturas probetur, disponentem intellexisse de alijs liberis, id sequendum est.*

CAPVT XX.

CONSULTVS in causa ardua cu
iusdam nobilis viri circa suc-
cessionem maioratus, respon-
di ea, quæ statim subiiciam.


Casus erat; Vxor nobilis vi-
ri testam. in testamento maioratum, quod reli-
quit marito; quod si maritus sine liberis de-
cessisset, voluit, vt maioratus pertineret ad
côsanguineos proximiores ipsius testatricis.
Mortua vxore, maritus cum alia contraxit,

-DING 2

ex qua

- ex qua liberos sustulerat : quo tandem mortuo , vertitur lis inter filios mariti secundæ vxoris, cum proximioire consanguineo primæ vxoris. filij allegabant pro se verba testamenti, in quo cauebatur, vt si pater eius sine filiis decessisset, tunc maioratus ad consanguineos proximiores pertineret. Respondi pro consanguineo proximiori, ex eo, quia in dubio,
- 2 quando vir, vel vxor faciunt mentionem de liberis, intelligunt de natis ex suo corpore.
- 3 Amplia siue testamentum conditum sit in salute, siue in articulo mortis. semper enim est spes aliqua reconualescendi; & ita succedit, tex. hoc probans in l. cum vir 25. ff. de
- 4 condit. & demonstr. Si tamen probetur contrarium per aliquam coniecturam, id obtinebit, iuxta regulam l. in conditionibus. ff. cod. titulo de condit. & demonstrat.

F I N I S.



INDEX

ALPHABETICALLY

Admiral, Lord, 100
Admiral, Sir, 100
Admiral, Sir, 100



Admiral, Sir, 100
Admiral, Sir, 100
Admiral, Sir, 100

Admiral, Sir, 100
Admiral, Sir, 100
Admiral, Sir, 100


Admiral, Sir, 100
Admiral, Sir, 100
Admiral, Sir, 100

Admiral, Sir, 100
Admiral, Sir, 100
Admiral, Sir, 100

Admiral, Sir, 100
Admiral, Sir, 100
Admiral, Sir, 100

Admiral, Sir, 100
Admiral, Sir, 100
Admiral, Sir, 100

Admiral, Sir, 100
Admiral, Sir, 100
Admiral, Sir, 100



INDEX

RERVM ET VERBORVM notabilium, quæ in hoc vo- lumine continentur.

A



ACCESSORIUM sequitur natu-
ram sui principalis. p.466.n.7

*Accurtius tenebris accurrens appel-
latur.* 495.n.2

*Actio realis transit in tertium pos-
sessoriem: personalis vero nequaquã.* 341.n.10
Actio aduersus regem datur propter seruitia. 533.
num.2.

*Actus gestus sub conditione suspensius, non dicitur
gestus quoad principale, nisi post aduentum con-
ditionis.* 51.n.28

*Actus habens clausulam codicillarem, si non va-
let vt agitur, valet meliori modo, quo fieri po-
test.* 394.n.21

*Aequalis ab equali iudicari non potest, nec maior
a minori.* 450.n.12

*Aequitas, quæ nec iuri naturali, nec civili inniti-
tur, est reiicienda.* 364.n.46

*Alimenta non transeunt in heredes, sed morte fi-
niuntur.* 541.n.2

a

de

I N D E X.

de Alimentis relictis in testamento non potest fieri
transactio, secus est de relictis, vel debitis ex con-
tractu. 339.n.6

Annus probationis in concil. Trid. & cap. ad Apo-
stolicam, intelligendus est de anno continuo, &
intra claustra, & non de interpollato. 370.n.2

ad Antidota nemo est obligatus, nisi in simili genere,
& qualitate domi precedentis. 150.n.9

Antiqui solebant meridiano tempore ab omni labo-
re cessare ad valetudinem tuendam. 403.n.7

Appellatio non suspendit executionem in visitatio-
ne, & correctione morum, quando ad emendam
Prælati procedit, nullo processu facto iudiciali;
aliàs secus. 224.in fine.

Appellatio quantumcumque prohibeatur, & eius
effectus, si modus excedatur, numquam censetur
appellatio prohibita. 224.in fine.

Appellatio legitime interposita, illos duos notabi-
les effectus habet, deuolutiuum scilicet, & su-
sensiuum. 222.n.9

Appellationis effectum suspensiuum non est proba-
bile tolli in quacumque causa visitationis, ex sen-
tentia Auctoris, solumq. id obseruandum, ubi
agitur de correctione morum. Ibid.

Arbiter non potest cogere testes ad testificandum, ni-
si id a partibus fuisset expresse concessum in
compromisso. 206.n.5

Argumentum valet de casu ad personas. 510.n.11

Argumentum de particulari ad vniuersale non va-
let. 514.n.14

Auditor

*Auditor delegatus absque dubio poterit articulum
causæ cum iurisdictione delegare.* 91.n.13

*Auditor legati equiparatur Auditoribus Romana
curiæ, ordinariam habentibus iurisdictionem in
procedendo.* 91.n.14

*Auditorem habere iurisdictionem ordinariam lega-
ti, & nequaquam esse delegatum, probabilius vi-
detur.* 92.n.15

*Auditores in suis inhibitionibus certum terminum
solent præfigere, ne appellantes ad inueterata ter-
mina redeant.* 85.n.11

Aurum coronarium quid. 211.n.1

B

B Artolus vir studiosus, syncerus, & vere scien-
tiæ amator. 411.n.5

*Beneficiarium resignantem beneficium, & in posses-
sione illius remanentem, eique inseruientem debere
restituere omnes fructus, etiam quos consump-
sit a tempore admissæ renunciationis per sum-
mum Pontificem.* 30.n.7

Beneficium quid. 34.n.10

Beneficium nullo iure cogente præstatur. 549.n.3

*Beneficium non potest possideri sine titulo, licet fun-
dus possideri possit.* 33.n.10

Beneficium non confertur in inuitum. 450.n.12

*Beneficium, super quo constituta est pensio, cense-
tur pro illa pensione hypothecatum.* 342.n.11

*Beneficio mihi competenti ex iure. alterius bene-
possum*

I N D E X.

- possum uti. 289.n.12
- Beneficia permutata, vel resignata cum conditione,
ut ad aliquem deueniant, fere quo ad omnes effe-
ctus vacant. 34.n.12
- Beneficia dimittens in manibus Episcopi, ex eo quia
sibi collatum est aliud beneficium, si alias tale be-
neficium est reseruatum, quod quidem sine diffi-
cultate dimittit, poterit redire ad priora. 293.
num. 2.
- Beneficia semel affecta per reservationem summi
Pontificis, licet reservatio extinguatur, semper
manent affecta. 17.n.4
- Beneficium, seu officium dupliciter consideratur.
150.n.10.

- C**æsar Augustus Octavianus, dictus etiam
fuit C. Julius Cæsar Octavianus. 454.n.2
- Canonici non potest esse sine præbenda, vel re aliqua,
quæ præbendæ vicem obtineat; & portiones ap-
plicatæ canonij vicem præbendarum obtinent.
357.n.37.
- Canonici de his, quæ in communi possident, possunt
disponere per viam communitatis. 147.n.3
- Canonico in exilium misso potest donatio fieri ab a-
lijs canonicis. 153.n.15
- Canonico in carcere detento distributiones dare sin-
gulis mensibus, consuetudo est longæ eccle-
siæ Eborensis. 154.n.18
- Canoni-

I N D E X.

Canonicos singulis diei horis interesse ac inferuire
cum tanti lucri amissione noluit concil. Trid. sed
ut quotidie ad ecclesiam accederent. 219.n.5
Canonicos interesse Festiuis diebus in Responsorijs
defunctorum statuta ecclesiæ Eborensis decernūt
sub amissione notabilis emolumenti. 220.n.6
Canonicos non debere soluere pensionem canonica-
tus vacantis, ostendit Auctor, ex eo quod cesset
ratio Doctorum contrarium tenentium. 362.
num.44.

Capitania expirat morte. 536.n.11

Capitulum in Ecclesia Eborensi metropolitana sem-
per non solum Vicarium, sed & Episcopos suffra-
ganeos, & Abbates in Synodis præcedit. 6.n.3

Capitulum debere sedere iuxta suum Episcopum, &
præferendum esse Vicario Episcopi, est vera sen-
tentia. 4.n.2

Carceri nullus debet emancipari, nisi pro delicto,
pro quo imponenda sit pœna corporalis, qui fidei-
iussores dederit, vel facultates idoneas in loco
possederit. 98.n.21.circa fin.

Casus omissus relinquitur dispositioni iuris commu-
nis. 462.n.10

Causa matrimoniali agitata, regulariter nō esse de-
ferendum iuramentum propter grauitatem cau-
sæ, & periculum animæ. 376.n.9

Census omnes perpetui possunt redimi, & censentur
temporales. 565.n.9

Christus omnem fere iurisdictionem in summum
Pontificem contulit. 486.n.10

Christus reseruauit sibi tam matrimonium ratum, quam consummatum. 489.n.11

Clausula illa, Non aliter, nec alio modo, conseruat ius resignantis, si resignatarius non ingreditur possessionem beneficij, vel quia Papa nolit illi beneficium conferre, vel quia quoquomodo beneficium non consequatur. 52.n.30

Clericum de crimine incontinentiae conuictum, primo tertiam partem reddituum amittere, secundo suspendendum esse a beneficio constituit concil. Tridentinum. 95.n.1

Ciuiibus concessa, ciuitatensibus censentur concessa. 142.n.4.

Commoditas data in dotem est patrimonium mulieris. 542.n.5

Commoditas honorum maioratus datorum in dotem ad heredes transit durante vita possessoris maioratus. 542.n.5

Communitatis decretum dicitur ab omnibus fieri, quod a maiore parte fit. 147.n.3

Concessa ciuibus, censentur concessa ciuitatensibus. 142.n.4.

Concessione generali reseruatorum a Christo data, non venit dissolutio matrimonij consummati inter fideles. 491.n.14

Conditio suspensiuua, modus, vel conditio resolutiuua cognoscitur, quando actus celebratur cum illa particula, Si, vel cum illa, Vt, aut simili, dummodo mens disponētis aliud non suadeat. 53.num.34.

Condi-

- Conditio, Non aliter, nec alio modo, est suspensiva,
& casualis; non tamen retrahitur quoad fru-
ctus perceptos. 57.n.39
- Conditionem in quacumque renunciatione adie-
ctam potest summus Pontifex rejicere. 45.n.22
- Confessor, quatenus confessor multa scit, quæ tam-
quam persona priuata ignorat. 448.n.11
- Coniux superstes, si dederit licentiam testandi de-
functo coniugi de suis bonis, non poterit reuoca-
re testamentum suum. 176.n.4
- Consensus in contractibus interuenit, vel per mo-
dum formæ, vel per modum materiæ. 319.n.10
- Consensus per modum formæ interuenit in vendi-
tione, & locatione. 322.n.14
- Conservatores sunt in duplici differentia; alij Capitu-
lorum, & clericorum; alij Vniuersitatum gene-
ralium, & religiosorum, & eorum potestas ex-
penditur. 584.n.3
- Conservatores Vniuersitatum generalium, & reli-
giosorum, quibus ex privilegio conceditur maior
iurisdictio, de quibus possint cognoscere docet
Auctor, & contra quos. 586.n.6
- Conservatores, qui tantum de manifestis iniurijs, &
violentijs cognoscunt, non possunt de debitis ne-
gatis monasterio cognoscere. 585.n.4
- Conservatores, qui possunt cognoscere de molestijs,
& causis; quæ requirunt indaginem iudicalem,
possunt de debitis se intromittere. 585.n.5
- Conservatores religiosorum possunt tractare de om-
nibus causis, de quibus ecclesiastici iudices tra-

I N D E X.

- Etant iure communi attento, consuetudine, vel iure regni.* 587.n.7
Conseruatores contra quas personas possint procedere opinatur varie, & assignatur opinio Auctoris. 585.n.6
Consuetudo etiam irrationabilis, si tamen rationalis communiter a peritis reputabatur, excusat a pœna in foro exteriori. 567.n.15
Contrahens cum Maria, existimans contrahere cum Ioanna, matrimonium non efficit validum. 322.n.15.
Contrahentes in dubio, censentur facere actum validum. 383.n.10
Contrahentium mens regulariter ad unum tantum actum refertur. 391.n.21
Contractus mutui ex sui natura est gratuitus. 556.n.9.
Contractus emphyteuticus dicitur ab aliquibus esse iuris gentium; ab alijs vero iuris ciuilis. 271.n.1. & 272.n.2. concordat eos Auct. 273.
Contractus omnes, in quibus census imponitur, & in quibus pecunia non numeratur coram tabellione, & testibus, tamquam fœneratitij condemnantur a Pio V. 561.n.2
Contractibus puris in diem celebratis, si debitor ante diem soluat, non repetit. 196.n.4
Correctio ad delinquentis punitiorem, visitatio ad inquisitionem criminum, & morum reformationem recte referuntur. 224. circa medium.
Culleus quid. 496.n.3
Decima-

Decimarum nomen duas species potest comprehendere, & decimas terræ antiquæ, & decimas terræ noualis. 266.n.14

Definitio matrimonij rati, & consummati traditur. 480. & 481.n.7.

Delegatus a superiore ordinarij maior est ordinario. 69. n.2.

Delegatus inferioris articulum receptiones testium cõmittere potest, quando delegans approbavit personas testium: secus si non approbavit. 70.n.3.

Delegatus potest punire sibi resistentes, cuiuscumque iurisdictionis illi sint; hanc enim potestatem habet a lege. 93.n.18

Delegatum habere iurisdictionẽ, et negantibus eam partibus ex aliquibus, quomodo ipse, cui rescriptum, vel commissio tradita fuit, debeat esse iudex. 72.n.5

Delegatum solum posse facere ea, sine quibus negotium expediri non poterat, est opinio quorundam. 78.n.9

Delegatum posse omnia facere, quæ ad meliorem, & faciliorem causæ expeditionem conducunt, est multorum opinio, & magis recepta sententia. 78.n.9. & 81.

Delegatum posse facere ea, sine quibus actus commode expediri non potest, asserit Auctor, mediam viam secutus. 81.n.9

Dele-

I N D E X.

- Delegatum posse, etiamsi ad id a delegante non habeat licentiam, absolvere testes excommunicatos ad effectum testificandi. 80.n.9
- Delegati gesta an valeant, si postea appareat ipsum nullam habuisse iurisdictionem, opiniones. 73.nu.7. & concordia circa easdem. 74. & 75.num.7.
- Delegante Episcopo alicui actum celebrandi synodum propter absentiam, vel iustam causam, delegatum ad illum actum, siue sit Vicarius, siue alius, omnibus preferendum esse, & in loco Episcopi delegantis debere sedere. 12.n.6
- Dicis gratia quid significet in illa l.4.ff.de commod. &c. 276. & 277. & reliquis.
- Dies accipitur pro eo, qui est de mane usque ad noctem. 405.n.10
- Dies mortis dies incertus dicitur, & distinguitur a die certo. 194.n.3
- Differentia assignatur inter matrimonium ratum, & consummatum. 481.n.7
- Differentia est inter rationem legis, & mentem legis. 433.n.7
- Differentia notabilis inter mutuum, & commodatum. 275.n.1
- Differentia notabilis est inter iura realia adherentia ipsis rebus, & inter iura hypothecaria constituta in aliquibus rebus. 350.n.25
- Differentia debet fieri inter fructus extantes, & inter fructus consumptos in materia resignationum. 27.n.5.

Dispositio

I N D E X .

Dispositio illa censetur odiosa, seu pœnalis, quæ nocumentum, damnum, aut pœnam subditis infert, quamvis aliàs sit lata in fauorem Ecclesiæ.

258.n.5.

Dispositio odiosa non extenditur, nisi ipsa lex potestatem extendendi faciat, vel similem casum verba expresserint, aut mens complexa fuerit.

261.n.7.

Distributiones quotidianæ lucrantur a canonico absente, si datur euidentis Ecclesiæ vtilitas, non qualisqualis.

158.n.20

Doli mali exceptio competit, quotiescumque iniquum est aliquem esse obligatum.

229.n.7

de Dolo carere præsumuntur ea, quæ publice fiunt.

567.n.13.

de Dolo agens oportet, ut fraude aduersarij, aut damnum accipiat, aut lucrum amittat.

317.n.7

Dominus non verus, non potest constituere vsumfructum.

542.n.6

Dominium acquisitum per emphyteusim non potest tollere princeps sine causa.

273.n.4

Dominium prædiorum transfertur per venditionem ipsorum prædiorum, non vero per venditionem annui redditus, qui in prædijs constituitur.

287.n.7.

Donatio omnium bonorum tam præsentium, quam futurorum inualida est, ex eo quia auferat testandi facultatem.

180.n.9

Donatio bonorum præsentium valet.

Donatio

I N D E X.

Donatio remuneratoria non est vera donatio.

148.n.6.

Donatio in solutum est actus diuiduus, & non indiuiduus, vt aliqui volunt.

395.n.22

Donatio remuneratoria obligationis satisfactionem importat.

533.n.4

Donationem distributionum fieri exacte prohibent iura canonica.

152.n.12

Dos succedit loco alimentorum.

543.n.7

Dos data marito, ab eo auferri non potest, cum per titulum dotis, qui onerosus est, translata fuerit.

544.n.8.

Dubia causa iudicanda est contra fiscum.

603

E

Ecclesia diruta casu aliquo, quæ habet spem refectionis, secundum aliquos habet immunitatem, sed Auctoris sententia circa hoc expenditur.

305.n.2

Ecclesia vt non restituatur in delictis, oportet, vt tota delinquat.

566.n.13

Editum, quod quisq; iuris, procedit non solum in magistratibus, verum etiam ad omnes alios superiores sua statuta proferentes, extenditur.

453.n.25

Edititius est iudex ab vtraque parte electus, ex M. Tullio.

250

Edituus dicitur qui ades tuetur, ex Accurtio.

250.n.4.

Edituus non sic olim, sed Editimus dici solebat, vt notat

I N D E X . I

- notat Varro . 250.n.5
- Electio, seu postulatio facta sub ea forma, prout melius de iure valere potest, nulla est. 389.n.20
- Embola quid significet in l.iubemus. 325.n.2. & sequent. usque ad 8.
- Emphyteusis natura est, ut dominium utile in emphyteutam transferatur. 592.n.1
- Emphyteusis nec per contractum, nec per testamentum potest transire in potentem, tamen per legitimam successionem potest. 593.n.2.
- Emphyteusis non potest alienari irrequisito domino. 594.n.3
- Emphyteusis secularis confiscari potest, non ecclesiastica, siue possit transire ad heredes extraneos, siue non. 596.n.4
- Emphyteusis ecclesiastica non solum potest intra biennium repeti a fisco per ecclesiam, commisso delicto, sed ad fiscum numquam transire poterit. 602
- Emphyteusi instituta, quamuis pensio ex fundo solui debeat, & in fundo detur ius emphyteuticarium, non tamen censetur res emphyteutica hypothecata pro pensione. 340.n.7
- Emphyteusi extante indiuisibili, & feudis indiuisibilibus extantibus, potior est causa patrum. 514.n.14. & 515.n.15.
- Episcopus ligatur suis statutis. 452.n.15
- Episcopum posse duos canonicos eligere, qui in eius seruitio commorantes pro praesentibus habeantur, & fructus omnes suorum beneficiorum, exceptis

I N D E X . I

2. *ptis distributionibus quotidianis, percipiant.*

157.n.19.

*Episcopi quando concurrunt cum inquisitoribus. in
negotys fidei, preferuntur inquisitores, cum sum-
mum Pontificem in ea causa specialiter represen-
tent.* 3.n.1

*Episcopi tamquam delegati a sede Apostolica pos-
sunt diuidere tertiam partem fructuum, & eam
applicare distributionibus quotidianis, ut extat
in quodam loco conc. Trid.* 217.n.3

*Exceptio reservationis generalis aliquando non im-
pedit restitutionem, aliquando impedit, quam ali-
quando non impedit exceptio reservationis spe-
cialis.* 302.n.13. & 14

*Excommunicatus pendente appellatione, de qua bo-
na fide confidit, potest se gerere tamquam non
excommunicatus.* 94.n.19

*Executor testamentarius dotem relictam virgini-
bus certa ciuitatis, aut loci conferre potest virgi-
nibus territorij illius ciuitatis, vel loci, quia hoc
etiam ex mente testatoris apparet, etiamsi non
expresserit.* 141.n.2

Exempla non coarctant regulam. 471.n.3

F

*Eudum venit ex concessione dominica, & non
ab intestato.* 113.n.13

*Eudum non defertur ad instar successionis ab inte-
stato.* Ibid.

Feudis

Feudis

I N D E X.

- Feudis indiuisibilibus extantibus, & emphyteusi indiuisibili data, potior est causa patruī. 514. n. 14. & 515. n. 15.*
- Fictio non extenditur de casu ad casum. 524. n. 23*
- Fictiones, & presumptiones iuris, aut iuris & de iure non dantur, nisi lege iubente, vel necessitate urgente. 553. n. 5*
- Filius vel filia per matrimonium non liberantur a patria potestate de iure communi. 457. n. 1*
- Filius, & nepos simul vocantur ad hereditatem. 505. n. 7.*
- Filium non posse institui sub conditione, quæ in eius potestate non est, est principium apud omnes receptum. 63. n. 6*
- Filij in potestate patris renocari possunt. 462. n. 10*
- Fingere est aliquid facere, aut dicere, quod non est. 506. n. 6.*
- Forma vniuscuiusque rei ad ipsius existentiam totaliter debet interuenire. 321. n. 13*
- Fructus alicuius rei ut percipiantur legitime, requiritur possessio rei naturalis, & civilis, vel saltem civilis. 30. n. 8*
- Fructus rei, quæ hypothecatur, numquam censentur hypothecati, nisi quando expresse subiunguntur hypotheca, vel sint pendentes. 352. n. 28*
- Fructus non consumpti per beneficiarium resignantem, sed extantes, quos beneficiarius percepit post admissam renunciationem, restituere debet; vel si eos non recepit, minime illi reddendi sunt. 28. n. 6.*

I N D E X.

G

Gradus est habitudo distantium personarum,
qua cognoscitur quota agnationis, seu cognationis. 522.n.22

Grauitas materiae facit quod multa denegata censeantur, quae alias concederentur. 488.n.10

H

Habens actionem ad aliquam rem, eam alteri legare potest. 534.n.6

Heres heredis mei, meus heres est. 198.n.8

Heredes licet possint absque peccato vindictae, & odij vindicare necem defuncti, accusando occisorem in iudicio, tamen quia id magnum periculum continet, lex, Heredem, videtur abijisse in disuetudinem. 183.n.4

Hereditas codicillis dari, & in illis fieri directa institutio nequaquam potest. 392.n.21

Hypotheca non auget obligationem, sed tantum eam confirmat. 243.n.4

Hypotheca nulla est adeo fortis, ut statim fiat (absque alia partium conuentione) excussio, relicto debitore principali. 344.n.14

Hypothecatae rei qualiscumque sit possessor, si creditori soluat debitum, potest creditor remoueri ab hypotheca. 243.n.4

Imploran-

Impetrantes quid in l. Medicus patronus. 402.n.2
 -Incarceratus sine sua culpa distributiones lucratur.

154.n.16.

Incertitudo qualibet in electione, & postulatione,
 utpote actibus legitimis, & grauissimis, est vi-
 tanda.

390.n.20

Iniuria manifesta quid.

584.n.4

Instituentes maioratū. videntur se conformare cum
 dispositione iuris communis.

500.n.2

Insulam hodie volens Romæ construere, cogere po-
 test dominos minorum adium, ut sibi vendan-
 tur.

569.n.4

Interpretatio denotat aliquid a parte rei esse, & po-
 test declarari.

477.n.4

Inutilitas quando datur in parte essentiali, nempe
 in forma, tunc utile per inutile vitatur improprie
 & minus principaliter.

390.n.20

Iubens restituere possessionem, iubet etiam fructus
 restituere.

210.n.18

Iudex nullus, siue ordinarius, siue delegatus potest
 aliquas sententias proferre contra officiales sum-
 mi Pontificis.

83.n.16

Iudices dum faciunt edictum, representant perso-
 nam publicam, dum facientes contra edictum
 peccant, representant personam priuatam.

451.n.13.

Julius Caesar Dictator prius constituit legem Iuliam

I N D E X . I

- de adulterijs, quam Augustus Cæsar Octavianus
iterum de nouo sanciuir. 455.n.3
- Ius ciuile erat interpretatio prudentum. 237.n.7
- Ius ciuile sapius ex conuentionibus iuris gentium
contractus instituit, a quo etiam nomen sortiun-
tur. 273.n.3
- Ius datur aliquando in re diuersum ab hypotheca,
Et fundus hypothecatus manet pro ipso censu,
qui in fundo impositus est. 337.n.4
- Ius neutri acquiritur absque actuali traditione, qua
in usu illius iuris consistit. 474.n.4
- Ius alicui competens ex natura rei, propter maius
bonum non tollitur, licet causa publica versetur,
Et id, quod meum est, sine facto meo auferri non
potest. 476.n.4
- Ius naturale non infringitur, quando propter ali-
quam circumstantiam ipsum ius naturale cessat.
492.n.15
- Iurisconsulti semper proprie loquuntur. 446.n.7
- Iurisconsultorum aliqui solebant respondere secun-
dum principia iuris, alij vero secundam praxim,
Et stylum. 539.n.6
- Iureconsultos habuisse olim potestatem condendi de
re ex permissione, tenet Bart. 233.n.3
- Iuris tertij causam nemo potest tractare, nec de ea,
opponere ad excludendam actionem contra se op-
positam. 288.n.11
- Ius tertij potest quis opponere, si ex ipsa oppositione
ius suum concludat. 289.n.12
- Iure tertij licet quis non possit agere, tamen potest
pars

- pars excipere de illo, quando ex eo parti defen-
 sio, vel ius competit. 290.n.14
 Iurispatronatus ecclesiastici successionis controuer-
 sia orta inter patrum, & nepotem potior est cau-
 sa patrum. 515.n.16
 Iura gentium sunt immutabilia, et omnes obligant.
 444.n.5
 Iura, & actiones, quæ aduersus aliquem compe-
 tunt, non dissoluantur per ingressum religionis.
 472.n.4.

L

- Licus potest inuestiri tamquam procurator de
 beneficio ecclesiastico, & præstare iuramen-
 tum. 375.n.8
 Latus clauus quid. 581.n.2. & 3
 Lex non cessat cessante ratione legis. 433.n.7
 Lex pænalis, vel exorbitans quando sit extendenda
 ex ratione legis, vel non. 434.n.7
 Lex duodecim tabularum proximum vocauit ad he-
 reditatem intestati. 504.n.6
 Lex numquam inducit fictionem, nisi ubi adest equi-
 tas. 506.n.8
 Lege inducente hypothecam, absque vlllo dubio con-
 trahitur hypotheca. 335.n.2
 Lex tria habet aliquo modo inter se diuersa, verba,
 mentem, sententiam, seu voluntatem, rationem,
 seu finem. 260.n.6
 Lege sancitum est apud Lusitanos, vt index eccle-
 siasticus

I N D E X . I

siasticus tractet eam causam, in qua petitur res
emphyteotica, ex eo quod vita sunt finita.

590.n.13.

Leuitas materia in omnibus fere causis excusat.

419.n.12.

Licentia facta coniugi defuncto testandi de omnibus
bonis tam presentibus, quam futuris, non vale-
bit.

377.n.3

Locator tenetur ad factum, nempe prestare pacien-
tiam, & facere, quod conductor re. locata fru-
atur; si id non facit, tenetur solum ad interesse.

245.n.7.

Lubricum quid, in l. in fideicom.

545.n.1

M

Maioratus non possunt alienari a possessore
eiusdem maioratus.

284.n.3

Maioratus competit primogenito, non tamquam he-
redi, sed tamquam singulari successori.

517.n.17

Maioratus non potest pertinere ad extraneos.

541.n.3.

Maioratum successores ex testamento a primo in-
stituyente maioratum capiunt.

509.n.11

Maioratus institutis in contractu ex consuetudi-
ne Hispania, censetur translatio domini impediri.

284.n.3

Maioratus successio semper ad proximos ex insti-
tuentis voluntate pertinet.

503.n.3

Maioratum successio regulariter ad patrum perti-
net,

net, nisi mens testatoris aliud voluerit. 508.n.10
 Maioratum successio an ad patrum, vel nepotum
 pertineat. 516.n.17

Maina cui conceditur, minus etiam concedi cense-
 tur. 266.n.14

Mandatum morte mandantis non extinguitur, si
 res non est integra. 19.n.5

Materia beneficalis redacta est ad instar testamen-
 torum. 353.n.30

Materia dotis tractanda est secundum equitatem.
 1.543.n.7.

Matrimonium factum coram paroco non consen-
 tiente contractui matrimoniali, validum est.
 164.n.2.

Matrimonium non valet, quando parochus non fuit
 adhibitus ad talem actum, sed forte sacris inter-
 fuit, vel per viam transiit. 166.n.2

Matrimonium factum coram paroco, qui data ope-
 ra nollet audire, vel intelligere, erit validum.
 166.n.3.

Matrimonium non sufficiet sine paroco celebrare,
 in facie ecclesie, id est in valvis ecclesie, vel in
 ecclesia coram populo. 167.n.5

Matrimonium est contractus ultro, citroque obliga-
 torius. 469.n.2

Matrimonium ratum inter fideles dissolvitur per in-
 gressum religionis. 470.n.3

Matrimonium (sicut & alia sacramenta) est actus
 legitimus. 475.n.4

Matrimonium ratum iure diuino positiuo est indisso-
 lubile.

I N D E X . I

- lubile 478. n. 4
 Matrimonium est triplex, alterum de iure naturalis,
 ut nunc inter infideles, vel in lege veteri; alterum
 ratum inter fideles; tertium vero consummatum
 inter ipsos: Et utrumque, id est tam ratum, quam
 consummatum est sacramentum. 478. n. 5.
 Matrimonio facto in articulo mortis, cum concubi-
 na, ex qua aliquis liberos habebat, an excludan-
 tur substituti. 427. n. 2.
 Matrimonio extante, filius, vel filia de iure commu-
 ni non liberantur a patria potestate. 457. n. 1.
 Matrimonium ratum, non vero consummatum ex
 causa potest Pontifex dissolvere. 489. & 490.
 num. 12.
 Matrimonium, ut contrahatur, per procuratorem
 requiritur speciale domini mandatum. 488. n. 10.
 Matrimonio rato relicto, ad religionem conuolarunt
 aliqui Sancti per reuelationem. 472. n. 4.
 Matrimonia celebrata coram illis qui non sunt ve-
 ri Parochi, sed tales reputantur, sunt valida.
 pag. 168. num. 6.
 Mens Summi Pontificis in interpretatione sacra-
 Scripturae est recipienda, Et ab eius definitione
 non est recedendum. 485. n. 9.
 Minor restituitur fere in omnibus causis spiritua-
 libus, praeterquam in matrimonio si contractum
 est, Et in sponsalibus. 373. n. 5.
 Minor & ecclesia non restituntur in delictis. 566.
 num. 12.
 Modus, & conditio resolutiua non suspendunt a-
 ctum.

- Flum. 53. n. 32
 Monasterium non excludit substitutum, qui erat
 successurus post mortem monachi & mittatur
 votum in articulo mortis. Idem de eo qui contra-
 xit matrimonium in articulo mortis cum ea ex
 qua liberos susceperat. 437. n. 10
 Monialis si durante anno probationis curanda va-
 letudinis causa de licentia abbatissæ exierit a
 monasterio, an iterum reuersa possit annum ad-
 implere. 372. n. 4
 Mutuum pateat, dicere est Doctorum opinio. 5
 pag. 553. num. 5
 Mutuatarius rei mutuata dominus fit. 552. n. 2

N

- Nemo potest sibiipsi imperare. 442. n. 2
 Nemo soluitur, nisi qui ligatus est. 445. n. 7
 Nemo presumitur immemor salutis eterne. 437.
 num. 11
 Nepos representat patrem suum cum omnibus qua-
 litatibus. 520. n. 21
 Nepos, cuius pater in acie belli perijt, an patrum
 excludat in successione maioratys. 522. n. 23
 Novitius durante anno probationis, si causa cu-
 randa valetudinis de licentia Superiorum a mo-
 nasterio exierit, & postea reuertatur, perinde est
 ac si numquam egressus fuisset, & eodem tempo-
 re poterit professionem emitte, quo emissurus
 esset si non exisset. 372. n. 3

Novitius exiens de monasterio intra annum probationis, an postea reuersus ad idem monasterium, possit adimplere annum probationis. 370.n.2

— 370.n.2

— 370.n.2

— 370.n.2

Obligatio minor semper in dubio censetur imposita, & ita magis præsumitur actio personalis, quàm hypothecaria, & hypothecaria magis quàm actio in rem fundo coherens. 347.n.19

Officia inheredes non transeunt. 329. num. 6. saltem regulariter. 335. n. 11

Omnia dicta de prælato intelliguntur de gubernatore suo regulariter. 349. n. 3

Opinio Brixiensis doctoris antiqui merito refutatur circa regulam utile per inutile. 383. n. 8

Ordinarij, vacante Sede Apostolica, non possunt conferre beneficia vacantia in mensibus reseruatiss Summo Pontifici. 17. n. 3

Ordinatio quædam Lusitaniæ defenditur a calumnia Emmanuelis a costa & eius sequatium. 459. n. 6

Ordinationes Regiæ non censentur velle unico verbo ius commune corrigere. 429. n. 3

Ordinationes exigentes matrimonium esse consummatum id solum volunt, quod in legitimo matrimonio cohabitent. 428. n. 3

— 428. n. 3

Pactum nudum, per quod priuati promittunt ali quid, conuentio iuris gentium est, tamen contractus

I N D E X.

- tractus iuris civilis dicitur, si certis verbis val-*
lata sit ea promissio. 273.n.3
Parentibus concessum est ab Imperatore Iustiniano,
ut possent substituere liberis cuiuscumque ata-
tis non valentibus testari propter furorem, vel
aliud morbum. 119. n.6. in fine.
Parochia noua potest ab Episcopo erigi si quattuor
interueniant. 186. n.3. 187. 188. 189
Parochi nomine intelligitur in matrimonijs cele-
brandis Vicarius perpetuus, & qui ad nutum in-
stituitur. 169. n.7
Parocho inuito, et eo qui aliquod ius in ecclesia ve-
teri habet, non potest erigi alia noua parochia
regulariter. 186. n.2
Partes substantiales dicuntur in nostro iure sine qui-
bz actus non potest subsistere, quæ etiam ali-
quando essentiales nuncupantur. 386. n.14
Pater & filius censentur vna & eadem persona.
pag. 505. num. 6.
Patria non solum dicitur locus ille in quo quis na-
scitur, sed etiam communiter dicitur patria ter-
ritorium in quo quis nascitur. 142. n.2
Pecunia duplicem habet usum: vnum præcipuum,
alterum non tam præcipuum. 275. n.2
Pecuniæ commodantur secundum usum minus præ-
cipuum, mutuantur vero secundum usum magis
præcipuum. 276. n.2
Pecunia subtrahita cinitati Romana committitur cri-
men peculatus. 537. n.2
Pecunia non est res apta fatum edere. 555. n.9
Pensio

- Pensio est onus reale, annexum ipsi ecclesie, quod sa-
 ne ab hypotheca differt. 343.n.12
 Pensio constituitur hodie de stylo super fructibus, &
 distributionibus quotidianis. 356.n.37
 Pensione constituta a Papa super fructibus, non cen-
 setur constituta super distributionibus quotidianis, nisi aliud ex subiecta materia, vel mente
 partium colligatur, 353.n.31
 Pensione constituta super beneficio tantum, canonici non tenentur soluere pensionem illius tempo-
 ris quo beneficium vacauit. 356.n.35
 Pensione constituta super fructibus, & distribu-
 tionibus, an canonici teneantur soluere pensionem
 illius temporis, quo beneficium vacauit. 356.n.37
 Pensione constituta super fructibus beneficii (dum-
 modo non sint pendentes) si ad colonum, vel a-
 lium singularem successorem deueniant, non sunt
 hypothecati, 363.n.44
 Peregrinus quid, in l.1.C.de hered.instit. 571.n.2
 Peregrinum non posse, quemquam constituere here-
 dem, in praxi non observatur apud nos. 575.n.8
 Peregrinos, id est non ciues Romanos, non poterat
 olim ciuis Romanus heredes instituere: at, vero
 per viam fideicommissi poterat, isdem peregrinis
 relinquere quidquid vellet. 573.n.4. & 579.n.7
 Pena dupliciter accipitur, vel pro priuatione cu-
 iuscumque boni, vel pro afflictione illata a lege,
 in aut superiore aliquo. 557.n.4
 Pena legis Pompeia de parricid. 495.n.1
 Pene omnes late aduersus criminosos, & delinquen-
 tes,

I N D E X.

- tes, censentur lata contra hereticos. 662. ad fi.*
Pontifex non censetur in dubio inferre praiudicium
tertio. 361. n. 41
Possessio ficta non parit interdictum recuperanda;
436. n. 9.
Possessor beneficiorum dimissorum facit fructus
suos, non sic possessor beneficij reseruati. 296. n. 4.
Possessor beneficij non habens titulum, quantum-
cumque sit in bona fide non facit fructus suos tam
extantes, quàm consumptos. 297. n. 5
Possessor bonæ fidei regulariter non debet compensa-
re fructus, quos fecit in melioratione, nisi in casi-
bus a iure expressis. 544. n. 9. & 10
Possessores maioratus non sunt domini absolute, nec
plene. 542. n. 5
Potentia est superuacanea, quæ numquam reduci-
tur ad actum. 479. n. 6
Præceptum nouum denotat principem aliquid de-
se constituere propter rationem boni communis.
477. n. 4
Prædo habet officium Iudicis, & doli mali exceptio
non deest illi. 228. n. 3
Prædone rem meliorante dolo, non datur exceptio
doli mali; secus autem si sine dolo meliorauit.
pag. 229. num. 6
Præstatio omnis in testamento relicta, vel indisposi-
tionem simili super aliquo fundo, inducit hypo-
thecam ipsius fundi. 335. n. 2
Præstatio nulla extra testamentum, vel aliam simi-
lem dispositionem relicta super aliquo fundo in-
ducit

I N D E X.

ducit hypothecam, nisi contrarium lex disposue-
rit, vel contrahentium voluntas suaserit. 337.
num. 5

Præstatio relicta ex prædijs non inducit hypothecā,
& nisi ex verbis, vel ex mente partium colliga-
tur, non debet inducta iudicari. 338.n. 5

Præstatione relicta in testamento super aliquo fun-
do aliquando duplex reperitur hypotheca. 336.
num. 3

Præsumptio, alia est definitiva, alia suppositiva.
pag. 563. num. 5

Præsumptio in fauorem publicum inducta non ad-
mittit probationem in contrarium, nec confes-
sionem partis. 563.n. 6

Præsumptionis definitiva alia est in fauorem pu-
blicum principaliter, alia in priuatum. 563.
num. 6

Præsumptionis definitiva, & suppositiva differen-
tia maxima assignatur. 564.n. 8

Prætoris est æstimare an sua sit iurisdictio: voca-
ti autem non contemnere auctoritatem Prætoris.
pag. 72. num. 5

Princeps vt persona publica vi directiua obligatur,
non coactiua. 448.n. 11

Princeps vt persona priuata, attento iure communi
antiquo, & vi directiua, & coactiua obligatur,
a coactiua tamen fuit liberatus per legem hu-
manam. 449.n. 11

Princeps est potissima pars reipublicæ. Ibid.

Princeps potest disponere de rebus, & iuribus priua-
torum

- torum in bonum commune. 477.n.4
- Principes duæ personæ sunt, una priuata, altera publica, ut in iudice. 447.n.10
- Principem sine causa posse tollere ea, quæ aliqui acquirunt per contractus a iure civili inuentos, intelligendum est, quando contractus est simpliciter institutus a mero iure civili. 273.n.4
- Priuatio præsupponit habitum. 445.n.7
- Priuilegium concessum alicui, ut percipiat decimas, intelligitur non solum de antiquæ terre decimis, sed de noualium decimis. 263.n.9
- Priuilegium concessum religiosis ne soluant decimas, solum se extendit ad prædia eorum propria, non vero ad aliena. 285.n.4
- Priuilegia concessa religiosis de non soluendis decimis, restringenda, & non amplianda sunt. 287.n.8.
- Probatio liquida dicitur, quando ex præsumptionibus fortioribus iudex id arbitratur. 377.n.12
- Procliuior sum quid. 546.n.2
- Prohibitus alienare non fauore sui, sed fauore alterius, non potest delinquendo transferre id in aliquem. 595.n.4
- Protestantes olim, uel denunciantes aliquid, solebant in tabulis defixis id publice proponere. 214.n.5.
- Proximi appellatione (in lege disponente) de solo patruo intelligitur. 509.n.11
- Publice non fit, quod non habet solemnitates requisitas. 168.n.5
- Quæ-

19 2

Questiones de pane lucrando multis placent,
magis, quàm curiosæ, & subriles. 548.n.1

R

Reditus beneficij integre percipi ab illo, qui nel
sacram Theologiam, vel ius canonicum edo
cet in academijis, iure communi cautum est.

155.n.19.

Regnum est indiuisibile, & ad vnum tantum perue
nire debet. 513.n.13

Regula vtile per inutile duplicem sensum habere
potest. 384.n.11

Regula vtile per inutile non vitatur, procedit
tam in actibus diuiduis, quàm in indiuiduis.

399.n.27.

Religiosi attento iure communi possunt conueniri co
ram Episcopo, & ipsi alios coram eodem conue
nire debent, ipso iure communi attento. 583.n.1

Religiosi impetrant litteras a summo Pontifice, ut
habeant conservatores, eorum quibus possint con
uenire aliquos super certis causis. 583.n.2

Renunciacione facta in fauorem certa personæ, nul
lare addita, resignans perdit beneficij titulum,
& possessionem. 45.n.21

Renunciacione facta cum conditione, Non aliter,
nec alio modo, quam constat summum Pontifi
cem

tem acceptasse, asserendum est, quod resignans non perdit titulum beneficij; nec possessionē, quousque resignatarius possessionem beneficij resignati ingrediatur. 50. n. 27.

Renunciatione generali casuum fortuitorum facta, veniunt aliqui casus insoliti. 487. n. 10.

Renunciatione facta nullam cōditionem summus Pontifex admittit de stylo hodierno, ut patet in literis beneficalibus ex eius narratione, cui standum est. 45. n. 23.

Renuncians simpliciter beneficium, potest percipere fructus; quousque resignatarius possessionem beneficij consequatur, secundum opinionem Rebuffi. 14. n. 2.

Renuncians beneficio; semper habet insistentiam, quandam coloratam; donec resignatarius ingrediatur possessionem beneficij; ita ut si beneficium spoliatur, debeat restitui, secundum aptiorem sensum decisionis Rotæ. 38. n. 16.

Renunciās beneficio ex causa falsa, quā putat verā esse, non excluditur a titulo beneficij. 296. n. 3.

Repetitio eius, quod datum est, vel dimissum, ex causa; ea non secuta, datur. 295. n. 3.

Representatio est fictio. 502. n. 3.

Representatio est privilegium nepotibus, vel alijs personis concessum. Ibid.

Representatio inducta in successione ab intestato, non extenditur ad successiones testamentarias. Ibid.

Representatio de iure antiquo inducta fuit inter ascen-

I N D E X.

- ascendentes, & descendentes.* 510.n.11
Representatio datur in feudis propter iura specia-
lia feudorum. 514.n.14
Representatio in quacumque materia non admitti-
tur ultra gradum. 519.n.19
Representatio datur inter ascendentes in infinitum,
& in stirpes succedunt, etiamsi aequales succe-
dant. 527.n.25
Representatio est privilegium, & fictio, & ideo re-
stringenda. 528.n.25
Representatio non datur inter fratres. 529.n.25
Rescripta Apostolica equiparantur dispositionibus
testamentorum. 342.n.11
Res omnis ab initio libera presumitur, hypotheca
vero est onus rei impositum, & inducit quodam-
modo onus, & quasi servitutem. 337.n.5
Res aliqua introducta in fauorem alicuius, non de-
bet retorqueri in eius odium. 463.n.10
Res prohibita simpliciter aliquando conceduntur
propter varias circumstantias. 485.n.10
Respublica, siue rex dans salarium sufficiens pro
seruitio impenso, non tenetur seruitia remunera-
re. 534.n.8
Reservatio etiam generalis inficit possessionem be-
neficij. 302.n.13
Reservatio beneficiorum familiarium Cardinalium,
aut collectorum, vel officialium Papæ, censetur
specialis. 303.n.17
Resignans beneficium in manu superioris acceptan-
dis renunciationem, postquam superior accepta-
uit,

uit, nec habet titulum, nec possessionem naturalem, aut civilem, sed solum facti insistentiam. 30.n.9

Resignante aliquo cum illa clausula, Non aliter, nec alio modo, non acquireret resignatarius dominium beneficii, quantumcumque litteræ expedite fuerint in forma gratiosa; sed tunc quādo realiter ingressus fuerit possessionem beneficii resignati. 57.n.37

Responsa prudentum erant sententiæ, & opiniones eorum, quibus permissum erat iura condere. 238.n.8.

Responsio Ioannis Guterres acute refutatur circa onera dignitatum. 366.n.47

Reo in causa procedente, superioremque de ea cognoscente, datur inhibitio notissima iuris. 87.num.11.

Rex siue respublica tenetur seruitia impensa remunerare. 533.n.3

S

Sacerdos habens decem hostias in altari, & intendens consecrare nouem, nullam consecrat, quia non datur intentio certa. 398.n.25

Sacramentum aliquando significat obligationem, aliquando mysterium, & rem designantem aliquid sanctum. 479. & 480.n.6

Scientia actus requiritur tantum in eo, quo præsentē

I N D E X. I

sente actus fieri debet, non tamen voluntas.

165.n.2.

Sententia est actus indiuiduus.

382.n.8

Sententia regis habent legis vigorem.

523.n.23

Singulis quando aliquid competit vt singulis, debent ipsi singuli in ea re consentire, ne sine suo facto sua res sibi subtrahatur.

146.n.1

Sponsalia clandestina non irrita censentur, licet concil. Trid. irritauerit clandestina matrimonia.

173.n.11.

Sponsalia contrahens cum duabus, & vni adiudicatus, si hæc moriatur, non est obligatus cum alia matrimonium celebrare.

170.n.10

Statutum disponens quod vir lucretur dotem, si vxor premoriatur matrimonio consummato, intelligitur non posse lucrari eam dotem, nisi matrimonium fuerit per carnalem copulam consummatum.

432.n.5

Statutum disponens de re ficta vt de vera, & eodem effectus illi tribuens, comprehendit casum verum, & fictum.

436.n.9

Statuta particularia iuris communis dispositionem non possunt tollere.

157.n.19

Statuta Legatorum, & Episcoporum sunt ad instar iuris prætorij.

161.n.21

Stipulatio alteri facta de iure canonico valet.

519.n.18.

Subrogatus sapit naturam eius in cuius locum subrogatur.

2.n.1. & 549

Substitutio est in locum alterius subrogatio.

116.n.6

Substitu-

*Substitutio concepta quibusdam verbis ex doctrina
Pauli Castrensis.* 132.n.12

*Substitutio pupillaris ut alicui fiat, requiritur,
quod ille sit in potestate.* 458.n.2

*Succeſſione ab intestato data melior est causa nepo-
tis.* 506.n.9

*Succeſſorem singularem, data rei hypotheca, cogen-
dum esse stare colono statuunt ordinationes Lusita-
tan.* 248.n.9

*Summus Pontifex potest ex causa dissolvere ma-
trimonium ratum, non vero consummatum.*

489. & 490.n. 12.

*Summum Pontificem verbis insuetis uti verisimile
non est.* 480.n.5

T

T*ransire quæ possunt ad heredes extraneos, trã
seunt in fiscum.* 595.n.4

Tectorium quid. 421. per totum cap.

*Tempus probationis est indultum non solum in fauo-
rem conuersi, sed etiam monasterij.* 371.n.2

*Tenetur si quis ad factum regulariter soluendo in-
teresse liberatur.* 245.n.7

Tessera frumentaria quid. 308. usque ad 311

Testamentum usque ad mortem reuocari potest. 175.n.2.

*Testamentum conditum a duobus coniugibus cen-
sentur duo testamenta.* 438.n.12

*Textu non decidente principaliter vnã rem, sem-
per præmittendi sunt termini habiles in illa re.*

de qua textus principaliter non loquitur. 90.n.11

INDEX.

- V** Erba indispositione hominis intelligenda sunt
proprie; & vere, non fide, praesertim quan-
do eu in vim conditionis prolata sunt. 60.n.2
Verba accipienda sunt naturaliter, & non fide. 436.n.9.
Verba proprie sunt accipienda in pœnalibus. 538.n.5
Vicarius exercens iurisdictionem Episcopi, nec tam
exacte eum repraesentat, nec est ab eo delegatus,
sed solum ordinariam Episcopi iurisdictionem
exerret. 13.n.6
Vicarium praecedere capitulum in synodo probatur
tribus fundamentis. 2.n.1
Vicarium praefendum esse omnibus clericis, quan-
do dicitur a DD. non comprehendunt canonicos
per viam capituli congregatos. 14.n.7
Vincula spiritualia fortiora sunt quam carnalia. 484.n.9.
Vinea data a patre possessore maioratus in dotem
filiae superstiti nepote, vendicari non possunt in
vita possessoris maioratus. 374.n.6
Vir, & uxor quando faciunt mentionem de liberis,
intelligitur de natis ex suo corpore, siue testamen-
tum conditum sit in salute, siue in articulo mor-
tis, nisi contrarium probetur per coniecturas. 605.n.2.3.4.
Virge sanguinea quid. 496.n.2
Visitatio ad inquisitionem criminum, & morum re-
forma-

- formationem, correctio vero ad delinquentis pu-*
nicionem recte referri possunt. 224. circa med.
Ulpianus Iurisconsultus, teste Budeo, est propieta-
ris, & elegantiae studiosissimus. 466.n.7
Vnio, quae significatur per matrimonium ratum, non
semper est perpetua; at vero vnio, quae significa-
tur per matrimonium consummatum, perpetua
id est. 481.n.7
Voluntas testatoris deambulatoria est usque ad mor-
tem. 175.n.2
Vsurā dari absque mutuo probant aliqui. 554.n.6
Vsura significat quemlibet usum rei. 555.n.8
Vsura prohibita est propter triplex malū. 555.n.9
Vsura versatur in contractu locationis, & in actio-
ne negotiorum gestorum. 557.n.12
Vsura est contractatio lucri veri, sorti accidentis ra-
tione mutui veri, aut impliciti. 558.n.13
Vsurae crimen extra mutuum committi nolunt fere
omnes Doctores. 551.n.1
Vsuram in omnibus contractibus Iurisconsulti indi-
stincte agnoscebant. 553.n.4
Vsura secundum veram, & magis communem sen-
tentiam non datur nisi in contractu mutui expres-
so, vel tacito. Ibid. & n.12. & 13
Vsus & consuetudo loquendi praefertur proprietati
verborum. 125.n.8
Vsusfructus inheret personae eum habenti. 542.n.6
Vsus pecuniae nullus est, nec ab ipsa pecunia seorsum
estimari potest. 552.n.2
Vtile per inutile non vitiatur. 379.n.1
Vtile

I N D E X . I

utile dicitur validum in iure , inutile vero inuali-
dum. 383.n.10


Utile per inutile non vitiatur, nisi inutile concernat
substantiam actus, vel lex, aut mens contrahen-
tium suaserit contrarium, vel de inutili non con-
stet. 384.n.12

Vua abscissa in guttere serui, & ipso conualecente,
quæ nec amplius renascitur, non datur redhibi-
tio; secus si non conualuit, vel vua renascitur.
102.n.5.

F I N I S .

E R R A T A .

Pagina 19. linea 3. re. lege res. 46. 11. renunciatis. l. renuncian-
tis 56.28. resignatarius. l. resignans. 73. 3. rescriptio. l. rescripto. 77. 19. vi-
ra. l. ultra. 177. 20. facta. l. facta. 266. 1. Arch. episcopus. l. Archiepiscopus.
247. 14. afferunt. l. allerunt. 307. 2. veeba. l. verba. 310. 8. singum. l. lignum.
315. 7. belle. l. bene. 324. 25. ambolam. l. embolani. 338. 3. ff. l. ff. de. 342. 3.
Felinus. l. Felini. 358. 2. isofet. l. solent. 363. 4. d. l. d. S. idem lin. vlt. 364.
1. deest nu. 371. 10. castra. l. claustra. 375. 1. fororis. l. forori ibid. 16. recu-
per. deest posse. 395. 3. vitiatur. l. non vitiatur. 397. 6. d. l. leg. 3. S. & lin. 9.
debeatur. l. debebatur. 399. non vitiab. l. vitab. 418. 14. lex. l. leg. 419. 3.
Negazant. l. Neguzant. ibid. lin. vlt. quos. l. quod. 433. 11. c. 1. l. 2. 430. 3. C.
bonis. l. C. de bonis. 475. 12. in dissolubilitatem. l. indissolubilitatem. 431.
25. bigam. l. debigam. 499. 11. Ar. ebelli. l. acie belli. 510. lin. vlt. indiu-
sibilium. l. diuisib. 530. 26. lex. l. lex. 534. 23. tenere. l. teneri. 538. 6. exer-
ceret. l. exercet. 582. 10. qua. l. de quibus. 585. 2. mona. sterij. l. mona-
sterij.



Registrum.

*A B C D E F G H I K L M N O P Q R S
T V X Y Z.

Aa Bb Cc Dd Ee Ff Gg Hh Ii Kk Ll Mm Nn Oo
Pp. a b c.

*Omnes sunt quaterniones, prater c,
qua est duernio.*



Romæ,

Apud Dominicum Basam.

C I O I O X C V I.

Regium.

ALACHTER GIKIMNORGS

3. 7. 1. 2.

ALACHTER GIKIMNORGS

3. 7. 1. 2.

ALACHTER GIKIMNORGS
3. 7. 1. 2.



Regium.

ALACHTER GIKIMNORGS

ALACHTER GIKIMNORGS







